



F. X. 33.  
5-3-1











14-36-H-23

ALBERTI

# HERONIS

SNECANI FRISII, SACRAE THEOLOGIAE LICENTIATI, ET COLONIAE philosophiae quidem in Gymnasio Laurentiano, artium verò Mathematicarum publici & ordinarii professoris,

DE PROVIDENTIA DEI  
*Libri quinque,*

*In quibus immensi & aeterni DEI providentia, noua methodo, & nouis plerisque argumentis contra impios philosophos, & totum populum Atheorum defenditur.*

*Collegij. Rom.*

*Ἐστὶ δίκης ὁφθαλμὸς ὁς τὰ πάντα ὁρᾷ.*

*J. Pauli Nicolai*  
COLONIAE.

*Apud Maternum Cholinum*

Anno M. D. LXXXII.

*Cum Gratia & Privilegio Caesaræ Majest.*



1847

1847

1847

1847

1847

1847

1847

1847

1847

1847

# AMPLISSI- MIS ET CLARISSIMIS

VIRIS, D. CASPARO KANNE-  
gieffer, D. Ioanni Maes, D. Hildebrando Su-  
derman, D. Melchiori à Mullem, D. Ge-  
rardo Pilgrum, inclytæ Reipublicæ Colo-  
nienfis consulibus, proconsulibus, & quæ-  
storibus, ac florentissimæ in eadem Repub.  
Academiæ prouisoribus vigilantissimis, to-  
tiq̃ue Senatorum prudentissimorum  
cœtui , Albertus Hero S necanus  
Salutem in Domino sem-  
piternam.



*Vm multa sint.  
viri amplissi-  
mi, quæ ad com-  
modam artiũ  
& disciplinarũ  
tractationem non parum mo-  
menti habere videntur, tum  
ordinis & methodi in ijs tradẽ-  
dis*

dis non postrema cura esse debet. Non enim ad perspicuitatem duntaxat facit via ac ratione rem quampiam explicare, verum fidelius quoque memoria retinetur. quicquid certo ordine pressum est, quā quod nulla methodi lege cohaeret. In theologia verò pulcherrima semper ea methodus mihi visa est, qua polemicae materiae, in quibus hoc potissimū spectatur, ut fidei hostes argumentorum robore victi dent manus, seorsim ab ijs tractantur, quae non tā victoriā de hostibus, quā lacrimas & emendationē fidelium captāt. Quoniam verò ad-

uer-

uersariorum, cum quibus theolo-  
 logo res est, tria sunt genera,  
 methodi ratio mihi postulare  
 videtur, ut cum horum uno-  
 quoque singulatim bellum geratur,  
 nec ante aduersarius mutetur,  
 quam si non debellatum, saltem  
 eo res perducta sit, ut is qui ex  
 aduerso est, iustam non habeat  
 repellenda fidei ratione. Seorsim  
 igitur; cum Pseudophilosophis,  
 seorsim cum ijs qui vel DEVM in  
 suis ignominijs colunt, vel quod sit  
 pater Domini nostri IESV CHRISTI  
 fateri nolunt, seorsim denique  
 cum ijs, qui ut Christum caput  
 agnoscant, à corpore tamen ip-  
 sius

*sus per nefarium schisma di-*  
*uiduntur, disceptari velim. At-*  
*que hanc theologicæ studiū rati-*  
*onem aliquot annos secutus,*  
*commentarios mihi de singulis*  
*disputationum generibus para-*  
*ui. Ex quibus illum hortatu tū*  
*aliorum amicorū, tum celeberrimi*  
*typographi Materni Cholini ordinis senatorij viri, pri-*  
*mum publico cōmittere visum*  
*est, quo contra impios philosophos*  
*Diagorā, Theodorū, Epicurum,*  
*Stratonē physicum, Auerroim,*  
*aliosq; atheos Deus rerum*  
*humanarum inspector & moderator,*  
*armis ipsi philosophiæ proprijs euincitur. Cum*  
*enim*

enim multi contra Iudeos & Mahumetanos Christo suam gloriam adseruerint: multi contra hereticos quæ, & ubi querenda sit vera Ecclesia è prophetis & Apostolicis literis demonstrarint, hætenus nemo extitit, qui contra primum genus antagonistarum integro volumine separatim decertarit. Cōsultius igitur iudicaui, si quicquam scribendum esset, in vacuum possessionem migrare, quàm more quorundam huius ætatis scriptorum in alienos labores inuadere. Cùm verò de patrono cogitarem, sub cuius tutela hoc opus in lucem emit-



teretur, vestrum mihi patrocini-  
 nium viri Amplissimi, multis  
 nominibus expetendum vide-  
 batur. Vos enim primo me in  
 collegium professorum huius a-  
 lmae Vniuersitatis cooptastis,  
 ac deinceps vestro favore ac be-  
 neuolentia prosequi non desti-  
 tistis. Cum igitur vestras Am-  
 plitudines tam praesentes habe-  
 rem, ac studiorum liberalium  
 tantos patronos & fautores ex-  
 pertus essem, facere non potui,  
 ut alios huius scripti *προσώπων* &  
 defensores quarerem. Semper  
 enim mihi illa Theognidis ad-  
 monitio placuit μήποτε τὸν παρεόντα  
 μηδὲς φίλοι ἄλλον ἐρίτωι, id est, caue ne  
 pra-

DEDICATORIA.

*presenti amico dimisso alium  
inuestiges. Vobis igitur, viri  
Amplissimi, hunc meum qua-  
temcunque laborem dico, ve-  
straq<sup>3</sup> fidei & tutela committo:  
vos illum pro solita vestra in  
literas earumq<sup>3</sup> cultores bene-  
uolentia hilari animo suscipere  
ne grauemini. Colonia è gym-  
nasio Laurentiano, 22. Martij  
Anno cId. Id. LXXXII.*

Vestrarum Amplitudinum  
deuotissimus cliens.

Albertus Hero Sneecanus.

\* S

PRAE-

# P R A E F A T I O   A D L E C T O R E M.



Ria sunt, amice lector,  
de quibus te in huius  
operis vestibulo admo-  
nendum duxi. Horum  
primū est, quānam res  
mihi causam de proui-  
dentia Dei scribēdi at-  
tulerit, alterum quid  
præ cæteris, qui ante me in eadem palæstra  
desudarunt, præstiterim, tertium quid ob-  
fuerit, cur non tam accuratè, quam optarem  
hoc volumen in lucem prodeat. Ad primum  
quod attinet, cum in varijs theologicę disci-  
plinæ capitibus explicandis multorum in-  
signium theologorum industriam enituisse  
viderem, molestè ferebam hanc de proui-  
dentia Dei materiam hucusque neglectam  
esse. Hæc enim semper mihi in primis di-  
gna est visa, in qua explicanda præstanti in-  
genio viri elaborarent; idque cum alias ob-  
causas, tum maximè quod hæc fidei per  
quam viuiamus, præcipua basis & firmamen-  
tum existat. Etenim si mihi hominem dede-  
ris, qui sacras literas diuino afflatu conscri-  
ptas esse neget, facile ab hac eum sententia  
dedu-

deducam, si modo res humanas à Deo curari persuasum habeat. Nam quæram ex eo, existimetne tantum esse humani ingenij acumen, ut suo Marte queat investigare, quæ sit vera hominis beatitudo, quæ eius parandæ ratio, quo ritu Deus ab humano genere colivelit, quomodo cum peccando offensus est placari, & huiusmodi alia sexcenta. Et cum viderit neminem, quantalibet ingenij laude clarus extiterit, ausum sibi harum rerum intelligentiam arrogare, sed vel omnes tacendo suam ignorantiam confessos esse, vel si quicquam de ijs dixerint, ad eorum auctoritatem respexisse, qui ista diuinitus edocti putabantur: si aliquid habeat ingenuitatis, haud negabit maiores esse humanæ mentis tenebras, quàm ut ipsa per se hisce de rebus quicquam certi statuere possit. Inferam mox ego DEVM, cui ipse res hominum curæ esse fatetur, non commissurum, ut cum alijs minutioribus in rebus nostro generi non desit, in eorum nos ignoratione versari permittat, sine quibus beatè viui non potest. Esse igitur cœlestem inter homines doctrinam, quæ harum quæstionum explanationem contineat. Porro cum quatuor in vniuersum sint doctrinarum genera, quæ ab earundem sectatoribus diuino magisterio ad homines peruenisse dicuntur, si probem

Idolo-

Idololatræ, Mahumetanos, Iudæos falsò hanc prærogatiuam suis erroribus vendicare, haud dubium erit, quin Christiana, tanquam diuinum munus, omnibus, qui salui esse cupiūt, sit amplectēda. Id aut̃ vt planum fiat, nō tā argumētis, q̃ simplici eorū quę ab ipsis docētur cōmemoratione est opus. Tam enim absurda & ei⁹ maiestate indigna sunt, quæ nō solū idololatræ & Mahumetani, sed etiam nostrę tempestatis Iudæi de absolutissima DEI natura comminiscuntur, tam infelicitè quæ sit vera hominis felicitas expediunt, tam grauitè in tradēdo vero Dei cultu impingunt, vt portento simile sit, adhuc inueniri homines, qui illorum doctrinam à Deo perfectam possint in animum inducere. Tanta igitur est veræ religionis cum prouidentia DEI res humanas administrantis coniunctio, vt is leui negotio ad Christi vocem in ecclesia audiendam possit adduci, in cuius animo fides diuinę gubernationis non vacillat. Exemplo sit nobis quod de seipso D. Augustinus libr. 6. confessionum cap. 5. cōmemorat; se nimirum Manichæa tabe infectum vetus instrumentum primo malorū principio cum reliqua Manichæorum turba acceptum retulisse, sed hunc errorem deposuisse dum eius animum cogitatio subiret, DEVM, cui res humanas curæ esse non  
dubi-

dubitabat, haud permissurum fuisse, vt tam excellens per omnes gentes earum auctoritas esset, nisi voluntatem suam per eas patefacere voluisset. Sed forte quemadmodum Antalcidas ei qui Marculem laudabat obstrepēs, quiseum vituperat interrogauit, ita mihi quispiam obijciat, non esse dubiū, quin tota fidei Christianæ structura huic dogmati velut fundamento innitatur, sed quis negat Deum humani generis curam habere, vt tam operosè illud probare fuerit necesse. Cui respondeo me non ignorare, quin melior, imò & maior pars humani generis, semper Deo mundi procurationem attribuerit. Verum & hoc scio, nullo non seculo insipientes fuisse, qui in corde suo dicerent non esse Deum. Et si aliquādo tale hominum genus repertum non esset, ea tamen est nostri æui infelicitas, vt præter Lutheranos, Calvinistas, Suenckfeldianos, Anabaptistas, Libertinos, etiam Atheorum vberimum prouentum afferat. Posteaquā enim Lutherus prætextu priuatæ inspirationis ad licetiosam illam quiduis in dubium vocandi audaciam vulgo præiisset, Christiani antea concordēs, breui tempore in sectarum & opinionū tam varia diuortia dissipati sunt, vt nōnulli cum in tanta disputatium rabie quos sequi debeant cōstituere nō possint, ad ecclesiā verò nō esse

esse redeundum apostatico spiritu instigati, tanquam certum ponāt, omnes omnino religiones, velut discordiæ fomites auersari incipiant. Pro horum igitur salute cum etiam **CHRISTVS** mortuus sit, charitas Christiana postulat, vt pro virili quisque remedia, quibus aspirante diuina gratia tam exitiali morbo leuari possint, in medium afferat. Non multò meliores atheis erant Zadducæi, vt qui nihil incorporeum crederent, animas verò vna cum corporibus interire opinarentur. Et tamen hi non ita pro desperatis à **CHRISTO** contemti fuere, quin de mortuorum resurrectione cum illis disceptarit. Plurima in prophetis & apostolicis scriptis loca occurrūt, in quibus viri illi sanctissimi indicāt, non esse alienum ab officio doctoris Christiani, ad extremam hanc insaniam refutandam se demittere. David psal. 93. quàm nō solū eleganter, sed etiā acutè cōtra eos disputat, qui Deum, quid in occulto ab hominibus geratur, ignorare dicebāt? Intelligite, inquit, insipientes in populo & stulti aliquando sapite. Qui plantauit aurem non audiet, aut qui finxit oculum non considerat? Sed fingamus, nullum ad homines tam cæcos ex huius argumenti tractatione fructum redundare, ideòne mox nulla causa erat huius operis aggrediundi? Erat & qui-

dem

dem longè grauissima. Non enim parua voluptati bonis futurum est, salutarem & viuificam hanc de mundi regimine sententiam, tot rationis humanæ præsidij sultam intueri. Gratissimum hoc genus philosophandi erit, quo simul & philosophiæ præcipua capita explicabuntur, & ea quæ p se tradita nil nisi inutiles otiosorum hominû speculationes cõtinerere videbatur, tractandi noua ratione nouo splendore clarescet, & perspecta insigni eius ad alendam iustitiam & religionem utilitate, verum suum decus, verumque apud homines pretium recuperabit. Atq; hæ causæ tanti pöderis sunt, vt si nihil aliud quàm Christianus essem, haud importunus & à persona mea alienus hic meus labor videri posset. Nunc verò non ea solum ratione cõueniebat, hanc à me qualemcunque operam ad ædificationem domus DEI conferri, sed insuper ipsa philosophiæ professio, quam in gymnasio Colonienfi, quod vulgò Laurentianum dicitur, sustineo, me inuitabat, vt opus è cuius lectione philosophiæ candidatos discipulos meos aliquem fructum relatuos esse sperabam, in publicum emitterem. Tot annorum labor in theologia exantlatus flagitabat, vt si philosophicum quid scribendum esset, quàm minimum à theologia recesserem, vt fidem facerem, me quando omnino



nino non possum, adhuc extrema saltem lineares diuinas tractare. Intellexisti, lector, quæ fuerit huius operis edendi causa, nunc quid in noua prouidentiae defensione à nobis præstitum sit, paucis accipe. Primum argumenta quæ adducimus pleraque noua sunt: Quis enim tot ethicas rationes ad huius dogmatis confirmationem ante nos adhibuit? Quis ex inferioris mundi fragilitate, quis ex vniuersali diluuiio, quis è spiritibus qui per inferiorem mundum vagantur, quis è regnorum & imperiorum ortu & occasu, quis ex rerum ad vitam vtilium inuentione vniquam singularum rerum & præcipuè humani generis à Deo curam geri demonstrauit? Porro eas rationes, quas vel à philosophis vel à theologis ante me vsurpatas inueni, ita auxi & locupletavi, totque nouis adminiculis firmiores effeci, ut primi earum inuectores non amplius sibi illas vendicare possint. Historias & magnorum virorum illustres sententias quam plurimas, toto opere cum ita res tulit inspersi. Argumenta quæ contrà obijciuntur, si potui solui, si verò intricatiora essent, quàm ut à me enodari possent, ne id quod ignorarem mihi perspectum esse cogerer profiteri, satis habui ostendere, quod ea talia non sint, ut certissimam huius doctrinæ veritatem cuiquam suspectam

DE PROVIDENTIA  
DEI EX MVNDI OPIFI-  
CIO LIBER PRIMVS.

CAPVT PRIMVM.



Quoniam in præfenti nobis pro-  
positum est, ostendere numinis  
prouidentia mundum admini-  
strari, cum ad eam confirmanda  
non parum momenti habitura  
sit recta de mundi origine sententia: non ab-  
re erit, nonnulla de ea *προλεγομένων* loco af-  
ferre. Sciendum est igitur, veteres Philoso-  
phos, qui de rerum principijs libros edide-  
re, quanquam, vt ex eorum quibusdam di-  
ctis intelligitur, quæ posteriores suis monu-  
mentis inferuerunt, de Deo non omnino  
male sentirent: eius tamen opera in mundi  
constitutione & rerum origine describēda,  
vel nequaquam, vel raro vsos fuisse. Anaxá-  
goras, vt in Phædone Plato testatur, mentem  
ponit, quæ res in vnā miscellam confusas  
secreuerit. Attamen in progressu physio-  
logiæ, mente neglecta ad materialem causam  
omnia reuocare vult. Diodorus Siculus, ho-  
mo in primis addictus cultui Deorum tunc  
publicè recepto, & non vno loco taxans phi-

Veteres li-  
cet Deum  
agnosce-  
rent, non  
tamen ip-  
sum faciūt  
mundi opi-  
ficem.

losophos, qui prodigiosos euentus in causas naturales conferebant, cum mundi ortum describit, nullam facit Dei opificis mentionem. Est & inter Aristoteles disputatio, num sectæ princeps Deum agnoscat mundi causam efficiëntem, an verò idem sit *αυτογενης* Aristoteli, nec aliter à Deo dependeat, quàm quòd is cœlorum globos in orbem

Quæ origo  
atheismi.

conuertat, sine quorum reuolutione inferior hic mundus ignauo otio torpesceret. Alij igitur cum non facile viderent, quorsum Deo opus esset vlla in re, si is causa mundi effectrix negetur, in Atheismum prolapsi sunt, & vel solam materialem causam ad rerum constitutionem admiserunt, vt Epicurus atomos, Empedocles quatuor elementa, vel si vllam præterea causam efficientem agnoscant, illa non sit aliud, quàm insita quædam singulis rebus vis ad materiæ immutationem, quæ alio nomine natura dici solet.

Plato de  
mundi ori-  
gine quid  
tenserit.

Vnus inter omnes Plato admodum apertè mundi opificium Deo tribuit, ita tamen, vt dubitetur, num materiam inter opera Dei recenseat: an illam potiùs à seipsa existere arbitratus sit. Certè Ambrosius, Basilus, Magister sententiarum, contendunt, Platonem in eo errore hæsisse, vt materiam crediderit non esse à Deo effectam. Omnes autem hos errores opinor ex eo fonte manas-

se, quòd semper Philosophis persuasissimum  
fuit ex nihilo nihil fieri. Hînc enim nōn ul-  
li, vt maximè admitteret Deum esse mūdi  
effectorem, materiam tamen ei ex se ipsa na-  
tam subiecerunt, nè cogerentur fateri, ex ni-  
hilo mundum creatum esse. Sed hoc iacto  
fundamento, mox sequebatur, totam cœlo-  
rum substantiam à nullo effectam esse. Cū  
enim cœlestia corpora ortus, & interitus ex-  
pertia sint, id est, neq; generatione naturali  
in esse prodierint, neque corruptione natu-  
rali destrui possint: vel ergo nullam habent  
originem, vel aliam quàm naturalem. Atqui  
non recipit philosophia hoc genus originis,  
quā præter naturam res fiunt ex nihilo: itaq;  
cœlum ἀνάγκη confiteri debet. Quoniam  
verò absurdum est, si substantia quarundam  
partium mundi à Deo effecta non sit, vllam  
aduentitiam perfectionem ipsis à Deo attri-  
butam esse, eò quòd haud credibile sit, rem  
quæ à seipsa quod potius est habet, id quod  
minoris præstantiæ est, non habere: cū ne-  
garunt Philosophi, substantiam vllius rei ef-  
se causæ expertem, simul etiam illam curæ  
diuinæ substantiam perficienti, & eius defe-  
ctus sarcienti, subtraxerunt. En quibus gra-  
dibus ab eo, quod prima fronte exiguum vi-  
debatur, negare videlicet, mūdum ex nihilo  
factum esse, ad ignorationem Dei peruenia-

Quod ori-  
go erroris  
de puidē-  
tia sit error  
de mundi  
originae.

## 4 DE PROVIDENTIA DEI

tur. Nos igitur in contrarium hoc argum-  
tum retorquentes, primùm quidem firmis  
demonstrationibus ostendemus, aduentiti-  
am mundi perfectionem tantum non exerta  
voce clamare, se numinis rerum omnium  
præpotentis opus esse: ac tum porrò & sub-  
stantiam corporum mundanorum esse diui-  
nitus effectam colligemus: non per natura-  
lem generationem (est enim quarundam  
mundi partium natura prorsus ingenerabi-  
lis) sed per creationem, quòd fides catholica  
docet.

**Perfectio-** Sunt autem hæ perfectiones aduentitiæ  
**nes aduen-** partim accidentia quædam, partim ipsa na-  
**titæ ex qui** turæ conseruatio, partim vniuscuiusque rei  
**bus proba-** quidam ad cæteras mundi partes ordo & ne-  
**tur quæque** xus, per quem fit, vt quæ per se considerata  
**res esse a** minimum elegantia habitura essent, ea si-  
**Deo.** mul iuncta vniuersum longè pulcherrimum  
& absolutissimum constituent. In primo ge-  
nere colloco omnes illas mutationes, quas  
siue in cœlesti corpore, siue in his inferiori-  
bus euenire cernimus, nec possunt in vllam  
aspectabilem causam referri, vt est cœlesti-  
um corporum æquabilissima periodus, &  
cætera, quæ cum de prouidentia sermo erit  
plurima afferemus, ad ostendendum, non  
sufficere causas naturales & nobis notas, ad  
reddendam omnium quæ in mundo contin-  
gunt

gunt rationem. Hæc enim omnia ad præfens argumentum velut alibi demonstranda nunc mihi concedi postulo, non recusans vt si illic lectoris expectationi non satisfecero, etiam quicquid modo inde confecturus sum, multum robur habeat. Neq; hic mihi quisquam obijciat, non debere me prouidentiae argumenta ad ostendendam mundi effectiorem accommodare, cum ideo me profitear de mundi origine tractare, vt ex ea Dei prouidentiam confirmem, ne videar probatione recipere uti. Hoc, inquam, nolim hic mihi obijci. Nam cum sint quædam prouidentiae documenta, quæ mundi effectiorem non innituntur, non mirum videri debet, hæc dogmata ἀπορίαις sibi mutuo lucem afferre. Porro quod probato non esse motum cœli ab interno principio, sequatur neque substantiam eius à seipsa existere, sed à Deo auctore perfectam, tali argumento docetur. Primum Ratio pro- sumo, quod omnes Philosophi consentiunt, bās Deum cœlum motu indigere, vt perfectionem suam si motus naturalem assequatur. Cum enim patris cœlorum locum obtineat in rerum sublunarium sit causa, generatione, nec possit semper eandem terræ etiam sub- partem suis radijs spectās vitalem formam eidem stantiæ cau- sam esse. sam esse. impertiri, perpetuo igitur motu ipsum contorqueri necesse est, vt naturæ suæ competentia munia queat obire. Motu verò desti-

## 6 DE PROVIDENTIA DEI

tutum si fuerit, non solum sine suo naturali frustrabitur, verum etiam in eius contrariis deuiabit, perniciem videlicet mundi inferioris. Atqui si existentiam à seipso habet, motum verò aliunde, esse cœli prorsus necessarium est, bene verò esse ab alieno pedit arbitrio. Quantum igitur in ipso est, perpetuæ imperfectionis sibi necessitatem imponit: sicut is quantum in ipso est perdidisse dicitur infantem, qui in silua illum exponit, vbi nescit an quisquam facturum sit iter, qui manum ei periclitanti porrigat, etiam si fortè præter expectationem eius contingat aliquem præterire, qui pueri sorte commoueat. Sed esse quicquam sibi ipsi, quantum in se est, necessariæ imperfectionis causam, rationi consentaneum non est. Faceat igitur Alexander Aphrodisiensis, qui cum Aristotele quidem cœlum à Deo moueri fatetur, causam verò efficientem habere negat. Restarent adhuc plura epicheremata, quibus idem confirmari potest, verum ea inferius opportuniori loco adferemus. Illud superioribus adijcio, quòd multas impias de cœlesti numine coagitationes gignit hæc prouidentia sine mundi effectione confessio. Hic illa naturalis necessitas, quam Philosophia Deo affingit, hic prouidentia cœlo terminata, velut in equo Troiano inclusa, delitescit.

Ex



Ex hoc fundamento quoque diuinæ omnipotentia negatio prodijt. Nam vt cœli motum periculo arbitrij diuini eximant, dicunt non posse Deum à mouendo cœlo sibi temperare. Postquam verò semel arbitrij libertatem ipsi ademerūt, immutabilem eius voluntatem rerum mutabilium procurationi intendere non posse, haud malè concludunt. Quomodo verò sua omnipotentia Deo constabit, si nil aliud, quàm velut figulus rotam, cœlum in orbem voluere potest. Et vt vno verbo id quod res est dicam, ipsissimus atheismus est hæc Alexātri opinio. Quare quisquis vel minimum de Deo sani sapit, caueat ne in eum errorem se adduci patiatur, vt existimet motum quidem cœlestis corporis à Deo esse, substantiam verò causæ omnino expertem. Sed quomodo illud effugium ipsis eripiemus, quo se in tuto collocare volunt, dicentes Deum ad cœlum habere quendam naturalem ordinem? Non alio modo, quàm ostendendo fieri non posse, vt duæ diuersæ naturæ ordinem ad se mutuo naturalem habeant, nisi sint ambæ à communi opifice & auctore profectæ, ac proinde, si Deus & mundus eo modo comparati sint, vt vnus cum altero naturali nexu cohæreat, consequi vt Deo sit alius superior, qui & ipsum & mundum effecerit: quo nihil absurdius co-



## 8 DE PROVIDENTIA DEI

gitari potest. Sed hæc demonstratio melius in illum locum reijcietur, vbi ex naturali ordine partium mūdi inter se concludemus, ab vno cōmuni effectore ipsas originem ducere. Haftenus de ijs rationibus quæ prouidentia Dei mundum gubernantis nituntur, Adijciendæ nunc illæ, quæ nullius futuræ probationis expectatione suspensum lectorem relinquant.

*Quod ex figura partium mundi eius colligatur esse vnus opifex.*

### CAPVT II.

A cœlorū  
rotūditate.

**E**X figura partium mundi sic ratiocinamur. Omnes mundi partes congruenti figura instructæ sunt: cœlorum orbes illi longè vastissimi nullus eminentijs gibbosæ sunt, nullis recessibus cauatæ, sed accuratissima æquabilitate circumductæ, & veluti detornatæ cernuntur: idque propterea, ne inter illos vel hiatus vllus admittatur corpore nullo refertus, vel ipsos se mutuo penetrare ad vacuitatem prohibendam necesse sit. Terra sola inter omnia corpora simplicia non omni ex parte rotunda est, cuius figuræ aqua & aër, qua parte ipsam attingunt, sese accommodant. Sed quod illa non vndique in seipsam æqualiter vergat more cœlestium sphærarum, iusta ratione

non

non caret. Primum enim varietas illa terræ A terræ in-  
 quibusdam locis in planitiem extensæ, alibi equalitate.  
 rursum altissimorum montium iugis aspe-  
 ratæ, non solum spectantium pascit oculos,  
 verum etiam multiplicè vsum præbet mor-  
 talibus. Nam ex montibus fontes, & ex his  
 fluuij per prona ruentes, planities alioqui  
 infrugiferas futuras irrigant, pisces suppedi-  
 tant, transuehendis ex mari quoquouersum  
 omne genus mercibus vtilis sunt. Mitto nunc  
 quod in solis montibus saxa, metalla, imò  
 & herbæ quædam in remedijs non postre-  
 mæ dignitatis, proueniant: quod homines  
 corrupto in campestribus aëre ad montium  
 iuga confugientes, haustu purioris auræ re-  
 focillètur. Quid verò de illo dicemus, quod A siccitate  
 tota illa sui parte, qua extra aquas tellus emi- vnius par-  
 ner, ita gibbo quodam deformata est, vt si tis globi  
 sola spectetur, non verò cum cohærente se- terreni.  
 cum elemento aquæ, prorsus à sphærica ro-  
 tunditate recedat? Nonne res ipsa clamat,  
 hoc datum esse saluti animantium, quæ non  
 nisi in sicco viuere possunt? Atque hoc dico,  
 illam litem in præsentem remittès aduersarijs,  
 qua aliqui, etiam maiori miraculo, contem-  
 dunt, non terram aquis eminere, sed aquam  
 in medio Oceano instar montis acervatam  
 consistere. Suffecerit enim mihi nunc pla-  
 nam facere, quàm opportunè terræ elemen-

tum figura sua à cæteris euariet, ad ostendendum id quod nunc agitur. Aut enim cōsilio sapientis alicuius architecti prouisum est, vt omnium mundi partium ea sit figura, quàm totius decor & perfectio maximè requirebat, aut cùm nullum corpus finitum sua forma carere possit, fortè fortuna euenit, vt illam vnaquæque sortita sit, quæ maximè cōgruebat. Casui profectò rem tantam nemo assignabit, nisi qui vix micam salis in toto corpore habet. Si verò alicuius numinis cōsilio tribuemus figurarum tam aptam descriptionem, neq; dubitari potest, quin ipsæ substantiæ hunc in modum figuratæ non à seipsis originem ducant. Nam vt de cœlis primum loquamur, si eorum substantia rudis primum à seipsa fuisse intelligitur, quàm ei Deus manum admoueret, quid accirrit ramentis & fragminibus, quæ in cœlestium corporum dedolatione à tota mole auelli necesse fuit? An alicubi extra mūdum illa iacere fingemus? Sed quid ineptius? An quod vni parti detractum alteri accessisse statuemus? At solida & dura corpora non possunt in vnum coalescere, si id respiciamus, quòd per naturam fieri potest, nisi aliquo glutino intermedio. Sed neque tum verè in vnum coeunt: non magis, quàm duo tigna clauis sibi mutuo copulata. Itaque si maximè donemus

nemus fragmenta cum toto systemate co-  
hærere, in eas angustias redigemur, vt diui-  
nissimum cœli corpus velut ollam veterem  
ex multis fragminibus compaginatam esse  
dicamus. Quod si Dei virtute supranaturali  
censemus à tota mole adhuc rudi hic aliquid  
detractum esse, alibi verò sic adiectum, vt ex  
vtroque vnum siue intermedio glutine con-  
stitueretur, idem qui hac in parte naturæ le-  
gibus subiectus non fuit, neque in eo subie-  
ctus fuisse putari debet, vt cœlorum substan-  
tiam ex nihilo creare non potuerit. Dicit  
fortè quispiam, hâc rationem niti cœlorum  
soliditate & duritie inuariabili, quam sine  
firmis ei demonstrationibus tribuere nō est  
Philosophi. Cui respondemus quale cœlum  
nunc est, tale & perpetuo fuisse, nam si alte-  
rationis capax esset, interitui quoque obno-  
xium esset. Atqui non esse ipsum in præsentī  
fluxum instar aquæ vel aëris ex eo constat,  
quod tunc non posset volui in orbem sine  
rarefactione & condensatione, quarum mu-  
tationum comes est interitus. Nec in fluxu  
corpore semper æqualem à se mutuo distan-  
tiam sydera retinere possent, id quod tamen  
inerrantia facere videmus. Aut si placet cœ-  
lum statuere immotum, stellis in ipso cir-  
cumuagantibus, præterquam quod hoc fig-  
mentum ab Aristotele multis argumentis  
reijcitur,

Ratio pro-  
bans cœlū  
esse solidū  
corpus.

reijcitur, etiam sic fatendum erit in illa rapidissima vertigine alicubi ipsum rarius, alicubi densius fieri, diuisibile etiam in partes existere, quorū nihil in corpus interitus expers cadere potest. Hæc ad eos, qui negando cælum esse solidum, existimarent se hac ratione non vrgeri, dicta sunt. Quod si quis per consuetam atheorum rimam elabi vellet, affirmans ipsam cæli naturam sibi hanc figuram quam habere cernitur determinasse, quomodo fructus arborum sine adiuuamento externi agentis rotundi nascuntur: videtur ille quidem aliquid dicere, sed reuera nihil affert. Nam vtcunque fieri possit, vt natura rei globosam formam tribuat, id tamen in cælo non naturæ, sed prouidentię opificis acceptum ferri debet. Quæro enim an stellæ sint eiusdem naturæ cum suis orbibus. Si non esse dicas, totam Peripateticorum scholam in te concitabis. Si verò concedas stellarum & cæli cui illigati sunt eadem esse naturam, quare cū cælestes orbis excavati sunt, & alterius naturæ corpore pleni, stellæ sunt globi solidi nullum diuersæ speciei corpus inclusum gestantes? Quod si tibi ex hac difficultate nullus patet exitus, ne dubites, cælum à Deo tam æquabilem rotunditatem accepisse, & quod mox inde consequitur, etiam substantiam cæli supremi numinis

Non esse  
cæli figurā  
ab interno  
principio.

minis opus existere. Tempus nunc esset ex figura partium in plantis & animalibus, eadem suo auctori Deo vendicandi. Nam in his mirabilis solertia opificis optimi & sapientissimi se prodit: adeo ut quicquid in rebus animatis rotundum esse conueniebat, rotundum sit: quicquid angulatum, angulatum: quicquid turbinatum, teres, asperum, lene, omnia ea talem figuram sortita sint. Verum quia hic scio non desiderari externum figuratorem, sed existimari vim quam σχηματιστικὴν in seminibus inesse, quæ admodum & cætera, quæ in animalibus tam prouidè instituta miramur, ad vim in semine latentem reuocare nonnulli solent, idcirco de illis coniunctim agere satius erit.

*Idem ex magnitudine partium mundi probari posse.*

## CAPVT III.

**Q**VOD si quis & molem singularum mundi partium contempletur, videbit illam testimonij vicem suo creatori reddere. Nam & hæc unicuique tanta contigit, quanta ad vniuersi optimum statum desiderari posset. Cælestium corporum magnitudo nec maior nec minor est, quàm pro modo inferioris mundi portionis, ut neque nimio caloris influxu ipsam vastet ac obruat,

at, neque nimia virium debilitate fouere  
quâtum satis est nō valeat. Et quod non mi-  
nus ad vniuerſi integritatem requirebatur,  
tanta est infimi cœli concavitas, vt adamuſ-  
ſim respondeat elementorum, quæ intra ip-  
ſam concluſa ſunt magnitudini. Quod ni eo  
modo prouiſum eſſet, vel inane inter cœlos  
& inferiorem mundum relinqueretur, & p-  
inde cœleſtes influxus ad nos, intercepto  
medio, peruenire non poſſent; vel ad inane  
illud complêdum neceſſe eſſet ignem & aë-  
rem plus iuſto attenuari. Simili modo cœ-  
lum Mercurij æquam lunaris cœli magni-  
tudini concavitatem ſortitum eſt, & cætero-  
rum ad ſubiectos orbeseadem ratio. Porro  
ſi vniuſcuiuſque partis tam æquum pondus  
ac mēſura, & vniuerſi integritati tam accom-  
modata, non poſſint ἀνολομάρως ſine alicuius  
numinis prudenti conſilio rebus acceſſiſſe,  
ſed librato rem aliquem ſingula vti par erat  
trutinantem, tam euidentibus argumentis  
commoti requirimus, proſectò & illud fate-  
amauro portet, ipſam mundanorum corpo-  
rum ſubſtantiam ſuo non carere auctore.  
Cùm enim corporearum naturarum magni-  
tudo non debeat exiſtimari poſteriori iſſe-  
dem accedere (ſiquidem corpus ſine magni-  
tudine non eſt corpus, aut ſi ſit, non erit ſine  
ingenti miraculo, cui peragēdo ſolus omni-  
potens



otens sufficiat, quisquis ergo dicit suam v-  
 icuique portioni molem esse diuinitus at-  
 ributam, idem & ipsas earum substantias  
 Deo assignet necesse est. Præsuppono enim, *Materiam*  
 uod antea demonstratum est, materiam, *cælorum*  
 unde cælum constat, nunquam fuisse alteri *non fuisse*  
 formæ subiectam, ne quis dicat, materiam *sub alia for-*  
 uandam transeuntem, vt Philosophi ap-  
 pellant, eamque *αἰώνιον* ante mundi exor-  
 tum fuisse, vnde tantum decerptum sit, qu-  
 um vniuscuiusque partis futura moles exi-  
 gebat, ac inde tum quamque mundi partem  
 obrefactam esse per naturalem generatio-  
 nem, atque eo modo nihil opus fuisse Deo  
 totam substantiam rei constituyente. Hoc in-  
 quam ne quis ducat, præsuppono cæli mate-  
 riam nunquam formas ob naturalem eius  
 corporis immortalitatem variasse. Nam re-  
 verà hoc euincunt Aristotelis rationes con-  
 tra Platonem in vltimo capite lib. i. de cœ-  
 lo, cælum si naturali generatione ortum fu-  
 sset, non posse non interire. Sed quid si di-  
 catur materia esse *ἀύλοποιος*, & Deum ex illa  
 tantam partem pro vnoquoque corpore de-  
 traxisse, quantam eius forma postulabat, ac  
 illi deinde formam impressisse. Hæc enim *Nō esse mū-*  
 neque erit naturalis generatio, vt verèdum *dum ex ma-*  
 non sit corruptionem ex illa consecutu- *teria pror-*  
 am, neque totam rei substantiam Deo tan- *is informi*  
 quam *effectum.*



quam auctori asserit, quod tamen nos fieri debere contendimus. Verùm contra eos qui hoc obijcerent, primum dicendum occurrit, quod si materia fingatur, ex se informis, non à Deo effecta, sed tantum formata esse, ergo si non temporis, saltem naturæ ordine sua forma prior existat necesse est, quemadmodum Deus vt minimum ordine naturæ prior suis operibus intelligi debet. Sed fieri non potest, vt prima materia, τὸ ἀδιατεκνωτὸν illud ἀσχος, omni forma prior sit, vtpote à qua habet quod subsistat, omni ex se actu de tituta. Nam si ipsa per se sine forma subsistere posset, velut ἀπορίησιμα, non posset in alterius integri compositionem adhiberi. Et quanquam disputetur à Philosophis, num materia queat sine forma per diuinam omnipotētiam conseruari; id tamen extra controuersiam est, p naturam impossibile esse, vt materia sit antequam formetur. Itaque hunc modum generationis mundi qui statuerent, rem non minus insolitam, & à naturæ ordine alienam affirmarent, quam qui totum vniuersum vna cum sua materia ex nihilo conditum aiunt. Imò multò incomprehensibilior esset illorum quàm horum sententia. Nam hi licet creationis ex nihilo nullum possint exemplum in operibus naturæ ostendere; faciliè tamen demonstrant, Deum

naturæ

naturæ legibus non esse subiectum: illi verò materiam contra leges naturæ ponunt, ante omnem formam extitisse, idq; non per Dei potentiam, sed per seipsam. Atque ita fit, ut eam incredibili modo faciant & à seipsa, & in composito per formam subsistere. Caret etiam exemplo naturali is modus nascendi. Quicquid enim vi naturæ gignitur, ex rationibus quibusdam seminalibus in materia latentibus gigni solet; quare miraculo fuit habitum, quòd virga Aaronis, quæ lignum aridum erat, formam arboris recuperarit, etiamsi huius transmutationis subiectum esset materia. Quocirca Philosophus, qui creationem ex nihilo rejicit, quia nullum eius in natura exemplum extat, hunc modum originis rerum, ponere nō debet. Non ignoro, lumen & species colorum in aëre produci sine rationibus seminalibus, sed præterquam quod hæc accidentia sunt, tam debilis est eorum existentia, ut recedente causa mox evanescant. Quomodo substantiales formas à Deo pendere si concedat Philosophus, labore providentiam astruendi nos leuabit. Sed hæc haftenus. Reliquum nunc esset, ex inferiori mundo petitis exemplis ostendere, nihil esse quod vel maius vel minus sit, quam optima eius constitutio flagitat. Nam reuera sic se res habet in omnibus *ὅσα τῆ γαίαν ἐκτρέφοντι καὶ*

Ex inferiorum corporum magnitudine probatur ea esse Dei opera.

ἔπειτα. In toto enim animantium imò & stir-  
pium genere singulæ partes tam iustam ma-  
gnitudinem adeptæ sunt, vt si quid addere  
vel detrahere velis, nō solū decus & omnem  
venustatem aboleueris, verū & vsum &  
sanitatē. Quid enim aliud est sanitas, quā  
primarum qualitatum in animalibus iusta  
proportio? Verū hīc fortasse nonnulli ex-  
istimabunt, ad virtutem formatricem in se-  
mine latētem esse referendum, quòd vnum-  
quodque membrum congruam molem ha-  
beat. Sed hi considerent velim, quæcunque  
tandem sit eavis formatrix, non aliud quā  
figuram vnique parti ipsam tribuere,  
magnitudinem verò eius à materiæ copia  
paucitatēue pendere, quæ licet quoadusque  
semen est simplex videatur, potestate tamen  
multiplex fuisse calore ipsam coagulāte ap-  
paret. Tunc enim vna eius pars in ossis ma-  
teriam transit, alia in nerui, alia in alterius  
partis. Quæro ergo nunc, vnde fit, vt tantum  
de vnaquaque parte in semine lateat, vt ser-  
uetur membrorū inter se debita analogia?  
Si dicas id fieri, quia parēs ei vim imprelsit,  
per quam fit, vt partes singulæ parentis mi-  
rabili modo in ipso contineantur, feruariq;  
earum in semine eandem pportionem, quæ  
in patre fuit: tunc rursus quæstio occurret,  
vnde in parente singulorum membrorum

tam iusta descriptio. Idque donec vel ad primum animantium opificem perueniatur, vel sit ἀναίτιον, & easu benè habeat, vnde salus & vita animantium pendet. Possem hoc loco & ex elementorum inter se tali proportionē, vt vnum ab altero euinci & interimi nequeat, argumentari, nisi quæ hætenus allata sunt tam illustria essent, vt qui illis non mouetur, is nullis rationibus cessurus videatur. Ad aliud igitur argumentum nunc trans-eundum.

*Idem ex numero corporum, ex quibus mundus componitur, demonstrari posse.*

## CAPVT IIII.

**E**X numero partium vniuersi, Deum substantiæ earum auctorem esse, antequam doceo, prius ingenuè fateor non omnium numerum certa ratione constare. Quædam enim num tali aut alio numero cõdita sint, arbitrarium existimo, verbi causa, num stellarum numerus, quæ sphaeram ἀπλανῆ occupant, sit vna vel maior vel minor. Sed quia nonnulla partim in suprema mundi regione, partim in hac nostra sublunari eo numero esse visuntur, cui si accessio aut detractio vlla fieret, totius vniuersi harmonia turbaretur, id sapientis alicuius consilio prouisum esse aio. Quis enim cre-

Sol cur v-  
aus.

dat, casu factum esse, vt vnus tantum in mū-  
do Sol existat, cū si plures essent, certam  
inferiori mūdo perniciem afferrent. Nam si  
in eadem sui orbis parte consisterent, nimijs  
ardoribus omnia torrerent. Quid enim du-  
plicatus Sol facturū esset, ex eo coniicere li-  
cet, quod vnicus ille, quem nunc habemus,  
tantum æstate negotij terræ incolis facessat.  
Si verò in aduersis sphaeræ suæ partibus con-  
stituti essent, dierum & noctium vicissitu-  
do, hyemis & æstatis iucundissima pariter &  
vtilissima alternatio tollerentur. Rursum  
q̃ vnica duntaxat Luna existat, quàm ne-  
cessaria ratione comparatum est? Finge e-  
nim plures esse, & similiter, si propinquis lo-  
cis sui orbis collocatæ sunt, nimio humoris  
auctu, hunc inferiorem mundum pessunda-  
turæ sunt: sin procul ab inuicem disiungan-  
tur, nunquam silente Luna futurum est, vt  
humorum in corporibus incrementum nullo  
statu vel diminutione interpoletur. Quod  
si cæterorum siderum officia nobis tam pro-  
bè cognita essent, quàm Solis & Lunæ, mox  
& numeri eorum ratio conspicua fieret; ve-  
rū quia eorum munia non perinde nota  
sunt, & elementa vnitatem ex motu ad eun-  
dem locum sortiuntur, idcirco ad mystorum  
contemplationem accedamus. Anne igitur  
solertissimi opificis industriam testatur, q̃

Luna cur  
singularis.

in

in genere bestiarum. quæ alijs prædæ sunt, ac magno numero deuorantur, ceu sunt lepores, cuniculi, & id genus reliquæ feræ, quarum venatu homines & bruta victitant, tam vberi fœcunditate progignuntur, vt alijs iam conceptis aliam sobolem superfoetent: contra verò quæ aliorum vitæ insidiantur, vt leones, vel vnicum, vel paucissimos foetus singulis partibus edant? Nam quis non videt quod si vtrunque genus animantium pari numero gigneretur, periculum fore, ne rapacium voracitate species aliqua de vniuerso aboleretur. Quod si nunc idem argumentum in partibus singulorum animantium psequi vellem, si oculorum, pedum, aurium & cæterarum partium numerum sua ratione haud carere ostenderem, amplissimus dicendi campus mihi propositus esset. Verum quæ natura ipsa gignere videtur, illis peculiarem locum seruabo. Illud solum breuiter adiiciendum, non habere hic locum illud effugium, quod numerus quidem partium mundi sit alicuius sapientis architecti consilio institutus, substantia verò ἀλογηής. Nam adeò non potest à substantia numerus separari, vt quod numeros suos non habet, non sit omnino. Nec mihi obijcias, solem & lunam non esse substantiarum, sed accidētium nomina, cum nihil aliud sint stellæ.

quam densiores partes sui orbis. Nam vt hoc concedatur, certum nihilominus est, cœlum non esse alterationis capax, ac proinde non debere intelligi prius ipsum fuisse, quàm in solem aut lunam densaretur. Quare si densitatis siderum Deus sit causa, simul & substantiam earum creauit, & congruam ipsis densitatem impertijt. Aut saltem Philosophis, qui negant Deum naturæ ordinem immutare posse, integrum non est cœlo iam effecto alterationem tribuere.

*Quòd ex situ earundem partium doceri possit Deus esse mundi conditor.*

#### CAPVT V.

**P**AR momentum ad eiusdem rei demonstrationem habet situs partium mundi non oscitanter inspectus. Vt enim à cœlo exordiamur, supremum inter cœlestia corpora locum obtinet, quod multis collucentium stellarum ignibus refertum est: cui si inferior locus attributus esset, astra superiora interpositu suorum luminum maxima ex parte è nostro aspectu auferret. In hoc etiam sidus quoddam ita ad borealem plagam situm est, vt cum cætera diurno cœli motu sursum ac deorsum raptentur, hoc fixam perpetuò sedem retineat, Quo ad iter demonstrandum hominibus,  
qui



qui in desertis locis, aut vasto mari intempe-  
 sta nocte vagantur, nihil oportunius excogi-  
 tari potuit. Adde his quod in planetarum  
 orbibus sol medio loco, tanquam rex cæte-  
 rorum consistat, quodque luna quæ sua mu-  
 tabilitate ad naturam inferioris mûdi quam  
 proximè accedit, infima inter omnes sede  
 locata sit. Aiunt & Astrologi, Saturnum i-  
 deo tam procul à terris abesse, quòd vim ha-  
 beat frigefaciendi, quæ est qualitas vitæ quàm  
 maximè inimica, ei que & Marti, ad eorum  
 malignitatem temperandam, Iouem medi-  
 um interpositum esse. Notatum etiam ab  
 Astronomis est, Planetas q̃ minimos epicy-  
 clos habent, longiùs à sole abesse. Adeo vt  
 Saturni minim⁹ sit Epicyclus, maior Iouis,  
 maxim⁹ Martis. Quàm epicycli eius ma-  
 gnitudinem ex eo deprehendere licet, quod  
 aliquando instar Hesperii fulgere, aliquândo  
 stellis secūdæ magnitudinis haud maior esse  
 videatur, vt non nisi à rerum cœlestium pe-  
 ritis agnosci queat. Rursum à diuersa solis  
 parte proxima ei Venus maximò epicyclo  
 reuoluitur. Cùm enim ratione motus sui æ-  
 qualis semper solis vestigijs hæreat, propter  
 epicycli amplitudinem contingit, vt circi-  
 ter quadraginta graduum interuallum à so-  
 le digrediatur. Minorem quàm Venus epi-  
 cyclum Mercurius habet, vt qui non ultra

Situs Pla-  
 netarum  
 variat pro  
 epicyclo-  
 rum ma-  
 gnitudine.



23 gradus ratione sui epicycli à sole recedat. Minimus est lunæ planetarū infimæ epicyclus. Nam cū maximè differunt verus & medius motus, quod fieri solet in quadraturis, differentia non est maior 7. gradibus & 40 scrupulis, in qua tamen etiam centri epicycli prostaphæresis computatur, vt norunt qui rerum Astronomicarum periti sunt. Atque hunc in modum se habet ordo epicyclorum, aptissimè congruēs planetarum ad solem propinquitati. Eodem pertinet, quod cum elementa pro leuitatis ratione singula alijs superemineant, is ordo in terra & aqua immutetur, ac terra non exigua sui parte a quis multò se leuioribus extare cernatur, idque in gratiam illorum animantium, quæ non nisi in sicco viuere possunt. Cū verò haud dubium sit, quin id, quod tam præclare constitutum est, non sit casui aut fortunæ tribuendum, in opificem mentis & consilij compotem conferri debet. Nunc porrò, si partium mundi collocatio cōmoda est Deo assignanda, sequitur & totam earum essentiam à Deo profectam esse. Nam etiam si elementorum situs inuerti potuerit, postquam substantia eorum absoluta fuit, id tamen de cœlestibus corporibus dici non potest. Non enim diuisionis capax est indomita cœlorum natura: atqui sine diuisione vtri-

usque

usque non posset lunæ orbis in locum Mercurij transferri, aut vicissim Mercurij sphaera ad lunæ locum traduci posset.

*Quod ex accidentibus, quæ in operibus naturæ cernuntur idem demonstratur.*

## CAPVT VI.

**N**T elucescat etiam naturæ opera testari, Deum esse rerum omnium conditorem, primò sciendum est, quemadmodum accidentia quædam in ipsis mundi præcipuis partibus ostendimus necessariâ ratione constare, ita, vt, si aliter se haberent, totius vniuersi perturbatio sequeretur: sic multò cumulatiùs idem in ijs apparere, quæ à natura progignuntur. Hic enim adeò nihil otiosum aut inersect, vt vulgatissimum sit in Philosophia prouerbum, naturam nihil frustra facere, vtque qui impietatis morbo laborât, ad naturæ mentionem velut rei multò diuinissimæ non possint non venerabundi assurgere. Itaque Plinius operum naturæ præstantia commotus, ijsdem laudibus eam celebrauit, quibus nos Deum. Et nemo mortalium, non dico indoctorum, sed neque philosophorum aut medicorum, qui in operibus naturæ contemplandis consensescunt, sui ingenij mediocritate queat assensui, verbisque pro rei dignitate explicare,

Naturæ enim  
coniun.

quicquid natura pro suorum operum salute & incolumitate machinatur. Nec ignota est, quæ de hac re fabula vulgo commemoratur, quendam videlicet, dum in horto suo deambulans pepones intueretur humi iacentes, accusasse naturam, quod fructus minus in sublimi suspendisset, maiores, ceu sunt pepones, humi præter eorum dignitatem reliquisset. Hic dum paululum progressus esset, pirum ex arbore delapsum in faciem eius incidit, eumque graui dolore affecit. Tunc ille considerans apud semetipsum, caput sibi comminuendum fuisse, si pepo aliquis ipsius fronti tanto impetu impactus fuisset, sententiam correxit, naturamque rebus humanis optimè cōsuluisse, minutiores portius quam grandiores in sublimi suspendendo, malo suo doctus, agnouit. Hæc est illa natura, quam Aristoteles bonam matrem familias, Hippocrates iustā appellauit. Huius admiratione defixi nonnulli, existimarunt etiam brutis inesse rationem. Et quid dico brutis, cum non defuerint, qui naturæ miranda opera in arboribus, herbis, gemmis, aliisque rebus intuiti, in eam adducti fuere suspicionem, vt crederēt nullum corpus ratione carere, solumque ea re hominem cæteris antecellere, quod is manus & linguam habeat? Videbant enim nihil esse tam stupidum

Aristoteles  
Hippocrates  
testes Galeni  
1. de  
nat. facult.

dum, quod non vtilium & noxiorum quēdam sensum haberet, & hæc quidem fugeret, illa persequeretur. Vites inimicas sibi brassicas velut certam perniciem exporretis in diuersum palmitibus auersari; vltimos verò tanquam suæ imbecillitatis fulcra suis clauiculis circumplecti, vt ex innumeris rebus vnum hîc loco exempli ponam. Propter hanc naturæ tantam solertiam, creditum est à tota Platonis schola, Deum ire per omnes,

*Terrasq; tractuq; maris cælumq; profundū,*

Ac nihil aliud quàm Dei volūtatem esse, quæ vniuersa gignat in hoc sublunari mundo, quam ipsi mundi animam nuncupârunt. Quæ igitur tam barbara mens, tamque profundo impietatis lethargo sopita reperiri poterit, quæ ad tantam lucem non expergefiat, nec in tanta operum naturæ diuinitate Deum naturæ fontem cum grati animi testificatione agnoscat? præsertim cum hac ratione magno compendio se difficillimarum quæstionum tendiculis expedire queat, alias in rerum inexplicabilium enodatione frustra desudatura. Agè enim, tu qui animantium & stirpium naturam à Deo profectam negas, hoc argumētum, si vir sis, dilue. Quod in naturæ operibus cuncta sic se habent, vt salus ac optimus eorum status postulant, vel

Argumētū  
docens De-  
um esse na-  
turæ aucto-  
est rem.

est ἀπὸ προαιρέσεως, seu de industria sic comparatum, vel aliud agente natura, fortè vsu-uenit, vt omnia rectè ad vsum & incolumitatem digesta sint. Verbi causa, vt materia quæ à parentibus ad generationem confer- tur, aliqua sui parte in eiusmodi temperiem figuramque transeat, qualem nunc oculos habere cernimus, postea verò præter naturæ voluntatem apparuisse, quod vis cernendi ex tali materiæ dispositione promanet. Prius horum si dicamus, necessariò sequetur, Deum esse animantium auctorem, seu prima indiuidua fabricando, vnde cætera deinceps progigantur, seu singula sigillatim ex materia. quam parentes subministrant excitâdo. Cùm enim natura ipsa per se mentis compos non sit, non alia ratione dici potest operis, quod fabricata est, vltum sibi propositum habuisse, nisi quia ab aliquo intelligente vim generandi adepta est, qui in finem & scopum, ad quem peruenit, ipsam destinavit. In exemplo res fiet clarior. Non rectè diceretur ignis, quo cibi coquuntur, id spectare vt ij humanis vsibus aptentur, nisi quatenus est instrumentum coqui in hoc igne vrentis: verùm si per se consideretur, nil nisi rariorem & molliorem facere velle materiam sibi appositam dicendus esset: nec sua referre, quod eo modo affecta sit humano esui magis ido-

nea. Quod si in finem suum à Deo natura dirigatur, efficitur ipsam Dei operibus sine dubio annumerandam esse. Nam impetus *Impetus* ille, quo ad scopum suum natura contendit, *naturalis* non est aduentitius, qualis sagittæ dum à iaculatore ad album dirigatur, verum est ab ipsa inseparabilis, ex substantiæ cōpositione proficiscens, ut quisquis eius auctor dicitur, multò magis substantiæ auctor dicatur. Si verò cum Epicuro posterius illud amplectaris, & spontaneo quodam impetu materiæ à seipsa oriundæ corpora viventium efformata existimes, vide quæ hanc tuam opinionem sequantur incommoda. Primum quæ præter opinionem & fortuito rectè & utiliter se habere contingit, rara & inusitata sunt. Legimus quendam vomicæ graui dolore conflictatum, cum cruciatus magnitudinem ferre non posset, armis correptis in hostem iisse. Sperabat enim fore, ut in pugna occumbens, dolore leuaretur. Verum casu euenit, ut ictu hostilis gladij vomica aperiretur, & is qui moriendi certus in pugnam descenderat, erumpente purulentia sanitatem recuperaret. Refert Plutarchus, pictorem quendam, posteaquam sæpè frustra tentasset spumantem equum ad viuum exprimere, tandem ira percitum, spongiam in os equi inpegisse, ac fortè fortuna accidisse, ut

*Fortuita omnia rara.*

*Plutarchus libro de fortuna.*

ex illa colorum confusione & perturbatione spumæ expressissima effigies resultaret. Aliquando discissis lapidibus quædam Paniscorum extrema lineamenta in ijs apparuisse memorantur. Sed quid hæc ad operaturæ, in quibus nec appetitus, nec motus, nec facultas vlla non summa ratione constituta est? In quibus nec figura vllius particulæ siue similis, siue dissimilis, siue magnæ, siue parvæ; nec magnitudo, nec multitudo, nec situs, nec temperies, nec molliities, nec durities, nec astrictio, nec laxitas, nec raritas, nec densitas suis vtilitatibus carent. Idque cum Galenus eruditissimo & verè philosophico illo suo opere de vsu partium luculentissimè demonstrârit, hîc repetere superuacaneum esset. An ne quia fieri potest, vt vnus dictionis literæ in ollam coniectæ, & postquam susque deque iactatæ fuerint, denuo effusæ, casu ita digerantur, vt dictionem repræsentent: ideo concedamus totam Terentij Andriam fortuita literarum effusione prodire posse? Cum domum aliquam instructam omnifaria suppellectile, eaq; nitida & congruis locis disposita, ingressi sumus, non dubitamus, quin prudens paterfamilias eam digesserit. Cùm harmoniam ex grauib; & acutis sonis temperatam audimus, mox animum subit cogitatio

ratio artificis eam temperantis: & conspecto operum naturæ mirabili artificio dubitabimus, num mens aliqua eorum effectiōi præfuerit? Adde quod, si usus partium in rebus animatis non sit studio quæsitus, sed ipsorum animantium solertia inuentus, nulla igitur attentione opus erat, antequam innotesceret. At verò homini manus ad præstandum, pedes ad ambulandum datos esse, statim atque ipsam manuum ac pedum figuram & situm intuitus fueris, deprehendes; ut usus illarum partium nō tam industria quæsitus, quàm ab ipsa earum constitutione ingestus esse videatur. Ac si vllō modo credibile sit in hominibus, usum membrorum ipsa vtentium solertia excogitatum potius, quàm à natura expetitum, eo quod insolens non sit per homines nouis inuētis vitam excoli & locupletari, rebus quibusdam humano acumine ad usum accommodatis, ad quem principio minimè institutæ erant: quis tamē de brutis animalibus id credat? Quis possit in animum inducere, piscem stupidissimum animal, pinnas suas in id nequaquam factas, ut ijs velut remis in natatu vtatur, proprio ingenio ad eum usum accommodare potuisse? Quod si quisquam tam perfictæ frontis sit, ut non erubescat, bestias facere usus partium suarum inuentrices, huic vitulos



los opponam, qui nondum cornuti, illa frō-  
tis parte aduersarium petunt, vnde illis cor-  
nua propululatura sunt. Opponam & catel-  
los adhucdum edentulos, qui gingiuarum,  
vnde ipsis dentes aliquando nascentur, com-  
pressione, se, cum laceffuntur, defendunt.  
Hic enim nihil prorsus habent quod tergi-  
uerfentur, nec dicere possunt vel cornua vel  
dentes ea gratia factos non esse, vt bestiis, illis  
armorum loco sint, sed ab ipsis bestiis, quòd  
ad id valerent, deprehensum esse: verum  
confiteantur necesse est, naturam à qua be-  
stia membrorum suorum vsum antequam  
nata sunt edocentur, eundem vsum sibi in ea-  
rum constructione propositum habere. Et  
quid opus in re tam clara argumentis, cum si  
semel concessum fuerit, naturam sine opifi-  
ce Deo tam aptè ad vsum singulas animalium  
partes elaborare, de tota Philosophia  
conclamatum sit? Nulla enim via supererit,  
qua vlla forma substantialis demonstretur:  
sed in scholas denuo admittenda erit ato-  
morum illa turba, quibus Democritus & E-  
picurus cuncta gignebant, vel alia quedam  
causa materialis agnoscenda, cuius temeraria  
agitatione singula fiāt. Formas enim substā-  
tiales inesse corporibus, ex eo colligimus,  
quod non quiduis ex quouis gigni possit, sed  
ficus ex ficu, faba ex faba duntaxat, & ita de-  
inceps.

Nō potest  
ostēdi, esse  
formas sub-  
stātiales, si  
naturæ o-  
pera casu  
benè habē-  
ant.

inceps. si enim fici tota substantia nihil aliud esset, quam materia certis qualitatibus temperata, nulla reddi posset ratio, cur ex ficu, & non aliunde posset ficus progigni, cum non appareat cur illa temperies materiae non aliunde posset originem ducere. Verum hoc argumentum nullius pretij erit, si a casu dicamus generationis animalium fundamenta posita esse. Nam si illa sine sapientis architecti consilio, vel cum non essent aliquando spontaneo materiae concursu inceperunt, vel perpetuo constituta intelliguntur, quis mirabitur deinceps, sine efficiētis formae opera per fortuitam materiae iactationem vnumquodq; suo parenti simile esse? Sed neque constare poterit, animam rationalem inesse homini, si naturae fabricam temeritati fortunae acceptam feramus. Etenim qua alia re cognoscit quisque se animam ratione praeditam sortitum esse, nisi quia se ratione & consilio uti in rebus agendis experitur? Atqui si opus tantae sapientiae atque est homo & ceterorum animalium vnumquodq;, sine consilio & sapientia in lucem prodijt, cur non item & fortuito cuidam simulacrorum in hominis sensus incursum, quem Epicurus ponit, ipsos conceptus sapientiae tribuamus? Idque cum animaduertissent ij, qui hanc de rerum origine sententiam amplexi sunt, etiam vltro

falsi sunt se animas non habere, ac hominem  
nil aliud quam certam quandam corporis  
temperationem existere. Fumus afflatus est  
in naribus nostris, inquit in libro sapien-  
tiæ Epicuræ sententiæ patroni, & sermo scin-  
tillæ ad commouendum cor nostrum. Quia  
extinctus cinis erit corpus nostrum, & spiri-  
tus diffundetur tanquam mollis aër. Ac vi-  
deo Epicurum, etsi cætera stultum, eo tamen  
nomine laudandum esse, quod, uti Galenus  
libro primo de naturalibus facultatibus sem-  
per Asclepiadem fecisse ait, suis principijs  
hac in parte consentanea dicat: quosdam ve-  
rò peripateticæ Philosophiæ sectatores vi-  
tuperatione dignos esse, quod τὸ ἐκλόλυσον  
suorum principiorum in hac disputatione  
non animaduertant. Hæc ad eos qui casu a-  
iunt factum esse, ut animalium partes tam  
idoneam structuram adeptæ sint, dicta sun-  
to. Vbi admoneo parum referre, siue dica-  
mus prima quædam individua fortuita ato-  
morum conglobatione orta esse, siue natu-  
ras singulas, tam aptam cōstructionem æter-  
nis retro seculis habuisse. Quamuis enim nō  
statim prima fronte absurdum videatur,  
simplex aliquod elementum causæ expers  
se perpetuo propagasse, id tamen de anima-  
libus & toto viuentium genere non est cre-  
dibile. Sunt enim in ipsis quatuor elementa  
ad

ad tantam harmoniam redacta, vt ex ijs alia  
 quædam mixti forma resultârit. Mox igitur  
 ad tam concinnam rerum diuersarum  
 compositionem desideratura est mens ho-  
 minis ἀρμονίη & veluti quendam concinna-  
 torem. Quod si dicat quispiam cœlo eas vi-  
 res inesse, vt elemētorum cōtrarietatem cō-  
 ciliare possit, adhuc quærēdum restabit, vn-  
 de ad elementa accesserit anima. Neq; enim  
 ea in elemētis velut semine latet: nam aliq;  
 nō esset impossibile, ex terra nasci equos &  
 id genus alias bestias. Nec à cœlo deduci po-  
 test; q̃a neq; hoc cōcesso vlla apparet ratio,  
 cur nō nisi ex equo equ⁹ gigni possit. Atqui  
 mōstri simile esset, animā ppetuò ex anima  
 velut lumen à lumine accendi, corpus verò  
 suam compositionem ex alijs causis nactum  
 esse, & tamen vnum alteri tam appositè cō-  
 gruere, vt melius non possent, etiamsi matu-  
 ro consilio vnus sapientissimi architecti in-  
 ter se coniuncta essent. Augebitur verò hu-  
 ius rei miraculum, si quis cōsideret non so-  
 lum corpus animæ quam aptissime cōgru-  
 ere, verùm & domicilij quod vnaquæque  
 res inhabitat, conditionem vtrisque. Quid  
 enim portentosius quam animam, quia sine  
 respiratione non potest manere in corpore,  
 non solum pulmones arteriam & cætera in-  
 strumenta respirationis inuenire in corpore

quod inhabitatura est; verum etiam in tali loco nasci, vbi perpetuo ad manum habeat spiritum, quem per pulmones attrahat ac rursus emittat? Quid magis inopinatum, quàm non solum oculos ad paradam rerum cognitionem in corpore, loco quam maxime idoneo sitas inuenire: verum etiam lucem & perspicuum mox in promptu habere, quorù hoc lucem in se admittat, illa verò res alioquin in tenebris latituras ostendat? Quid mirabilius, quàm piscibus non solum præter expectationem pinnas obtigisse, quibus remorum loco utatur, caudas quibus velit gubernaculis cursum moderentur; sed & liquidum nancisci ἐνδιὰ ῥήμα, sine quo superuacanea hæc organa forent? Posset idem de auium pennis & alis dici, verum suffecerit ipsum genus vidisse. Quin igitur, ne dum creationis miraculum tanto fugimus opere, in alia multò magis stupenda miracula incidamus, id quod res est fatemur, quòd videlicet cum anima corpori, corpus suæ habitationis loco tam aptè quadret, vel vniuersum velut domicilium suis habitatoribus aptum esse, vel incolas tales à Deo factos, quales domus quam erant inhabitaturi admitteret: ut hæc res argumento sit, vel mundum, vel ipsius incolas à Deo factos esse. Quorum alterum, qua ratione concedimus  
ab ipso

ab ipso effici potuisse, etiam reliquum concedemus.

*Quod ex mutua conseruatione partium vniuersi, vnus earum opifex demonstretur.*

## CAPVT VII.



Tque hoc est aliud genus argumentorum latissimè patens, quo ex mutua naturarum ope vniuersum seruari incolume videmus. Qua de re nunc paulò altius repetito principio dicendum est. Sciendum igitur, Epicureos negasse vnam rem alterius gratia existere, à Philosophis verò qui cæteris cordatiores, mundum esse Dei opus confitentur, quæsitum est quid potissimum spectârit Deus in mundi constructione. Cumque haud dubitetur, quin proprium negotium non egerit ex se beatissimus, cui nam alij tantam molem est machinatus? Hic Stoici magno consensu respondent hominis causa mūdum à Deo effectum esse, idque præeunte sacra scriptura Christi-ani doctores sequuntur. Verum etsi omnes hi tacerent, ipsa tamen rei euidencia maior est, quam vt quenquam sani iudicij hominem latere possit; vt mihi, qui id negant similimi videantur ei, qui ciuitatem quam incolit, vidēs optimis legibus institutam, mœnibus cinctam, turribus & propugnaculis

Arist. pol.  
ἐἰ ἡ φύσις  
μηθέν ποι-  
εἶ μάττω,  
ἀναγκαῖον  
τὸ ἀνθρώ-  
πων ἕνεκα  
πάντα πε-  
ποιηχέναι  
αὐτῷ.

Sol<sup>o</sup> negat  
Cardanus.

munitam, foro, curia, templo, alijsq; ad optimum reipub. statum pertinentibus excultam, dubitat num consultò sic instituta sit, vel num cuiusquam præter hominem causa sit eum in modum fabrefacta. Nam vt neque homines humaniter viuere possent, nisi ciuitatem ijs, quas enumeravi rebus, instructam inhabitarent, neque earum rerum vlusest vsus, nisi ad quem ab hominibus accommodatur: ita neque viuere omnino possent homines, nisi mūdum incolerent, ex ijs quibus constare cernitur partibus, coagmetatum: nec corporum mundanorum vlla utilitas esset, nisi in hominum tutela & conseruatione eorum vsus enitesceret. Ac miror si quisquam mortalium tam sit rerum humanarum rudis, vt quotidianis experimentis admonitus nondum potuerit discere, quam multa ei mūdus suæ egestatis solatia subministret. Magis mirarer, si non ignarus quanta bonorum copia ad vitam tuendam & conseruandam circumfluat, nondum potuit eorum fontem & largitorem agnoscere. Itaque vt Solon existimans parricidium grauius esse crimen, quam vt in hominē cadat, nullas in eius criminis reos pœnas decreuit, sic ego non arbitratus quemquam tam esse impium, vt beneficiorum diuinorum magnitudine ad ipsum benefactorem agnos-



agnoscendum non extimularetur, haud  
 necessarium duxissem ex omnium mundi  
 partium in hominis incolumitatem conspi-  
 ratione, ipsum in creatoris & altoris sui no-  
 titiam adducere, nisi compertum esset tan-  
 tam esse quorūdam hominum vācordiam,  
 vt animo **plūquam** parricidalī eum, à quo  
 ipsis nascendi **primordia**, & quicquid ali-  
 ud boni possident, nolint agnoscere. Consi-  
 dera igitur, ô ingrate homo, quæ esset vita  
 tua, quæ rerum tuarum status, si bruta ani-  
 malia e mūdo sublata essent. Quis oneri, cui  
 ferēdo non esses, ceruicem submitteret? quis  
 te in itinere quiescentem & otio perfruen-  
 tem vel dorso exciperet, aut vehiculo insi-  
 dientem breuissimo tempore ad remotissi-  
 ma loca transueheret? Quis agros tuos ara-  
 tro subuersos ad sementem capiendam ada-  
 ptaret, si nec equi, nec boues vlli in rerum  
 natura existerent? Respice corpus tuum ex  
 se nudum & non solum ad tegendā turpitu-  
 dinem suam velamine indigens, verū et i-  
 am ne cœli iniuriæ sit oportunum. Nonne  
 quicquid ei vestimentorum circumponitur  
 ex corio bouum, vel lana ouium confectum  
 est? Quæ si nūquam terrarum reperiri pos-  
 sent, vel nudo tibi incedendum esset, vel ijs  
 vtendum vestibibus, quæ plus oneris quam v-  
 sus adferrent. Considera mensam illam tu-

Necessitas  
 bestiarum  
 ad homi-  
 nis conser-  
 uationem.



Stirpium  
necessitas,

am, ô Epicuri de grege porce, in qua summam tuæ fœlicitatis repositam arbitraris, & carnes tam assas quàm elixas, oua, butyrum, & quicquid aliud à bestiis profectum in delitijs habes, inde ablatum finge: atque mox Carthusianos multò laxiori victus ratione nunc vti deprehendes, quàm tu his è medio sublatis vsurus esses. Quod si deinde ad stirpes & terræ nascentia cætera te conuertas, neq; ibi deerit vnde intelligas, tuæ salutis totam rerum vniuersitatem seruire. Hîc enim panem, qui est naturale omnium ciborum, quos obsonia vocamus, fundamentum, & cuius inuentio ob insignem rei vtilitatem Cereri & Triptolemo apud Græcos diuinitatis famam conciliauit, reperturus es. Hîc ignis quo rigorem hibernum temperamus, cibos coquimus, artem fabrilem exercemus, materia: hîc morborum remedia occurrêt, quarû ope innumeri mortales ab immatura & nonnunquam plena cruciatibus morte liberântur. Fui aliquândo & ego in ipso iuuentutis flore sic affectus, vt mihi pereundum fuerit, nisi *καχέϊον* qua tunc laborabam, pæonijs herbis medici discussissent. Et quis est qui non idem de se testari poterit, si antea cta vitæ suæ tempora ad memoriam reuocet? Atque vt rem in pauca conferam, si quicquid ex se terra fundit sublatum cogites, vix scio

an vl-

an ullū terreſtre animal in viuīs remaneret;  
quādoquidē illa vel herbis viſcitāt, vel her-  
bis viuētīū carnibus veſcūtur. Beſtijs verò &  
ſtirpībus deletis, Epicurei cum toto genere  
humano breui tempore πάντες ὕδωρ καὶ γαῖα  
γένοιντο. Iam verò lapides & metalla an ne pa- Metallorū  
rum tibi ſubſidij hominibus ad vitam tole- & lapidum  
randam conferre videntur? Non opinor id quā ſint  
quenquam dicturum, qui ollas, cultros, ſcu- indigi ho-  
tellas, & omnem aliam domeſticam ſupelle- mines.  
ctilem metallica materia conſtare, nec vl-  
lum opificium, quantumlibet vitæ neceſſa-  
rium, ſine ferro & chalybe exerceri poſſe  
conſiderat. Nec ideo hoc beneficium cui-  
quam minus amplum videri debet, quòd  
tantis laboribus, periculis, & moleſtijs me-  
talla ex fodinis eruantur: nam quibus æger-  
rimè homines carere poſſunt, ea nec tam ra-  
ra, nec tam inuentu difficilia ſunt: cætera ve-  
rò quæ potiùs ad luxum quàm neceſſitatem  
expetuntur, in imis terræ viſceribus depri-  
mi, & non ſine herculeis laboribus in lucem  
pferri poſſe conueniebat. Adde his elemen-  
ta, ſine quibus hominem non poſſe diu ſu-  
perſtitem eſſe, tam eſt vulgatum, vt, cum  
nos re quapiam ſummopere indigemus, di-  
cere ſoliti ſimus, nos facilius igne, aqua, & æ-  
re, quàm re illa carere poſſe. Quid etiam ali-  
ud ſibi vult illud Latinorum, igni & aqua

interdicere, nisi tam esse necessarium hominibus illorum elementorū vsum, vt nulla res significantius exprimi possit, velle nos quenquam de medio sublatum, quam illorum elementorum ipsi vsum interdicendo. Adde cœlum & solem cum vniuerso stellarū choro, quorum fotu destituti, ne ad horam quidem huius vitæ vsuram retinere possemus, quorū periodis anni tempora numeramus, quorū luce si non irradiaretur hic nostrę habitationis locus, in morem Cimmeriorum, supra quos, Homero teste, *ἑν πύρρῳ ὀλοή τελα-  
λας*, in ppetuis tenebris degerem⁹, tāto cæcis miseres, quanto molestius est oculorum sensu integrò vtī nō posse, quam in totū visu carere. Et quis posset verbis cōsequi quantū oblectationis & vtilitatis ille mūdi oculus, ille *περίτρετος*, ille *φυσικὸς*, & quibus nō epithetis dignus Sol, afferat humano generi? Quæ cum ita sint, intolerabilis pfectò est eorum cæcitas, quos totū hoc vniuersum tam benignè fouēs, non potest ad eius amorem & cultū incitare, q̄ hanc ceteris reb⁹ legem posuit, vt hominis incolumitati p sua virili cōsulant. Ethnici in cœlū attollentes oculos & ad beneficia, quibus à sole cumulabantur animum aduerentes, rursumq̄ à sole ad alias mundi partes conuersi, cum vbique diuinæ bonitatis documētis eorum oculi ferirentur;

rentur; non fuere tam stupidi, quin intelli-  
 gerent totum hoc vniuersum iuuandis ac  
 seruandis hominibus intentum esse. Verùm  
 in eo peccârunt, quod non considerâtes ne-  
 cessitati parere solem, & cæteras stellas le-  
 gem semel præscriptam perpetuò exequi,  
 ministros pro domino amplexi sunt, ac ser-  
 uierunt potiùs creaturæ quam creatori, qui  
 est benedictus in secula. Auctor est Petrus Libr. 2. De  
 Martyr Anglerius, patrum nostrorum etate cadis 3.  
 in occidentali India repertos, qui cum nul-  
 lum numen agnoscerent, ac animas vna cum  
 corporibus interire putarent, solem tamen,  
 qui ipsis iuccam (radicis hoc genus) & mai-  
 zium ex bonitate sua præstaret, sibi colen-  
 dum ducerent. At Epicurei in meridie pal-  
 pantes, non solum parentem & auctorem  
 suum ex beneficijs, quibus in singulos dies  
 afficiuntur, nō agnoscunt, sed neque benefici-  
 um esse, quod ipsis tam profusa largitate sup-  
 peditatur, intelligūt, casu se natos casu quo-  
 que vnde alantur, & conseruentur reperire  
 arbitrati. Facile quivis animaduertit, qua-  
 lem palæstram hīc declamator quispiam  
 haberet: verùm quia me instituti mei ratio  
 non sinit in vna re diu immorari, idcirco ad  
 alia progrediar, vnde perspicitur, totam re-  
 rum vniuersitatem ad hominis vsum se ac-  
 commodare. Primum igitur non *πᾶσι τοῖς*

contem-

contemplandum, quod rei cuiusque vbertas & inopia, durabilitas & ei contraria imbecillitas, ita se habeant, ut maximè rebus humanis conducturum erat. Oleum non fert ætatem, sed si ultra annum seruetur, rancorem contrahit; rem enim quo pauperes iuxta ac diuites carere non possunt, non nimis pretiosam esse oportebat, pretij verò vilitatem necessariò efficit, quæ non possit diu sine corruptela seruari. Quia verò non tanta necessitas erat vini cum pauperibus communicandi, ideò prouidentia quadam singulari non solum durabiliorem naturam illud sortitum est, verumetiam in aliquot annos seruatum generosius fit, ac mirabili modo sua ipsum caries magis commendabile reddit. Quicquid ad vitam tuendam necessarium est, paratu facile, & cunctis obuium esse conspicitur, nec adeò tenerum & corruptelis obnoxium, atque illa, quæ non tam necessitatis, quàm voluptatis gratia ab hominibus expetuntur. Fructus arborum mansuetiorum non rarò contingit per intempestiuum veris frigus in ipso flore corrumpi, unde factum est, ut morus sit arbor sapiens à veteribus dicta, quia tunc florere incipit, cum nullum à gelu periculum ipsius floribus imminet. In septentrionalibus verò locis, nulla arbor fructifera inuenitur, quod vernum frigus &

Hæc est  
Plinij ob-  
seruatio.

de  
arboribus.

gus, & boreales venti illic vehementiores  
sint, quàm vt à teneris earum arborum flo-  
ribus perferri queant. Attamen viuitur ad-  
huc in illis regionibus, & quidem sat com-  
modè. Fruges verò in quarum felici pro-  
uentu spes mortalium inclinata recumbit,  
multò rarius cœli iniuria læduntur, ac in  
horrida septétrionis plaga tam diuiti vber-  
tate nascuntur, vt inde in alias clementiori  
cœlo subiectas regiones transfuehantur. Ad-  
de, quod vbicunque locorum alicuius rei ad  
vitam necessariæ inopia laboratur, ibi aliud  
quippiam quod eius vicem suppleat, inueni-  
atur. In Aegypto vbi raræ pluuiæ, Nilus ri-  
pas aluei supergressus, id quod à cœlo regio-  
ni isti negatum est, etiã abundè sua rigatio-  
ne pensat. In locis mediterraneis, vbi salis fa-  
ctitij materia deest, fodinæ salis à natura con-  
fecti reperiuntur, ne vlla terræ pars condi-  
mento ciborum tam necessariò destituatur.  
In Noruegia & Suetia, vbi perpetuò penè  
gelu omnia rigent, non solum quercus, pi-  
nus, abietes, & id genus aliæ arbores, tanta  
copia, quanta vix vsquam alibi proueniunt,  
verum etiam Marturi, Zebellini, Ceruarij,  
nigræ & albæ vulpes, quarum pelles ad fri-  
goris asperitatem mitigandam apprimè ido-  
neæ sunt, plures quàm alijs locis visuntur. In  
Frisia, Hollandia, Taxandria, vbi nullæ aut  
raræ

Vnius rei  
defectus al-  
terius copia  
pensatur.

raræ sylvæ inueniuntur, cespitis quoddam  
 genus è terra effoditur, quod ad solem sicca-  
 tum, tam idoneum fit ignis fomentum, vt  
 lignorum desiderium facile harum regio-  
 num incolæ ferant. M. Paulus Venetus dicit  
 in regno Cathay, quod lignis, caret nigros  
 lapides inueniri, qui in ignem missi vt ligna  
 ardent. Vbi ob serpentum ingentem nume-  
 rum homines in magno vitæ discrimine  
 versantur, ibi lacertæ humano generi ami-  
 cæ si quâdo dormienti in pratis homini ser-  
 pentem insidiari viderint, faciem eius per-  
 reptant vt è somno excitetur, & insidias de-  
 clinet. Denique quia non terræ ferre omnes  
 omnia possunt, nec vlla tam inculta & aspe-  
 ra regio est, quæ non suis defectibus aliquod  
 πλεονέκτημα quæat opponere, idcirco nulla  
 orbis pars habitatoribus caret: ac falluntur  
 veteres terram οἰκόμενον à reliqua distin-  
 guêtes, quasi aliqua sit terræ portio ἀείκλος.  
 Atque hæc ex innumeris pauca attulimus,  
 ad ostendendum in hominem velut scopum  
 totam rerum vniuersitatem respicere: quib⁹  
 adijcio, & ipsam humanæ naturæ constructi-  
 onem testari, hominis causa totum hunc  
 mundum effectum esse. Cùm enim ipse sit  
 μικροκόσμος nomine ab omnibus Philoso-  
 phis celebratus, & qua parte nutritur & cre-  
 scit cum stirpibus conueniat, quatenus verò  
 sentit



sentit cum bestijs, si in ipso homine liquidò constat nutritiuam vim sentientis facultatis ministram esse, hanc autem rationis seruitio mancipatam, efficitur profectò & stirpes brutorum causa, bruta verò hominum, instituta esse.

Porro quemadmodum ex officijs, quæ à cæteris creaturis homini præstantur, colligimus ea hominum causa effecta esse, ita, cum in brutorum genere vnum videamus alterius salutem procurare, vel noxam contraria naturæ proprietate temperare, non dubitabimus & illorum vnum alterius gratia conditum asserere. Quoniam autem eius, quod diximus, exempla non perinde omnibus perspecta sunt, pauca quædam ex Plinij naturali historia hîc ascribemus. Primùm Crocodilo, voracissimo & humani sanguinis siti-  
Animalia inimica inuicem.  
 entissimo animali, ichneumon & delphin oppositi sunt. Cùm enim Crocodilus familiarem habeat auiculam trochilum nomine, cuius ministerio in dentium purgatione utitur, quando ea auicula ipsi hianti hanc nauat operam, ex scabendi dulcedine in somnum incidit. Qua oportunitate animaduersa ichneumon os ipsius ingreditur, ac in  
Crocodilo.  
 mum vsque intestinorum immissus, aluum erodit, eoque modo hostem suum enecat. Delphin verò cùm fortè obuius sit croco-  
Ichneumō  
 dilo  
Delphin.



dilo, timorem simulans magna celeritate se aquis immergit, atq; ventrem crocodili qui mollis ac læsioni oportunus est subiens, spina, quam in dorso instar gladij acutam gerit, bestiam nec opinantem configit. Est & cum serpentibus ichneumoni bellum, in quod limo à sole siccato contactus prodire solet, ac auersus irritos ietus cauda excipere, donec obliquo capite speculatus, fauces serpentis inuadat. Locustarum agmina comitari à tergo solet auicula quædam Seleucis dicta, quæ velut ἀλεξήριον contra tam perniciosas bestias prouisa diuinitus, insatiabili eas voracitate consumit. Ac ne vlla supersit dubitandi ratio, an ad locustarum noxam mitigandam Seleucis destinata sit, tradunt naturalis historiæ scriptores, nunquam hanc auiculam conspici, nisi quando locustarum nubes agricolarum laboribus imminet. Habet & Basiliscus qui se interimat mustelam, alioqui pestifera virulentia quicquid occurrat internecioni dedens. Ita fit, vt nulli malorum suum desit remedium, ne imbecilliora animalia à fortioribus, & in perniciem cæterorum natis, funditus extirpentur. Sunt etiam quædam mirabiles nonnullorum animalium amicitia, & in salute tuenda mutua obsequia, ex quibus facile perspicitur, ea inter se non casu coniuncta esse, sed vnum propter alterum

Seleucis.

Basiliscus.

Animaliū  
amicitiæ.

rum à consultiſſimo opifice inſtitutum.  
 Aquilæ cum tædio nutriendî pullos ſuos,  
 vnum è nido eiſciant, oſſifragæ illum in *Oſſifraga.*  
 ſuam tutelam recipiunt, ac eadem qua pro-  
 prios fœtus, cura dignantur. Pinna & Squil-  
 la communiter cibum quærunt. Pinna enim  
 duabus patula conchis, piſciculos expectat,  
 qui vbi in concham hiantem innatauerint,  
 admonita à squilla, morſu comprimit  
 conchas: prædam verò hoc modo cap-  
 tam, inter ſe partiuntur. Quando Balæna *Balæna &*  
 præ graui ſuperciliorum pondere obrutis *Muſculus.*  
 oculis videre nequit, muſculus piſcis infe-  
 ſtanta magnitudinem vada prænatans de-  
 monſtrat, oculorumque eius vice fungitur.  
 Eodem modo & in ſtirpium genere Olyn- *Olynthus*  
 thus ficui ad fructuum maturationem non *ſeu greſſi.*  
 mediocreadiუმétum affert. Quocirca dum  
 veris & fructiferis ficubus alligatur, earum  
 imbecillitatē fulcit, ac diffluentē ac diſpergi  
 incipiētem fructū, teſte Baſilio ſ. hexaeme-  
 ri concione, retinet. Ex caprificis verò Plini *Caprificus.*  
 uſ auctor eſt culices oriri, qui fraudati ali-  
 mento in matre putri eius tæbe, ad cognā-  
 tam ficum euolent, morſuque ficorum cre-  
 bro, hoc eſt auidiore paſtu, aperientes ora e-  
 arum, atque ita penetrantes intus, ſolem pri-  
 mo ſecum adducant, cerealesque auras im-  
 mittant foribus apertis. Indeque ait idem re-

D

pertum

Palmarum alie  
mares aliarum  
fœminarum.

pertum esse, ut allata aliunde & inter se colligatae iniicerentur fico. Palmæ in mares & fœminas distinctæ sunt, ac videas aliquando eam quæ fœmina dicitur, ramis demissis velut complexum maris captare. Quo tempore hortulani ramis eius quiddam semini simile iniiciunt, fructum videlicet masculæ palmæ, quem Græci *ψῆνα* appellant: quod simulatque sensit, iterum ramos erigit, comamque suam priori formæ restituit. Denique quis tam cæcus est, ut animalium plerorumque in diuersos sexus distinctionem neget generationis causa factam esse, cum id neque Aristoteles, de quo nonnulli dubitant, num mundum habere causam efficientem statuerit inficiatus sit? *προωκονόμηται* inquit. *ὁπὸ τοῦ θεοῦ ἑκατέρω ἢ φύσει, τῷ ἀνδρὶ καὶ τῇ γυναικὶ πρὸς τὴν κοινωνίαν.* Id est, prouisa est à Deo vtriusque, viri, inquam, & fœminæ natura, ad coniunctionem. Hæc non sunt ænigmata, sed plana Aristotelis summi philosophi verba, quibus manifeste indicat sexuum originem Deotribuendam esse. Sed neque illud otiosè contemplandum, quod marina animatia formis & nominibus quasi altera ex parte terrenis respondeant, quodque suos vitulos, porcos, lepores etiam liquidum aquarum elementum contineat, adeo ut neque leones in oceano desiderentur. Refert

Primo cœcō  
nomicorū.

fert enim Sabellicus Martini quarti pontificatu visum in Italia leonem marinum, adijciens, vulgò credi, nihil nasci in aliqua naturæ parte, quod non idem & in mari cernere sit. Vnde intelligitur eum qui terrena animantia fecerat, voluisse eorum figurâs in marinis quadam iucundissima imitatione repræsentare.

*Quod rerum nature non solum ordinem inter se, verum etiam ad totum vniuersum habeant, atque ex eo probentur à Deo effecta.*

## CAPVT VIII.

**C**ONSIDERANDUM deinceps, quòd rerum naturæ inter se collatæ conueniunt ad vnius vniuersi absolutissimi & præstantissimi constitutionem, nec idèò solum τὸ πᾶν à Græcis hunc mundum dici, à Latinis verò rerum vniuersitatem, quia nulla extra ipsum natura reperitur, verum etiam multò magis quia nulla ei natura ad summam absolutionem necessaria deest. Intelligamus igitur oportet, illam multitudinem esse perfectam, in qua extrema per medium aliquod inter se coniunguntur, hiatu verò deformem, quæ extremis constat nullo medio interiecto copulatis, mutilam, cui alterum deficit extremorum. Iam verò Exēpla cōsi mundum hunc animo perlustremus, ta-

dium con-  
stantur:

metſi ex contrarijs, & bis per omnia diſſi-  
dentibus naturis compoſitus ſit, ipſum ni-  
hilominus mediorum interpoſitu arctiſſi-  
mo ſocietatis vinculo cohærere perſpicie-  
mus. Sunt enim in vniuerſo æterna quædam  
& immutabilia corpora, ſolius localis motus  
capacia: ſunt ediuersò quæ nunquam in eo-  
dem ſtatu permanent, qualitates alias alijs  
perpetuò commutâtes. Sunt etiam quæ me-  
dium inter hæc locum tenent, & ex vna par-  
te ad immutabilitatem cœleſtium corpo-  
rum accedunt, rurſumque ex altera parte  
inferiorum naturarum mutabilitatem imi-  
tantur, vt lunæ globus. Hîc enim varia-  
tem ita habet cum terrenis rebus commu-  
nem, vt & ſtatas in eo vices more cœleſtium  
corporum ſeruet. Nunquam enim viſum  
eſt, quòd non menſtruò interuallo eaſdem  
mutationes eodem ordine ſubeat. Habet  
mundus quædam prorsus ſimplicia corpo-  
ra, habet ex quatuor elementis ad temperi-  
em redactis miſta, habet quæ ſunt medijs ge-  
neris imperfectè miſta, quæ vulgò meteo-  
ra vocantur. Habet viuientia & inanima, & in-  
teriecta inter hæc media quædam corpora,  
ceu ſunt magnes, ſuccinum, & quæcunque  
præter hæc res diſſitas ad ſe rapiunt, vim a-  
nimę ſimillimam præ ſe ferunt. Eodem mo-  
do inter ſentiẽtem & ſenſus omnino exper-  
tem

tem naturam plantanimantia intercedunt, quæ in eo plantas imitantur, quòd certo loco heret fibris quibusdam, velut radicibus, defixæ, cum animalibus verò vim sentiendi communem habent, cuius generis sunt spongiæ & conchæ. Inter intelligentem & prorsus à ratione desertam naturam medio loco homines consistunt, qui secundum vires corporeas nihil à brutis differunt, intelligentia verò ad spiritus quàm proximè accedunt. Latissimè hæc res patet per omnes rerum gradus & ordines, vt nimis longum foret, omnia genera contrariorum interuētu alicuius mediij sibi mutuo attemperatorū, cōmemorare. Nam & elementorū extremorum, interq; se pugnatium medium vinculū est aliud elementum, quod cum vtroque extremorum aliquid commune habet. In rerum quoque singularum contrarijs proprietatibus idem obseruatum esse cernimus, vsque adeo, vt neque inter animantia terrestria & aquatilia desint ἀμφίβια, quæ vicissim in vtroque elemento degant. Atque hac tam perpetua extremorum & mediorum copulatione fretus Aristoteles, tanquam axioma quoddam libro secundo de cœlo statuit, si

Cap. 3.

vnum contrariorum sit in rerum natura, & alterum existere, perinde atque si tot in rebus iste ordo seruatus, sponderet deinceps

nunquam futurum, vt vel medium sit sine extremis, vel extrema sine medio, vel vnū extremum sine altero. Iam verò quis non videt hinc consequi, vnum esse omnium naturarum parentem, nec potuisse tam diuersas res ita inter se compositas esse, vt tam mirabili concordia in vnus vniuersi absolutissimam perfectionem conspirent, nisi vnus optimi & sapientissimi consilio & nutu institutæ essent. Quin & idem ordo rerum postulat, vt, quemadmodum in rerum natura aliquid existit, quod est effectus tantum, aliquid q̃ simul causa & effectus, ita sit aliud quod tantum causa existat, Deus nimirum primus omnium rerum auctor, ipse à nullo sui ortus principium ducens. Est alius naturarum, ex quibus mundus componitur, ordo, non mediocriter id quod nunc agitur illustrans. Sciendum igitur, genera rerum perpetua quadam serie instar cathenæ connecti, & quemadmodum numeri ab vnitatem progredientes, vnus ad præcedentem adiectione multiplicantur, ita naturas rerum dispositas esse, vt semper vnus differentię ad priorem additione proxima species constituantur. Substantia corpora primum gradum obtinet inter res aspectabiles, sub se comprehendens simplicia corpora cum nonnullis mixtis. Huic si accedat viuere, alia exurget

Species rerum ordinem habent, qualem numeri.

natura



natura, vna differētia priorē superās, stirpi-  
um videlicet ac arborū. Cui deinde si sentiē-  
di vi præditum esse adijcias, rursum tibi ali-  
ud rerum genus cōficietur, quo animātia ra-  
tione carentia continētur. Omnibus autem  
his si ratio copuletur, humana species con-  
furret, quæ est in summo pfectionis fastigio,  
inter omnes visibilis mūdi partes constituta.  
Hic tam egregius ordo specierum, nusquam  
interruptus, cum auctore non careat, ne res  
tam præclara in casus temeritatem confera-  
tur, necesse est mundum qui his naturis tan-  
quam partibus cōstat, ab eodem auctore cō-  
ditum esse. Nam ordo is, prorsus inseparabi-  
lis est à rebus, vtpote naturalem vnus supra  
aliā perfectionem consequens.

Supereſt tertius ordo, causerū & effectū-  
um ſcilicet, non obſcurū creati à Deo mundi  
documētum. Considerandū igitur ad cuius-  
q; rei generationē multas causas ordine quo-  
dam eſſentiali inter ſe coherētes, conuenire.  
Eſt enim vulgatiffimum illud Ariſtotelis di-  
ctum, homo generat hominē & Sol. Hic au-  
tē ordo ſi à *cauſa* eſt, ſequitur quicquid inde  
fit, caſui aſſignādum eſſe: itaq; nō ſolū muſ-  
cæ & veſpæ, verū & hominis natiuitas ca-  
ſui accepta ferri debet. Si enim, vt præclare  
D. Thomas animaduertit, ipſa rerum princi-  
pia caſu ad earum effectiōē conueniūt, non

Ordo cau-  
ſarum teſta-  
tur mundū  
à Deo con-  
ditum.



potest nō & effectus casualis esse. Ac ne quis putet hunc causarum contextum non admodum longum esse, vt nō mirum sit, eum casu constitutum, primum in eo locum habēt proximæ causæ, in plerisque geminæ, pater & mater videlicet. Supra has sidera, sideribus verò superiores sunt, quas suo loco cœli motrices esse docebimus, intelligentiæ. An autem siderum vnum sit alio, in agendo superius, quia certum non habeo, affirmare nō ausim. Id tamen haud dubium est, vnumquodque ad inferioris mundi conseruationem aliquid operæ conferre. Luna humorum dominium obtinet, Sol caloris prom<sup>9</sup> condus existit, alij Planetæ alias qualitates in materia conseruant. Atque eo modo fit, vt iuxta illud Sirachi, contra bonum malum, contra vitam mors, vnum contra vnū, duo contra duo opponantur. Ne, si vna qualitas nimium inualesceret, cæteris interemptis, ornatus ille mundi, qui ex diuersarum causarum & euentuum conflictu nascitur, periret. Nonne si vnus Sol materiam suo ardore laceggeret, tandem iuxta Heracliti præsagium, totum inferiorem mundum ignis depasceretur? Nonne si Luna sola rerum potiretur, breui tempore cuncta nimio humore soluta diffuerent? Nonne cæterarum stellarum pro cuiusque virtute eadem ratio esset?

Eccles. 33.

set? Maximus igitur est numerus causarum, à quibus rerum ortus & genituræ dependent, quorum tam firmum & necessarium ordinem sine ullius opificis prouidentia inter se conuenisse, nemo nisi amens dicturus est. Si causam habet is ordo, eadem & naturarum causa erit. Nam non aduentitia aliqua affectione, sed per naturam suam causa est vnumquodque. Exequuti nunc sumus tria argumentorum capita, quæ initio proposita fuerunt. Est autem summa omnium supradictorum, vel casu factum esse, vt omnes mundi partes congruis accidentibus exornatæ sint, vtque vniuersum eo modo se habeat, vt sit humani generis aptissimum domicilium, ac denique vt corporum mundanorum is ordo cernatur, qui vniuersum longè pulcherrimum constituit: id quod in tanta multitudine rerum, quæ summa ratione constât, non est possibile: vel consilio sapientis architecti omnia, vt par erat, digesta esse. Fieri enim non potest, vt quæ manifestè se produnt certo fine & ratione sic & non aliter se habere, non ab efficiente aliquo finem illum sibi præstituentem originem ducant. Ac contemnenda potius est, quàm refutatione dignanda illa quorundam strophæ, qua dicunt se finem in naturis rerum agnoscere, efficientem verò causam non i-

Quæcunque finem habent, ea & efficiëntem habere necesse.

tem, quasi vero non finis sit id, cuius gratia aliquid sit. Porro quòd nonnulli, vt euitent Epicurei dogmatis absurditatem, medium quid inter casum & consilium confinxere, id nimirum quod est ex natura rei, neque id magnam habet difficultatem. Si enim nihil est fortuitum, quod quoquo modo ad naturam reuocari potest, iam & Epicuri causa in tuto erit. Nam & ipse ponit corpuscula illa infecabilia suo pte nutu ac naturali pondere rectis lineis per infinitum inane deferri, atque earum inter se cohæsiione omnia nasci. Itaque si hoc sufficit ad casum effugiendum, nō est quòd deinceps hoc nomine quisquam Epicuro negotium faceßat, veluti qui mundi tam visendam pulchritudinem casui tribuerit. Imò scire debebant hi homines, nusquam posse casum reperiri, nisi in operibus vel naturæ vel rationis; vt iam negligatur illa scrupulosa casus & fortunæ distinctio, prius enim aliquid de industria peti necesse est, antequam aliquid non petitum per accidense ueniat. Lapis in aërem excussus, verbi causa, postquam vis à proiiciente euauit, naturali suo pondere ima petit: hic nihil adhuc temeritatis. Idem terræ propinquus hominem qui curriculo ad forum negotiorum suorum causa tendebat offendit, ac grauius vulnerat: hoc iam casui tribuendum.

Non

Non enim per se ad naturalem lapidis propensionem consequens est, hominem prætereuntem vulnerare: nec per se accessum ad forum comitatur lapidis in caput ruina. Quid autem horum non eodem modo se habet in mundo, si non is ab vno conditore singulari sapientia prædito fabricatus est? Nōne cœlum hoc habet à natura sua vt cœlum sit. & nihil præterea? Nonne elementorum & animantium eadem ratio? Vt autem ex his naturis tam absoluta rerum vniuersitas cōsurgat, vel factum est, quia ex suis quæq; principijs nata, eo ordine, ea magnitudine, ea multitudine fortè coniunguntur, vt ex ijs per accidens mirabilis huius mundi decor & venustas resultet, & proculdubio fortuitum erit quicquid admiratione dignum in illo conspicitur: vel quia prouidentissimus quidam architectus ex innumeris rebus illas delegit, quæ ad vniuersi absolutionem requirebantur, atque in eum ordinem digessit, qui maximè congruebat, & euicimus mundum ab opifice Deo conditum esse.

*Idem posse multis ex prima Philosophia petitionibus rationibus probari.*

## CAPVT IX.

Hactenq;



**H**ACTenus ijs rationibus rem gessi-  
 mus, quarum robur & pondus eti-  
 am minimè in Philosophicis λεγολο-  
 γίαις exercitati perspiciunt: nunc verò In  
 gratiam eorum, qui altiores primæ philoso-  
 phię speculationes degustarunt, paulò subti-  
 lius idem probaturi sumus. Est igitur pri-  
 mum argumētum metaphysicum, ex natu-  
 ra entis eiusmodi. Esse vel essentia cuiusque  
 rei, (pro eodem enim vtrunque accipimus)  
 intelligi potest, vel vt ab alio pendens tan-  
 quam origine sua, vel vt sibi ipsi causa exi-  
 stens. Ens hoc posterius adeò perfectum esse  
 necesse est, vt nihil ei perfectionis possit ac-  
 cedere, eo quòd sit αὐλοσσία seu ipsum esse.  
 Videmus enim tanto rem quamque perfe-  
 ctioem esse, quanto plus habet firmitatis ad  
 subsistendum sine alterius adminiculo; per-  
 fectius esse, vt exemplo res fiat dilucidior,  
 solis candorem, quam sit lumen quòd in aë-  
 re idem Sol accendit, quòd ille sit perma-  
 nens qualitas, hoc continuo lucis affluxu in-  
 digeat. Si igitur ea corpora, ex quibus mun-  
 dus cōponitur, essent omnino incausata,  
 singula in summo perfectionis fastigio col-  
 locata essent. Hoc autem non ita est. Nam  
 præterquam quod perfectionis in ijs ordo  
 manifestissimè deprehenditur, vno longè  
 infra aliud consistente, singula per se confi-  
 derata

Argumen-  
 1. ex natura  
 entis.

derata, multis defectibus obnoxia sunt; ut verissimè à D. Paulo dictum sit, creaturam vanitati subiacere. Cœlum quod ppter insignem durabilitatem multis suæ incausalitatis, ut ita dicam, suspicionem ingessit, in motu ab alieno pendet arbitrio, ipsum se loco mouere non valens, imo omni sui ipsius cognitione, instar saxi aut trunci, destitutum.

Præterea esse ipsum antequam in partes & gradus discerptum cogitatur, ἀπὸλύτως & sine vlla restrictione concipitur, velus abyssi quædam immensa, quicquid in rebus aspectabilibus p partes comprehenditur, & adhuc amplius, simul complectens, quomodo humana essentia vna existens simul omnem perfectionem brutorum & stirpium continet. Quæ autem fieri potest, ut quod per se est, non aliunde suam essentiam participans, huius immensi abyssi tam exiguam particulam possideat? Particulam dico, quia reuerà omne esse per differentias ad certum genus contractum, portio quædam exigua illius, quod absolutè concipitur, existit. Vnde ergo ei certus & determinatus essentiæ gradus, quod efficiente qui certos ei perfectionis limites præfinierit, caret? Adhuc quicquid multis ordine quodam ita conuenit, ut in vno perfectius, in altero imperfectius reperiatur.

II.

III.

periat, id vni alicui perfectissimè competit, quòd cæterorum causa sit. Esse autem rebus diuersis ordine conuenit; perfectissimè quidem formis à materia abstractis, inferiori gradu corporibus, adhuc inferiori accidentibus, & in his quantitati minus perfectè quàm qualitati, denique omnium tenuissimè in materia inuenitur. Est igitur ens aliquod perfectissimum, cæteris, in suo cuique perfectionis gradu, causam subsistendi præbens. Hæc est enim analogiæ natura, vt res ei subiectæ ad vnum aliquod perfectissimum referantur, cuius participantes aliquotusque naturam & nomen commune accipiant. Colores omnes lumen tanquam perfectissimum in genere visibilium respiciunt, vt quod vim illis aspectum mouendi imperit, perfectius albedini, & quanto quisque color ad albedinem propius accedit: minus perfectè nigredini, & coloribus subnigricantibus.

III. ratio  
ex natura  
vnius.

Adhæc prior natura est vnitas multitudine & diuisione, simplicitas compositione; non enim ex multitudine vnitas, sed ex vnitatem multitudine sumit originem. Necesse est igitur, multitudinem naturarum, ex quibus mundus coagmentatus est, ab vno simplici principio, Deo videlicet optimo Max emanasse. Dices fortè inter naturas mundi esse analo-

analogiæ & ordinis vnitatem, quæ efficiat  
 vt multitudo entium ab vnitatem profici-  
 ci videatur. Sed talis vnitas est multitu-  
 dine posterior, quemadmodum & vnitas  
 qua vnaquæque species numerorum vna est,  
 vera monade posterior existit, & non nisi in  
 mentis apprehensione posita est, perinde at-  
 que generis & speciei vnitas. Cùm autem ve-  
 ra monas sit naturæ ordine prior quauis  
 multitudo, efficitur, vt antequam res in a-  
 nalogiæ & ordinis vnitatem minimè sine-  
 ram disperguntur, verè & reipsa in vno ali-  
 quo totius istius multitudinis perfectissimo  
 coniunctæ fuerint.

Præterea ex veri natura sic argumentari V. ratio ex-  
 licet. Apud sapientes pro indubitato habetur, verum & ens inter se vicissim retro com-  
 meare. Atqui verum duobus modis dicitur.  
 vno modo, æqualitas & symmetria intellè-  
 ctus ad id quod intelligitur. Sed veritas eo mo-  
 do accepta non inuenitur, nisi in propositioni-  
 bus. Vt igitur vox hæc tam latè pateat, quàm  
 entis appellatio, dicitur secundo veritas, rei  
 effectæ ad ideam quam artifex in mente ge-  
 rit adæquatio. Quare cum unicuique sim-  
 plici naturæ suam tribuo veritatem, signifi-  
 co ipsam ideæ sui artificis ad amussim re-  
 spondere, & proinde causam efficientem ha-  
 bere.

Præ-



VI. ex natura boni.

Præterea nemo dubitat, aliquod esse partium vniuersi bonum. Id enim qui negaret, neque mali & perturbationis ipsum capax esse diceret: quandoquidem malum est boni quod inerat corruptio. Quod si igitur est aliquod rerum, quæ mundo continentur bonum, quærédum restat, num illud sit intraneum, an extraneum. Et haud dubium, quin responderi debeat, bonum cuiusque partis mundi quodammodo extraneum, & rursum alio modo intraneum esse: quemadmodum exercitus bonum partim inhærens, partim extraneum est: inhærens, ipsa eius *ἐνταξία*: extraneum, is quem velut finem exercitus respicit, imperator. Eodem modo, cuiusque naturæ intraneum bonum est inhærens ipsi perfectio: extraneum verò, totius vniuersi optimus status, quem singulæ naturæ velut scopum intuentur. Atqui fieri non potest, vt, quod à seipso existit, bonitatem aliunde velut precario possideat. Cùm enim esse, & bonum, conuersim de se mutuo dicantur, id quod à seipso *ὀυσίαν* nanciscitur, proculdubiò & omnia sua in se reposita habet, à nullo extraneo dependens. Quis enim vel vnciam habens sani iudicij, rem *ἀυτοῦσιον* suæ bonitatis rationes aliunde suspensas habere dicat? Sed persequamur cætera id genus argumenta.

Si

Si naturæ, quibus constat mundus, essent à seipsis natæ, nihil in eis potentia inesset, sed puræ ἐνέργεια existèrent. Omnis enim potentia passiva, de qua nunc loquimur, ex essentia imbecillitate proficiscitur, sicut è contrariò agendi facultas ex eius perfectione & firmitate ducit originem. Quæ igitur agendi, patiendique potestatem nata sunt, media inter esse & non esse nutant, & quatenus existunt, ἐνεργητικῶς δυναμιν possident: quatenus verò in non esse propendent, mutationi obnoxia sunt. Aut enim potentia illa ἀλλοίωσιν τελειωτικῶν id est, alterationem perfectiuam respicit: & proculdubio quatenus adhuc perfici desiderant, eatenus non existunt quodammodo. Aut φθαρτικῶς μεταβολῶν id est, corruptiuam mutationem eorum potentia spectat, & rursus qua ex parte aliquid ipsis perfectionis auferri potest, eatenus caduca, & in interitum prona existimari debet. At verò quæ à seipsis sunt, ea nihil habent cum non esse commune, sed quicquid sunt, essentia sunt: quæ autem ex nihilo prodierunt, ea semper quandam ad suam originem similitudinem & propensionem retinent, & ideò multa ipsis ad summam perfectionem desunt, & quam adeptæ sunt integritatem, eam possunt amittere. Cùm igitur omnia quæ sub aspectum ca-

VII. exa.  
ctu & po-  
tentia.

dunt mutabilia sint ἀείσποβόντα καὶ σποβόμενα, vt Nazianzenus ait, & actum potentia admixtum habeant, ex nihilo profectò in esse prodierunt.

VIII. ratio  
ex possibili  
& necessa-  
rio.

Idem ex possibili & necessario sic demòstratur. Nullum huius mundi corpus est necessarium, sed omnia non esse possunt. Atqui quocunque possibili semper aliquod necessarium prius esse oportet, à quo nascendū primordium sumat. Si enim omnia sint non necessaria, ponantur ergo non existere, & sequetur nihil esse. Cùm verò impossibile sit omnibus abolitis quicquam fieri, eo quod nihil sine causa nasci queat, efficitur vt posito nihil esse necessarium, inferri possit, neque quicquam esse possibile. Porro nullam huius mundi partem necessariam esse, quia non omnibus persuasum est, sic demonstratur. Omnia quæ in mundo cernuntur, corpora sunt: corpus verò vnumquodque ex materia & forma componitur, ex quibus nec materia necessaria est; habet enim suam subsistentiam à forma. Nec forma necessitatem existendi habet, quia suam subsistentiam à materia mutuatur. Etsi verò hominis anima non subsistat per materiam; id tamen nihil officit nostræ demonstrationis robori, eò quod certum sit illam non esse necessariam, imo nec corpore antiquiorem.

Infero

Infero igitur ex his, neque compositum vllum absolutè necessarium esse. Absoluta enim necessitas à nullo dependet. Insuper omne compositum solubile est in eas partes, ex quibus componitur. Nec refert, non esse vllum agens tam robustum in natura rerum, quod cœlum queat dissolvere: verùm sufficit non esse absurdum & ἀόρατον tale aliquod fingere. Hinc enim rectè colligemus, cœlū, si ipsius natura spectetur in suas partes diuelli, & eo modo interimi posse. Atqui omni tali prius aliquod absolutè necessarium sit oportet, vt euincit superior demonstratio.

Præsuppono deinde, cuiusque rei, quæ Ratio IX. non est ex natura sua, & per se talis, qualis est ex finito & se dicitur, causam cur eiusmodi sit reddi infinito.  
posse. Quicquid enim est hoc aut illud, vel per se & ex natura sua id ei conuenit, vel aliunde. Sed mundus habet certam & finitam quantitatem, certum modum perfectionis, certum numerum specierum. Veterum enim de mundi infinitate sententia iam pridem explosa est. Vnus quoque ab omnibus rectè sentientibus creditur. Atqui ex natura sua non competit ei hæc potius quantitas, quàm maior aut minor. Nec naturæ ipsius repugnaret, esse paulò maiorem, aut vna vel altera specie locupletiolem. Plures quoque

mundos per eorum naturam esse non posse, non tam firmis rationibus probat Aristoteles, quàm vulgò creditur. Sed vt hoc omitamus, id certè constat & à Geometris supponitur, quauis certa magnitudine maiorem dari posse. Omnis igitur certa & definita magnitudo, vel est ab externo opifice certam mensuram suo operi præfiniente, vel si determinatore caret, certa esse non potest, ac proinde infinita erit. Eadem ratio ad perfectionem certis cancellis circumscriptam, & numerum specierum determinatum accommodari potest. Sed ne modum in accumulandis eiusmodi epicherematibus excedamus, ad quarundam obiectionum repulsionem nunc transeundum.

*Solutio argumentorum, ex quibus contrarium effici videtur.*

### CAPVT . X.



QUANQVAM obiectiones, quæ mundi creationi obstare videntur, à multis eruditis viris dissolutæ sint, in gratiam tamen eorum, quibus varios auctores eadem de re consulere integrum non est, quod illi copiosè, nos strictim hoc loco facturi sumus. Primum igitur & maximè familiare Philosophis, à creationis impossibilitate sumitur.

mitur. Existimant enim ij, non potuisse mū-  
 dum à Deo ex nihilo creatū esse, q̃a talis nas-  
 cēdi mod⁹ exemplo caret. Quis enim vnquā  
 ex nihilo q̃cūq̃ fieri vidit? Insup neq; possibi- 2. obiectio.  
 le videtur, vt mutatio accadat, vbi nō est vl-  
 lum subiectum, q̃ mutetur. Rursum creatio 3. obiectio.  
 qua res ex nihilo effectæ sunt, vel est creatu-  
 ra, vel extra genus rerum, quæ ex nihilo ortæ  
 sunt. Si creatura est, rursum quæretur, num  
 creatio per quam esse cœpit sit creatura, id-  
 quæ de illius creaturæ productione rursum,  
 donec vel ad creationem perueniatur, quæ  
 non sit creatura, vel vnicuiusque rei creatæ  
 sunt infinitæ creationes: quorum vtrunque  
 æquè absurdum. Nam si est quicquam præ-  
 ter Deum, quod non sit ab ipso creatum,  
 corruent omnium superiorum rationum  
 fundamenta. Rursum si per infinitas creati-  
 ones intermediæ sit vnaquæque creatura,  
 nunquam eius effectio absoluetur: siquidem  
 infinitum pertransiri non potest. Item si de- 4. obiectio  
 us est rerum omnium causa, locus ergo nul-  
 lus erat, in quo ante conditum mūdum ver-  
 sari poterat. At verò quicquid est, alicubi  
 est: si ergo nusquam tunc fuit, in totum fu-  
 isse non videtur. Denique cum tot sint ve- 5. obiectio  
 nenata animalia, tot bestię humano generi  
 perniciosæ, tanta morborum & miseriarum  
 quibus obruimur copia: cum terra in fentes

70 DE PROVIDENTIA DEI  
40  
& vepres sponte luxuriēt, bonas verò fruges, etiam post infinitos agriculturalum labores, egrè producat; cū natura hominis tarda sit ad virtutes capessendas, prona verò in omne nefas: cumque mors, qua nihil terribilius est, inevitabili necessitate cunctis hominibus immineat, quis credat Deum mundi opificem, cum à fonte bonorum, tantum malorum agmen profluxisse non sit verisimile?

Ad orimā  
obiecit. Re-  
sponſio. Sed ad hæc facilis responsio est. Cogitandum igitur, Deum esse ordinis, quem naturalia agentia observant, auctorem. Atqui si iniquum esset, patrem familias ijs legibus astringere, quas mancipijs suis præfixit, multò ergo iniquius erit, Deum, qui infinito propemodum intervallo natura superior est, sub naturæ leges reuocare velle. Quod verò obijcitur, nūquam visum esse quicquā ex nihilo produci, friuolum est. Mundus enim in sui primordio tot rerum generibus instructus est, ut ijs nova adijci superuacaneum sit. Quod autem primam totius universi creationem nemo viderit, mirum non est: cum adhuc nullus eo tempore locus extiterit, in quo spectatores operum diuinorum consistere possent, nec solis lumen in rerum natura fuerit, sine cuius adminiculo frustra creationi mundi fuissent spectatores adhibiti.



biti. Ad id verò q̄ de mutatione sine subie. Ad secū.  
cto dicitur, respondemus parum nos de no-  
mine sollicitos esse. Itaque si placet hāc solā  
mutationem vocare, quæ in subiecta mate-  
ria recipitur, fatemur creationem non esse  
mutationem. Sin mutationis nomine intel-  
ligitur, quælibet effectio eius quod ante non  
erat, siue ex sola promanet efficiente causa,  
siue ex materia eliciatur, non erit cur crea-  
tio negetur esse mutatio. Nam & transitus  
à non esse ad esse, quædam mutatio est: nec  
absurdè id mutatum dicatur, quod cum an-  
tea non esset, iam incipit existere. Tertia ob- Ad tertā.  
iectio dilemma est, quo non solum creatio,  
sed & quæuis alia mutatio impeti potest.  
Nam & de illa quæretur, num mutatione a-  
liqua esse incipiat, an non. Et si neges per mu-  
tationem incipere, aliquid igitur sine muta-  
tione esse incipiet. Si dicas mutationem nas-  
ci mutatione, rursum hęc secunda per aliam  
mutationem sumet initium, & ita nusquam  
insistet hęc mutationum addaggeratio. No-  
runt etiam, qui in philosophicis diatribis  
versati sunt, huiusmodi captiunculis in tem-  
pus locum & plura alia ludi: norunt & ψευ-  
δομένους συλλογισμούς eodem artificio fieri.  
Ad quartam obiectionem dici posset, quod Ad quartā.  
alius quidam ad non dissimilem quæstio-  
nem respondit. Rogatus enim quid ante mū-



Aug. libro  
confess.

Locus Dei  
an ullus.

Ad quintā,

Cur vene-  
nata ani-  
malia.

Themisto-  
cles.

di creationem Deus egisset; geennam, inquit, fabricabatur ijs, qui tales quæstiones proponunt. Sed quia violenter potius quæstionem abruptit illa responsio, quàm scrupulum eximit, aio, Deum antemundi constitutionem eodem in loco fuisse, atque modo est; hoc est nullo. Non enim spiritualis illa & sibi sufficientissima natura loco indiget: sed tam locus, quàm cæteras omnes creaturas omnipotenti eius dextera fulciri necesse est, ne in nihilum, vnde prodierunt, recidant. Quin neque rebus quantitatem molis habentibus, adeò locus necessarius est, vt mox ea periclitari oporteat, si absque loco intelligantur. Nam cædò quem locum ipse mundus occupat? Quod si is sine loco potest existere, frustra aliquem Dei locum requiramus. Quod ad bestias homini noxias attinet, primum illæ minimè superuacaneæ videri possent, si nullus earum alius vsus esset, quàm quod hominem superbum suæ fragilitatis memorem efficiunt. Iam verò præter hanc vtilitatem & alias plurimas afferunt, si non hominibus, saltem alijs rebus. Etenim serpentes, qui hominibus exitio sunt, delicatissimum ciconiarum pabulum existunt. Sanguis taurinus, quo epoto homines mori dicuntur, animali isti salutaris est. Succus radicis, quam occidentales Indi hiuccam appellant,

lant, toxicum est: & tamen radix illa, panis loco regionum illarum incolis existens, sine tali succo gigni non posset. Nonnulla quæ initio pro noxijs fugiebantur, postea compertum est, morborum quorundam præsentissima remedia esse. Vulgatum est, theriacas, quibus natura contra quælibet venena mun: tur, etiam serpentum carnibus constare. Insuper sunt hoc genus animantia Dei hominum peccata vindicantis instrumenta: aut salubria, vt minimum, generis humani terculamenta: vt multitudinem insidiarum, quibus appetuntur, & suam ad resistendum infirmitatem ad memoriam reuocantes, Deum, sine cuius præsidio inter tot mala tuti esse nequeunt, pro virili sibi conciliare studeant. Vltimò ad alios vsus nobis ignotos adhibentur, quos, inquit D. August. oportet diligenter inquirere. & vbi ingenium aut infirmitas nostra deficit, ita credere occulta, sicut erant quædam, quæ vix potuimus inuenire. Porro cætera mala, quæ tragicis vociferationibus Epicuri secta profequitur, & vult mundi à Deo haud conditi certa argumenta esse, Christianis negotium non facessunt, vtpote, qui ex sacris literis norunt, illa non pertinere ad naturam hominis primum instituti, sed pœnam damnati: vt non debeant in auctorem mundi con-

ferri: sed primorum parentum inobedientia imputari.

*Quod ex eo consequatur, mundum divina providentia regi, quia in à Deo effectus est.*

### CAPVT XI.



Quæcunque hæcenus de mundi origine dicta sunt, ea non alio consilio attulimus, quàm vt super ijs velut fundamētis sanam de regimine mundi sententiam extruamus. Sunt enim hæc duo tam necessario nexu inter se apta & coniuncta, vt non existimem quæquam integrè & sincerè posse Deum mundi opificem confiteri, quin idem & regimen eiusdem Deotribuendum esse censeat. Epicurei qui mundum fortuito atomorum cōcursu genitum fingunt, iidem & numinis eum providentia gubernari inficiati sunt. Peripateticorum nōnulli posteaquam non arbitrio diuinæ voluntatis, sed naturali necessitate mundum à Deo emanasse docuissent, in impias de mundi regimine cogitationes lapsi sunt. Itaque sufficeret mundum suo opifici tot rationibus asserum esse, quemadmodum veterum plerique de providentia tractantes, contenti fuere Deum esse mundi effectorem demonstrare: nisi vereretur esse quosdam, qui proprie

prio Marte hanc vtriusque dogmatis connexionem perspicere nequeant. Horum igitur gratia, & quia nulla argumenta in tanti ponderis causa superuacanea existimari debent, *παχυμερές* hoc de re differemus. Primum igitur nemini dubium est, quin, si vellet ac posset, huius mundi architectus hoc suum opificium regere & moderari, mox effectus consequeretur. Quocirca si id minimè facit, vel non potest, vel non vult mundi curam gerere, aut certè nec vult nec potest. Quicquid horum dixeris, in tot absurda incurres, vt etiam pertinacissimos sue persuasionis defensores ad palinodiam adigere possint. Si enim aias non deesse Deo facultatem totius mundi curandi, sed voluntatem duntaxat: id verum esse nequit, nisi quia *ἀπρὸς θεοῦ* nec aduersatur diuinæ sapientiæ, nec bonitati, nec iustitiæ. Hoc enim cunctis mortalibus de eo persuasum cui diuinitatem tribuunt, rectam & inculpatam illud voluntatem habere, nec posse quicquam secus facere, quàm fieri conuenit. Deus iustus est inquit D. Paulus, se ipsum negare non potest. Et Plato de repub. libro 2. Si Deus est, mentiri non potest: si mentiri potest, Deus nō est. Atqui nihil æquè cum Dei sapientia, bonitate, ac iustitia pugnat, quam ipsum in cœlis à mundi procuratione prorsus

Dei voluntas necessario recta.

sus feriatum desiderare, & otiosum tantum rerum humanarum spectatorem agere. Sapientis enim proprium officium, gubernacula tractare, & alios qui minus valent consilio & prudentia, ad finem congruentem dirigere: & præclare ab Aristotele in primo politicorum traditur, imperantem à seruiente, quodammodo naturaliter prudentia & imprudentia discretum esse, perinde atque si ijs qui sapientia & consilio ceteros mortales antecellunt, iure naturæ imperium debeatur: alijs verò, qui rationis inopia laborant, eadem natura lege perpetua parendi, & ex alieno præscripto viuendi debitum imponat. Cum igitur Dei sapientia summa & immensa sit, creaturæ autem multis defectibus obnoxie eius opè indigeant, quò ad id cuius gratia conditæ sunt peruenire possint, ipsum ius naturæ, aut potius ipsa æterna Dei lex requirit, vt Deus gubernatoris in hac magna mundi republica partes agat, creaturæ verò eiusdem regimini subijciantur. Sed hîc obstrepunt Philosophastri nonnulli, vnde nos prouidentiam stabilire conamur, inde illam volêtes euertere. Aiût enim, Dei maiestate ac sapiëntia indignum esse, ipsum rerum vilissimarû, quibus inferior hæc mundi pars referta est, procurationi inuigilare. Quid enim gliribus, muribus, pulicibus, & id genus

nus alijs animalculis abiectius? Nunquam terreni reges adeò se deprimunt, vt vilissima quæque ministeria ipsi per se obeant, sed ministris suis illa cõmittentes, de arduis negotijs, & quibus totius regni salus continetur, cum amicis in regia tractant. Magis ergo diuinæ maiestati congrueret, sola cœlestia per se curare; sublunaria verò, tanquam eius cura parum digna, cœlo regenda committere. Nam metuendum profectò, ne dum honoris diuini prætextu ipsum ad terras sordibus & immunditijs, quas etiam nominare verecundum esset, inquinatas deducimus, imprudentes Dei honorem & maiestatem potius immînuamus. Grauiissimè à Platone dictum est, οὐ θέμις καθαρῶ μὴ καθαρῶ ἀπτεσθαι, id est, impurū puro contingere nefas est. Cùm igitur Deus purissimus, & ab omni corporea concretione alienissimus sit, non est fas ipsum ad nostras sordes accedere, ijsque procurandis manum admouere. Ac proinde quadam ergo diuinum numen reuerentia apud omnes mortales opinio obtinuit, Deum à nostris fecibus procul remotum in cœlo tanquam domicilio versari. Id quod & Homero placuisse video, dum ait: ζεὺς δ' ἔλαχ' οὐρανὸν ἑυρυὼν ἐν αἰθέρι καὶ νεφέλῃσιν. Sicilli. Sed respondendum ijs, si ex creaturarum dignitate æstimare velint, quibus nam par est

par est curam à Deo impendi, nihil in tota rerum vniuersitate erit, quod prouidentia numinis dignum videbitur: Omnia enim ad eius infinitam excellentiam comparata, nihil aliud sunt, quam exiguus terræ puluisculus. Sin diuinam sapientiam contemplerur, nihil tam protritum est, quod sua cura indignum iudicare debeat: tum quod parum congruat opera manuum eius ab ipso despectui haberi, ac ideò ne vilissima quidem animalcula, quandoquidem ex ipso tanquam prima omnium rerum scaturigine & illa profluxerūt: tum etiam quia in eo non mediocriter enitescit Dei virtus & sapientia, quod rebus quæ per se nullius pretij sunt ad maximi momenti res conficiendas abuti potest. Animalia, inquit, D. Augustinus quæ minus habent molis, plus habēt admirationis. Quid enim mirabilius oculo, quem non videt oculus? Quis non magis rostrum miretur culicis, quàm promuscidem elephantis? Quis cannam tam exilam crederet excauatam esse, nisi bestiolam sibi alimentum per eam fugere compertum esset? Quæ hæc præpostera Dei sollicitudo esset, solius cœli per se curam habere, cæteris verò, atque in his & humano generi nullam curam, nisi per cœlum impendere: cum cœlum, elementa quæ omnia non aliam quàm domicilij rationem

Multū est  
in minutis  
animalcu-  
lis miracu-  
li.

nem

nem habeant, si ad animalia & potissimum ad hominem comparentur? An ne æquum est, Deum habere diligentiores domicilij curam, quam ipsius habitatoris? Ipsūne similem fingemus stultis quibusdam parentibus, qui, dum in id totis viribus incumbūt, ut filijs suis amplissimas opes accumulēt, quibus interea sint moribus, qua eruditione ipsi filij, quibus illæ opes acervantur, non magnopere laborant? Sunt enim homines quodammodo filij Dei, & ad eius imaginem cōditi, quatenus mentis & consilij societate, quibus, teste Cicerone, nihil habet Deus ipse diuinius, cum ipso coniunguntur. Nec mihi reges terrenos opponas, ex eorum fastu & superbia Deum æstimans. Hi enim tam præposterī sunt suæ dignitatis vindices, ut cum aratrum attingere tāquam rusticanum detestentur, scortari, commessari, magnos scyphos exhaurire, germanè regium ducāt. Sed neque inter hos laudatissimus quisque ab *αὐτοσπύια* rustica abhorrerunt. Nam, ut in Oeconomico suo Xenophon scribit, Cyrus minor Lyfandro Lacedæmoniorū duci hortum ostendit, quem ipse proprijs manibus, conseuerat, ac in ordinem digesserat, nullam inde maiestati regiæ iacturam metuens. Sed etsi demus esse quædam opera, quæ parum reges deceant: non tamen ideo concedere.

Homines  
filij Dei.

2. de nat.  
Deor.



cedemus, quicquam in mûdo esse quod Dei cura indignum sit. Nam quia reges propter naturæ imbecillitatem vbique præsentibus esse, & omnia per se curare nequeunt, restat ergo, vt maximè ardua & statum regni incolumem spectantia administrarent. Verùm Deus pro suæ naturæ inexplicabili præstantia procurando minima à magnorum cura non retardatur. Quod si adeò placet illud regum exemplum, quoniam nemo dubitat, quin in primis regum sit, liberorum suorum mores curæ habere, efficitur, vt, si minus deceat brutorum curam à Deo geri; saltem hominum res, mores, vitam, studia ab ipso curari quàm maximè conueniat. Nec admodum nos sollicitos habet, quod terra multo pedore, multisque sordibus obsita esse dicitur, quasi idcirco Deum, si in terris versaretur, necesse sit eius immunditie coinquinari. Nam si Solis radius per cloacas & loca immunda penetrans suam retinet sinceritatem, quanto magis Deus incorporea & impatibilis mens, nihil labis ex corporum quâtuilibet fœdorum contactu accipiet? Est etiam considerandum, sensibus nostris quædam videri fœda, quia sunt facultates corporeæ, in quadam elementorum inter se temperie, & iusta commoderatione si-  
cæ: vnde fit, vt eorum corporum sensu of-  
fendan-

fendantur, quæ ab illa mediocritate ad alterum extremorum declinant. Intellectus verò, qui omnis compositionis expers, omnium eorum, quæ esse participant, commune quoddam receptaculum est, nihil fœdum vel abominabile ducit, quod entis nomine quoquomodo censetur. Verùm solis vitijs & peccatis offenditur, quæ sunt naturalis ac debitæ rectitudinis quædam priuationes. Cùm igitur sensibus diuina natura non utatur, nihil afferūt impij & irreligiosi quidam homines, qui cum audiunt Deum vbique præsentem esse, mox inferūt, ijs quoque locis ipsum versari, quos sine honoris præfatione nominare haud licet. Quasi verò vllis sordibus aut graucolentia diuinum numen magis offendatur, quàm eiusmodi hominum irreligiosa impietate. Ac de sapientia hactenus: nunc ostendendum, quod neque salua bonitate sua possit Deus mundum deserere ἀνοστήσειν. Quo loco illud principio considerandum, Deum non egestate aut proprij quæstus vlla expectatione permotum, huius vniuersi molitionem aggressum esse: sed liberalissima bonitate adductum, voluisse vt suæ dotes cum creaturis quadam ex parte communes fierent. Etenim quid omnium bonorum copia circumsuienti ex rebus à se conditis emolumenti accederet?

Causa cur  
Deus mundum  
condidit.

Quid exuberantissimo fonti guttæ quædam  
tenuēs conferre possent? Iam verò si Deum,  
non externæ pepulerunt fingere causæ.

*Materia fluitantis opus, sed summa supremi  
Forma boni.*

Germanis  
Deus dici-  
tur Gott  
quasi gut.

Quis credat ipsum tam cito sui factum  
dissimilem, quam in condendo mundo bo-  
nitatem declarauit, eandem in gubernando  
minimè præstare? Hæccine est illa prædicata  
omnium gentium linguis ac literis Dei bo-  
nitas, vnde etiam apud Germanos nomen  
inuenit, ut ipse abiectis rerum habens cœlo  
se contineat, quicquid infra lunam est, cæco  
casu fursum ac deorsum iactari permittens?  
Aut si quam curam ijs impertiat, illa non sit  
alia, quàm per cœli irrequietam vertiginem  
id beneficij præstare, quod sit asinis ac bubus  
cum homine commune? Adeone rerum o-  
mnium parentis Dei auris aggrauata erit, ut  
miserorum & afflictorum hominum preces  
exaudire non valeat? Ut impiorum iniurijs  
ac violentia oppressi, ne hoc quidem habe-  
ant residuum, ut oculos suos in cœlum leua-  
re queant? Quouis igitur terræ vermiculo  
Infelicior erit homo, ut qui corpus magis  
quàm cætera animalia infirmum habet, &  
rationem insuper tali rerum statu ad nihil  
utilem futuram, quàm ut suas calamitates  
melius persentire queat. Omitto nunc quam

sit

fit alienum à Dei bonitate, tot mala quę sub sole contingūt, sine vllius cōmodi respectu quo tāta ordinis optime instituti perturba- tio sarciatur, pērmittere. Illud tantum dico, videri mihi Philosophos, qui mundum esse Dei opus confitentur, & nihilominus prouidentiam eius lunę cōelo terminari statuunt, non tam Deum tueri primam rerum omnium causam, quāum tacitē Epicuri negotium agere; cūm eo præsidio pios deiiciant, quo vno contra nefarios impiorum latratus diuinam bonitatem defendunt. Cūm enim quærūt à nobis Epicurei, quo pacto credibile sit Deum esse mundi tot latrocinijs ac sceleribus referti, ac tam vberem malorum prouentum quotidie efferentis, cōditorem: cum Manichæi interrogant, cur non potius alicui primō malorum principio rerum visibillum originem acceptam ferimus, quando quidem fide caret tantam malorum Iliada, quantam in mundo cernimus, à bono Deo proficisci potuisse, totam defensionis spem in eo sitam habemus, vt ostendamus mala illa ex creaturis progerminare, quatenus ex nihilo orta rursus in nihilum tendunt: nec aliud esse, quāum boni quod inesse debebat priuationes. Permitti verò malorum tantam vbertatem, quia ex eo præcipua & singularis Dei bonitas elucescit, quod etiam de

Quæ origo  
mali, &  
quare à  
Deo per-  
mittitur.

malis benefacere nouit. Suam enim iustitiā non mediocriter illustrat, dum flagitiosos & ordinis benè cōstituti perturbatores meritis supplicijs addicit: bonorum verò patientiam iusta mercede remunerat. At verò si Deum facimus rerū sublunarium, & præcipuè humanarum procuracione abstinere, ne hiscere quidem contra hos mundi creatoris antagonistas audebim⁹. Quis igitur existimet, eos seriò Deum mundi opificem credere & non potius suspicetur, eos causæ Dei rerum conditoris ab Epicuri familia præuicatorum appositos esse, qui arma nobis eripiunt, quibus mūdi creationem defendamus. Rursum, contra mundi à Deo constructionem sic nonnulli argumentantur. Vel, inquit, bonorum causa Deus mundum condidit, vel malorum. Non malorum; quia illi digni non erant, quorum gratia tantam molem excitaret. Nec bonorum; quia illi plerunque in hoc mundo infelicissimi sunt. Et si illis optio deferretur antequam nascantur, velletne mundum ingredi, an non: haud dubium, quin præoptaturi essent, nunquam nasci, ne mala quæ sub sole contingunt, cum cernere, tum experiri cogerētur. Verum ad hanc obiectionem velim scire, quid responderi possit ab ijs, qui negant Deo res hominum curæ esse, nec quicquam pro benè acta  
vita

vita mercedis cuiquam in futurum expectandum esse. Si igitur hoc argumentum sine Dei prouidentia, malos punientis, bonos remunerantis, dilui non potest, quisquis mundum à Deo credit effectum, idem & prouidentia eiusdem res hominum administrari confiteatur necesse est. Quod si nunc ad Dei iustitiam considerandam nos conuertamus, facile intelligemus, neque illam passuram, ut res humanæ ab ipso negligantur. Nam quis non videt, quam foret ab eius iustitia alienum, eos qui omnes suas actiones ad ipsum colendum, eiusque gloriam amplificandam conferunt, eodem loco habere, quo atheos, periuros, blasphemos, *θεοσυβείς* & id genus alia portenta? Et tamen hoc iustitiæ obseruantissimo Deo impingere coguntur, qui vel nullam ei rerum sublunarium curam, vel non aliam, quàm quòd cœlorum conuersione terram fœcundat, tribuendam censent. Istud enim beneficium pessimis iuxta ac optimis commune est. Si quisquam mortalium reperiretur, qui benè de se meritos non maiori beneuolentia complecteretur, quàm hostes suos capitales, hunc nemo dubitaret, non solum iniquum esse, sed indignum etiam, qui à quoquam amaretur. Quod igitur in homine tantopere displicet, qua fronte Deo attribuetur? Sed & illud co-

gitandum, naturæ leges à Deo mundi conditore hominum mentibus insculptas esse (iam enim cum illis mihi res est, qui mundum esse Dei opus confitentur) quocirca par est ipsum aduigilare, num ab hominibus eæ leges obseruentur. Alioquin enim quid eo legislatore abiectius esset, qui posteaquam suam voluntatem subditis patefecit, nihil deinceps curaret, an subditi in officio essent necne? De humanis legibus dicebat Solon, esse eas similes araneorum telis, quibus cum minutiora animalia capiuntur, maiuscula eas disrumpunt. At si horum sententia vera est, erunt diuinæ leges araneorum telis multò imbecilliores, utpote quas non solum potentes impunè contemnant, sed etiam debilissimi quique ludibrio habeant. Rogare etiam velim hos ἀπρονοησίας patronos, ecquid sentiant de terrenis iudiciis, quorum iustitia & μισοπονηρία omnium sermone celebratur. Verbi causa, an laudandum iudicent Zaleucum Locrensiū legislatorem, qui cum legem tulisset de adulterorum oculis eruendis, ac postea contingeret filium eius adulterij manifestum fieri, maluit poenam illam inter se & filium partiti, ita ut altero oculo uterque orbaretur, quàm committere ut tam grauè scelus inultum relinqueretur. An Iunij Bruti & Man-

Brutus.

lij



Iij Torquati in propria sobolenecanda se- Torquar.  
 ueritas, an Catonis maioris in persequendis Cato.  
 corruptis Romanorum moribus diligentia  
 probanda. Si quid habent ingenui pudoris,  
 non audebunt, opinor, non laudandos illos  
 dicere, qui cum ipsi à vitijs abstinerent, in a-  
 lijs illa seueriter vindicabant: cum neque il-  
 los sua commendatione posteritas fraudâ-  
 rit, qui cum ipsi vitam minimè innoxiam  
 ducerent, alios tamen impune delinquere  
 passi non sunt. Illud enim non sine laude  
 Cambysis, alioquin illaudati regis, in histo- Cambyser.  
 rijs commemoratur, quòd, Herodoto in  
 principio Terpsichores auctore, Sisamnem  
 iniquum iudicem viuum excoriâgit, & pel-  
 lem eius throno affixerit, in quo filius eius  
 ius dicturus erat. Et Augusto Cæsari licet Augustus.  
 impudico, & multis adulterijs infami, laudi  
 tamen datur, quòd Ouidium impudicorum  
 carminum scriptorem in exilium relegârit.  
 Si igitur homines ob iustitiæ Zelum laudi-  
 bus vehendos censemus: cùm nulla Deo lau-  
 datarum virtutum deesse possit, proculdu-  
 biò & ipse scelera odit, ac nefarios homines  
 iustis vult afficere supplicijs: præsertim cùm  
 ipse humanis mentibus eam notionem im-  
 presserit; qua rectè fieri iudicant, vt qui  
 toti reipub. præsunt, in fontes iusta animad-  
 uersione desequiant. Quod si hoc naturale iu-



dicium ex diuinæ sapientiæ fonte, quæ humanæ mentis effectrix est, profectum, falsum esse nequit, etiam Deum congruit ea esse voluntate, ut in mundi republica, cuius ipse principatum inabdicabili iure gerit, non patiatur quenquam impune sceleratum esse. Ut igitur hunc locum concludamus, quandoquidem ostensum est, neque sapientiæ Dei, neque bonitati, neque iustitiæ consentaneum esse, ut ipse neglectis rebus humanis circa cardines cœli perambulet, non commissurus est, ut hac in parte suæ sapientiæ & iustitiæ desit, si modo rei difficultate, quod minus id faciat, non prohibeatur. Solum igitur nunc, considerandum, num possit Deus totam rerum vniuersitatem sua providentia complecti. Ac non esse tam difficilem, etiam minutissimorum quorumque procuracionem, ut vires Dei exuperet, argumento sit nobis, quod iam multis rationibus declaratum est, prorsus non congruere, ut sinat Deus incerto casu mundum, & præcipue res humanas fluctuare. Si enim mundi gubernationi parem se non esse, antequam eius molitionem aggredere, sciebat, abstinere potius ab eo fabricando debuisset, quam in eam se difficultatem cōijcere, ut mūdum ἀνοήτως & imperfectum relinquere cogeretur. Nemo enim sapiēs tale opus machinari incipit.

pit: cui ob virium imbecillitatem non potest summam manum imponere; imòquòd tam imperfectum & informe relinquere compellitur, vt satius foret illud non existere, quàm eo modo existere: nedum Deus id faciat, quem nemo dubitat longè sapientissimum esse. Quod verò optabilius sit, nunquam conditum esse mundum, quàm talem conditum, qui nulla Dei prouidentia regatur, satis ex eo liquere existimo, quòd optimus quisque se mallet nunquam natum, quàm à primis incunabulis vsque ad mortem fortunæ ludibrio exponi.

Sed hîc Philosophi quidam nescio quid mussant de libertate Dei. Contra quos si nullum aliud argumentum proferre possemus, id certè omnibus cordatis sufficere deberet, quòd intolerabile sit, vllam Deo necessitatem affingere ad mundum construendum, si satius fuisset nunquam ab ipso huic operi manum admotam esse. Atqui si Deus minimè consulit rebus humanis, si hominum, quod ad Deum attinet, eadem est conditio quæ brutorum, si nulla cœlo pietas, quæ lachrymis innocentum commoueatur, si ad nihil aliud nascimur, quam vt per exiguum tempus vitæ nostræ, cum optimè ceciderit, opiparis dapibus ventrem farciamus, hoc solum post mortem habituri,

F s

quod

quod edimus, ac bibimus, quodq; exaturata  
libido haufit, quis non videt melius actum  
iri cum hominibus, si nunquam nasceren-  
tur, ac verum esse illud Theognidis:

πάντων μὴ φῦναι ὅτι χθονίοισιν ἄριστον  
μητ' ἔθρ᾽ ἀν' αὐγὰς ὄξυος ἡελίου

Id est, ut ad verbum interpretemur, om-  
nium quidem optimum esset terræ incolis  
non nasci, neque aspicere radios velocis so-  
lis. Quod si præstaret nunquam homines na-  
tos esse, quàm tali lege in lucem editos; idem  
de reliquo mundo iudicium foret, eo quod  
is humani generis causa sit effectus. Itaque  
ut modo dicebam, ijs, qui ne fateri cogantur,  
sponte vllum errorem à Deo admissum es-  
se, negarent eum potuisse sibi ab eius operis  
molitione temperare: id vnum sufficit obie-  
cisse, quòd nihil in Deum contumeliosius  
dici queat, quàm ipsum necessitate teneri il-  
lius faciundi, quod fieri non oportebat. Ve-  
rùm ex abundanti etiam demonstrabimus,  
non esse Deum necessitati subiectum, sed li-  
berrima eius volūtate creaturas in esse pro-  
diisse, ut planum fiat, frustra Dei necessita-  
tem contra tot absurda, quæ ἀπρονοήτως co-  
mitari fusè declarauimus, obtendi. Sed quia  
hanc quæstionem intricatiorem suis dispu-  
tationibus fecere Philosophi, quàm ut pau-  
cis

cis explicari queat, ideo eius tractationi totum sequens caput dicabimus.

*Quod libera voluntate Deus mundum produxerit.*

## CAPUT XI.



Ntequam ad rei propositæ demonstrationem accedimus, primum spero nos facile impetraturos ab ijs, qui Deum suæ potestatis esse negant, ipsum non inconsulto quodam naturæ impetu, quomodo graua deorsum feruntur, suas actiones inchoare. Operum enim diuinorum artificiosissima compositio auctorem prodit artificem. Artifex verò est, non qui sine consilio & ratione præceptis ad actionem fertur: sed qui primum finem aliquem sui operis cogitatione complectitur, mox talem eius ideam efformat, quæ fini quem sibi proposuit ad amussim respondeat, ac tandem voluntatis suæ imperio, quod animo conceperat, in lucem profert. Artem quidem perfectam non deliberare dicit Aristoteles, sed antequam rei artificiosæ ideam firmiter suæ menti insculpere quiuisset artifex, attentissima ipsi cogitatione finem sui artificij versare ac meditari necesse fuit. Itaque & Deus intelligendus est, non naturali pronitate, quæ omnem mentis actionem præcurrat, rerum naturas

Deus nō agit ex impetu naturæ.

turas architectatus esse, sed præeunte mentis iudicio, quod voluntati modum operis dictaret ac præscriberet. Non quod velim in diuina natura, quæ immutabilis est, vllam vicissitudinem succedentium sibi mutuò cogitationum intelligi, sed ordinem tantum quendam θεωρητικὴν in illa sempiterna essentia cogitari, quo ipsius agendi modus ab actione naturali distinguatur. Nec id Aristotelem, aut Platonem, aut quenquam alicuius pretij philosophum negaturum existimo.

Si enim sine mente & consilio hoc vniuersum constitutum est, quare Deum potius, quem omnes hoc intelligunt, quod sapientia cæteris omnibus antecellit, quam brutam quandam, & à ratione desertam naturam eius cōstructioni præfuisse, aut fortunę temeritate cunctas res in eum, quem nūc habent, ordinē redactas esse fingimus? Si verò ductū suæ mētis in agēdo Deus sequitur, vbicūq; igitur talis actioni subiecta est materia, vt nulla reddi possit ratio, cur agat potius, quàm nō agat, aut cur sic potius quàm aliter agat, ibi sua libertate vtetur, & quod videbitur, apud se constituet. Nec alia ratione docemus hominē libera voluntate præditum esse, nisi

Vnde probetur hominem esse liberi arbitrij.

q̃ rationis iudicio suas actiones temperat, ac proinde si viderit ad finem, quem naturaliter desiderat, assequendum, haud multum refer.

referre, hoc agat, an aliud, liberè se ad alter-  
 utram partem eligendam applicare potest;  
 ne si non queat, dum mens inter æqualia ra-  
 tionum pondera nutat, liberè se ad hoc vel  
 illud amplectendum determinare, frustra  
 consultandi facultatem adeptus esse videa-  
 tur. Est enim consilium de ijs duntaxat,  
 quæ ἐνδεχόμενα Græci appellant, ac vel fieri  
 vel non fieri possunt. Quo iacto fundamen-  
 to, facile erit multa inuenire Dei opera ne-  
 cessitati exempta. Primum enim cum Deus  
 nulla re extra se egeat, sed sui ipsius contem-  
 platione beatus sit, nihil ipsius intererat, an  
 mundus crearetur, nec ne, libera igitur vo-  
 luntate illum creauit. Rursum cum nulla sit  
 ratio, cur ante sex annorū milia poti⁹, quàm  
 vel paulò citius, vel paulò serius sit creatus,  
 durationis ei initium, p suo arbitrato Deus  
 præfixit. Similiter q̄ nec maior nec minor  
 sit, q̄ nec perfectior nec imperfectior, quam  
 quæso rationem habet? Quis etiam dicere  
 audeat, omnium stellarū situm certa ratio-  
 ne constare, cum nullus inter eas ordo, nul-  
 la digestio animaduerti possit, sed *ἄλλῃ* huc  
 illucque per cœlum dispersæ iaceant? Singu-  
 la igitur hæc, & plurima alia, quæ Gregori-  
 us Ariminensis in primum sententiæ scri-  
 bens collegit, non idcirco hunc in modum  
 se habent, quod aliter saluo dictamine men-  
 tis

Stellarum  
 situs non  
 vbiq̄ ne-  
 cessariam  
 rationem  
 habet.

tiſ diuinæ fieri non potuerint; verum quia Deo viſum fuit ſic potius, quam alter ea inſtituere. Plus dico, fieri nō poſſe, vt appetit⁹, qui præeunte cognitione ad agendum determinatur, in alterutram partem declinet, cum paribus cogitationum momentis hinc & inde incitatur, niſi ſuam actionem in manu habeat; ſicut impoſſibile eſt, trutinam quæ in diuerſum æquis ponderibus trahitur, huc potius, quàm illuc inclinare. Itaque niſi Deus liberrimæ voluntatis eſſet, nunquam ab illo quicquam prodiſſet, quod nulla neceſſaria ratione ſic potius quam aliter factum eſſet. Dices fortaiſis, his argumentis nihil aliud doceri, quàm non eſſe cauſam diuinæ neceſſitatis ex rebus ipſis petendam: verum haud liquere ex præcedentibus, an Dei ſapientia & potentia modum operum diuinorum excedant. Quid ſi enim diceretur, vbicunq; tu ais ex parte rei nihil obſtare, quo minus aliter quippiam fiat, quam effectum eſſe cernitur, ibi diuinam potentiam deficere, vtpote quæ hoc vniuerſo fabricando ita prorſus exhausta ſit, vt nihil reſtet in quo vltèrius elaborare queat. Scio equidem ſolum, hoc *χρησόμενον* ijs ſuper-eſſe, qui Deum neceſſitati ſubijcere vellent, verum inde ipſos nullo negotio depellam, ſi diuinam potentiam multò latius patere oſtèndero, quàm



quàm vñ huius vniuersi cancellis circumscri-  
batur. Cædò igitur, tu qui Deum nihil aliud  
posse dicis, quàm quod nunc ab ipso fieri vi-  
des, anne eiusdem potentiæ sit cælum ad o-  
rientem, vel ad occidentem mouere? Si v-  
trunque iisdem viribus fieri posse, pro eo ac  
debes, confiteris; quid erit cur Deus, qui v-  
num horum facit, alterum, quod eiusdem  
facultatis esse haud negas, facere non possit?  
An fortè dicturus es, eum nescire, quod di-  
uersis modis ad eundem scopum æquè com-  
modè perueniatur? Deum igitur lōgè infra  
hominem deijcies. Nemo enim hominum  
tam stupidus est, vñ non aliquando, velut in  
biuio dubius hēreat, nec constituere apud se  
possit, quam viam ingressurus sit, eo quod  
diuersa itinera pari compendio ad eundem  
finem perductura videantur. Ad hæc quo-  
pacto vnum ex multis fini, quem sibi pro-  
posuit, congruere animaduertit, nisi & cæte-  
ra huic similia eodem tendere perspexerit?  
Quomodo quisquam sciet, Petrum esse ho-  
minem, nisi idem & ceteros, quorum eadem  
est naturæ ratio, hominum appellatione  
comprehendi intelligat? Atque vnum hoc  
epicherema proculdubio sufficeret, ad osten-  
dendum, quàm parum sit in illa defensione  
præsidij, qua nonnulli non ex rebus ipsis, sed  
ex Dei impotentia causam necessitatis pe-  
tentes



tentes, sat cōmodè se argumentis pro eius libertate allatis occurrere existimarent . Verrum quò plenius elucescat Dei libertas, & contrarij dogmatis summa absurditas, ἐκ περὶ θεοῦ diuinam sapientiam & potentiam nullis terminis definita esse demonstrabimus, præsertim cum horum infinitas nouū argumentum pro Dei libertate suppeditet. Si enim vlla infinita virtus necessitati naturali subiecta esset, eadem quia suas vires in potestate non haberet, sed semper totas eas in agendo expromeret, effectum haud dubiè infinitum produceret. Cū igitur omnia Dei opera finita sint, sequetur profectò, vel non esse infinitam eius potentiam: vel si ea immensa sit, non esse ipsum naturali necessitate deinctum. Quare vt eius libertas demōstretur, nil aliud requiritur, quàm vt naturam Dei infinitam esse planum fiat. Id verò his argumentis euincimus. Primum si Dei natura est ἀνολογῶτος, ad nullam causam originem suam referens, non potest finitatis eius ratio ex causa sumi: si verò nec materiam habet in qua recipiatur, neque in materiæ paucitatem naturæ eius finitas conferri potest. Atqui si omnino certis finibus terminata esset Dei essentia, vel efficiens ei certos limites præfinijset, vel certè à materia certum terminum adeptæ esset: quomodo

do videmus tanta fere esse artificum opera, quanta per materiæ copiam vel inopiam esse poterāt. Atqui neutro horum modorum terminata est diuina essentia: infinita igitur sit necesse est. Quod si essentia Dei infinita est, neque potentiam & sapientiam eius infinita esse dubitandum est. Multæ hoc loco aliæ rationes ad ostendendam naturæ illius æternæ infinitam sapientiam & potentiam afferri solent; verum quia nolumus rem certissimam parum firmis argumentis dubiam efficere, omisis ijs, quæ peruiaces non conuincunt, & infirmis nil nisi scrupulos ingerunt, ad clarissima libertatis diuinæ documenta accedamus. Considerandum igitur, perpetuam durationem quarundam specierum non à solo Deo pendere: sed neque à Deo cum vniuersalibus causis, Sole dico & stellis; verum ad hanc necessariam esse, præter memoratas causas, ipsius speciei cooperationem. Nullum enim perfectum animal, si naturales nascendi leges spectentur, sine parente eiusdem secum naturæ gigni potest. Itaq; si non verbis tantummodo, sed re ipsa defendere volumus, Deum esse totius mundi auctorem, fateri cogimur, retrorsum supputando perueniri posse ad hominem vel equum, qui immeditatè à Deo effectus sit. Ac de cæteris perfectiorum animalium indiui-

duis idem intelligi volo. Eorum enim, qui nunc procreantur, genitura, præsupponit vniuersum iam constitutum esse, ordinemque agentium & patiētium descriptum, species rerum, ex quibus mundus componitur effectas. Sed non rectè Deus vniuersi conditor diceretur, nisi totus ille causarum ordo, quo mundi integritas velut fulcro nititur, ab ipso profectus sit. Quemadmodum neque Solon reipublicæ Atheniensis fundator verè dici posset, nisi ordinem quo magistratus à plebe distinguuntur, & leges, ex quarum præscripto noui reipub. gubernatores defunctis prioribus sufficiuntur, instituisset: sed non secus quàm posteriores illi, Laches, Euctemon, & cæteri, secundum iam statutas leges ciuitatem gubernâsset. Quod si Deus causas propagationis specierum in ordinem digessit, non cuiusuis equi causa fuit equus; sed quando primum is ordo constitutus est, equum immediatè à Deo fieri oportuit, vnde cæteri in posterum nascerentur. Inque prorsus necessarium esse demonstrari potest similitudine à repub. sumpta, in qua magistratu decedentes, alios sibi successuros nominarent. Facile enim intelligitur, si talis respublica suam originem ad primum aliquem auctorem refert, initio suæ foundationis non potuisse quæstores, prætores, consules ac

les, ac cetera publica munia obeūtes à suis antecessorib<sup>9</sup> eligi: sed primos magistratus immediate ab ipso fundatore electos esse oportere. Cum verò & in mundo animalium & stirpiū multò maxima pars vi generādi antequam decedunt posteros sibi sufficiat, sequitur, magnam esse huius vniuersi cum tali republica similitudinem, & proinde quotquot sincerè credunt, Deum esse magnæ huius ciuitatis conditorem, non posse abnuere, quin cuiusque speciei, quæ per propagationem seruetur, prima quædam individua, nullis alijs causis intermedijs à Deo effecta sint, vt deinceps per hæc opitulante Deo & cœlo cætera gignerentur. Quod si certum aliquod, in vnaquaque specie individuum primò factum est, inter illud igitur & vltima quæ in præsentia existunt, finitus numerus mediorum interiectus est. Vbi enim est aliquid primum & vltimum, ibi media non possunt infinita esse. Atqui infinita ea esse oporteret, si infinitis seculis durauit specierum per generationem conseruatio. Infero igitur ex his, non fuisse perpetuo generationem, ac ideo nec mundum carere suæ durationis principio. Ac tanti est apud me hæc ratio, vt ea non dubitem firmissimè demonstrari, eos qui mundum ponunt æternum, non posse ipsum à Deo constitutum defendere.

dere . Vt cunque enim elabantur, quoad ostendere conamur res stabiles, cuiusmodi est cœlum, non videri esse Dei opera, si perpetuò extiterunt; certè cum ad naturas sibi inuicem succedentes ventum est. pugna æternitatis mundi eiusdemque creationis tam manifestè conspicitur, vt nimis stupidus sit, qui eam non potest animaduertere : nimis impudens, qui postquam animaduertit, pertinaciter veritati pergit obstrepere. Nec dubito, Aristotelem pro suo acumine facile perspexisse, quam parum conueniant duo hæc dogmata. Itaque cum æternitatem mundi aperta fronte se amplecti profiteatur, de eius tamen effectione tam parcè locutus est, vt qui negant mundum esse à Deo creatum, sub vmbra auctoritatis eius delitescere audeant. Sed viderit ille, quomodo sua decreta inter se cōciliet. Nobis in p̄senti sufficit ostendisse, non posse integram retineri de mundi creatione sententiam, si is æternus credatur. Sunt plura incommoda, quibus Scholastici theologi mundi æternitatem impugnant, quæ quia magno studio Franciscus Toletus in suis cōmentarijs collegit, non opus est hîc repetere. Hoc solum addo, non rectè eos occurrere argumento, quod à dierum & indiuiduorum præcedentium infinitate sumitur, qui aiunt infinitum

quod

quod ex successione cōsurgit, posse existere;  
quod verò totum simul existit, nequaquam.  
Cùm enim naturæ infiniti magis aduerse-  
tur p partes & frustillatim exhauriri, quam  
rem quampiam stabilem, quæ infinita sit, in  
rerum natura esse; multò incomprehensibi-  
liora dicunt, qui æterna secula durationis  
mundi preterijisse tradunt, quam qui magni-  
tudinem eius nullo termino comprehen-  
sam esse docet. Si tamen prorsus flagitant si-  
bi demonstrari infinitum aliquod totum  
simul existens ex mundi æternitate conse-  
qui: fingatur singulis diebus, per quos mun-  
dus substitit, numerus hominum vno factus  
auctior, nec quenquam toto æternitatis de-  
cursu per mortem de summa detractum ef-  
se: & multitudo hominum in præsentī infi-  
nita erit. Nec refert, q̃ hominū mortalitas  
non sinat eos per infinitas annorū myriadas  
manere superstites, verum satis est, eorum æ-  
ternam durationem nullam includere re-  
pugnantiam. Cùm enim ex imaginabili nil  
sequi possit, quod sub imaginationem non  
cadit, si modo imaginabile sit, homines,  
quotquot omnibus retro seculis nati sunt, in  
viuis remansisse, neque inde quicquam se-  
quetur ἀσύστατον, aut inimaginabile. Atqui  
ex hac immortalitate hominis efficitur, mul-  
titudinem actu infinitam, in rerum natura

existere: non est igitur tale infinitum inimaginabile nec secum pugnant, qui illud esse statuunt. Sed contra Aristoteles multis rationibus contendit, multitudinem infinitam necesse, nec omnino coherere posse, & quicquid de firmitate illarum rationum sentiamus, illud certè negari nequit, nullius hominis tantum esse acumen, ut modum intelligere queat, quo vlla corporum multitudo sit infinita. Ergo & mundi æternitas, quam talis multitudo comitatur, est incomprehensibilis. Alienum igitur est à gravitate Philosophi, cum per temporalem mundi ortum eas difficultates declinare valeat, sponte se in tam inextricabilem labyrinthum dare præcipitem. Si verò his argumentis obtineam, mundum non esse æternum, sequitur, id quod probare nitimur, Deum esse liberæ voluntatis. Nam quæ naturali necessitate ad agendum incitantur, ea si omnibus ad actionem necessarijs instructa sint, quiescere non possunt. Deus ergo cum semper ijsdem viribus præditus fuerit, si non potest non eas in actum cōferre, quemadmodum vitæ diuinæ tempora nullis terminis cōclusa sunt, ita neque durationis mundi vllum initium inuenietur. Ut summo opere mirer, quid sibi VVicleffus, Bucerus, & Calvinus velint; qui cum haud negent, mundum

dum



dum ante annos nō ita multos initium sum-  
 fisse, Deum nihilominus nil aliud posse fa-  
 cere, quā quod facit, existimant. Sed con-  
 tra hoc genus homines disputare, à nostro  
 instituto alienum est: quare ijs dimissis ad  
 Philosophos redeamus, & an vlla iusta rati-  
 one commoti diuinæ voluntati necessita-  
 tem imponant, expendamus. Primum igi-  
 tur telum, quod in cœlum, diuinam liberta-  
 tem oppugnaturi, eiaculantur, tale est. Si in-  
 quiunt, liber est Deus, non constabit ei sua  
 immutabilitas. Poterit enim, hoc concessio,  
 noui quippiam facere; ab otio proinde in a-  
 ctum mutabitur. Sed Deus immutabilis est:  
 ergo neque liber. Nec eludi potest hæc obie-  
 ctio prolatjs exemplis, vbi noua actio incho-  
 atur nulla facta in agente mutatione, sed  
 tantum in patiente; vt cum, Sole nil muta-  
 to, res quæpiam ab eo calefieri incipit, quia  
 ex tenebris in apricum locum transfertur.  
 Talia, inquam, exempla non debent huic  
 argumento opponi. Nam etsi nonnulli sic  
 defendant, non necessario ex noua anima-  
 rum creatione sequi Deum esse immutabi-  
 lem, id tamen in mundi creatione, vnde nos  
 Dei libertatem cōfirmauimus, locum nō ha-  
 bet. Illic enim nulla in patiente mutatio Dei  
 actionem præcessisse fingi potest, vt ita ip-  
 sum immutabilem permanuisse tueamur:

Solutio e-  
 orum quæ  
 cōtra Dei  
 libertatem  
 obijciuntur.



Nam mundi molitioni, nulla fuit subiecta materia. Cùm igitur ante omnem nouam actionem præcedat, vel in agente, vel in patiente mutatio, quia certum in patiente, quod nullum erat, præcedere non potuisse, vt in agente præcesserit necesse est. En argumentum, quo Aristoteles ante quamuis mutationem esse aliam priorem mutationem docere conatur, vt ita motum & ex consequenti mūdum semper fuisse demonstret. Quod sanè quamuis difficillimum sit, & sua plausibilitate multos inescârit, Sophisma tamen esse ex eo colligitur, quod ipso parum immutato, & humani arbitrij libertas euertere possit. Quare non desunt Peripatetici, qui animaduerso hac eadem machina humanam libertatem concuti, Aristotelem fatalis necessitatis patronum fingunt. Horum vnus est Petrus Pomponatius, qui librum pro facto metu, vt opinor, inquisitionis nondum editum, scripsisse dicitur. Verùm quia tot locis Aristoteles humanam libertatem clarissimè confitetur, neque ipsius conscientie hoc argumento satisfactum fuisse arbitror. Id quod satis declarauit, cum patriam religionem, quæ nihil sani habebat, contemnere non ausus, falsis Græcorū numinibus ceruicem vano pauore submitit. Nam testamento suo, quod morti vicinus, aut æger, vt minimum

Pomponatius.

Aristoteles fuit idolorum cultor.

nimum, cum arcana sui pectoris quisque aperire solet, condidisse ex ipso eius exordio deprehendi potest, talia apud Laërtium canisse legitur. Matris Cererem dedicari volo vel Nemæ, vel ubi visum fuerit. Nicanorem quoque seruatum, quod pro ipso voui persolvere, & animalia lapidea quatuor cubitorum Ioui sospitatori, & Mineræ opitulatrici Stagiræ erigere. Hæc Aristoteles. Quæ eius *δεισιδαιμονία* prorsus superuacanea fuisset, si superiori illa demonstratione se Deo libertatem ademisse persuasum habuisset. Ei enim vota nuncupare qui ita in vnam partem ex natura sua determinatus est, vt in aliam se flectere quadam fatali necessitate prohibeatur, hominis esset imprudentis & intempestiuè religiosi. Quod verò idem argumentum contra arbitrij humani libertatem accommodari queat, nunc ostendamus. Ad libertatem arbitrij requiritur, vt is qui liber est, queat, omnibus, quæ ad agendum necessaria sunt, eodem modo se habentibus, agere vel non agere, hoc vel contrarium agere. Potest igitur qui hætenus frugi fuit, nulla facta vel in ipso, vel in rebus electioni subiectis mutatione, deserta seueriori vita ad Sardanapali castra transire. Aut si id facere non potest, liber non est. Falsum est igitur, ante omnem nouam mutatio-

Votum A.  
ristotelis.

Eodem ar-  
gumento  
impugna-  
tur Dei &  
hominis  
libertas.

nem, præcedere aliam quandam priorem mutationem, & ante hanc rursus aliam, idq; in infinitum: & tamen hoc axioma nititur tota Atheismi structura, vt dubium non sit, quin eo labefactato, necesse sit reliqua falsa dogmata, quæ hostes gloriæ Dei super tali fundamento erexerunt, concidere. Atque hæc responsio sufficere posset, ad enervandam captionis illius Aristotelicæ vim, nisi quorundam curiositas griphos griphis retundi haud contenta, ipsum nodum sibi solui desideraret. Quorum studium, vt non prorsus improbandum censeo, ita eos memores esse velim humanæ imbecillitatis: atque ideò, si quid me tale proferre videant, quod omnem ipsis scrupulum ex animo euellat, Deo paruulorum eruditori gratias agant. Si verò eorum expectationi non satisfecero, cogitent diuinam naturam esse pelagus tam profundum, vt etiam elephantes in eo submergi possint, nedum ego culex illud saluus traicere queam. Sciendum igitur, Dei simplicissimam voluntatem, quæ nihil aliud est, quam ipsa eius essentia, tantæ esse perfectionis, vt simul includat omnia, quæ per partes in creaturis inueniuntur. Vt ergo, quod creaturæ diuersis viribus præstant, id totum simplici voluntatis suæ imperio Deus efficere potest: ita nouam actionem

nem, quam naturalia agentia non possunt de se promere eodem manente patientis statu, nisi agendi facultas noua ipsis accedat, vel auctiores fiant vires, quas prius habebant: DEVS voluntate sua, quæ re ipsa quidem simplex, sed perfectione vsque ad infinitatem multiplex est, manente prorsus immutata, inchoare valet. Scio equidem humane mentis aciem, quæ rebus diuiduis contemplandis innutrita est, tantæ simplicitatis fulgore præstringi, & instar noctuæ in meridiana luce caligare. Attamen tam esse incomprehensibilem in perfectione Dei infinita simplicitatem, liquet ex creaturarum, quas saniores Philosophi ab ipso haud negant effectas, inspectione. Hæ enim cum pugnantes sæpè naturas habeant, quomodo vnicæ & simplici Dei voluntate produci poterunt, nisi ea propter suam perfectionem inuariata posset efficere, quod creaturis non nisi diuersis viribus, & alio voluntatis habitu exequi datum est. Quomodo aquam & ignem, quarum sunt tam diuersæ qualitates, eadem voluntas, eodem modo affecta produxisse intelligeretur, nisi & hic simplissima diuinæ potentiæ perfectio, & perfectissima simplicitas præ oculis constituta, nostram imbecillitatem fulciret? Si enim hanc rem ad captum nostræ mentis, & ea,

quæ

Non esse  
nimis cu-  
riose Dei  
naturam  
scrutandā.

quæ in natura contingere solent, reuocare  
velimus, non solum impietate plus, quam  
barbarica Deum ineuitabili necessitati sub-  
ijciemus; verum etiam cum Auicenna dicere  
cogemur multitudinem naturarum non es-  
se ab ipso profectam, nisi quia secundam  
quandam mentem progeniuit, à qua deinde  
res cæteræ suam trahant originem. Quod si  
hac solutione haud contenti, vltius in hâc  
abyssum ingrediamur, & simplici veritati  
nostrarum quæstionum tendiculis insidie-  
mur, futurum est, non solum vt ipsis Philo-  
sophis modestia simus inferiores, quorum  
Princeps Aristoteles fatetur, intellæctum  
nostrum se habere ad spiritualium intelli-  
gētiam, velut, oculus noctuæ ad lumen solis:  
sed etiam vt quāto irreligiosius in adytum  
naturæ diuinæ irrumpere conamur, & quæ  
incomprehensibilia sunt cæci pectoris no-  
stri angustijs comprehendere nitimur, tan-  
to longius ab ipso reiecti profundioribus te-  
nebris inuoluamur. Quod si auctoritate sapi-  
entissimi Salomonis haud terremur, qui  
maiestatis scrutatorem à gloria oppressum  
iri confirmat; moueat nos quòd Simonidi  
poetæ vsuuenisse libro primo de natura De-  
orum Cicero scribit. Rogatus enim ab Hie-  
rone rege quid esset Deus, triduum sibi con-  
cedi postulauit, ad huius quæstionis solutio-  
nem

nem. Quo exacto negans se habere quod responderet, tantūdem sibi temporis ad deliberandum denuo concedi poposcit. Cumq; hoc triduo completo, alterum tantum dierum numerum peteret, rex causam tam crebræ procrastinationis sciscitatur : cui ille respondet, ideo se in aliud tempus semper responsionem reiecis- se, quòd quanto diutius Dei naturam scrutatus sit, tanto se minus eam animo complecti posse, deprehēderit. Hæc pro Dei libertate dicta sunt, ne illa negata, quisquam se parum vrgeri antegressi capitis argumentis existimet. Verūm ne quis rudior id q̃ nos dextra manu porreximus, sinistra excipiat, admonendi mihi sunt harum disputationum tyrones, non talem debere intelligi Dei libertatem, vt is, more hominum, id quod semel constituit, queat rescindere, vel per aliquod tempus assensum retinere, quasi nondum liquidò cognoscat vtrā partem probare aut improbare debeat. Talis enim libertas sine mutabilitate intelligi nequit. Sed, vt vna cum libertate etiam τὸ ἀμείαβλητόν naturæ diuinæ retineamus, cogitandum est, quicquid Deus noui facit, id cum æterno decreto apud se firmasse. Nec in eo à Philosophis dissentit Ecclesia. Verūm hæc est controuersia inter nos & ipsos constitutio, quod nos, quia con-

Quis sit status contro-  
uersiæ, in-  
ter nos &  
Philosop.

fideramus actionem Dei fixam & stabilem non transire in præteritum, æternitatem decretorum Dei non repugnare ipsius libertati asserimus; ipsi verò æterna omnia necessaria esse contendunt. Quod nos ab æterno decreto temporariam actionem promanare posse dicimus; illi contrà negant, actionem nouam ab antiquo decreto proficisci posse, sine vlla intrinseca agentis immutatione:

Sed de libertate Dei, & omnino de p-  
uidentie diuine ex opificio mun-

di demonstratione ista  
sufficiant.

LIBER

DE PROVIDENTIA  
DEI IN QVO ARGVMEN-

tis moralibus Deus rerum humana-  
rum curam gerere demon-  
stratur.

## PRÆFATIO.



*Attenuis ex prima uni-  
uersi constructione Dei  
providentiam pro inge-  
ny nostri mediocritate  
confirmare, & contra  
impiorum latratus de-  
fendere conati sumus:  
reliquum nunc est, ut  
cetera perlustremus, ex quibus dogmata nec-  
cessarium rebus humanis illustrari, & mentibus  
hominum altissimè insigi possit. Cùm igitur supe-  
riori libro scopus noster fuerit, primum ostende-  
re Dei potenti iussi totum hoc uniuersum substi-  
tisse, ac proinde non denegaturum ipsum rebus à  
se creatis tutelam & gubernationem nisi par non  
esset, tot rebus cognoscendis & inspiciendis quod  
de eo qui hominibus mentem & intelligentiam  
impertitus est, dici non potest: nunc opportunum  
erit, Ethicis argumentis idem demonstrare. Po-*

*Qui plāta-  
uit aurem  
nō audiet,  
aut q fin.*

*stea-*



xit oculū  
nō cōside-  
rat? Psal. 39

*steaquam enim precedens tractatio quasdam sa-  
lebras philosophicarum argutiarum, quibus Dei  
providentia, & ipsa pietatis fundamenta oppu-  
gnantur; continuerit, lectorem ex illis spinetis e-  
gressum faciliiori aliqua materia interposita re-  
focillare necesse est. Cū verò Ethica disputati-  
ones valere iussis subtilioribus materijs per cam-  
pos liberiores rerum humanarum, & in com-  
muni vite usu positarum expatiantur, quid tam  
commodè superioribus adstrui potest, quam ar-  
gumentum illud, quod totam de bene viuendo  
doctrinam providentia diuina, tanquam funda-  
mento inniti ostendit? Hoc enim, ut si vllum ali-  
ud, clarissimè conuincit, eos nihil aliud quàm o-  
mnis improbitatis licentiam velle in hominum  
vitam inuehere, qui res humanas Deo cura non  
esse docent. Hec prefati nunc rem ipsam aggre-  
diamur.*

*Naturalem hominis rationem dictare, vir-  
tutis officia ob nullos dolores, imò ne ob mor-  
tem quidem, deserenda esse.*

### CAPVT PRIMVM.



*I*ncorruptior pars humani ge-  
neris natura doctore vsa, non  
solum in genere bonum esse  
faciendum, malum verò eui-  
tandum censet, verumetiā  
multas speciales de rebus agendis ac vitan-  
dis

dis notiones menti suæ indelebiliter impressas gerit. Quarum vna est earum voluptatum, quæ tactu & gustu percipiuntur, cupiditates frænandas esse. Idque primum ex eo perspicitur, quod eos, qui harum voluptatum cupiditate superiores fuerunt, omnes historiarum scriptores laudibus in cælum vixerint, populi velut inclytos heroes statuis & alijs honorum insignibus ornandos existimârint. Veterum Persarum in victu parsimoniam in libro, qui *χρὺς παιδεία* inscribitur, magnis præconijs effert Xenophon. Curium velut dignum laude virum tota posteritas celebrat, quod à Samnitum legatis rapas ad focum assare deprehensus sit, quodque illis magnum auri pondus ipsi offerentibus, responderit, se malle aurum possidentibus imperare, quàm aurum ipse possidere. Antisthenem, Craten, Diogenem maximi reges venerati sunt, vulgus velut hominibus maiores suspexit, quod gulæ delitias & omnem corporis curam, rara quadam animi celsitudine contemnere potuerunt. Polyxenum, Xerxen, Apitium, Sardanapalum, & cætera gulæ mancipia, non solum historiarum scriptores asperrimè tractant; verum etiam cuncti mortales, velut publica humani generis dedecora detestantur, & bestiarum magis quàm hominum loco habendos

H

existi.

existimant. Quod verò ad Venerem & tactus voluptates attinet, quisquis illarum cupidinem rationis fræno moderari potuit, hunc magis, quam eos, qui se à gula inuictos præstiterunt, semper admirationi habuit posteritas. Nec tunc solum, quando extra omnem inuidiæ aleam positi erant, hoc genus homines miraculo fuere: verum etiam apud suos æquales, imò & hostes, maximus ipsis honos habitus est. Nullæ de hostibus relatæ victoriæ, Alexandrum Magnum tam illustrem reddiderunt, quàm quod cum tam inusitati rerum successus, eum insolentiores facerent, cumque ipse flos ætatis, in quo versabatur, ipsum ad libidinem incitaret, pulcherrimas Darij filias in prælio captas ne aspicere quidem voluerit, nedum stuprum ijs inferre. Nihil inter omnia, quæ Scipio Africanus præclare gessit, t' topere cuncti extollunt, quam quod exercitus Romani in Hispanijs Imperator, captam elegantissimam formam puellam suo sponso illibatam restituit. Virginitatem verò quæ tam constanter carnis voluptates repudiat, vt liciti etiam congressus spem omnem præcidat, quanti gentiles ante Christum natum fecerint, testantur ij honores, quibus Vestales virgines Romani prosequabantur. His enim cōcessum erat pilento velut publicam pompam

pam per urbem vehi, his primus concessus  
 in amphiteatro dabatur. Hoc enim de ipsis  
 Prudentius libro secundo contra Symma-  
 chum scriptum reliquit. Præterea cum ni-  
 hil homini vita carius sit, ac feri & immanis  
 animi signum esse videatur, sponte se ad ne-  
 cem offerre, nihilominus eos, qui iustitiæ a-  
 more huius lucis vsuram cõtempserunt, nõ  
 solum nemo feritatis accusare ausus fuit; sed  
 omnes potius beatos, & nullo non honore  
 dignos prædicant. Orestes & Pylades tam Orestes &  
Pylades,  
 arcto inter se amoris vinculo coniuncti fue-  
 re, vt in Scythia certatim vnus pro altero  
 mori contenderet. Quam charitatem cum  
 olim in scena tragædi populo spectandam  
 exhiberent, tantę admirationi tam rarum a-  
 moris exemplum fuit, vt ad eius tragicam  
 repræsentationem vniuersum theatrũ plau-  
 su perstreperet. Damon item quidam Py-  
 thagoricus, Philosophus, Pythiam amicum  
 suum ardentissimo amore complexus est. Damon &  
Pythias.  
 Horum alter cum à Dionysio Siculorum  
 tyranno ad mortem condemnatus peteret,  
 antequam supplicio afficeretur ad suos pro-  
 ficisci, ac vadem pro se amicum relinqueret,  
 facile id impetrauit, eo quod cuperet tyran-  
 nus, tam inuisitatę sponsionis exitum vide-  
 re. Adfuit statuto die sponsor, & ad mor-  
 tem, quam fidem fallendo euadere potuif-

set, perferendam se offert. Sed contra alter se periculo eximi nolebat amico ad necem tradito; itaque pium inter illos certamen ortum est, vter pro altero interficeretur. Quo tam laudabili fidei & charitatis exemplo tyrannus adeò commotus fuit, vt non solum liberos ambos dimitteret, verùm & tertium se illis amicū iungi peroptaret. Tanta scilicet naturę vis erat, vt neque is qui animum longa scelerum consuetudine efferratum habebat, tantam pietatem fauore dignam esse ignorauerit. Episcopus quidam re & nomine Firmus, vt quendam, qui ab Ethnicis ad necem quærebat, proderet, quæstionibus subiectus fuit: sed tanti apud illum fides erat, vt ne officioso quidem mendacio, & se & reum periculo liberare sustinuerit. Verùm haud negans se, vbi reus lateret, probè cognitum habere, inter sæuissima tormenta nihil aliud clamabat, quàm se nec mentiri, nec proditorem fieri posse. Sed nunquid Ethnici tantam animi constantiam contemnendam censuerunt? Minimè gentium. Sed ab odio ad venerationem tantę integritatis conuersi, liberum eum abire permiserunt. Auctor huius historiæ D. Augustinus libro de mendacio. Marcus Aretius & ipse episcopus, quia templum quoddam idolorum temporibus Christianis

Firmus

episcopus.

Marcus Aretius.

his euerterat, ab Ethnicis, q̄ imperante Iuliano opportunitatem se vlciscendi adepti erāt, iubetur destructum fanum reādicare, aut tantum pecuniæ dependere, quantum ad eius instaurationem necessarium esset. Quod cum ille facere detrectaret, atrocissimis eum tormentis excarnificārent. In quibus se tam constantem gessit, vt, illis tantisper impensarum æstimationem minuentibus, donec ad vnum aureum ventum esset, mori se malle indicārit, quā ad idolorum cultum quicquam contribuere? Itaque & hunc capitales hostes propter inuictum animi robur admirati, interficere erubuerunt. Nec opus est ad historias recurrere, vt intelligamus dictatum esse naturæ, quod iustitia neque mortis metu intentato deferenda sit, quoddūque honestum ac laudabile sit, voluptatum illecebras & blandimenta respuere: sed si quis in se descendat, actacitus apud semetipsum cogitet, itane aliter se res habeat, eos qui satius ducunt vitam profundere, quā iustitiam violare, viros bonos ac summo honore dignos iudicabit. Cæteros verò qui ex φιλοσοφία ab officio desciscunt, velut ignauos & degeneres nullo in honore ac pretio habebit. Nec dubium, quin idem de castis & incestis statuturus sit. Quin si & ipsum contigerit iustitia posthabita proximo

Nazianzenus orat. i.  
in Iulianū

Conscien-  
tiæ carni-  
ficina.

Lucianus  
Epictetum  
magni fe-  
cit.

suo iniuriam irrogare, quantacunque tan-  
dem necessitate compulsus id fecerit, præsto  
mox erit conscientia mentem lancinans, ip-  
sumque ut sceleratum & detestabilem accu-  
sans. Nec remissiorem carnificinam in ani-  
mi sui penetralibus experietur, si temperan-  
tiæ modum in gustus & tactus voluptatibus  
excedat. Tunc enim futurum est, ut sibi ali-  
quem audire videatur, qui in ipsum conui-  
tia iaciat, ac sua ipsi dedecora ob oculos po-  
nat; usque adeò, ut præ pudore ac pœniten-  
tia sibi ipsi horrore sit. Verissima enim est il-  
la Musonij apud Gellium sententia, cum  
quis per voluptatem turpe quippiam fece-  
rit, quod suave est abire, quod turpe est ma-  
nere. Ac tam potens est hoc naturæ dicta-  
men, ut Lucianus Samosatenus, homo im-  
pensisimè deditus ridendis omnibus, quæ a-  
pud ceteros mortales aliquo in pretio sunt,  
non potuerit virtutem contemnere: sed  
cum vulgus Philosophorum ob profligatos  
mores contumeliosè passim accipiat, Epicte-  
tum se maximi facere non obscure indicâ-  
rit. Nec Epicurei, qui omnia sua studia ad  
voluptatem referebant naturalem hunc ig-  
niculum, ita prorsus opprimere potuerunt,  
quin in eorum dictis & scriptis se aliquando  
prodiderit. Quantum enim ex Ciceronis  
primo libro de finibus, ubi sententiam Epi-  
curi

curi de summo bono exponit, colligere possum. inter cæteras causas cur virtutes sint amplectendæ, etiam hanc Epicurus afferebat, quòd cuius in animo versatur improbitas, nunquam finit eum respirare, nūquam quiescere. Seneca in epistolis Epicurum introducit dicentem, ex malè viuendo animi quietem perturbari, eo quod natura horreat scelera.

Epist. 97.

Vt autem nunc omittamus quam preposterum sit, ideo putare fugienda vitia, quia ratio obstrepens omnem eorum suauitatem diluit, & non contrà, idcirco rationem ea horrere & auersari quia turpia, quia scæda, quia flagitiosa, id certè dignum obseruatione, quod in hominē qui ex professo bellum contra virtutes gerebat, tam apertè lex naturalis à flagitijs velut manu iniecta retrahere animaduerti queat.

*Quod ex illo naturali rationis dictamine Deum esse virtutis remuneratorem probari possit.*

## CAPVT II.

**P**ORRÒ ex hac naturalis luminis ad probitatem instigantis scintilla, Dei prouidentiam erga humanum genus, hoc modo colligere licet. Cùm naturale sit illud de colenda virtute iudicium, certè



falsum esse nequit. Si enim natura nos fallere posset, ad cuius primos igniculos cursum in veritate inquirenda dirigimus, rediret illa vetus Academicorum desperatio, & nemo se vllius rei certam cognitionem adeptum esse iactare posset. Si verò, vt tam graui incommoda eultemus, verum esse hoc naturæ dictamen fatemur, etiam nihil inde falsi vel absurdi consequi posse, fateamur oportet; quando quidem nunquam sibi repugnare & in seipsam incurrere solet veritas. Atqui si nulla Dei prouidentia res humanæ gubernantur; ex illo naturali de virtute iudicio plurima consequuntur, quæ absurda esse, & rectæ rationi ex diametro aduersari, nemo sobrius ibit inficias. Primum enim natura suggerit homini voluptates carnis esse fugiendas; idque tanto importunius facit, quanto minus vitiorum assuetudine corrupta est. Adeo vt ijs qui à frugi vita se ad genialem transferre incipiūt, in ipso voluptatum vsu velut acerba monitrix instet, nec ipsos sincerum ex ijs gaudium capere sinat. Post verò quàm turpe quippiam voluptatis causa admissum est, acrior coorta pudore & dolore animum pungit ac vellicat; vt verissimè à D. August. dictum sit, animum inordinatum sibi ipsi pœnæ esse. Si autem pro contemptu terrenorum bonorum nihil vnquam

quam homo adepturus sit, quod ijs vel præstantius, vel certè par sit; si quæ in promptu sunt, & tantum non extenta manu ipsi offeruntur, repudiare debet, nulla alterius boni proposita spe, quod velut ἀνίστησθαι tam certæ iacturæ opponi queat: nil aliud profectò isto naturæ conatu agitur, quàm ut ipsa seipsam infelicem & bonis omnibus nudam efficiat. Atqui si Dei providentia ad res humanas non extēditur, quid quæso erit, quod pro contemptu bonorum huius vitæ viro probo rependetur? An tunc virtutis mercedem homines hominibus persoluturos existinamus? Atqui hoc multis de causis dici non potest. Primum enim virtus in pectoris recessu, quo humana acies penetrare non potest recōdita manet; quare optimus quisque virtutis cultor sæpè præmio fraudaretur, & hypocritæ probitatem simulantes illud interciperent. Iam verò si maximè in vulgus nota sint, quæ præclarè quisquam gessit, continget nonnunquam, ut multitudinis errore & ignorantia, quæ optima sunt, pessima iudicentur. Nonne D. Paulus ait suæ ætate Christianos, quibus nihil innocentius erat, pro mundi purgamentis, & omnium peripsemate habitos esse? Quin hoc etiam concessio, quod hominum iudicium, de ipsis virtutum officijs nunquam sinistrum sit,

Si non est  
providen-  
tia naturā  
hominis  
sibi inimi-  
ca.

Sapient. 2.

continget tamen subinde, vt quos probitat-  
 is ipsorum meritò venerari deberent, eos-  
 dem velut sui dissimiles & scelerum suo-  
 rum reprehensores immani odio prosequā-  
 tur. Quales erant, quorum hæc apud Sapien-  
 tem verba commemorantur. Circumueni-  
 amus, inquit iustum, quia inutilis est no-  
 bis, & contrarius operibus nostris, & impro-  
 perat nobis peccata legis. Quod si neque id  
 eueniat, ecquid tandem homo homini lar-  
 giri potest, etiam cum maxime propitius  
 est? An laudes? an honorem? an voluptates?  
 an potentiam? Sed illa contemnere præci-  
 pium virtutis munus est. Cum igitur ex his  
 perspicuum sit, vanam esse salutem, quæ ab  
 homine speratur, vel naturam dum à bonis  
 huius vitæ auocat, sibi ipsi inimicam esse di-  
 cendum est, vel ad illum remittere virtutis  
 remuneratorem, qui & cordis arcana explo-  
 rata habet, & nullo errore deuius à verita-  
 te fertur, & immobili voluntatis decreto  
 iustitiam amat, & præmium virtutis præ-  
 stantia dignum viro bono conferre potest.  
 Quæ in solum DEVM competere nemo  
 ignorat.

*Non esse virtutem sibi ipsi mercedem.*

## CAPVT III.

VERVM



R V M hinc nobis Stoici, non tam prouidentiae hostes, quam virtutis immodici præcones, occurrent, & se hunc nodum sine Dei prouidentia posse dissoluere iactabunt. Est enim Paradoxorum, quæ ipsi defendunt, etiam hoc vnum, frustra aliquod virtutis præmium requiri, eo quod ipsa sibi amplissimæ mercedis loco sit, nec altiori bono, cuius expectatione commendetur, indigeat. Sed errare ipsos & errorem mittere his argumentis ostenditur. Primum certissimum est, eos hac in parte aduersari, omnium hominum iudicio. Omnes enim, tam sapientes, quam insipientes, in eo conueniunt, si non sit vllum præmium, quo virtutis labores ac molestiæ compensentur, meliorem futuram improborum, quam proborum conditionem. Id quod Luuenalis indicare volens, quis, inquit,

Saty. 10.

*Virtutem amplectitur ipsam*

*Premia si tollas?*

Et quotquot extitere morum magistri, cum perspectum haberent frigidas & ieiunas futuras omnes ad virtutem exhortationes, nisi præmij sperati quodam condimento eius asperitas temperaretur, bona quædam suis auditoribus ex virtute obuentura esse polliciti sunt; alij gloriam immortalē,

lem, alij felicitatem in Campis Elysijs, alij alia. Hinc illud de litera Pythagoræ carmen, hinc Xenophontis Hercules, hinc illud Hesiodi.

Litera Pythagoræ.  
Xenophontis Hercules.

Ἐρετὶ ἰδρωτὰ θεοὶ προπάροισιν ἔθηκαν:

Vbi laborioso ad virtutis culmen ascensui, mox termini, ad quem perducit, iucunditatem opponit. Aristoteles in Ethicis suis, cum videret se surdis cātaturum fabulam, si nihil afferet, cur virtus amplectenda sit, post longum de virtute sermonem, subiungit tandem, velut priorum ἐπισφράγισμα, il-

10. Eth. capite 8.  
Simplicius laruam indoctis obijcit.

los Deo charos esse, qui rationem ducem sequuntur. Eius discipulus Simplicius in Epietum scribens, ne operam perderet, multa de virtute præcipiendo, poetarum fabulas in auxilium aduocat, & quos illi iudices ac supplicia subterranea confinxerunt, virtutis contemptoribus interminatur. Ac ne

D. Paulus.

putes, solius vulgi hanc esse sententiam, illorumque stupiditati hac in re à sapientibus feruitum esse; en tibi optimum iuxta, ac sapientissimum virum Paulum Tarsensem adducimus, qui palam profitetur, si cum hac vita omnis piorum spes concideret, fore vt ipsi ceteris mortalibus longè miserabiles sint. Et auctor libri sapientiæ, qui proculdubio vir grauis & cordatus fuit, cum impios vitæ dissolutæ & luxu diffluentis encomia-

stas

stas induxisset, illorum dementiam refuta-  
 turus, non ad castitatem & temperantiam  
 magnificis verbis extollendam conuersus  
 fuit, verum satius duxit, remunerationem  
 futuræ vitæ & honorem animarum sancta-  
 rum ipsis ob oculos ponere. D. Augustinus, August. li.  
6. cap. 16.  
 cuius acre iudicium tot eruditissimi libri  
 produnt, in confessionibus aperta fronte cō-  
 fitetur, nisi aliam vitam restare credidisset,  
 in qua vitæ antea actæ quisque rationem red-  
 diturus est, se ad Epicuri partes concessurum  
 fuisse. Disputabam, inquit, cum amicis meis  
 Alipio & Nebridio, de finibus bonorum &  
 malorum, Epicurum in animo meo pal-  
 mam accepturum fuisse, nisi ego credidis-  
 sem post mortem restare animæ vitam &  
 tractus meritorum: quod Epicurus credere  
 noluit. Quod verò subiungit de lumine ho-  
 nestatis, & gratis amplectenda pulchritudi-  
 ne, quam vim habeat, posterius expēdemus.  
 Pompeius quando ex pugna Pharsalica A-  
 thenas aufugerat, cum Cratippo Philoso- Plutarch.  
 pho, quem olim de prouidentia differentem  
 audierat, collocutus, sciscitatur, quo præcla-  
 ri illi sermones de mundi gubernatione dif-  
 fugissent, posteaquam ipse pro patria pug-  
 nans à Cæsare tyrannidem affectante victus  
 esset. Scilicet non occurrebat Pompeio, om-  
 nia præter virtutem esse ἀδιάφορα, hanc ve-  
 rò

Brutus.

rò fortune subsidij non indigere, sed solam ad beatitudinem sufficere. Et quid ego horum testimonia commemoro, cum M. Brutus homo stoicæ Philosophiæ imprimis adductus, quando suam causam à deteriori vitam cerneret, in hæc verba, auctore Dione, proruperit, ὃ ἀρετῇ λόγος ἀρὰ ἡοῦα ἐγὼ δὲ σε ὡς ἔργον ἡσυχῶν, id est, ὃ virtus nil præter verba

Seneca.

eras; atqui ego te pro re colebam. Seneca licet virtutem multis locis ὑπερβολικῶς εὖρον laudârit, & virum bonum Dijs immortalibus æquare ausus fuerit, alibi tamen ad beatam & αὐτάρκη vitam adeò parum in virtute præsidii positum esse fatetur, vt optimam eorum conditionem esse dicat, qui nūquam nascuntur, nec vllum sapientem si in ipsius potestate esset nasci necne. cupiturum hanc vitam ingredi. Vnde intelligitur Stoicos licet in scholis grandia verba de honesto propter se amando trutinarent, cum tamen ad rem ventum esset, vulgi de virtute sententiam sibi probari non obscurè indicâsse. Sed omisisis testibus, res cum re, causa cum causa confligat: ita enim futurum est, vt verane sit illorum, an nostra sententia diu latere non possit. Si igitur virtutes huius vitæ sibi ipsis sufficiant, nec præmio vllò, quod eas commendabiliore efficiat, indigent, illarum ergo exercendarum occasio omni conatu que-

renda:

tenda: cumq; ea oblata fuerit, nullo vnquam tempore è manibus dimittenda esset. Verùm hoc de toto genere actionum honestarum nemo dicturus est, nisi animum ferum & immanem, corpus stupidum & sensus expers habeat. Quis enim nisi omnem humanitatem exuerit, non malit non laceSSI conuitijs, quam mansuetudinem in malè meritos reluctante animo suo exercere? Quis non potius optaret egestate, morbis, cruciati- bus, ac alijs malis, quorum feracissima est vita nostra, nunquam vexari, quam eadem patienter & æquo animo tolerare? Quis non satius duceret nulla libidine ad incontinentiam sollicitari, quam cum eadem fortiter certando castitatem tueri? Et quicquid Philosophi præoptaturi sunt, Christiani certè qui magna probitatis laude floruerunt, tantum abest, vt eam ἀναιδῆς νόσος probent, vt potius laboriosas huius vitæ virtutes pertæsi, cum D Paulo exclament: Infelix ego ho. Rom. 7. mo, quis me liberabit de corpore mortis huius; & inter cæteras causas, cur mors bonis sit optabilis, etiam hanc recenseat, quòd molestissimum illud bellum, quo virtutes cum insita illa ad licentiosam vitam procliuitate decertant, morte terminetur. Qua verò frō. Cyprianus te Stoici iactant virtutes sibi ipsis sufficere, de mortali-  
tate. cū iustitia & charitas aliquando flagitent,



vt nulli cruciatus, imò neque mors ipsa defugiatur? Cuius rei cum primo huius libri capite exempla sat multa allata sint, hîc noua afferre non est necesse. Quando igitur talis *πρίστατος* incidet viro bono, vt ei omnibus tormentis excarnificato moriêdum sit, ne vel iustitiam prodat, vel temperantiam violet, quî poterit contra tam atrox malum solius honesti contemplatione labantem animum erigere, cum sibi & virtutibus suis, ac omni illi tam à Stoicis decantatæ felicitati ab ipsis ijsdem virtutibus videat exitium imminere? Quomodo non ratio naturalis quæ tali rerum statu mortem potius eligendam, quam officium esse deferendum suadet, bestia est seipsam comedens, qualem *pingenti* miraculo olim Pharmacopola quîdam exhibere pollicebatur? An fortè respondit, Stoicus animam corpori superstitem ad aliam vitam virtutibus locupletiolem factam concedere? Sed si vel nullus est Deus, vel non curat res humanas, haud dubium quin ex terrena materia ortum ducat anima, ac proinde materia dissoluta, & ipsam extinguere necesse erit.

Sed finge, non tam firmam esse horum dogmatum cohæsiõnem, quia sublata Dei prouidentia salua maneat animorum immortalitas, & nihilominus absurdum videbitur,

quen-

August.  
contra Iu-  
lianum.

quenquam ideo feliciorē esse, quā pro  
iustitia mortem appetijt. Nonne si inter cru-  
ciatus animam exhalasse felicem efficiat, e-  
tiam felices sunt, qui sub tortoris manu ad-  
huc spirant, quorum ille viscera rimatur,  
quibus faces admouet, quorum latera sodit?  
Optabile igitur erit, perpetuò in tormentis  
illis manere. Bonum enim quanto diuturni-  
us, tanto melius. Vide quæ ex hoc Stoicorum  
paradoxo incommoda sequantur. Porro  
nihil habuisse Philosophos, quod huic no-  
stræ argumentationi responderent, exem-  
plo nobis sit Cicero in libris de republica,  
ubi cum Lælius Furio, qui iustitiam ijs  
dem, quibus nos rationibus oppugnaverāt,  
respondentem inducit, præcipua eius epiche-  
remata irrefutata, velut foueam prætergres-  
sus est, ipsa sua taciturnitate victum se esse,  
non obscurè significans. Ut igitur finem hu-  
ic capiti imponamus, ex ijs, quæ hactenus di-  
cta sunt liquet, non posse superioris capitis  
argumentum eludi, virtutem sibi ipsi mer-  
cedem esse cum Stoicis affirmando. Nolim  
autem quenquam ita hæc accipere, quasi ne-  
gem veram pietatem esse gratuitam, & κα-  
πλήειαν virtutum à SS. Patribus reprehendi  
ignorem Fateor enim cum Gregorio Nazi-  
anzeno δὲν τὸ καλὸν ἐργάσασθαι, ὅτι καλὸν τῷ  
κατὰ τὴν ἀρετὴν καὶ τὴν δικαιοσύνην, id est, bonum esse facien-

Vide La-  
stantium  
libro 5. ca-  
pite 16.

130 DE PROVIDENTIA DEI  
dum, quia pulchrum est, parenti suo DEO  
obtemperare. Verùm ea gratuita bonitas a-  
deò non potest à mercede perpetuæ fœlici-  
tatis separari, vt quoadusque Deus bonus,  
iustus, & pius mansurus est, eos qui parentis  
ipsum loco venerantur, & colunt, omnesq;  
suas actiones & studia ad amplificandam eius  
gloriam conferunt, non sit deserturus. Sed  
longè alia ratio est virtutum moralium,  
quas Philosophi propter se expetendas esse  
docuerunt, nulla Dei hominum conditoris  
facta mentione. Atque huc etiam D. Augu-  
stinus spectabat: cum libro 6. confessionum  
capite 16. deplorat, se non potuisse cogita-  
re lumen honestatis & gratis amplecten-  
dæ pulchritudinis. Sed de virtutis mercede  
hactenus,

*Naturam in necessarijs defecisse, si res huma-  
na Deo cura non sunt.*

### CAPVT IIII.

**S**ecundum incommodum, quod ex  
naturalibus illis virtutum semini-  
bus exurgit, si Deus rerum huma-  
narum curam non gerit, est, naturam, cum  
nusquam improuidentia possit argui, in vl-  
timo actu, hoc est hominis constructione,  
tâquam inertem poctam defecisse: imò cum  
cætera quæ homini natura attribuit, infig-  
nem

nem eius solertiam declarent, in quo plurimum momenti erat, id ab ea neglectum esse. Si enim nihil ex virtute remunerationis expectandum est bonis, & nihil improbis ob suam nequitiam metuendum à Deo humanarum actionum arbitro & inspectore, nemo virtutis cultor esse vellet. Quare ne naturales illæ de virtutibus notiones in totum suo fine frustrarentur, alia ratione provideri debuit, ut ad virtutis culturam homines propensiores efficerentur. Sed forte contendet quispiam, hac in re naturam suo officio non defuisse, quandoquidem honestis actionibus quandam suavitatem inesse experimur. Quid enim turbulentius animo, qui affectibus velut quibusdam procellis huc illucque impellitur? Quid mansuetudine, castitate, sobrietate, & ut vno verbo dicam, quid vehementiorum illorum affectuum tranquillitate iucundius? Adhæc propensissimo naturæ impetu quisque afflictorum hominum sorte commouetur, usque adeò, ut subinde, qui dum starent hostium loco habebantur, ij deiectioni commiserationem excitent. Verecundiam verò nonne veluti frænum natura hominibus & maximè sceminis iniecit, ne insana rabie in Venerem præcipites ruant? Nonne homicidium velut teterrimum facinus adeò, quisque ex natura

Homo habet quædam naturalia ad virtutis subsidia.

rali quadam *φιλανθρωπία* exhorret, & pauci tam efferati inueniuntur, vt homini vitam eripere queant? Respondemus, non diffiteri nos, quin aliquis naturæ conatus animaduerti possit, quo ad honestatem homines incitentur, & à flagitijs cohibeantur; verum non est is talis, vt argumento nostro opponi debeat. Illi enim naturales instinctus, tam sunt imbecilles, vt à prauis cupiditatibus nullo negotio obruantur. Naturale est alienis malis ad misericordiam commoueri, sed nisi animus odio tam cæcus sit; vt potius aliena miseria pascatur. Horribile est hominem de medio tollere, sed ijs, qui nulla iracundia perturbati sunt. Ac nisi vereretur, ne nimia rerum copia lectorem onerarem, ex omni antiquitatis memoria repeterem hîc, in quam multis gētibus, naturale rationis lumen extinctum fuerit. Proferrem Massagetarum communes vxores, persarum incestas cum matribus & filiabus nuptias, Germanorum veterum in magna laude apud ipsos posita latrocinia. Ostēderem apud Tauroscythas, publica lege sancitam fuisse hospitem maturationem, apud Cananæos solenne fuisse propriam sobolem in honorem idolorum exurere, apud Cyprios morem inoleuisse virgines nobiles prostituendi. Nunc verò his, & sexcentis id genus exemplis omisis,

et si

Exempla  
gentium  
in quibus  
naturæ lumen  
extinctum  
fuit.

etſi cōceſſero, ad quaſdā virtutes tantum ſubſidij à natura collatum eſſe, humano generi, vt ipſa ſuo officio probè functā videatur; ad pleraſque tamen multò remiſſius à natura extimulamur, quàm ad contraria vitia inſita quadam ad peccandum pronitate ferimur.

Facilius

malum eſt

ſequàm

bonum,

τὴν μέντοι κακότητα καὶ ἱλαδὸν εἶν' ἐλέσθαι

ρηιδίως, ὀλίγη μὲν ὁδὸς μαλὰ δ' ἐγγυθι ναίει.

Inquit Heſiodus. Et in Euangelio dominus noſter, viam quæ ad interitum ducit latam & ſpacioſam eſſe fatetur; nec id quiſquam negaturus eſt, niſi qui nunquam anguſto virtutum calli veſtigia impreſſit. Itaque, vt nunc ſumus homines, nemo rationem ad ardua ducem ſequi vellet, niſi ſpe præmiorum & metu ſuppliciorum indomita cupiditatum vis retunderetur. Si enim nunc cum plerique oculo Dei vindici omnia nuda & aperta eſſe credunt, tam multi diſrupto iugo & conſractis vinculis in omne nefas proni feruntur, quid futurum eſſet ſi nullo diuinæ ultionis metu, à flagitioſa quiduis perpetrandi audacia retraherentur? Idque cum perſpectum haberent legum latroes & morum magiſtri, leges ſuas & præcepta viuendi diuinæ providentiæ ſigillo munienda, & obſignanda eſſe cenſuerunt. Itaque nulla vnquam reſpublica ſine religi-

one instituta esse cernitur, sed ante leges de iustitia & mutuis civium contractibus, alias priores de cultu numinis cuiusdam omnium actionum humanarum arbitri & inspectoris antecedere. Cuius rei insigne exemplum ex Diodori Bibliotheca historica, operæ præteritum erit huc ascribere. Is igitur de

**Zaleucus.** Zaleuco Locrensiū legislatore sic scribit: Statim in exordio omnium legum dixit Zaleucus oportere civitatis incolas, primò persuasum habere, Deos esse, & mente contemplari, cœlum, & ornatum eius ordinemque animadvertere: non fortunæ, nec hominum esse hæc opera; deosque colere, ut omnium in vita bonorum hominibus auctores. Animum quoque malitia vacuum esse debere, cum dii malorum sacrificijs non delectentur, sed bonorum virorum rectis & honestis studijs. Hoc præmio ciues ad iustitiam & pietatem prouocans, subiunxit cætera. Hæc Diodorus. Zaleucum secutus Plato commo-  
dissimum, censet, à prædicatione diuinæ iustitiæ leges exordiri. ὑπὲρ ἀπάντων τῶν νόμων κάλλιστον καὶ ἀριστον προόμιον ἀνέη, τὸ θεοῦ τε εἶναι καὶ ἀγαθοῦς, δίκῃ τιμῶντας διαφερόντως ἀνθρώπων. Omnium, inquit, legum pulcherrimum & optimum præmii fuerit, Deos esse, eosque bonos, & iustitiam in maiori pretio quam homines habere.



*Naturam non prouidisse, sat firma humana  
societatis vincula si Dei prouidentia mun-  
dus non regitur.*

## CAPVT V.



ATQVE hoc loco se aliud argu-  
mentum offert, quo natura de-  
monstratur, non solum in eo  
parum erga humanum genus  
prouida fuisse, quod homi-  
ni quem ad virtutem genuerat, non satis  
magna ad eam colendam subsidia contulerit,  
verum etiam quòd cùm eundem sociali vitæ  
aptârit, ea per quæ hominum inter ipsos so-  
cietas conseruaretur neglexerit. Omnis e-  
nim humanæ societatis fundamentum est  
iustitia, vsque adeò vt ea sublata, nil aliud es-  
sent humanæ respub. quàm magna quædam  
latrocinia. Sed iustitia non solum ideò nul-  
la sine cultu veri Dei inter homines retineri  
potest, quòd hominis prima & potissima ad  
æternum eius numen colendum sit obliga-  
tio, qua ratione D. Augustinus libro 19. de  
ciuitate Dei, negat vllam inter Romanos iu- Cap. 21.  
stitiam viguisse: sed etiam quia neque ciuilis  
illa iustitia, qua humana commercia & con-  
tractus diriguntur, sine metu DEI iniuria-  
rum & fraudum vltoris facta tecta præstari  
potest. Neminem fugit, quàm necessaria res

Iuramenti  
utilitas &  
necessitas.



ad iustitiæ tutelam sit iusiurandum; quam-  
 que sæpè accadat, vt eius præsidio innocen-  
 tes calumnijs liberentur, rei prodantur, su-  
 spiciones de aliena fide aboleantur, maxime  
 controuerfiæ terminentur. Sed omnis iura-  
 mentorum religio à fide providentiæ DEI  
 pendet. Cùm enim iurare nil sit aliud, quam  
 Deum omnis perfidiæ & iniquitatis vindi-  
 cem in testem aduocare: pauci tam erunt  
 proiecti ad audèdum, vt, si DEVM esse  
 omnium arcanorum conscium, sibi persua-  
 serint, ipsum ludibrio habere, & mendacij  
 testem citando, in suum caput irritare non  
 vereantur. Sinè neque scire Deum quid agāt  
 homines, neque curare arbitrentur; eodem  
 loco habituri sunt, viros iuramentis fallere,  
 quo pueros astragalis: quod Lyfandrù La-  
 cedæmoniorum ducem Plutarchus dicere  
 solitum esse testatur. Denique vt planum fi-  
 at, quam sit necessarius ad hominum socie-  
 tatem & pacificum conuietum, Dei vindicis  
 omnia lustrantis timor, nonne si fingamus  
 rempub. aliquam ex solis impijs conflata  
 esse, ea multò erit deterior futura, quàm illa  
 Philippi Macedonis poneropolis, imò  
 quàm sæuissimorum latronum quodcun-  
 que σύστημα? Primum enim constat nulla in  
 eiusmodi repub. templa futura, nulla φρον-  
 τισή.

Lyfandri  
 dictum.

τῆς πόλεως, vbi de timore Dei, & sanctè viuendo verba fierent, nullas scholas vbi ad honestatem & virtutes iuuentus erudiretur. Quis enim posset esse virtutibus in ea repub. locus, vnde omnium virtutum neruus, Dei vbi que præsentis timor exularet? Quam frigida illæ conciones, non solum apud vulgus hominum, quod sensuum dolore ac voluptate potissimum ducitur, verum etiam apud eos, qui ingenium liberalibus disciplinis excultum haberent, futuræ essent, quibus multa digna & indigna, pro iustitia ferenda esse dicerentur, etiam si reque in hac vita ab hominibus, neque in futurum à Deo vllum inde emolumentum sperari possit? Porro cum non sit obscurum, quàm facile obbrutescat homo, si non recta institutione corrigatur naturæ prauitas, sed longa vitiorum assuetudine, insiti illi à natura igniculi opprimuntur; intelligit per se quisque, fore, vt in tali repub. stupris, adulterijs, cæterisque flagitijs, quæ aliqua voluptatis illecebra homini blandiuntur, omnia feruerent: furta, rapinæ oppressiones orphanorum & viduarum pro ludo haberentur, atque, vt apud Sapientem ingenue impij confitentur, cuique sua fortitudo esset lex iustitiæ. Si dicat quis  
 2. cap.

nis ac terrore legum sisti, huic ego non gra-  
uatè concedam, publica facinora legum ri-  
gore quadam ex parte excludi posse. Ve-  
rùm quàm frequentes incidunt in tenebris  
& solitudine peccandi occasiones, vbi nemo  
arbiter adest, qui in reum queat testimoni-  
um dicere? Quod si nequè is defuerit, quàm  
facile erit reo eosdem data mercede cor-  
rumpere, ne ipsi suo testimonio periculum  
creent? Quod profectò si faceret, ecquod de-  
inceps læso perfugium superesset, quæ via  
reliqua rei suæ recuperandæ? Neque enim  
iuramentum testibus deferendo, metu diui-  
næ vindictæ eos ad veritatis confessionem a-  
digere posset, quandoquidem sciret nulla  
ipsum Dei religione teneri. Itaque hoc euen-  
tu qui laxus est, quia quod reo intendit pro-  
bare non potest, velut calumniator in talio-  
nis pœnam incurret. Ac sit ita sane, vt testes  
ij verum fateri velint, adhuc reus alios toti-  
dem conducere poterit, qui testentur eum  
tunc temporis alibi visum esse, cum alter se  
iniuria affectum queritur, vt olim Clodius  
se Romæ haud fuisse probare contendebat,  
cum sacra Bonæ deæ ab ipso violata esse di-  
cebantur. Quinimo si neque hac via se peri-  
culo eximere posset, adhuc tertia rima su-  
peresset, iudicis nimirum corruptela. Si e-  
nim munerum ea vis est, vt sapientum ac  
bono-

Clodius.

bonorum virorum oculos excœcare dicantur, quanto facilius ijsdem impius aliquis & planè irreligiosus iudex de iustitiæ tramite transuersus agatur. Vt autem perspiciatur, quam facilè sit ijs, qui Deum non timent, terrenorum iudicum oculos perstringere, documento sit nobis, quod de duobus Salentinis, Datio, & Blatio apud Appianum *Αντιπαρισίου* refertur. Horum natalis loc⁹ Salētia cum ab Annibale occupat⁹ esset, Blatius qui rei Romanæ studebat, Datium sollicitat, vt communi consilio Romanis clam Annibale Salentiam proderent. Datius Annibali fidus Blatium proditiōis accusat. Quod crimen cum is strenuè à se repelleret, & calumniam esse veteris inimici dictitaret (multos enim annos simulas quædam inter ipsos intercesserat.) Annibal neque prorsus contemnens eam delationem, neque statim inimico fidem habendam esse existimans, vtrumque à se abscedere iussit, tanquam consideraturus apud semetipsum quid facto opus esset. Cùm verò exitus perquam angustus esset, in eo rursus Blatius Datium submissa voce sic affatur: num seruabis ô bone patriam tuam? Quo audito exclamat ille, se de proditiōe rursus appellari. Tunc Blatius multa obtestatus iam, inquit, videtis me calumpnia appeti. Quis enim illud crimen,

cuius

Appianus  
Alexand.  
de Datio  
& Blatio.

cuius nomine reus agitur, & quod à se depellere conatur, propemodum in ipso iudicis conspectu rursus patrare audeat? Visus est igitur Annibali Blatius innocens, quocirca & in posterum nihil veritus inimici sui criminationem, non destitit ipsum ad defectionem ab Annibale ad Romanos prouocare. Ex hoc exemplo intelligitur, qualis esset futura rerum humanarum conditio, si non homines metu iræ diuinæ à perfidia retraherentur, & quam verè à Cicerone dictum sit, pietate aduersus Deum sublata, fidem & societatem generis humani, & vnam maximam virtutem iustitiam tolli. Nec opus est, vel exemplis comprobare, vel rationibus coniectare, quanta rerum omnium perturbatio ex Epicureo de prouidentia dogmate sequatur, cum ipse Plinius, qui audacia plus quam Cyclopica Deum è mundo proscribere audet, spontè fateatur ex usu vitæ esse, credi Deum, pœnasque maleficijs aliquando seras, nunquam autem irritas.

*Quid respondendum sit ijs, qui docent populum ficta religione in officio continendum esse.*

## CAPVT VI.



ED nonnulli cum sine religione non posse incolumem seruari rempublicam videt, ficta religione populum

Plinius liber de historia naturali.

pulum in officio continendum esse monent;  
hac ratione satis commodum huic malo re-  
medium, se afferre arbitantes. Proponunt  
hi Minoem Cretensem, qui in antro quodam  
se cum Ioue colloqui fingeat, vnde ab Ho-  
mero *διδος μεγαλήθ' ὀαρίτης* nuncupatur. Nu-  
mam Pompilium, qui consuetudinem sibi  
cum Aegeria nymphea esse mētiebatur. Ad-  
hæc Zamolxin Thracen, Mahumetem, A-  
rabem, pluresque alios, qui vt facerent ani-  
mos humiles formidine diuum, varijs im-  
posturis simplici vulgo illuserūt. Verum ij,  
homines, dum vnum absurdum euitant, in  
aliud multò grauius imprudentes incurrūt.  
Dum aliorum probitati consulere volunt,  
ac ijs iustitiam, temperātiā, fortitudinem,  
aliasque virtutes colendas esse persuadere, se  
ipso imposturæ & mēdacij turpi labe com-  
maculant. Quæ autem hæc dementia est, ali-  
orum vt serues integritatem, euertere pro-  
priam? Nonne eadem natura, quæ suum cui-  
que tribuendum esse præscribit, etiam falle-  
re & mentiri, ab officio viri boni aliena esse  
docet? Ergo, si ad eas angustias res humanæ  
rediguntur, vt sine ficta religione ad hone-  
statem nemo incitari queat, vt quædam  
naturæ dictata tuearis, quædam violare ne-  
cesse erit. Et falsa sunt illa præconia, qui-  
bus naturæ prouidentiam Philosophi extu-  
lere,

lere, falsum illud vulgatum axioma, naturam in necessarijs non deficere. Aut si alibi nusquam improuidentia conuinci potest, in solo homine sui dissimilis erit. Quod si quis contenderet, non esse contra officium boni viri, publicæ utilitatis gratia mentiri, quemadmodum Plato docuit, mendacio fas esse, uti velut Helleboro: hunc ego multis maximæ ponderis argumentis redarguere possem, & ostendere fidem, quæ fundamentum est iustitiæ, prorsus vacillaturam, si cum etiam à viro iusto quicquam asseueratur, semper locus erit illi suspicioni, voluisse fortassis ipsum officioso mēdacio nobis imponere. Præclare Aristoteles, cum rogaretur, quid mentientes lucrarentur, respondisse fertur, ut neque verum dicentibus fides habeatur. Atqui si propter vnum mendacium semper in posterum ipsius auctoris fides periclitatur, quanto iustius illi fides in perpetuum deroganda est, qui etiam saluo officio se mentiri posse arbitratur? Hæc, inquam, & plura id genus incommoda huic errori opponere possem: verum nolo hanc rem nunc pluribus agere; quandoquidem alia ratio suppetit, qua eos ab hoc præsidio queam deijcere. Si enim vitæ hominum tam sit necessaria religio, ut fictam aliquam satius sit habere, quàm nullam: quæro num sapientiæ studen-

Contra of-  
ficio sum  
mendaciū.

scudendo quisquam eò proficere possit, ut  
quicquid de numinis cultu & providentia  
vulgi sermone iactatur, id totum fraude &  
mendacio subnixum esse persentiscat? Si ne-  
gent tam sublime arcanum vllò studio de-  
prehendi posse, ex alio igitur luto, quàm  
vulgus hominum, Epicurei formati, ac soli  
*παρὰ λύδιον ἄρμα πεισοὶ βαίνοντες*, tantam sapi-  
entiam affecuti sunt, ut quod alij quantum-  
cunque anniterentur odorari non possent,  
ipsi sint odorati? Quis tantam arrogantiam  
in hominibus nulla re, nisi stupore & vecer-  
dia insignibus ferat? Sin fatentur & alios, si  
sapientiæ operam darent, posse hanc impo-  
sturam deprehendere: consultius igitur ef-  
set, à sapientiæ studio abstinere, ne dum ma-  
gnos in ista progressus facimus. tandem sub-  
oleat nobis, religiones Deorum à vafriis ho-  
minibus confictas esse, & ita vindictæ coele-  
stis timore soluti, non possimus in officio  
cōtineri. Sed quid quæso absurdius vnquam  
auditum est, quàm sapientiæ tam malè cum  
virtutibus conuenire, ut qui alterum ho-  
rum retinere cupit, alterius iacturam facere  
cogatur? Ita fit, ut cum semel malè subducta  
ratio est, quicquid postea tetigeris hulus  
sit. Ut igitur hanc argumentationem con-  
cludamus, cum sublato Dei timore, neque  
ad virtutum cultum, neque ad civilem vi-  
tam



tam cōmoda subsidia hominī à natura sup-  
 peditata sint, efficitur profectò, id quod ini-  
 tio huius disputationis dicebamus, naturam  
 cum cætera omnia prouidentissimè institue-  
 rit in postremo actū, velut inertem pœtam  
 defecisse: imò dum hominem fabricatus est,  
 animal quauis bestia deterius condidisse.  
 Bestiæ enim licet insigni corporis robore  
 polleant, nec sœuitia & immanitate homini-  
 bus inferiores sint, idcò tamen minus quam  
 illi nocere possunt, quod ingenio & pruden-  
 tia destituuntur, sine quibus inermes & eu-  
 nidæ sunt omnes corporeæ vires. Homo ve-  
 rò, cum prudentia & consilio sit à natura in-  
 structus, si Dei scelerum ultoris metu liber  
 in iniustitiam præcipitet, etiam si viribus nō  
 adeò magnis sit præditus, multò tamen faci-  
 lius ad nocendum eas conuertere valebit.  
 ὥσπερ τελεωθέν βέλτιστον τῶν ζώων, inquit Ari-  
 stoteles, οὕτω καὶ χαριόθεν νόμος καὶ δίκης, χείρι-  
 σον πάντων. χαλεποτάτη γὰρ ἀδικία ἔχουσα ὅπλα.  
 ὁ δ' ἄνθρωπος ὅπλα ἔχων φύσιν φρονήσῃ καὶ ἀρε-  
 τῇ, οἷς ἐπὶ ταναντία ἐστὶ χρῆσθαι μάλιστα. διὸ ἀνο-  
 σιώτατον καὶ ἀρχιώτατον ἀνευ ἀρετῆς καὶ πρὸς ἀ-  
 φοδεία καὶ ἐδωδύω χείρισον. Id est, quemad-  
 modum homo suam perfectionem / affecu-  
 tus animalium præstantissimum est, ita si à  
 lege & iustitia recedat, omnium nequissi-  
 mum euadet. Sæuissima enim est iniustitia

arma-

armata: homo verò prudentia & virtute velut armis à natura instruitur, quibus in contrarium vti potest, quam maximè. Sine virtute igitur inprimis ferus & impius, & ad libidinem ac voracitatem promptissimus fiet. Quod si credibile non sit, naturam, cuius tanta elucet cæteris in rebus solertia, in eo quod caput erat, non solum haud satis providam extitisse, verum homini, quem ad virtutem genuerat, arma potius ad nequitiam suppeditasse: Epicurei velut in ipsam rerum parentem naturam contumeliosi, omnium sibilis explodendi sunt, & Deus humani generis rector, & moderator agnoscendus.

*Naturalem esse mentis notionem, quod bonis beata malis misera vita debeatur.*

## CAPVT VII.

**H**Actenus Dei providentiam ex ijs naturæ scintillis demonstravimus, quæ virtutem omnibus alijs huius vitæ commodis præponendam esse dicant: nunc ex alia quadam hominis menti impressa notione, statim & sine ullis ambagibus providentiæ eiusdem res humanas subiacere, probabimus. Principio igitur sciamus oportet, omnibus à natura initum esse, ut viros bonos, non solum laude & honore

K

dignos

dignos existiment, verum etiam mercede & remuneratione: contra verò, vt nefarios, nō solum dedecus & infamiam, sed etiam pœnas & cruciatus mereri arbitrentur. Cui rei argumento est, quod ij, qui hominum quascunque societates legibus vitiorum expultricibus exornârunt, supplicium quoque de legum violatoribus sumendum esse decreuerint: idque non solum ne exemplo noceret impunita iniquitas; verum etiam ne crimini admissio iusta vindicta deesset. Intus enim in lumine lætationis perspiciebant æquum esse, vt qui ius & fas transgressi erant, quo suę libidini obsequerentur; ij quam voluptatem malè agendo cepissent, eam iustè patiēdo amitterent. Quia & in bestiis, quæ non scriptis legibus, sed naturā reguntur, quędam *μυσική* animaduerti potest, qua vicem reddere studēt ijs, à quibus læsæ sunt, perinde ac si à naturā hoc ius constitutum sit, vt mali malè pereant. Et homines si fortè aliàs tardiores erant ad credendum, res sub lunares à Deo curari, cum insignitè sceleratum quępiam nullas in hac vita pœnas dare conspiciunt, facile adducuntur, vt tales diuino tribunali reseruari existiment. Itaque, vt est apud Laertium, cum Diogenes à perditissimo quodam nebulone interrogaretur, num DEOS esse crederet, respondit,

Bestiæ memores iniuriarum.

Diogenes cynicus.

dit, quomodo id non crederem, cum tibi Deos inimicos esse persuasum habeam? Scilicet indicare volebat, oportere aliquem gubernatorem mundo præsidere, quod equum non esset, hominem tam nefarium, suæ improbitatis nunquam poenās pendere. Atque hinc originem sumpsit ea cōsuetudo, qua apud omnes gentes quisque illum à quo læsus est execrari, & diris deuouere solet; vitiosa & ab omnibus cordatis fugienda illa quidem: sed nihilominus prouidentiae diuinæ non leue documentum existens, vt sequenti capite declarabimus.

*Ex hoc naturali iudicio Deum humani generis curatorem demonstrari posse.*

## CAPVT VIII.

**S**I indelebiliter humanæ menti inscriptum est à natura, homines improbos ob sua flagitia reos esse poenæ, debitores mortis fieri, miseram vitam mereri; si non quia leges humanæ statuunt poenis vexandos esse maleficos, cuncti mortales id rectè fieri iudicant, sed potius, quia naturali suæ mentis iudicio quisque id consentaneum esse perspiciebat, idcirco legum sanctionibus firmatum est: existet profectò aliquis iudex, cui poenas debent, & à quo supplicium commeriti sunt. Quod enim de-

K 2                      bitum

bitum aut quis reatus incurri potest, in vlla hominum societate, nisi sit aliquis eius præses, qui suam maiestatem peccando imminutam esse queratur, ac propterea illius, q. deliquit supplicio eam instaurari velit? Porro si quis nullas terrenorum principum leges, adhuc vsquam latas esse cogitet, cuius nam maiestatem homines peccando lædere dicemus, nisi eius qui naturæ leges humanæ menti impressit, Dei videlicet optimi maximi? Qui si vel non existat in totum, vel à mundi administratione ferietur, falsus esset ille tacitus naturæ sensus, quo ante omnes humanas leges homines nefarii pœnæ debitum contrahere intelliguntur; aut certè stultus & superuacaneus. Quid enim stultius esset, quàm extare in natura leges, quibus faciendæ pariter & vitædæ præferbantur; impressam quoque sibi hanc à natura notionem cunctos homines circumferre, qua legum naturæ violatores supplicia mereri declarantur; & neminem existere, qui hæc supplicia infligendus sit, & pulcherrimas naturæ sanctiones exequuturus? Itaque D. Paulus cap. 2. epistolæ ad Romanos, ex eo quod facinorosi homines supplicio digni ab omnibus iudicantur, eosdem Romanos negat eam posse suis flagitijs excusationem prætexere, quod ipsis non perinde atque Iudeis Dei

Paulinum  
argumen-  
tum.

ira in peccatores denunciata esset. Cùm enim ipsi cæteras nationes imperio suo regentes, si quos in illis sceleratos inuenissent, iustis supplicijs afficerent, ipsos colligere debuisse, quanquam nullis hominibus obnoxij essent, Dei tamen omnium iudicis tribunali reseruari. Inexcusabilis, inquit, es ô homo omnis, qui iudicas. In quo enim alterum iudicas, te ipsum condemnas. Existimas autem hoc, qui iudicas eos, qui talia agunt (qualia supra enumerauerat) & facis ea, quia tu effugies iudicium Dei? Hactenus D. Paulus. Rursum, si vanum esse nequit, quod ante omnem ratiocinationem omnes velut à natura impulsî sapiunt, vanissimum autem esset malè cuiquam precari, si nemo sit, qui eam precationem exaudire, & re ipsa complere possit, quia ex anticipata quadam mētis notione, homines vindictam suis hostibus imprecantur, aliquod esse numen tam vbique præsens sequitur, vt nullæ ad ipsum preces in cassum dirigantur.

*Idem ex terroribus, quibus mens sibi malè conscia percellitur, doceri.*

## CAPVT IX.



VLTO luculentius idem ex eo demonstrari potest, quod dum quicquam flagitij animus humanus me-

ditatur, maximo nonnunquam terrore concuti soleat, & non minus angatur, quàm si fulmen ipsius ceruicibus impenderet: postea verò quam facinus admissum est, sit sæpenumero vt diurnis & nocturnis δειμασιν exagitatus, nunquam secunda quiete perfrui possit. Hæc ita vti diximus euenire, varia hominum sapientum dicta, qui mores ac vitam mortalium descripserunt, variæ quoque historiæ ac rerum euentus comprobant. Semper præsumit sæua, inquit auctor libri sapientiæ, perturbata conscientia. Et alius, Sonitus, inquit, terroris in auribus impij, & cum fuerit pax ipse semper insidias suspicatur. Quibus Iuuenalis suffragatur dicens:

*Cur tamen hos tu*

*Euasisse putes, quos diri conscia facti*

*Mens habet attonitos, & surdo verberare cedit?*  
*Occultum quatiente animo tortore flagellum.*

*Pœna autem vehemens, & multo sauior illis*  
*Quas & Ceditius grauis inuenit, aut Phadamanthus,*

*Nocte dieq, suum gestare in pectore testem.*

Nunc vt ad historias veniamus, primùm ORESTES, ob conscientiam interfectæ matris Clytempestre, velut quibusdam furij incitatus fuisse refertur. Quam rem si quis velut fabulosam propter nimiam vetustatem reiecerit, non laboro, modo id obti-

neam.

Sap. 17.

Iob. 15.

Orestes.



neam, quod ad imitationem eorum, quæ facinorosis hominibus accidere solent, conficta sit. Præter hunc Pausaniæ Lacedæmoniorum regi spectrum puellæ, quam ad se stupri causa noctu accersitâ interfecerat, dum ea in tenebris strepitum excitante hostem aduenire suspicatur, semper ob oculos versatum esse memoratur, ac talibus ipsum verbis affari visum: *Βάνε δίκης ἄστον, μαλὰ τοῖς κακὸν ἀνδράσιν ὄβρις.* Bessus quidam parricida, dum hirundinis cuiusdam uti sit garrientis, nidum hasta deturbaret, ab astantibus quare id faceret rogatus, respondit, se ab hirundinibus parricidij accusari. Hinc facinoris istius occultè admissi orta suspicione, iudici defertur: à quo captus & quæstionibus subiectus, se parricidam confitetur, ac non ita multò post digna tanto crimine pœnas luit. Tanta scilicet in hoc homine fuit conscientia vis, ut quascunque etiam brutorum animantium voces exaudiret, eas sui criminationes interpretaretur. Auctor tum huius, tum præcedētis historię est Plutarchus libello quem περὶ τῶν βραδέως τιμωρῶμένων inscripsit. Ac si quis iudices & lictores consuleret, quibus cum facinorosis negotium est, ex illis intelligeret, sapissimè reos eiusmodi timentis & perturbati animi indicijs prodi. Auditurus esset nonnunquam ijs, si-

Bessus.



Theodori-  
cus ostro-  
gotus.

Consule  
procopiū  
de rebus  
Gothicis.

mulatque apprehenduntur, sanguinem præ metu e naribus erumpere. Verùm quia fortasse aliqui hunc timorem ex contemplatione poenarum, quæ ab huius seculi iudicibus impèdēt, perficisci arbitrabútur, etiã monarcharum exempla, perferri possunt, quæ ob cõscientiam cædis innocentium tantis terroribus discruciatu fuere, ut ex earum vehemẽtia vitam cum morte cõmutãrunt. Theodoricus Ostrogotthorum rex, cum Symmachum & Boethium patritios Romanos, tanquam patriæ libertatis vindices per summum scelus occidisset, tanto conscientiaẽ metu torquebatur, ut ubique ei horum virorum species ob oculos versarentur, usque adeò ut, cum piscis ei caput appositum esset, imaginaretur illud Symmachi caput esse, quod ipsum apprehenso mordicus inferiori labro, minaciter intueretur. Itaque ex tam terribili viso in morbum incidens, cædi patritiorum innocentium non diu superfuit, Quod si quis hunc metum non naturæ tribuendum esse contendat, verùm spontaneæ illi persuasioni de poenis impiorum in futuro seculo, quæ ab incunte ætate imbutus erat Theodoricus, quid de illis dicturus est, qui omnium religionum & numinum contemtores cum essent, suorum scelerum recordatione, in gravissimos terrores inciderunt? Quo in genere

nere admodum memorabilia sunt, quæ de Caio Caligula Suetonius scribit. Is enim Caius Caligula. quanquam atheus fuerit; ad minima tamen tonitrua connivere, ad maiora verò è strato se proripere, & sub lectum condere solebat. Peregrinatione Siciliensi irrisis multorum locorum miraculis, repentè Messana noctu profugit, Aetnæi verticis fumo ac murmure pauefactus. Adhæc quis vnquam magis Deum contempsit, quàm Epicurus? Et tamen Epicurus fatetur malos omnia inter tuta time- is nulli non scelerato etiam inter tuta timorem esse fatetur. Testis Seneca epistola 97. sic de Epicuro loquens. Hoc argumētum Epicuri, est naturā à scelere abhorrere, quòd nulli etiam non inter tuta timor est. Multos fortuna liberat pœna, metu neminem. Ideò nunquam fides fit latendī ipsis latentibus, quia arguit illos conscientia, & ipsos sibi ostendit. Hactenus Seneca. Cùm igitur tam in religiosis, quàm irreligiosis, tam monarchis, quàm subditis, malam conscientiam timor comitetur; is si vanus non sit, aliquid est profectò, cur scelerati ipsius naturæ admonitu timeant. Et quid hoc aliud erit, quam supplicium, quod à Deo iusto iudice, ipsis nisi resipiscant infligetur?

*Idem liquere ex fiducia, quam bona conscientia gignit.*

**D**iximus ipsam naturam hominis male sibi consciam se damnare, & in latebris suæ mentis sententia contra se lata Dei futurum iudicium præuerrere: idque ex facinorosorum hominum notissimis illis terroribus ita se habere demonstrauimus. Nunc ediuerso, quoniam & inde prouidentia Dei erga iustos non mediocriter illustrabitur, bonam spem & fiduciam ex vitæ benè actæ conscientia promanare ostendamus. Vt igitur ab Ethnicis incipiamus, quanquam illi per errorem se innocentia persuasio, quantum momenti habuerit ad implendos bona spe & hilaritate eorum animos, sæpè tum dictis, tum factis declarârunt. Horatius de viro bono loquens, si fractus, inquit, illabatur orbis, impavidum feriêt, ferient ruinæ. Et memoratu digna est illa Carneadis comparatio, quam Plutarchus libello de animi tranquillitate refert. Aiebat is, quemadmodum pýxides aromaticæ, cum euacuata fuerint, gratum odorem multò post tempore seruant, ita in animo viri sapientis res benè gestas nunquam non iucundam & recentem sui memoriam reliquere, vnde hilaritas irrigatur & efflorescat.

Socratem Atheniensem Plinius summam animi tranquillitatem vultus habitu semper eodem præ se tulisse commemorat; vsque adeò, vt neq; dum ad mortem abduceretur, vllus in eo metus aut trepidatio deprehendi potuerit. Cumque cum necessariorum nonnulli cum lacrimis ad carcerem vsque prosequerentur, ac se id molestè ferre dicerent, quod ipsi innocenti moriendum esset, scitatus est ex illis, num eum iustè interfici malent: innuens, non mediocri solatio sibi suam innocentiam esse. Cicero cum in illa tempora incidisset, quibus tyrannide Iulij Cæsaris respub. opprimebatur, multas sibi causas esse dicebat, cur mortem optaret: verum contra omnia mala se vnicum solatium habere, quòd culpa vacaret. Et in epistola ad Octauium, quo ἐὺθυσιασµὸς & qua fiducia ait se ad Curios & Decios iturū. & apud illos de Octauij improbitate quæsturū esse? Multò magis ij, q. nō sua tantū imaginatione, sed reuera innocētes fuere, cum improborū calumnijs appeterētur, ab iniquis eorum iudicijs ad tribunal Dei respexere, & eo solatio, se cōtra virulētas hominum linguas munierūt. Exēplo sit nobis D. Paulus q. cum apud Festū iudicem vinctus causam diceret, mira quadam cōfidētia & alacritate in hæc verba prorupit: Ego studeo sine offendiculo cōsciē-  
tiam

Socrates  
semper eo-  
dem vultu  
fuit.

Xenophō  
in apolo-  
gia.

Cicero epī-  
stola ad  
Manium.  
li. 7. epist.

tiam habere ad DEVM & ad homines semper. D. Basilius cum à pneumatomachis ob confessionem trium personarum, in vna diuinitate velut *καινοτόμος* seu fidei innouator accusaretur, bona sua conscientia fretus, ait se cum illa confessione ad Dominum migrare velle. Plures autem huius rei testes proferre nihil attinet; cum nemo mortalium sit, qui non vim conscientiaë siue ob scelera terrentis, siue ob res præclarè gestas, quadam hilaritate demulcentis, sit in seipso expertus. Sed nihil ageret natura hominis vel metu/deijciens, vel fiducia erigens, si nihil ex virtute boni, & ex improbitate mali in futurum à Deo expectari deberet. Atqui naturam nihil frustra agere, apud omnes in confesso est. Adeò igitur nostri cura Deus tangitur, vt vniciuique etiam pro meritis poenas vel præmia distributurus sit.

*Quod sublata diuina prouidentia nemo improbus esse, aut peccare dicendus sit.*

### CAPVT XI.



Actenus naturam triplici dignam reprehensione ostendimus, si ad res humanas DEI prouidentia non pertingit: primum quòd hominem neque huius vitæ bonis quietè perfrui sinat, neque alia præ-

præstantiora, quibus horum iactura pense-  
tur, substituat: secundò quòd eum talem ge-  
nuerit, vt sine Dei metu virtutis nullo mo-  
do capax esse videatur: tertidò quòd non ali-  
ter, atque si DEVS scelerum vindex futurus  
expectaretur, non solum in genere peccato-  
rum comitem debere esse miseriam decer-  
nat, verùm etiam causa sit cuique, vt post  
admissum facinus se ipsum damnare, & si-  
mulatque digitus increpuit, metu expalles-  
cere cogatur. Sed nunc maius opus moueo.  
Ostendere enim conabor, nullam bono-  
rum & malorum operum distinctionem  
subsistere posse, si non Dei cura res humanæ  
administrantur, virtutem nil esse præter nu-  
dum & inane nomen, vnā viuendi regu-  
lā cuique suā libidinem fore. Vt igitur  
hinc incipiamus, nemo peccare vel flagiti-  
um designare dicitur, cum re quāpiam pro  
suo libitu vtitur, cuius est plenum penes ip-  
sum dominiū. Quomodo enim posset dici,  
malus aut flagitiosus, qui quod licitum est  
facit? Cur nō autem liceat cuique re sua vti,  
quā ex parte sua est? Atqui si nullum numen  
mundo præsidet, quod iure creationis & gu-  
bernationis sibi generis humani domina-  
tum vendicet, corpus & singula membra  
quisque nostrum ita in sua potestate habet,  
vt nulli non vsui pro sua libidine illa queat  
accom.

accommodare. Neque eos qui Psalmo 9. ef-  
fræni linguæ licentia se in quo suis incurrere  
velle dicebant, eo quod labia sua à seipsis  
haberent, nec vllum dominum aut superio-  
rem agnoscerent, alia ratione David sibi  
compescendos existimavit, quàm DEI om-  
nium Domini ipsis iudicia proponendo. D.  
Paulus immoderata servitute non esse ab  
heris præmenda mancipia demonstraturus,  
nihil validius afferre potuit, quàm quòd  
còmunem vtrique dominum in cœlis habe-  
rent, qui certos terminos herili potestati  
præfixisset. Rursus, omnium legum obliga-  
tio à legislatoris in eos, quibus ferantur, po-  
testate dependet. imò neque nomen legis il-  
la præcepta merentur, quæ sine imperandi  
iure cuiquam iniunguntur. Lex enim à ligan-  
do nomen accepit. Si ergo nullus est huma-  
ni generis rector & dominus, nullis quoque  
legibus homines obstricti erunt. Cuique  
igitur quicquid lubet, licebit. Nihil enim il-  
licitum, nisi idem & lege prohibitum sit.  
Habeat sibi impressas quisque honestorum  
& inhonestorum regulas, dicet natura quid  
agendum, quid vitandum sit: interim ho-  
mo quia nulli se maiori subijcitur, quod  
volet, facturum est, & eodem loco naturæ di-  
ctata habiturus, quo leges Platonis, aut alte-  
rius cuiusquam Philosophi, qui imaginari-



am rempub. construxit. Cum ergo his gradibus à negatione diuinæ prouidentiae ad omnium virtutum & totius moralis Philosophiae ruinam perueniatur; adhuc qui Dei curam cœlo defin. unt, se non dico Philosophos, verum satis sanos profiteri audebunt? Sed dicent fortè iidem, peccare hominem, cum non humaniter viuit, tunc autem videri ipsum humanitatis desertorem, cum non id facit quod ratio imperat, sed quod appetitus, quem cum brutis communem habet. Itaque obligationem secundum rationis præscriptum viuendi hominibus ex eo prouenire, quod homines, hoc est ratione præditi sunt; quemadmodum harmoniae musicae leges non aliunde, quàm ex ipsa artis natura proficiuntur, quas tamen quisquis violat, malus Musicus dicitur. Quid igitur obstabit, quo minus & is malus homo dicatur, qui naturæ, per quam homo à brutis discernitur, leges violat? Ad hæc nemo qui aliquem DEVM confitetur, dubitat, quin idem peccaturus sit, si limites suæ sapientiae & iustitiæ trāsgrederetur: Atqui Deo nemo superior: fallitur ergo quisquis obligationem parendi, sine domini præcipientis auctoritate negat posse consistere. Sed facilis est ad hæc responsio.

Obiectio.

Non enim nego, quin rationē homo sua. Solutio.  
rum



rum actionum ducem sequi debeat, non id ago, ut sublata DEI providentia ostendam, fortunæ temeritati hominum vitam committendam esse; hoc est ipsum, hominem ex homine tollendum: sed cum nonnulla prima fronte videantur esse rationi consentanea, quæ cum diligentius explorata fuerint, ex diametro cum ratione pugnare compariuntur, in eo rerum genere & morales quasdam virtutes reponendas esse censeo, si non Dei consilio mundus administratur. Nonne Epicurei cum honestatem per se amandam esse negabant, cum virtutem nihil aliud quam œconomiam quandam in voluptate, vel amplectenda, vel tempore & loco parum opportunis contemnenda esse dicerent, rationibus rem gerebant? Agebant sanè; & quidem tam validis, ut sine retributione futuræ vitæ dilui non possint. Si ratio suaderet, ut neglectis proprijs commodis iustitiam sequeretur, rursus dictat eadem ratio, æquum non esse, ut sim in alios benevolētior quam in me ipsum; quocirca si proximi ius cum mea pernicie coniunctum est, salutis meæ potius rationem habebō, quam iuris illius. Si ratio imperat nuntium remitti carnis voluptatibus; plausibile & hoc est ab eadem ratione profectum:

Τέρπει μοι φίλε θυμὲ ταχ' ἂν τινὲς ἄλλοι ἔσονται  
 ἄνδρες ἐγὼ δὲ θανὼν γαῖα μέλαιν' ἔσομαι, Thegnis.

Id est, Voluptate perfructu anime mi,  
 breui alij homines victuri sunt, ego verò  
 terra nigra fiam. Frustra hominis eximiam  
 quandam dignitatem præ brutis animanti-  
 bus somniamus, si idem ortus, idemque in-  
 teritus est vtrorumque. Frustra si ex terra  
 toti constamus, in eamque breui tempore  
 recidemus, bona spiritualia quærimus, &  
 rebus, vnde nulla in corpus redundat vtili-  
 tas inhiamus, cum multò consultius esset à  
 mortalibus mortalia curari, à terrenis ter-  
 rena, à carnalibus ea, quæ carni suauiter blan-  
 diuntur. Liqueat ex his non defuturas ijs ra-  
 tiones, qui posito mundum à Deo non gu-  
 bernari, naturale rationis dictamen contem-  
 nendum censerent, ac proinde nostrum epi-  
 cherema inconcussum manet, quo ratioci-  
 nabamur, vna cum diuina prouidentia dis-  
 crimen bonarum & malarum actionum, de  
 medio auferri. Aut si tali rerum statu vllum  
 peccatum ab homine admitti poterit, pecca-  
 bunt ij, qui vel in virtutis cultu longius eue-  
 huntur, quam fert propriæ utilitatis ipso-  
 rum ratio: vel voluptati intemperantius in-  
 dulgent, quam ijs conueniebat, qui ad diu-  
 turnam voluptatum affluentiam anhelant.  
 Perfrica igitur frontem o Epicuree, & cum  
 L qui

felicitatem appellare cōlueuimus, sine The-  
fei cuiusdam se sapientioris & potentioris  
auxilio adipisci queat. Primum enim beatus  
esse nequit, qui mentem crassa errorum cali-  
gine obtenebratam habet, qui neque de fine  
quo cursum dirigere, neque de itinere quo  
ad finem peruenitur quicquam certi statue-  
re potest. Quis verò suæ cæcitatis manticam  
adeò procul in tergum reiecit, vt non hîc  
mallet alium longè sapientiozem audire;  
quàm ipsum se tam arduæ rei magistrum  
profiteri? Sed etsi fingamus aliquem fuisse  
hominem, qui cæteros ingenio præcellens,  
& quòd Lucretius de Epicuro dixit, omnia  
minora lumina veluti Sol exortus restin-  
guens, suo Marte quodnam sit hominis su-  
preum bonum animaduertit; quia tamen  
is vulgo hominum persuadere non potuit,  
vt se ad felicitatem duce & monstratore v-  
terentur, adhuc fixum manebit quod antea  
dicebamus. Si enim tanta sit hominum cæci-  
tas, vt neque tum videre potuerint, quem  
vitæ cursum tenere debebant, cum non de-  
esset, qui velut digito ipsis totius humanæ  
vitæ scopum demonstraret, ineuitabili ne-  
cessitate consequitur, sublimiori quodam  
ipsis doctore opus esse, qui etiam mentis te-  
nebras affuso cœlestis gratiæ lumine dispel-  
lat, ne tota humana species sine suo frustra-

tur. Is verò quis alius esse poterit quàm Deus? Porro neminem ex ijs, qui se proprio ingenio, quæ sit hominis suprema felicitas inuenisse iactitârunt, cæteris mortalibus (præter admodum paucos, idq; breui tempore) persuasisse, veram se adferre de felicitate sententiam, facile erit ex historijs declarare. Vt enim de Socrate incipiamus, qui primus dicitur à cœlo & naturæ contemplatione Philosophiam in domos deduxisse, & de finibus bonorum & malorum differere cœpisse, is quomodo alijs se quicquam solidi proferre persuasisset, cum neque sibi ipsi persuaserit, vtpote qui id vnum se scire dicebat, quòd nihil sciret? Eius discipulus Plato, tam absurdas habuit de hominis fine cogitationes, tamque mirabiles animarum ad corpus remigrationes confinxit, vt diu eius opinio residere nequiverit. Proposuit & Cynica secta suam de summo hominis bono sententiam, verum quam sine vulgo rivali amavit. Itaque Diogenes dictitare solebat esse se laudatum capem, sed paucos secum ad venationem exire velle. Denique tam hi, quam Aristoteles de beatitudine in totum nihil dixerunt, verum intra eius boni inquisitionem, quod in hac vita præstantissimum est, constiterunt. Quare cum potissima de hominis fine quæstio sit, hincne ad

cum

Socrates.

Plato.

Aristoteles.

eum perueniri possit, an in futurum expectari debeat; qui eam ne attigerunt quidem, satis indicârunt se nihil de vera felicitate comperti habere, ac idcirco non sunt ijs Philosophis annumerandi, qui ad eam se duces professi sunt.

Quòd verò ad Zenonem & Epicurum Zeno.  
Epicurus. attinet, horum ille tam locupletem facit hominem, vt nemo sit tātus opum humanarum admirator, quin eum mentiri intelligat: alter verò ad tam brutalem felicitatem velut clausico dato inuitat, vt quadam erga suum genus reuerentia commoti homines, nihil probrosius ducant, quàm Epicuri discipuli & esse, & vocari. Cum igitur cognitum esset Græcorum Philosophos, qui initio magnam de se expectationem concitârunt, promittere ampliora, quam præstarent, multis iam seculis de humano ingenio quadam concepta desperatione, eæ solum de felicitate persuasiones viguerunt, quæ diuina niti auctoritate sunt visæ. Quarum si nulla vera est, nec se eo demittit cœleste numen, vt homini, in vastissimo pelago & densissimis tenebris fluctuanti, faculam accendat, quàm respiciēs ad optatum finem perducatur, longè profectò peius cum homine quàm cum brutis agetur. Horum enim etsi singula sine ad quem à natura destinantur

excidere possunt, nunquam tamen integræ species sua naturali perfectione mutantur. Atqui si Deus afflictis hominum rebus non consulit, cum tanta sit eorum ad seipsos iuvandos imbecillitas, ut hætenus nemo vitæ humanæ metam, quæ omnium consiliorum & actionū principium esse debebat, propria investigatione sit assecutus: efficitur ut totum genus humanum ἐκλογα seu abortus quidam naturæ censendum sit. Sunt alia multò plura, quorum etsi ad beatè viendum cognitio necessaria est, nihil tamen liquidi de illis humanum ingenium cœlesti doctrina destitutum pronūtiare potest, verbi causa, quid de illis spiritibus statuendum sit, qui spectris nocturnis, magorum, idolorumque mirandis operibus adeò per uniuersum orbem clari & celebres effecti sunt, ut ab insania parum abesse videantur, qui negant esse δαίμονας, οἱ ποιεῖσι περὶ χθονα καὶ περὶ πόντον. Hi enim cum diuinos honores olim importunissimè flagitarent, nec se aliquando nisi humanis hostijs placari sinerēt, in ancipiti periculo homines versabantur. Nam neque tutum erat eos extrema omnia minitantes aspernari, neque vicissim credibile videbatur, Deorum loco habēdos esse, qui innocentium cæde oblectabantur. Quis igitur nisi homine maior tam perplexa du-

bita-

bitatione sollicitas mentes exoluere, & occultissimam illorum dæmonum naturam in lucem proferre potuisset? Sed quantopere altiori quodam lumine, quàm sit nature, humanum genus indigeat, alio loco fusius explicabitur.

*Quod visibilis mundi pulchritudo testetur,  
hominum vitam Deo cura esse.*

## CAPVT XIII.



PVD omnes sapientiæ professores certissimum habetur, naturalia esse præstantiora ijs, quæ arte & industria humana elaborantur. Cùm igitur hoc vniuersum sit humani generis quædam veluti respub. multò omnibus suis numeris absolutius erit, quàm eæ quæ ad vniuersi imitationem ab hominibus constitutæ sunt. Idque magis perspicietur, si quis visibilẽ mundi pulchritudinem, cum ciuitatis ornatu visibili, purpura iuxta purpuram, vt dici solet, locata, conferat. Quæ namque ædium species, quis platearum nitor, quæ hortorum amœnitas in vlla ciuitate humana, cum solis ac siderum blando fulgore comparari potest? Quæ saxorum durities, quod columnarum robur, cum cœli adamantina firmitate componi? Sed neque si inuisibilium or-



namentorum comparatio instituat, vlli  
 reipub. humanæ hoc vniuersum cedit. Le-  
 gum enim naturæ tanta æquitas existit, vt  
 ad illas, tanquam lydium lapidem, cæteræ,  
 quas humana adiecit industria, examinen-  
 tur. Quæ cum ita sint, haud credibile est,  
 ea ex parte humanas politias mundi re-  
 publica præstare, quòd, cum nulla sit tam  
 abiecta ciuitatula, quin iudicium in legum  
 violatores exercent; in vniuerso nullus  
 sit, qui vel probos digna mercede remune-  
 ret, vel improbis merita supplicia rependat.  
 Solon dicebat pœnis & præmijs respublicas  
 contineri, quare si eorum in mundi repub.  
 ratio non habetur, quæ hæc fuit tam præpo-  
 stera diligentia, vt vniuersi externa omnia  
 quam splendidissima effecta sint, eorum verò,  
 quæ mente comprehenduntur, id quod præ-  
 cipuum erat, omnino neglectum? Si qua in  
 terris ciuitas extare diceretur, cuius quidem vi-  
 scenda esset pulchritudo ea, quæ sub aspectum  
 cadit, cætera verò nihil differret à ferarū lati-  
 bulo; nemo dubitaret tantundem huic nar-  
 rationi tribuendum esse fidei, quantum ve-  
 ris historijs Luciani: atqui talem ciuitatem  
 expressissimè referret hoc vniuersum, si im-  
 proborum scelera nunquam Deus vindica-  
 turus esset. Vidi, inquit Salomon, calumnias  
 quæ

Hoc Solo-  
 nem dixis-  
 se testatur  
 Cicero epi-  
 stola 15 ad  
 Brutum.



quæ sub Sole geruntur, lacrimas innocentum, & neminem consolatorem, & laudauit *Eccl. c. 4.* magis mortuos, quàm viuentes, & vtroque feliciorem iudicauit, qui nondum natus est, nec vidit mala, quæ sub Sole fiunt. Quisquis historias & vetustatis monumēta coluit, videbit omnibus seculis nil aliud quam pelagus quoddam fuisse hunc mundum, in quo homines in morem piscium, imbecilliores à fortioribus deuorantur. Quid enim annalibus proditum est præter bella, cædes, incendia, vastitates, quas homines hominibus intulerunt? Quoties accidit, vt vna aliqua gens longissimè remotas prouincias velut flamma vorax depopulata sit? Quanta sæuitia Persæ & Macedones per orientem, Romani per totum penè orbem, Turcæ ac Tartari per Europæ, Asiæque magnam partem grassati, incolas harum regionem oppresserunt, ac sub iugum durissimum redegerunt? Vnius Iulij Cæsaris ductu centies millena milia & centum nonaginta duo milia hominum interempta esse Plinius refert, exceptis ijs, quos è proprijs ciuibus, vt ipse solus oppressa repub. rerum potiretur, innumerabiles neci dedit. Quæ rerum humanarum confusio, si æternis retro seculis durauit, & in posterum perpetuo mansura est, nec aliquod DEI iudicium expectatur, quod iniustitiæ

Historia  
speculum  
humanæ  
crudelitatis.

deformitatem, quo decursu huius temporis mundus dehonestatur, vindictæ pulchritudine instauret, perenni illo Heracliti fletu hic mundi status deplangendus esset, nec *κόσμος* ab ornatu dici deberet, sed à tanta ordinis perturbatione teterrimum quoddam barathrum, & cœcum chaos iustius appellaretur. Sed absit, ut de re longè diuinissima talis animum nostrum cogitatio subeat: ve ù n potius, quomodo Socrates cum

Socrates.

audisset Heracliti quendam librum legi, rogatus quid de illo sentiret, respondit, ea quæ intellexisset videri sibi præclara, & propterea conijcere se idem de cæteris quæ non intellexisset iudicandum esse; quomodo D. Augustinus quia perspiciebat sacras literas, qua parte ab ipso intelligebantur, plenas esse prophetiæ & apostolicę maiestatis, & idcirco nō dubitabat, quin tales essent, ubi abdita erat earum intelligentia; quomodo Philosophi, cum vident pleraque naturæ operatione nō carere, haud ambigūt, quin & ea, quorum ratio in occulto latet, minimè superuacanea sint, ita quoque nos admirabili illa mundi pulchritudine, quam oculis intuemur, commoti, non dubitabimus, quin haud ei desit intelligibilis ille decor, qui ex eo, quòd iniustitia culpæ per iustitiam pœ-

Obicatio.

næ compensatur, exurgit. Nec audiendi sunt,

sunt, qui ne cogantur Deum iudicem agnoscere, obijciunt nobis pœnam sibi ipsi esse omnem inordinatum animum, id quæ sufficere ad mundi, qui peccando deformatur, instaurationem. Primum enim non in omnibus hoc vindictæ genus locum habet. Siquidem, teste Salomone, sunt impij, qui ita securi sunt, quasi facta iustorum habeant: sunt qui gloriantur cum malè fecerint, & exultant in rebus pessimis. Quorum enim mēs vitiorum longo vsu obtenebrata est, ij nec sui peccati magnitudinem estimare, nec quāto se bono priuent satis intelligere queunt. Neque Philosophis ignota fuit, ea malorum distinctio. Apud hos enim alij ἀκρατεῖς, hoc est, incontinentes, alij ἀκόλαστοι, hoc est, intemperantes dicuntur, in quorum prioribus naturā nondum adeò deprauata est, quin adhuc ipsis inter peccandum obmurmuret, ac perpetrato crimine pudorem ingerat: in cæteris verò, quos intemperantes vocari diximus, rationis lumen diuturna peccandi consuetudine tantopere offuscatur, ut sine vlllo pudore suis cupiditatibus fræna laxent. Eiusmodi volunt fuisse illum, qui dicebat.

Solutio.

Ecclesi. 8.

Prouerb. 2.

Differunt incontinentes ab intemperantibus,

Plutarch. de virtute morali.

τίς δὲ βίος, τίδε τερπνὸν ἄνευ χρυσῆς ἀφροδίτης,  
τεθναίνω ὅτε μοὶ οὐκ ἔτι τᾶυτὰ μέλει.

Id est, Quæ vita, aut quæ voluptas existis  
sine

line aurea Venere? Moriar quādo mihi hæc non amplius curæ sunt. Hoc igitur hominum genus, quomodo credibile est seipsos peccando punire, cum tali pœna nihil ipsis possit gratius accidere? Quin neque illi, qui cupiditatibus victi obstrepente ratione sedant flagitijs, rectè existimantur sat pœnarum dare, si pudore in ipsa flagitij perpetratione turbentur, post admissum verò nefas pœnitentia crucientur. Nam varijs negotiorum turbis distracta eorum mens, rarò illam carnificinam in seipsam exercet, idque non tam atrociter, quàm sceleris magnitudo meretur. Mens enim hominis animalis & sensuum mancipis, virtutis pulchritudinem & vitiorum deformitatem valdè tenuiter cognitam habet. Itaque huius anthyphoræ securi huius seculi prætores & iudices, pœnam, quæ sensus offendit, sceleratis adhibendam esse censent, vt eo modo quam iniuste agendo voluptatem ceperant, eam iuste patiendo amittant. Atque hîc moralium argumētorum & totius  
secundi libri finis esto.

IN LIBRVM TERTIVM  
DE PROVIDENTIA  
DEI  
PRÆFATIO.



*VO argumentorum genera, quibus Dei providentia mundum administrari docetur executi sumus, ijsq; singulis singulos libros attribuimus, quod neque inter se, neque cum sequentibus cohererent. Nunc deinceps, quia nonnunquam citius genus argumentorum mutabitur, nonnunquam diutius in eodem genere versandū erit, libros non amplius probationum generibus distinguemus, sed symmetria cuiusdam ipsorum inter se rationem habebimus. De methodo verò quam sequemur benevole lector, hæc paucis accipe. Primum locum dabimus ijs argumentis, quæ ex totius univērsi quibusdam affectionibus sumta, demonstrant nihil esse, quod Dei curam subterfugiat. Hinc ea subiungemus, quæ partem aliquam univērsi divina providentiæ subiectam esse ostendent, sequentur mox quedam experimenta, quibus tandem consensum sapientum & totius humani generis pro argumentorum corōnide adijciemus.*

*Unum*

*Unum quendam esse totius vniuersi finem.*

*CAPVT PRIMVM.*

.I



Duplex natura  
tutarum  
propensio.

ESSE quoddam commune totius vniuersi bonum & finem, primum ex eo apparet, quod nonnullorum corporum sint diuersæ, imò contrariæ motiones. Aer nonnunquam in profundissimas terræ latebras, contra insitam à natura leuitatem spontè se insinuat, aqua subinde sui ponderis oblita fursum nititur, sidera errantia non solum proprio motu ab occidente in orientem feruntur, verùm etiam primo mobili in contrarium trahenti, haud inuita obtemperant. Sed fieri non potest, vt vnum idemque corpus vi suæ naturæ propria diuersis motibus incitetur: vnde igitur ista motuum pugnantia, in ipsis proficiscitur? An dicemus vnum esse naturalem, reliquū violētum? At non facile erit explicatu, quid sit, quod aquam in vase per vim retineat, cum vas supernè nullum spiraculum habet. Multò minus verisimile est, alteram cœlorum reuolutionem naturæ repugnare, cum nihil sit à vera Philosophia alienius, quàm equabilissimam illorum corporum conuersionem, violentam dicere. Nihil igitur hîc aliud dicendum restat, quam vniuscuiusque rei naturalis duplicem esse propensionem, qua-

quarum vna velut particulares naturæ, in proprium bonum feruntur, altera velut vniuersi quotæcunque portiones ad communem eius salutem anhelant. Atque hinc fieri, vt cum vtrunque simul assequi non valent, proprio bono deserto commune bonum confectuntur. Idcirco verbi causa, aquam nonnunquam in sublimi suspensam manere, ne si efflueret, cum in eius locum aer succedere nequit, hiatus nullo corpore plenus in mûdo nasceretur. Quod tanquam grande incommodum natura refugit; quia vñ à continuitate & cohærentia membrorum animalis vita & incolumitas pendet, ita in partium vniuersi continuata serie salus & integritas ipsius constituta est. Adhæc vis generandæ sobolis, amor posteritatis, sopyæ quo etiam truculentissimas feras natura suos fœtus complecti cogit, omnia generandæ ac educandæ prolis instrumenta non ad priuatam vllius vtilitatem comparata sunt, verum quia rerum sublunarium natura fragilior erat, quem vt sempiterna posset existere, quo perpetuitati vniuersi consuleretur, generatio instituta est. Qua de re memorabilis extat apud Aristotelem libro 2. de generatione sententia: Quia in omnibus, inquit, quod melius est naturam appetere dicimus, melius verò est esse quàm non esse, cum

Causa cur  
natura va-  
cuū fugit.

II.

id



id propter absentiam à principio non sit omnibus concessum, τῷ λιπομένῳ τρόπῳ αὖτε πλήρωσε τὸ ὅλον ὁ θεός, ἐνέλεχ' ἢ ποιήσας τὴν γένεσιν, id est, alio modo, qui reliquuserat, Deus vniuersum absoluit, perennem faciens generationem. Præterea nisi sit aliquod totius mundi cōmune bonum, quod singulæ partes respiciant, non esset vnum hoc vniuersum, quemadmodum neque eæ societates vnā rem pub. constituunt, quæ ita seorsum sua commoda & incommoda sibi habent, vt vna incolumi manente, altera pessum ire queat. Nil ergo differet ab Hesiodi chaos, aut vulgatissima illa Anaxagoræ miscella, de qua librum scripsit, quem his verbis exorditur. ἦν ὁ μὲν πάντα χρεμάλια. Sed tam absurdam de re longè pulcherrima sententiam, neque ipsius Epicuri animo vnquam sedisse opinor. Falsa quidem, sed probabilior fuit illorum sententia, qui cum viderent multò difficilius esse mundi continuitatem, quàm animalis cuiusquam soluere, cœlum in vniuerso rationem cordis habere; ab ipso non aliter vitam in omnes partes interuentu æris dimanare, quam in animalibus per tenuem illum spiritum, qui in arterijs continetur, vitalis fœtus ad omnia membra diffunditur; denique nihil propemodum in animantis corpore inueniri, quin aliquid ἀντί-

III.

Platonici.

εὐροφον



ὑποφω seu altera ex parte respondens in re-  
 rum vniuersitate conspiciatur; animal esse  
 hunc mundum existimarunt: nedum tanta  
 fuerit vllius cordati Philosophi temeritas,  
 vt vnitatem vniuersi negare non sit veritus.  
 Insuper libro primo, cum de mūdi opificio IIII  
 tractarem, multis hoc egimus, vt homi-  
 nem esse totius visibilis mundi scopum de-  
 monstrarem. Quę tota disputatio περὶ ὁδῶ,  
 nobis ad præsentem materiam existet. Nam  
 si in hominem cæteræ omnes naturæ colli-  
 neant, commune igitur earum bonum erit  
 hominis ministerio mancipari. Omitto nūc  
 quod nonnulli dixerunt, hominis quidem  
 causa pleraque animantia condita esse; ea ve-  
 rò, à quibus nulla ad hominem redundat v- Eugubiny.  
 tilitas, velut emblemata ad complendum to-  
 tius vniuersi ornatum ad cætera accessisse;  
 quomodo picturarum extremitates florum  
 & herbarum iconibus exornantur. Quan-  
 quam enim hinc non dubia consecutione  
 inferri possit, esse quoddam totius mundi  
 commune bonum; quia tamen video quos- Iulius  
 dam eruditos viros huic opinioni reclama- Scaliger.  
 re, rationibus parum certis rem certissimam  
 obscurare potius, quàm illustrare nolo.

*Ex hac totius vniuersi in commune bonum  
 propensione. Dei providentiam confirmari.*

M

CA.



HANC porrò totius mundi in eundem finem ac scopum pronitatem diuinæ prouidentia, haud leue documentum esse, hoc modo ostenditur. Quoniam fieri non potest, vt naturæ tot ac tam diuersæ in vnum commune bonum casu & inconsulta temeritate propendeant, aliquid sit necesse est, à quo in ipsum dirigantur: idque vel est vis quædam cunctis rebus ex æquo inhærens, vel absoluta, & per se subsistens. Primum horum dici non potest. Quis enim nescit, ea quæ solum contigua sunt, suisque finibus figillatim circumscripta, non posse vllam formam in communi possidere? Vnum definiunt Philosophi, quòd est in seipso diuisionis expers, & à quolibet alio diuisum & separatum: quare ea forma, quæ tot in partes discerpta esset, quot sunt res in vniuerso suis proprijs limitibus definite, nequaquam vna existeret. Scio equidem lógè aliam esse vnitatem substantiæ, quàm loci: verùm nego per naturam fieri posse, vt vna ab altera separetur, & quæ diuersis locorum terminis conclusa sunt, ea substantiam prorsus eandem habeant. Nam quòd Ecclesiæ fides de Eucharistia tradit, tam insolens, & à naturæ legibus alienum est, vt impijs  
Philo-

Quid sit  
vnum.

Philosophis nihil absurdius dici posse videatur. Restat igitur, ut is, à quo vnum in finem cuncta impelluntur, à mundo sit absolutus: incorporeus igitur erit. Cum enim agens perpetienti coniunctum esse debeat, qui singula finem suum destinatò petere facit, hunc omnibus rebus præsensem adesse necesse est. Atqui corpus per vniuersum spatium, quod mundus occupat, intentum esse nequit. Quando enim vno corpore impletur interuallum quoddam, alterius minime capax est. Si incorporeus, etiam mente Omne incorporeū intelligēs. Cap. 4. li. 3.

præditus erit profectò. Nam iuxta illud Aristotelis, in ijs quæ materia carent, hoc est, incorporea sunt, intelligens, & quod intelligitur idem est. Quis ergo is erit nisi Deus? Cum verò nil aliud sit, rem quampiam suam in finem dirigere, quàm gubernare ac prouidentiam eius habere, patet ex his, DEI prouidentia mūdum administrari. Sed quia sub tam generali prouidentia descriptione impiæ quorundam Philosophorum sententiæ delitescere possent, eidem fundamento aliā superstruemus, quæ pietatis & religionis conseruatricem esse queat, & qua nihil diuina gubernatione exemptum esse statuitur. Potest igitur Deus in vniuersum tribus modis huius vniuersi moderator intelligi. Vel enim ipse cum primò rerum naturas conde-

ret, impetus quosdam ijs impressit, quibus cum in propria bona, tum in id, quod omnibus commune ferantur, ac deinceps à mundi procuratione feriat, vnumquodque finit eò tendere, quo impetus illi naturales rapiunt; vel per cœlos, aut aliud quodcunque corpus inferiora procurat; vel denique vicariam quandam mentem vniuerso præfecit, vt ipsum eius gubernatione distineri, non sit necesse. Ac primis ille prouidentie modus, cum experimentis repugnet, à nemine Philosopho, quod sciam, ponitur. Alter verò, licet patronis non careat, facile tamen neque diuinæ bonitati congruere, neque experimentis consentire, neque omnino possibile esse demonstrabitur.

*Deum non solum, mediante cœlo, sed immediate quoq; mundum regere.*

### CAPVT III.



NON congruere Deo talem prouidentie modum in fine primi libri tot rationib<sup>9</sup> declaratū est, vt sup<sup>a</sup> uacaneum videatur, vllū deinceps verbū ea de re cum aduersarijs commutare. Experimentis verò, quia plurima à nobis afferuntur, satius erit peculiarem locum attribueret. De possibilitate igitur nunc solum tractaturi sumus. Ac primum Lactanius libel-

lo de ira Dei sic ratiocinatur: vbi non est ratio, non est cogitatio, vbi non est cogitatio, non est motus nec actio. Quæ gradatio, quia mirificè illustrat prouidentiam ad omnia pertinentem, clarius explicanda erit. Neque enim omnes intelligere arbitror, quid sibi tam succincta argumentatione Lactantius velit. Itaque sciendum est veteres Philosophos, quemadmodum ex Platonis Phædone & proclo in Timæum libro primo admonuimus, præter causam materiale vix aliam agnouisse, ac primo Anaxagoræ suboluisse mentem quãdam, quæ res omnes inter se cõfusas & permistas in ordinẽ digesserit. Qui tamen in progressu physiologiæ suæ, ad aëras & nescio quam *ὁμοιομέτεια* relabitur. Post hunc demum Platonem animaduertisse, quòd præter materiale causam opus sit effectore intelligentis naturæ, non solum ad primam mundi constitutionem, sed in omni deinceps materiæ immutatione, & secundarum causarum *ἐργεία*. Quæ enim sine cognitione sui effectus operatur, cum ex se indeterminata sint ad hanc formam *τρομον*, seu aliam producendam, imò inter infinitas, quæ paulatim produci queunt, æquali pondere suspensa hæreant, non erit ratio, cur ab ijs vna præ altera in esse prodeat.

Quare vel eas omnes simul gignent, vel

nullam in totum. Atqui omnes, quę infinite sunt, vnà produci non possunt: nulla igitur produceretur. Quocirca, si vlla forma recens in materia progignetur, in tota serie causarum eius aliquam esse necesse est, quę intelligibilem ipsius imaginem cogitatione complectatur, & ad eam producendam propinquiores causas ex se ἀδιαφόρως determinet. Hoc volebat Lactantius (opinor) cum ait, sine cogitatione nec motum nec actionem subsistere posse. Vt autem ad nostrum institutum hæc argumentatio accommodetur, si iners & otiosa est omnis agendi facultas, nisi intelligentis naturæ adminiculo eius ἀδιαφορία restringatur, sequitur non sufficere cælum vel corpus quodcunque ad perpetuam illam rerum occumbentium, & orientium vicissitudinem.

Adhæc mundi salus & incolumitas in accurata quadam partium eius symmetria posita est. Nisi enim talis siccorum & humidorum, item frigidorum & calidorum inter se ἰσοκράτεια seruetur, vt vnum ab altero vinci & pessundari non possit, breui tempore futurum esset, vt vna sui parte rerum vniuersitas mutilaretur. Sed & specierum conseruatio, & indiuiduorum certus numerus ad vniuersi integritatem requiruntur. Quis enim nescit eo modo à specierum quodam conte-

xtu indissolubili mundum pendere, ut si è  
toto ordine vna eximatur, euestigiò truncus  
& mutilus sit euasurus? Quis etiam ignorat,  
si vnus alicuius generis indiuidua nimium  
multiplicarentur, fore ut vna species alteri  
impedimento esset? Quid item facerent ani-  
malia vitam solitariam ducere sueta, si om-  
nia deserta loca feris complerentur? Vnde  
rapaces bestię alerētur, si ingens esset earum  
copia, & animantia quorum, venatu victi-  
tant exiguo numero comprehenderentur?  
Porro hoc omnium rerum iustum pondus,  
hanc mensuram, ac numeros sæpè tentari  
quidem nonnulla intemperie suborta vide-  
mus, verum nunquam adeò tot annorum  
spatio dissolui ac perturbari potuisse, quin  
paulatim suæ mediocritati restituta sint.  
Quæ tantæ molis tam accurata temperatio  
cuiusnam quæso accepta ferri debet? An existi-  
mabimus mundi sapientissimum archite-  
ctū, ita potuisse ipsum instituire, atq; partes  
eius tam æquis inter se viribus committere,  
ut vna alteram vincere & deuastare nō pos-  
sit? An quemadmodum eximij in humano  
genere artifices ingētes machinas sic instru-  
ere valent, ut assidua sui opificis medicatio-  
ne opus non habeant, sed non aliter, quàm si  
per se ratione vterentur, vsus ad quos con-  
ditę sunt, etiam illo absente præstet? An quo-

Homerus. modo Homerus fabulatur Vulcanum tripodas, qui sponte progredierentur fecisse, quomodo Cretensem Dædalum quædam organa construxisse ferunt, quæ *αὐτομάτως* sine auctore mouerentur, ita quoque statuimus hoc vniuersum, adeò provide institutum esse, vt sine opificis sui adminiculo partes, quæ singulæ fragiles sunt, simul coniunctæ se inuicem ab interitu vindicare possint? Scio equidem hanc providentiæ rationem summopere quibusdam minorum gentium

Auerrois. Philosophis placuisse. Horum enim est illud paradoxon, omninò fieri non posse, vt quantumlibet res singulæ fortuitis casibus iactentur, vlla *ἀταξία* vel perniciēs in rerum genera inuadat. Ac proinde nunquam non esse in tota specie aliquod indiuiduū, quod non omnibus suis numeris absolutum sit, nunquam in humano genere deesse qui beatus sit, nunquam qui rideat, nunquam qui philosophetur, & sic deinceps. Neque vt vires naturales in tota aliqua specie, haud sint otiosæ, ac omnes mundi partes incorruptæ seruentur, specialem Dei providentiam requiri, sed huic rei procurandæ vires rerum naturales cum primī corporis motu & energia sufficere. Sed absit, vt credamus mundū quem nos incolimus, cuius imbecillitatis tot documenta quotidie intuemur, sine sui opificis



ficis singulari cura, non dico in perpetuum, quod illi iactant, sed vel ad breue tempus consistere posse. Loquor autem de mundo nobis noto; siquidem an alius hoc stabiliior & minori prouidentia egens ab omnipotente Deo constitui queat, in præsenti non disputo. Primum igitur aio dissolutionis harmoniæ tot causas intra se mundum habere, quot animalia. Vt enim hic è partibus contrarijs in vnum coagmentatis & virium æqualitate sibi mutuo attemperatis, componitur, ita & animalium, quorundam si omnes particulæ inter se conferantur, talis quædam *συνεχάρετα* agnoscenda erit. Nam etsi disputetur à Philosophis num detur mixtum 1. ratio cōtra Auerrois dogma. æquale ad pondus, vt ipsi loquuntur, doctiores tamen in eo conuenire video, quod, si omnium partium crasis iunctim consideretur, talis mixtio non solum possibilis sit, verum etiam ad animantis bonam constitutionem necessaria. Iam verò si anima non potest suum corpus ab iteritu seruare, sed etiam si nulla continentis vi ipsum læderetur, ob partium, è quibus conflatum est, pugnam dissolui paulatim necesse est, quanto magis vniuersum, quòd animæ vinculo non colligatur, tametsi vis aliùde non afferatur, propter suarum partium contrarietatem, non semper maneret incolume, nisi opificis sui

Datur mixtū æquale ad pondus.

II.

potētissima virtute fulciretur? Insuper nulla sub Sole monarchia, nullum regimen, nulla sodalitas tam providē institui potest, vt iniurię temporis non sit obnoxia. Habent omnia primum sua rudimenta, *μοχλὴ καὶ λῆμνρον προαδέρει* ad summum perueniunt, ac tum deinde fatali quodam flexu incipiūt in peius fluere, & retro sublapſa referri. Nihil hīc profuerit, remedia cōtra ſuborientes defectus magna cura instituta eſſe, nihil gubernatorum induſtria, qui ipſis ad ruinam inclinatis magno ſtudio humeros ſupponant. Incredibile eſt igitur, hunc mundum, quem toties nutare videmus, ſine vllō moderatore ſibi dimiſſum, perpetuò ſaluum manere poſſe. Sed nunc propius ad rem accedamus.

III.

Nemo ignorat, ab aëris temperie non ſolum ſtirpium prouentum, ſed & animalium quę ſunt mūdi partes longē nobiliſſimę, ſalutem dependere, & ſi is ſiue nimium diuturno, ſiue nimium copioſo calore vel humore, horumve contrarijs frigore & ſiccitate ſit terris infeſtus, de terreſtrium animalium toto genere actum eſſe. Quæro ergo nūc quidnam hæſce aëris affectiones ita moderetur, iſſque legibus temperet, vt ſaluti & incolumitati tot ſpecierum, ſine quibus mundi integritas conſtare non poſſet, ab aëris dyſcralia probè cautum ſit. An dicemus to-  
tam

tam illam caufarum multitudinem, à quibus  
 aër variè afficitur, incerto cafu fluitare, &  
 dum vna alteri repugnat, & huic rurfum al-  
 tera, idque fine vlllo modo ac regula in or-  
 bem progreditur, nunquam fieri poffe, vt  
 vna diu rerum potiatur exclusis cæteris, ac  
 proinde nullam vfque eo inualituram vt  
 animalium generi perniciofa fit? Fateor  
 equidem fieri poffe, vt aliquantisper hoc  
 modo ἡ παρολעדρία ab animalibus & terræ  
 nascentibus propulsetur, verùm in illa for-  
 tuita iactatione necesse efferet ex intemperie  
 aëris omnia terrena crebrius, quàm nunc fie-  
 ri videmus, periclitari, & tandem inferioris  
 mundi harmonia penitus diffoluta, vniuer-  
 fum vix vllum priftini decoris veftigium  
 retinere. Nifi enim quippiam exiftat, quod  
 res inter fe pugnantes, ac perpetuò in exiti-  
 um mutuum intentas, in quadam virium æ-  
 qualitate conferuet ac tueatur, vnum tan-  
 dem, pefundatis reliquis, neceffariò præua-  
 lebit. Quod fi verò inferior mundus ex fe  
 inftabilis, & fufque deque fluctuans, ad ali-  
 quod ftabile principium reuocari debet,  
 quodnam illud erit? Hic Aftrologi, fat fcio, Aftrologi  
 refpondebunt, cælum ac ftellas tantum iu- an rectè  
 ris in fublunarem mundi partem exercere, ftellis affe,  
 vt omnium eius affectionum promi condi- tionū aë,  
 exiftant, ac proinde ab illorum ftabilitate non  
 cau-

causam esse petendam, cur aëris temperies ex se fluxa, certis quibusdam legibus astringatur. Atque idem Philosophis dicendum est, qui mentem huic inferiori mundo præesse negant. Sed ex his lubet siscitari, num sic velint statum aëris ad siderum influxum esse referendum, ut nunquam earum radios materiæ contumacia frustretur, an verò siderum vires aliquando materiæ edomandæ pares non esse fateantur. Non potest dici semper efficax esse stellarum vis; nam si perpetuus sit huius inferioris mundi ordo, utpote ab insuperabili causa dependens, perit ex vniuerso pulcherrima illa varietas, qua fit, ut nonnullis corporibus certæ & statæ vicissitudines competant; aliæ nullas certas mutationum vices subeūdo, in sua instabilitate duntaxat constantes sint. Præterea mundus inferior peste, sterilitate, aquarum eluuiionibus, terrarum incendijs, ventorum grauissimis procellis, terribilibus ostentis in sublimi conspectis adeò subinde concutitur, ut videatur antiquum chaos repetere velle, impiaque æternam formident secula noctem.

Sed absurdum est non ex materiæ fluxu & inconstantia potius, quàm ab eo ipso cœlo, quod sublunarem mūdum in interitum pronam fulcire dicitur, perturbationis originem

glnem repetere. Nec Aristoteli vnquam in mentem venit, stellarum alium atque alium situm inundationis aut siccitates causam statuere: sed contrà in meteorologicis ait propter similem terrarum ad solem respectum æqualiter in ijs affectum esse aërem, nisi vel regionum ipsarum diuersa natura, vel halitus ex vna regione in aliam à vento propulsi, in causa sint, vt vna prouincia humore grauetur, altera siccitate squalescat, vna ventis infestetur, altera tranquilla sit. Vides hîc inæqualium tempestatum, in ijsdem climatibus, rationem non quæsitam esse è sideribus, sed partim ex ipsa soli diuersa indole, quæ alia est in montosis locis, alia in siluestribus, alia in campestribus, alia in palustribus: partim ex fortuita materiæ, vnde venti & pluuiæ gignuntur, iactatione. Patet igitur ex hisce argumentis non rectè dici, omnes aëris constitutiones à stellarum influxu pendere. Si verò cœlestium corporum vires tantæ non sunt, vt inferiorem mundum sibi omni ex parte subiicere queant, nondum inuenta ratio, qua is, sine mentis rerum moderatricis prælidio, fartus tectus manere posse videatur. Adde his tot rerum species tam longo tractu seculorum seruatas, ita vt ne vna quidem hucusque interciderit, tametsi quarundam sit tanta fragilitas, vt sine huma-

lib.2.ca.4.

IIII.

na cura diu superesse nequeant, quædam in vna solum regione inueniantur, quædam vnicum duntaxat indiuiduum habere dicantur. Quam facile fuisset negligentia hominum eas rerum species aboleri quæ humana industria seruantur? Quam proclive inopinato aliquo casu eas consumi, quarum ita fert natura, vt cum admodum paucis indiuiduis vel stare, vel occumbere cogantur? Quomodo Phœnicis species, quæ (si talis est, qualis describitur) omnem salutis spem in vnico indiuiduo, eoq; caduco repositam habet, hæctenus superstes fuisset, nisi mens aliqua mundi præses singulari studio ipsa rerum genera ab interitu vindicaret? Sed neque prætermittendum hîc est, fieri posse, vt vna species in aliam degeneret. Quæ res quia fortasse nonnullis *παράδοξος* videbitur, rationibus & exemplis persuadenda erit. Primum igitur cogitari velim, ad formæ in materiam inducendæ genituram, non parum referre cuiusmodi sit materiæ *διάθεσις*: nam, vt præclarè dixit Aristoteles, *δοxῇ ἐν τῷ πασχόντι καὶ διατιθεμένῳ ἢ τῶν ποιητικῶν ὑπάρχεν ἐνέργεια*, id est, videtur actus agētium in patiente disposito inesse. Itaque non è qualicunque materia equus equum procreare potest, sed ritè disposita & modificata. Ac tantum in materia momenti situm est, vt e-

quus

lib. 2. de anima ca. 2.

quus ex asina, non equum, sed deteriore  
 quandam naturam procreet, mulæ videli-  
 cet, non quia semina vtriusque sexus permif-  
 centur, vt Galenus existimauit, sed quia ma-  
 ternum semen est materia paterni: quomo-  
 do succus terræ velut materia stirpium se-  
 minibus subiecta est; quare tota causa dege-  
 nationis, materiæ, quam asina suppeditat,  
 inhabilitas existimari debet. Insuper non-  
 nulla semina immodico aëris calore exco-  
 cta degeneri segete spem agricolarum elu-  
 dunt, cuiusmodi est D. Basilio auctore, qui  
 à Græcis πυρὸς dicitur. Hoc enim frumenti  
 genus cum primò fereretur, σίτος dicebatur;  
 postea verò quam adoleuit, & natura & ap-  
 pellatione mutata ab adustione πυρὸς nun-  
 cupatur. Sed & Plinius frugum, quæ suo ge-  
 neri non respondent, mentionem facit. Quæ  
 cum ita sint, efficitur, non posse eandem na-  
 turam à genitore in fœtum perpetuò trans-  
 fundi, nisi aliquid existat, quod materiam  
 ex se mutabilem à corruptelis quæ infinitis  
 eam modis vitare possunt, tutam præstet.  
 Porro cum proximæ causæ tantis haud pol-  
 leant viribus, vt materiam prorsus euincere,  
 ac formæ, quam parturit, adaptare queant;  
 sed tam imbecilles sint, vt sæpè διὰ τὸ τὸ ὕ-  
 λης δυσμελὲς αἰεὶ εἶναι in totum suo effectū fru-  
 strentur, vt in sterilibus vsuuenire solet, sæ-  
 pè

pè fœtum turpi monstrolitate deformem producant; de alia causa multò potentiore cogitandum est, quæ materiam à noxis defendens, prolis à paterna specie degeneratio- ni obsistat, mens videlicet per inferiorem mundum intenta, & eius incolumitati pro- spiciens. Quod si adhuc vllus cuiusquam a- nimo scrupulus de harum rationum firmi- tate, inhæreat, ac nondum satis necessaria specialis prouidentix documenta nos pro- tulisse arbitretur; huic duo quædam respon- dere possum. Prius horum est, non potuisse mundum sine opificis sui admirabili sapien- tia sic institui, vt contra omnes intereundi occasiones, quas tam multas recensuimus, sint in ipso prouisa remedia, & proinde si non ad ostendendam Dei specialem prou- dentiam efficaces sint, saltem eò profecerint hæ rationes, vt manifestius D E I consilio mundum effectum esse perspiciatur. Alte- rum verò, quia paucis verbis expediri non potest, in sequens caput rejiciemus.

*Fuisse quoddam uniuersale diluuium, & ex eo, siue naturaliter siue miraculosè dica- tur accidisse, semper elucere, quod inferior mundus ἀπορόητος non sit.*

## CAPVT IIII.

SI



**S**I quis peruiacior sibi non esse satisfactum præcedenti capite queratur, duo me habere dixi, quæ ipsi respondeam; vnum fuit, si non necessario putet ex illis rationibus confici, quod propositum erat, saltem aliud quod tantundem valet concludi, nimirum in ipsa mundi καταβολῇ à Deo perpetuitatis ipsius fundamenta posita esse: ex mundi verò creatione prouidentiam qualem requirimus certissimò inferri, libro primo declaratum est. Alterum priusquam Cap. 10. proponam, docendum est mihi, fuisse quoddam vniuersale diluuium, quo omnia animalia quæ in terris degunt, quàm paucissimis exceptis, suffocata sunt. Id verò ex orbis ante aliquot secula vacuitate, historiarum origine, artium inuentione, arborum recentibus tralationibus, denique ipsis gentium historijs tanta euidencia probari potest, vt impudens sit, qui in re tam clara tergiuersari non erubescit. Orbis vacuitatem gentium ad quærendas nouas sedes innumera migrationes ab historicis commemoratę testatur. Quis enim nescit, Cyprum, Ciliciam, totum Asię minoris littoralem tractum à Caria & Lydia vsque ad Hellespontum, quin & omnia Ponti littora Græcorum colonijs olim plena extitisse? Siciliam, & eam Italię partem, quæ magna Græcia olim di-

Isocrates  
in pana-  
thenaicis.

cebatur, Cyrenen in confinio Libyæ & Aegypti, Malsiliam in Gallia Narbonensi, omnes fere mediterranei maris insulas cultoribus vacuas à Græcis primum habitari cœpisse? Sed & ipsos Græcos aliunde in illam regionem commigrâsse, vel inde colligitur, quod soli Græcorum Athenienses *αυτόχθονες*, hoc est indigenæ habebantur. Nam ea res argumento est, publica tunc fama iactatum fuisse ceteras gentes, quæ Græcorum nomine censebantur ex alijs terris in Græciam, haud dubium quin vacuum, esse profectas. Nam si quis ad eam veteris Græciæ barbariem, quæ à Thucidide primo libro historiæ suæ describitur, animum aduertat, facile assentietur, eos tunc recenter in eam regionem aduenisse. Aitenim eos nondum habuisse munitas vrbes, sed vicatim habitâsse, & p sui tutela enses perpetuò gestâsse, insuper ex raptu vivere solitos esse. Porro & Græcos & cæteras nationes omnes è Syria & vicinis locis, ne Atheniensibus quidem exceptis, prodijisse, ipse historiarum in antecedentia ductus, ostendit. Cùm enim posterioribus seculis de Gallis, Germanis, Britannis, Hispanis, Afris plurimis sermo fiat, quanto altius retro ascenderis, tanto orienti propiores gentes celebrari inuenies, donec ipsum caput omnium historiarum Assyriorum monarchiam

chiam à Niuo inchoatam, affecutus fueris.  
 Atque hoc est illud secundum generalis cat-  
 aclysmi indicium, quod quinam ante As-  
 syrios vsquam terrarum imperitârint, quis  
 rerum status in mundo extiterit, nulla hi-  
 storia commemorat. Nam quæ de antiqui-  
 tate phrygum Aegyptiorum & Atticæ  
 autochthonibus dicuntur, tanquam *ἀρχαὶ  
 βεχχεσολόγη ἀπόζοντα* & fabulosa ab om-  
 nibus rejciuntur. An ergo fuisse quidem  
 semper ante Nium aliquos tum Assy-  
 riæ, tum aliarum regionum incolas existi-  
 mabimus, verùm æternis seculis sine cultu  
 & humanitate, sine repub. & legibus vixisse,  
 nec quicquam dignum, quod historijs man-  
 daretur gessisse? Atqui non est credibile,  
 post barbariem infinitorum annorum serò  
 tandem homines quasi è profundo summo  
 experrectos, ad humaniorem viuendi ratio-  
 nem se contulisse. An multa quidem in pri-  
 mis digna memoratu ab ijs gesta esse dice-  
 mus; sed ideò ad nostram notitiam ea non  
 peruenisse, quod omnia illorum temporum  
 monuméta abolita sint? At multò magis fi-  
 de caret, omnia illius nō nimis vetusti secu-  
 li indicia obscurari potuisse, nisi & ipsum  
 genus humanum penè totum vna cum lite-  
 teris aliquo inusitato casu extinctum fuis-

Qui ex ip-  
 sa regione  
 quam in-  
 colit oriū-  
 dus est.

Artes om-  
nes recen-  
tes.

Cap. I.

set. Adde his omnium artium quæ ad vsum  
& ornamentum humanæ vitæ pertinent, cer-  
tam originem, eamque non admodum anti-  
quam, apud historiarum scriptores inueni-  
ri. Nam Varro libro 3. de re rustica auctor  
est, cum illud opus scriberet, ab omnium ar-  
tium primis initijs non ultra mille annos ef-  
fluxisse. Quid igitur hîc dicturi sumus? An  
multò quidem ante fuisse eas, quàm Varro  
arbitratur; sed testimonia quibus id probe-  
tur intercidiisse? Atqui non solum defunt hi-  
storiæ vnde earum maior antiquitas probe-  
tur, verùm etiam in promptu sunt, quæ ipsas  
recenter inunetas testentur. Itaque nihil hic  
aliud restat, quàm vt vel vniuersali quadam  
terrarum vastatione artes interiisse, vel  
sempiternis temporibus humanum genus  
sine earum cognitione vitam tolerasse dica-  
mus. Nec minus validum argumentum à  
nouis arborum & animalium translationi-  
bus sumitur. Olim vites non habuit Ger-  
mania; verùm nostro hoc seculo vix vlla Eu-  
ropæ regio vini feracior est. Olim genus il-  
lud arboris, quod persicam appellant, in sola  
Perside inueniebatur: nunc verò per totam  
Europam nihil ista arbore vulgatius. Plura  
sunt his similia, sed satis est ipsum genus ani-  
maduertisse. Sed hîc Philosophi, quæ est il-  
lorum pertinacia, cōfugient ad fatales quas-  
dam

dam rerum sublunarium periodos, & quæ-  
admodum Aristoteles ait, τὰς αὐτὰς δόξας  
οὐχ ἅπας, οὐδὲ δις, οὐδὲ ὀλίγαις ἀλλ' ἀπειράαις  
ἀνακυκλεῖν, id est, easdem opiniones non se-  
mel neque bis, sed infinities redire, ita ipsi  
contendent artes & studia humanitatis, per-  
petua quadam alternatione nunc florere,  
nunc negligi. At verò si per vniuersum or-  
bem aliquādo ab humanitate ad belluinam  
feritatem desciscant homines, quo tunc ergo  
aufugit illa naturæ potentia, quàm Auerro-  
is tantam esse affirmat, vt sine DEI proui-  
dentia queat efficere, ne tota species ab vlla  
naturali functione vlllo tempore ferietur?  
Quæ hæc istorum desultorū tanta leuitas est,  
vt, cum ex contemplatione imbecillitatis  
rerum inferiorum ad confessionem diuinæ  
prouidentię ipsos inuitamus, naturæ in tota  
specie insuperabile quoddam robur nobis  
perpetuò ingerant, ac vicissim, cum ad o-  
stendendum diluuium vniuersale, omnes  
artes ante annos non ita multos in lucem p-  
dijisse dicimus, tam esse fragilem naturam  
fingant, vt nonnunquam in toto humano  
genere velut quodam veterno oppressa, ab  
omni propemodum humanitatis officio va-  
cet? Verùm vt donemus non absurdè credi,  
interdum hoc genus artium ab hominibus  
in totum neglectui haberi, sine quo vtcun-

Philoso-  
phorum  
responsio.

Refutatio.

que viui potest, ceu sunt eloquentia & Philosophia, & omnis literarum cognitio, non est tamen vlllo pacto verisimile agriculturam & cæteras artes vitæ necessarias, posteaquam semel innotuissent, iterum repudiatas esse, & homines desertis frugibus spontè ad glandes rediisse. Et tamen cum agriculturam & similes artes ab initio non admodum vetusto historiarum scriptores repetant, nisi mundus aquarum eluione quondam vastatus fuerit, tale quid Philosophi de toto hominum genere comminisci coguntur. Denique, ne vlla de vniuersali inundatione dubitandi occasio supersit, non desunt quoque prophani scriptores, quorum apud nostros aduersarios haud leuis auctoritas esse debet, qui talem mundi casum memoriz prodiderunt. Ij sunt Berosus Chaldeus & Nicolaus Damascenus, quorum verba apud Iosephum in *αρχαιολογία* Iudaica recitantur. Quin & Aytonus Armenus tradit, vsque hodie in Armenia montem ostendi, in quo constans fama est arcam Noë, quæ mundi *λείψανα* seruauit, desedisse. Atque partim fretus horum testimonio, partim existimans quiduis poti⁹ admissuros esse Philosophos, quibus cum mihi in præsentī res est, quàm mundi totius recentem esse originem, cum æquè probabiliter vtrunque supra memo-

ratis

Berosus  
Chaldeus  
Nicolaus  
Damascenus.

ratis experimentis ostendi posset, diluuium potius quàm mūdi nouam creationem mihi probandum duxi. Quòd autem ex illo, siue naturale, siue miraculosum fuisse putetur, Dei erga humanum genus prouidentia elucescat, nunc planum faciam. Primùm si naturæ ordo fert, vt aquę terras supergressę cuncta animantia atque adeò homines vniuersos, quàm paucissimis exceptis, absorbeant, fieri etiam poterit, vt aliquanto vltcrius euectæ, nullos relinquant superstites. Quid enim stultius, quàm potuisse ad tam paucos genus humanum redigi, vt omnis antiqui temporis memoria perierit, nisi quam diuino spiritu instinctus Moses interposiuit, & non aliquādo eo vsque grassari posse aquarum violentiam, vt, neque *πυρρόπος*, vt dici solet, in mundo relinquatur? Si autem possibile est aquis omnia terrestria suffocari, corruptibilis ergo mundus inferiore sui parte existit, ac idcirco ne aliquando pessum eat, mentem aliquam reatricem ei præsidere necesse est. Si verò contra naturæ, leges factum est, vt aquarum elementum totius orbis terreni ambitum occupârit, euidentissimum hoc argumentum erit, non ita suæ naturæ permitti hæc inferiora, quin cuiusdam rerum præpotentis gubernatoris curæ subiecta sint.



*Quod mens illa, quæ mundi providentiam  
gerit, sit ipse DEVS.*

## CAPVT V.



Actenus demonstratum est, mentis  
cuiusdam cura sublunarem mun-  
dum regi: nūc quoniam fortè quis-  
piam tibi probari cupiet, non secundariæ a-  
licui intelligentiæ rerum habenas à Deo tra-  
ditas esse; id paucis docendum erit. Intelliga-  
mus igitur oportet, Deum oculis humanis  
non esse conspicuum, & proinde quascun-  
que sibi eius notiones format humana mens,  
illas ex operibus, quæ aliquo sensu percipi-  
untur sibi collegit. Cū verò inter opera  
DEI, quæ sub aspectum cadunt, nullum sit  
luculentius, ac præstantius, quàm singula-  
rum mundi partium tutela, & in fines suæ  
naturæ consentaneos destinatio, si non per  
seipsum, sed aliam quandam inferiorem  
mètem cunctis rebus id beneficij præstaret,  
præcipuam Dei notionem creaturæ accom-  
modaremus, & quoniam nihil absurdius cogita-  
ri potest, mundus qui non solum D. Basilio  
in Hexaemero, sed & ipsis Philosophis au-  
ctoribus, ideò factus est, vt διδασκαλεῖον seu  
liber esset, in quo humanum genus Dei po-  
tentiam, sapientiam ac bonitatem contem-  
plarètur, homines neque ad notitiam ipsius  
per-

Mundus li-  
ber huma-  
ni generis,



perduceret, neque amorem inuitaret, sed nescio cuius alterius mentis ab ipso diuersæ. Absit igitur, ut postquam declaratum, est oportere naturam quampiam intelligentem ad mundi gubernacula sedere, aliam præter ipsum DEVM isto munere fungi imagine-  
mur. Verum si quid per angelos in tota hac rerum vniuersitate geri creditur, id non nisi Dei nutu & imperio geri credatur; ut summa rerum penes ipsum semper maneat; & quemadmodum D. Augustinus ait, voluntas DEI sit prima & summa causa omnium corporalium, spiritualiumque motionum, nihilque fiat visibiliter & sensibiliter, quod non de inuisibili & intelligibili summi Imperatoris aula, aut iubeatur, aut permittatur, secundum ineffabilem iustitiam præmiorum atque pœnarum, gratiarum & retributionum in ista totius creature amplissima quadam vniuersaque repub. Præterea vulgatum est axioma Philosophorum, de ijs que fieri possunt, naturam & Deum id facere, quod optimum est. Atqui melius est ita creaturas institutas esse, ut in omnibus suis actionibus à diuino arbitrio pendeant, nec quicquam noui sine eius voluntate in mûdo oriri possit, quàm ut ipse per se sine diuino nutu nouas in materia formas progignere queant. Ita enim fit, ut mûdi pleno iure do-

Angeli ad  
ministri  
prouiden-  
tiæ diuinæ.

Sententia-  
rum pro-  
fieri senten-  
tia 38.

II.

minium sibi seruet, ac verè dici possit τὰ πάν-  
 Xenophō. τα σεῖεν καὶ ἀρτεμίζειν, quod ipsi à Xenophō-  
 te attribuitur: cum alioqui naturarum qua-  
 dam velut emancipatione suam potestatem  
 non parum imminuisset. Si enim creaturæ  
 sine Dei speciali opitulatōe suas naturales  
 functiones obire valent, intelligi profectò  
 nequit, quomodo in vllius minimæ rei acti-  
 onem quicquam iuris habeat, salvo generali  
 illo influxu, quem Philosophi statuunt, nisi  
 ipsam eius, quod remorari vult, naturam  
 destruat; id verò, cum eius bonitati non fa-  
 tis consentaneum videatur, nunquam est fa-  
 cturus. Si ergo non ea lege mundum produ-  
 xit, vt omnium eius motuum sibi potesta-  
 tem retinuerit, non fuit possibile talem ip-  
 sum creari. At verò, cum non sine manifesta  
 ratione quicquam diuinæ potestati sit exi-  
 mendum, ecquæ est illa ratio, ob quam ne-  
 getur DEVS sic eum instituere potuisse? An  
 Obicatio. fortè metuit quisquam, si nihil sine Dei spe-  
 ciali synergia fieri posse dicamus, nullas in  
 agendo partes ipsis creaturis relinquit. Sed  
 Solutio. frustra hoc metuit. Si enim color quamuis  
 sine lumine sui similitudinē in aëre nō que-  
 at progignere, rectè tamē illi⁹ similitudinis  
 propinqua causa dicitur, cur non & simili  
 ratione proxima agentia suorum effectuum  
 causæ manebunt, etiamsi absque Dei speci-  
 ali

ali quadam cooperatione omnes eorū vires torpescerent? Vltimò cōsiderari velim Deum tanquam ens per se primam omnium rerum causam esse, non solum quia auctor est primorum indiuiduorum, vnde cætera ducunt originem, nec ea duntaxat ratione, quòd vniuersis ex æquo generalem quandam curam impendit; nam ita non magis eorum quæ reuera sunt, quàm que non existunt, modò possint existere, causa esset, quemadmodum auus non magis est causa nepotum, qui iam geniti sunt, quàm eorum qui adhuc gigni possunt. At si hoc volebat Aristoteles cum diceret, ab hoc ente, id est, DEO pendere cælum & terram, & vniuersam naturam, nihil attulit dignum tanto promissor hiatus. Sed tunc demum verè causa vniuersæ naturæ esset, si, quod Christianorum literæ docent, omnia verbo virtutis suæ eum in modum portaret, vt ipso spiritum suum auferente deficerent, & in puluerem suum reuerterentur.

III.

12. metaphys.

Psal. 102.

*Cælum non ab interno principio moueri,  
sed à mente extrinsecus assistente.*

## CAPVT VI.

**Q**UEmadmodum huc vsque totum vniuersum speciali DEI prouidentia administrari docuimus, ita nunc sigillatim præci-

præcipuaseius partes diuinæ curæ subiectas  
 esse demonstrabimus. Commodissimè verò  
 à cœlesti corpore ordiemur, tum quòd il-  
 lud supremum in vniuerso locum obtinet,  
 tum quod expeditior ea tractatio futura sit,  
 in qua neque Philosophos nobis aduersos  
 habemus. Vt autem ordine procedat hæc no-  
 stra disputatio, primum non esse motum cœ-  
 li eo modo naturalem ostendemus, secundo  
 quòd neque animæ impulsu in orbem vol-  
 uatur; tertio motorem externum, quem ei  
 tribuimus, oportere intelligentis naturæ es-  
 se; quarto etiam si negandum non sit, inferi-  
 ores quasdam intelligentias cœlum conuer-  
 tere, totius tamen cœlorum regiminis pri-  
 mum dictatorem Deum esse probaturi su-  
 mus. Ac non moueri cœlum sponte naturæ  
 suæ, his argumentis planum fit. Nulla res  
 motu naturali incitatur, nisi extra locum  
 suum peregrinetur. Est enim unicuique cor-  
 pori impetús à natura impressus, quo in lo-  
 cum suum naturalem, si quando vi ex illo  
 eiectus fuerit, referatur; eò quod in natiuo  
 cuiusque rei loco eius incolumitati melius  
 cōsultum sit. Atqui cœlum in ipsa sua natu-  
 rali sede constitutum irrequieta vertigine  
 circumfertur. Non est ergo motus eius  
 naturalis. Insuper motus naturalis semper  
 quandam ἀνομαλίαν seu irregularitatem ha-  
 bere

bere cernitur, contrariam illi, quæ in violento motu percipitur. Vt enim vi proiecta quanto longius progrediuntur, tanto lentiori motu feruntur: sic ediuersò quæ à natura mouentur, quanto longius procedunt, tanto concitatiores est eorum impetus. At verò cælum ac sidera æquabilem & regularem in omni æternitate motum retinēt, nec diuturnior est nostro seculo primi cæli diurna periodus, quàm Ptolomæi vel Eudoxi temporibus fuit. Adde his, quòd ex causæ, quæ ex vi naturali quicquam efficiunt, si nullam ipsis remoram materiæ patientis contraria *διὰ θεοῦ* afferat, momento temporis suam actionem absoluant. Lumen, quia nullam sibi contrariam qualitatem ex aëre pellit, simul cum lucido corpore in ipso apparet. Nec dubitat Aristoteles, grauiam ἐν ἀναρῇ deorsum casura esse, si spacium per quod feruntur omni corpore obsistente vacuum esset. Sed nihil in cælo ostendi potest, vnde motus eius retardetur. Quid enim illud erit? An medium? Atqui cælum non per vllum medium, quod eius celeritati moram afferre possit, sed in seipso reuoluitur. An orbis vnus cōtra alterum nitēs? at si eiusmodi orbium renisus in cælo admittitur, motus eorum violentus erit. Sed vim in rebus perpetuis nunquam reperiri vulgatissimum est.

Cum

Aristo. lib.  
4. Phys.  
cap. 8.

III.

Cùm igitur nulla ratio reddi possit, quare motus cœli non sit momentaneus, si naturalis, à motore extraneo cœlum moueatur necesse est. Præterea videmus Planetarum sphaeras, diurna cœli vertigine contrarium suo proprio motui cursum pagere; quocirca cum vnum idemque corpus non possit duobus contrarijs motibus à natura cieri, si vnus eorum naturalis ponitur, alter naturæ contrarius, ac proinde violentus erit. Itaque vt cœlum à violētia liberemus, alium quàm naturalem in eo motum agnoscere debemus.

IIII.

Ad hæc cœlum, in quo stellæ inerrantes infixæ sunt, nonnunquam celerius, nonnunquam tardius progredi videtur. Ante Ptolomei enim tempora, centesimo quoque anno, gradum vnum in consequentia fixæ stellæ promouebant; à Ptolomeo verò vsque ad Mahometen Aratensem multò citius, hoc est 66. annorum spatio gradum absoluisse dicuntur, ab illo deinde vsque ad nostra tempora rursus eorum motus accelerari cœpit. Nam singulis 71. annis intermedio tempore vnus gradus respondet. Quam ἀνομαλίαν ad equalitatem hæctenus nemo reuocare potuit, nisi per quandam polorum siue mundi, siue Zodiaci deflexum & librationem, qualem etiam polis epicycli Mercurij tribuunt Astronomiæ periti. Atqui cum ta-

Ascholo.

lis

lis polorum à sua positione in latus deflexio non possit ad vllam speciem naturalium motuum, quos Aristoteles enumerat, referri, nihil aliud restat, quam vt is externo motori tribuatur. Denique si motus cœli naturalis fingatur, quæstio mox difficilima explicatu suboritura est, an naturalis illa propensio per quam in orbem voluitur, in vna aliqua cœli parte solum resideat, an verò æquè in singulis. Si in vna cœli parte vim eius motricem sitam esse dicas, huius partis natura alia erit quam cæterarum: etenim quorum est eadem natura, eorum quoque naturales facultates non distinguuntur. Quare neque continuæ sibi mutuò erūt. Quæ enim naturis discrepant, continua inter se esse nequeunt. Quòd si, vt tam grauè incòmodum cuites, vim motiuam omnibus cœli partibus communem esse dixeris, mox inferam in plerisque eam superuacaneam fore. Nam quanto quæque pars est ab æquinoctiali remotior & polis vicinior, tãto tardius, quod omnes norunt, mouetur. Sed si in quaque illarum vis mouendi naturalis otiosa non esset, omnes quia eadem vi præditæ sunt, pari celeritate mouerentur: id verò cum minimè fiat, quædam cœli partes alieno motu trahuntur, nec vllus in ipsis propensionis ad motum naturalem vsus existit. Plura ad huius

gia'poni  
motus in  
cœlo, qui  
ad nullam  
speciem na-  
turalium  
referri pos-  
sunt.

ius rei confirmationem argumenta proferrem, nisi quæ hæctenus allata sunt, prorsus euincerent, alium à naturali esse illum motum, quo cælum in orbem cōuertitur. Hoc tantum adijcio, vix vllum Philosophum reperiri, qui non quiduis potius commentus sit, quàm cæli reuolutionem à natura proficisci ad miserit. Quin neque satis fidei nostræ cōsentanea est illa cœlestis mot<sup>9</sup> causa. Cùm enim huius mundi vltimus dies finem perpetuæ siderum conuersioni in arcanis literis allaturus esse dicatur, si ad illud vsq; tempus *ὁρμῇ* quadam naturali incitata fuere, aliquē fingamus oportet, qui deinceps per vim ea retineat, ne pro naturæ suę propensione rursum moueri incipiant. Sed quis credat DEVM cœlestia corpora violenta stabilitate fixurum esse? Atque hanc rem non idcò mihi hoc loco commemorandam duxi, quod Philosophis quicquam ex auctoritate sacrarum literarum præiudicari velim; sed ne fortè Christianorum ij, qui tardiori ingenio præditi sunt, nec vim rationum nostrarum satis assequuntur, non multum referre existiment, an cælum à natura, an ab alio principio moueri dicant. Attamen quia subinde Aristoteles hunc motum naturalem appellat, & in scholis pro axioma iactatur, cuiusque corporis naturalis esse aliquem motum

Cælum à natura moueri non est consonum fidei.

Obiectio.



tum naturalem, ne quenquam hæ rationes  
 probabilitatis quadam specie sic inescant, vt  
 sibi adhuc liberum esse putet vel assensum  
 retinere, vel vtrilibet parti accedere, operæ-  
 pretium erit hos scrupulos de medio aufer-  
 re. Quod igitur ad ARISTOTELEM at. *Solutio.*  
 tinet, tam is disertè in 8. Physicorum & in  
 12. Metaphysicæ suam sententiam expressit,  
 vt etiam si faterer me non intelligere, quid  
 sibi velit, cum in primo de cælo motum  
 quinti corporis non aliter naturalem dicere  
 videtur, quam elementorum; non ideò ta-  
 men cuiquam integrum futurum esset, ex v-  
 no paulò salebrosiori loco tam apertis eius  
 verbis insidiari. Interim, si quid coniectare  
 possum, videtur mihi Philosophus ea de cau-  
 sa motum cæli naturalem appellare, quòd  
 intelligentia motrix animæ quandam rati-  
 onem ad cælum habeat non informâtis, sed  
 mouentis & gubernantis, quomodo Plato-  
 nis secta animam in corpore motoris officio  
 fungi dicebat. Quòd autem non prorsus va-  
 na sit hæc coniectura, patet ex libri secundi  
 de cælo cap. 2. vbi cælum esse animatum &  
 habere principia sui motus affirmat, idque  
 non ex Pythagoræorum sententiâ, sed ex sua.  
 vt ipse verborum contextus ostendit. ἡμῖν  
 ὁφισιν ἐπεδὴ ὥρισται πρότερον, ὅτι ἐν ταῖς ἐχθραῖς  
 ἀρχὴν κινήσεως αἱ τοιαύται δυνάμεις ἐνυπαρχού-  
 σιν,

Cælū quo  
 modo ani-  
 matum.

σιν, ὃδ' οὐρανὸς ἐμψυχὸς καὶ ἔχει κινήσεως ἀρχὴν  
 δῆλον ὅτι ἔχει τὸ ἄνω καὶ τὸ κάτω &c. Postquā,  
 inquit, nobis definitum est, in ijs quæ princi-  
 pium motus habent, eiusmodi facultates in-  
 esse ( loquitur de positionum differentijs )  
 cælum verò animatum existit, ac motus sui  
 principium habet. proculdubio & superum  
 & inferum &c. habebit.

*Cælum non moueri ab anima, sed intelli-  
 gentia, quæ à cælo absoluta sit.*

### CAPVT VII.



QVod autem de anima informā-  
 te non sit locutus Aristoteles,  
 quodque omnino impossibile  
 sit cælum à principio interno  
 constar animalium moueri, nūc  
 demonstrare aggrediemur. Quæ disputatio  
 tanto impeditior erit, quantò maior est eo-  
 rum auctoritas, qui contrariam sententiam  
 sunt amplexi. Ea verò maxima & grauissi-  
 ma est. Non enim solum antiquitus credi-  
 tum fuit, sideribus mentem ac rationem in-  
 esse, vt ex Homeri illo carmine perspicitur  
 ἥλιος δὲ παντ' ἐφορᾷ καὶ παντ' ἐπακούει, verum  
 & Aristoteles, ob verba superius memorata  
 à nonnullis huc trahitur, adeò vt neque

Contra gē- Diuus Thomas in Aristotelis lectione e-  
 ces cap. 70. gregiè versatus, neget ipsum huc inclinasse.

Quin

Quin & Cicero libro secūdo de natura Deorum sic exponit Aristotelis rationem, qua probatur cœlum à natura haud moueri, vt is vitam inesse sideribus, dicere videatur. Verba sic habent: Ordo siderum & in omni æternitate constantia, neque naturam significat (est enim plena rationis) neque fortunam, quæ amica varietatis constantiam respuit. Sequitur ergo vt ipsa sua sponte, suo sensu ac diuinitate moueantur. Nec verò nō laudandus Aristoteles in eo, quod omnia quæ mouētur aut natura moueri censuit, aut vi, aut voluntate. Moueri autem Solem & Lunam & sidera omnia. Quæ autem natura moueantur, hæc aut pondere deorsum, aut leuitate in sublime ferri: quorum neutrum astris contingeret, quod eorum motus in orbem circumquæ fertur. Nec verò dici potest, vi quadam maiore fieri, vt astra contra naturam moueantur. Restat igitur, vt motus astrorum sit voluntarius. Hæc Cicero. Porro D. Augustinus in suo Enchiridio cap. 58. eumque secutus D. Thomas, hoc ita in me-

Augustinus dubitat num Stellæ animatæ.

Contare-  
nus & Ric-  
cius.

Cœlū quo  
sensu ani-  
matum.

Plato in  
Alcibiade.

Lib.2. Phy-  
sico. cap. 9.

nonnullis lucida corpora esse, & non cum sensu vlllo videantur. Atque hinc quidam recētiorum τὸ ἐνδόξως μὲν accipientes, animam cœlo inesse, velut magis rationi consonum defenderunt. Sed quia tantos viros sine temeritatis nota contemnere non possum, cōmodè ipsos interpretari malo, quàm sententiæ tam absurdæ patrōnos facere. Animę igitur appellatione eos proprium & determinatum motorem arbitror intellexisse, qui & vires habeat naturaliter suo mobili attemperatas, & à quo mobile ex proprietate suæ naturæ regi aptum est, quomodo & Plato corpus ab anima inhabitari decernit. Quod enim cœleste corpus à nulla anima tāquam forma viuificetur, tali ratione mihi persuadeo. Tradunt Physici formam esse materiæ finem, nec materiæ causā formam effici, sed materiam cum omnibus suis affectibus ad formam destinari. Idque eorum quæ arte fiunt, exemplis declarāt. Non enim ferra propter ferrum existit, sed contra potius ferrum ad ferram referri solet: vsque adeò, vt si instrumentum illud citra materiam fieri & suum munus peragere valeret, è ferro ipsum construi opus non esset. Quæ cum ita sint, nisi aliquid à corpore cœlesti ad suas functiones obeundas adiumenti accipiat ea anima, quæ cœlos mouere dicitur,

non

non debet sine vlla necessitate ac fructu materiæ contagione fœdari. Cùm igitur tria sint animæ officia præcipua, augere & & nutrire corpus, sentire, & intelligere, quid horum erit, quod cum per se subsistēs agere nequit, cœlo alligata facilius exequetur? An augere & vegetare corpus quod inhabitat? Sed hæc officia in corpore immortali, alterationisq̃ue minimè capaci locum non habent. Idque tam firmiter cunctis hoc seculo persuasum est, vt risum non teneant discipuli nostri, cum ex Plutarcho referimus, ideò Stoicos opinatos esse Solē ad septentrionem ac meridiem euagari, q̃ si idem iter perpetuò relegeret, in eo non satis alimentum inuenturus esset. An verò sensus causa in corpus ea anima demersa est? Sed neminem opinor tam malè sanum fore, vt cœlum vel oculos vel aures habere, vel vllis sentiendi meatibus perforatum esse dicat. An denique vt contemplationi veritatis incumbat, necesse fuit ipsam in corpus detrudi? Sed mense est facultas à corpore separata, & quæ sine corporeo instrumento suum officium facere potest; nisi fortè sit humanę similis, quæ rerum cognitionem à phantasia & sensibus emendicat. Verùm si tam imperfectam cœlo animam inhærere dicimus, iterum ad prius illud absurdum reuoluemur,

De placitis  
Philoso-  
phorum.

& quemadmodum in homine ita & in cœlo vias quasdam, per quas rerum species ad animam deferantur, patere statuemus. Sed erit fortè aliquis, qui motorem cœli, si non ob aliam causam, saltem vt cœleste corpus mouere queat, cœlo affigi debuisse contendet. Verùm neque illam rationem vllius ponderis esse ex eo perspicitur, quod nullo corpus etiam si quam maximè animatum sit, seipsum mouere possit, nisi distinguatur in partem mouentem & motam, hoc est, quarum vna per se moueat, & non nisi aliena vi moueatur, altera per se moueatur tantum, & non simul motum efficiat. Quas partes quisquis in cœlesti corpore designare voluerit, haud dubium, quin se omnibus cordatis ridendum propinaturus sit. Neq; enim hic suffecerit animam & corpus vel formam & materiam proferre, nam ea ratione quoque graua & leua in partem mouentem & motam facile esset dispertiri. Quare cum hoc neget Aristoteles, non partes substantiales, sed integrantes intellexisse conuincitur. Præterea omnis motus, qui ab anima fit, p partes duntaxat fieri solet. Verbi causa, si manus mouetur, necesse est brachium quiescere, brachij verò motus humeri quietem requirit, & ita deinceps. Neque enim potest quisquam pro voluntatis suæ arbitrio

Aristot. ca.  
5. lib. 8.  
Phyfi.

arbitrio simul totum suum corpus loco mouere, nisi longè petito conatu vim sibi inferat, quod faciunt ij, qui fossas transfiliunt, Atqui cœlum totum simul in orbem voluitur, nec vllam habet similitudinem illius circuitio, cum eo motu, quem in animalibus ab anima proficisci videmus. Non igitur illius causa cœlum animatum fingere oportebit. Insuper cum in superioribus demonstratum sit, cœlum ex naturali appetitu nequaquam moueri, vel igitur sensituius appetitus, vel rationalis ipsum impellet. Non enim plura sunt interna motuum principia, quàm ij tres appetitus. Atqui sensituius appetitus nunquam sine sensu reperitur: cuius cum cœlum capax non sit, neque appetitus sensitui capax erit. Reliquum igitur est, ut à rationali appetitu circumferatur: is verò cum instrumento corporeo ad suam actionem non indigeat, non oportuit cœli motorem, quò expeditius suum munus obiret, cum cœli corpore velut formam coniungi. Porro si absolutus est à cœlesti corpore, qui illud in orbem contorquet, mox eundem & incorporeum esse consequitur. Nam ut Epicurei posteaquam Deum finxissent corporeum non malè deinceps quærebant, ubi is consistere potuisset, cum vniuersi molitionem aggrediebatur, ita & nos si quisquam



cœlorum motores materitatos & corporeos arbitretur, ex eodem sciscitabor, quænam ipsis intermundia, in quibus consistât, attribuamus, cum propter suam corpulentiam non valeât illud spatium quod à mobili occupatur insidere. Quod si ergo ipsos ne inter cœlestes sphaeras vllam vacuitatem statuere cogamur, aut si vnus sit omnium cœlorum motor, ne is extra mundum excludatur, liberos à corporea concretionem fatemur, neque integrum nobis erit, num intelligentia præditæ sint, dubitare. Vt enim supra quoque admonui, quicquid est per se intelligibile idem & intelligens, auctore Aristotele, haberi debet.

*Quod ex præcedentibus inferri possit, cœlum  
diuinæ gubernationi subiaccere.*

### CAPVT VIII.

**H**IS iactis fundamentis via patefacta ad probandum, cœlestes orbes diuina prouidentia regi. Vel enim ab vna mente impulsæ sidera tam varios gyros ac circuitiones absoluunt, vel, vt mauult Aristoteles, quisque motus à proprio quodam motore peragitur. Si vnus omnium motionum auctor ponitur, Deus proculdubio is erit. Nam substantia incorporea, quæ  
simul



simul tot locis præfens est, tamque vastum spatium complet, quàm est illud, quod inter supremum & infimum cœlum interiacet, tot denique immensę molis orbes tam varijs & contrarijs motibus ciere potest, infinitę virtutis & maiestatis sit necesse est, ac proinde DEVS. Sin magis arridet quemque motum à peculiari quodam motore proficisci, quero num in ea intelligētiarū multitudine quispiam principem locum obtineat, ac cæteris agenda præscribat. Si ab vno summo præside gubernari negentur, vnde quero fit, vt votis tam concordibus in vnum conspirent, nec aliud per tot annorum milia sibi propositum habuisse animaduerti possint, quàm vt mundus in optimo statu persistat, annorum, mensium, dierum, aliorumque temporum eadem descriptio perseueret? Si ex natura quendam ad suos orbes, eorumque motus ordinem habent, quod Philosophis placere video, is ordo nequaquam fortuitus existet? Etenim prorsus incredibile est res, quarum tam sunt diuersę naturę, inconsulta temeritate ita inter se quadrare, quasi vna alterius causā effecta sit. Si verò diuino consilio constitutus est is ordo, Dei ergo prouidentia cœli reguntur. Quod si magis probabile videtur, ex natura sua ad cœli motum intelligētias destinatas non esse, neque tunc

nobis argumenta deerunt, quibus vni supremo rectori subiectæ esse doceantur. Nam si ad perfectionem naturæ ipsorū nihil intererat, cœlestes orbes versarent necne, quomodo tāta animorum vnitæte, & promptitudine in commune consulendi primum inter se cōiūgi potuere, deinde p̄ tot secula inuiolabilem concordiam retinere, nisi vnus aliquis in inuisibili illo spirituum regno præsideat, qui immensa virtute singulis adesse, leges mouendi ferre, facultates & sapientiam tanto oneri necessariam impertiri, & sui amore ac reuerentia, ad capeſſenda libenter iussa inuitare queat? Atque hic rursum non alius quàm DEVS erit.

*Esse quosdam, alios spiritus, qui cœlo non adherent, sed inter homines versantur.*

## CAPVT IX.

**I**Antò sunt Epicureis meliores j. qui se Aristotelicæ disciplinæ sectatores profitētur, quòd cum Epicuri familia nihil incorporum velit agnoscere, Aristotelici non negent, quin à spiritibus & à materia separatis naturis cœlum moueatur. Verum vtrorunque communis error est, quòd nulli in sublunari hoc mundo spiritus reperiātur, qui se negotijs humanis immisceant. Hac igitur de re, quia non parum ad sanam  
de

de mundi regimine sententiam momenti  
habet, nūc differere op̄e repretium erit. Pri-  
mum igitur de huiusmodi spiritibus sub  
demonum seu geniorum appellatione, pleni  
sunt omnes veterum poetarum & sapien-  
tum libri, vt videre est apud Eugubinum  
de perenni Philosophia, vbi Orphei, Home-  
ri, Sibyllarum, Chaldæorum, aliorumque  
quam plurimorum de ijs testimonia recen-  
set. Quæ cum hîc repetere non sit necesse,  
tantum historica documenta nonnulla, quæ  
vel ex fide dignorum relatu accepi, vel ex  
probata fidei scriptoribus collegi, in grati-  
am eorum, qui adhuc tyrones sunt in hi-  
storiæ cognitione, huc apponam. Hęc autem  
iuu- dæ memoriæ causa in tria capita digessi,  
quorum primum continebit phasmata ex  
improviso hominibus oblata, vocesque ab  
incerto auctore profectas; secundum ea, quę  
in cultu simulachrorum prodigiosa euene-  
runt; tertium, opera quædam ab hominibus  
fieri visa, sed humanas vires longè superan-  
tia. Primi generis exemplum esto, quodd de  
Socrate omnes scribunt, eum videlicet fami-  
liarem quædam dæmonē habuisse, cuius ipse  
vocem duntaxa percipere, formā verò & spe-  
ciem nequaquam videre solitus erat; atque  
hoc eum duce & cōsultore in rebus gerendis  
perpetuò vsum esse. Itaque cum ab Atheni-  
ensibus

ensibus Lachete prætor ad Delium infelicitè pugnatū esset, ipsum à dæmone admonitum, ne eadem, qua cæteri, via fugeret. Hunc eo modo saluum euasisse, eos verò quæ alia via fugerāt, in equitatum hostium incidisse. Auctor Cicero l. de diuinatione. Idem in apologia apud Platonem de suo dæmonio sic loquitur: ἡ εἰωθὺν μοι μαντικὴ ἢ τῷ δαιμονίῳ, ἐν μὲν τῷ πρόῳ χρόνῳ παντὶ πάνυ πυχνὴ αἰεὶ ἦν, καὶ πάνυ ἐπὶ σμικροῖς ἐναντιούμενη, εἴ τι μέλλοιμι μὴ ὀρθῶς πράξαι. ἐμοὶ δὲ οὔτε ἐξιόντι ἔωθεν δικοθεν ἡναντιώθη τὸ τῷ θεῷ σημεῖον, οὔτε ἡνίχα ἀνέβαινον ἐν ταυτοῖ, οὔτε ἐν τῷ λόγῳ ὕδενι, μέλλοντι πᾶν εἶναι. Id est, consueta diuinatione genij omni superiori tempore admodū frequens erat, etiam in minutis rebus mihi obliuiscens, si quid non rectè facturuseissem. Nuncautem neque manè cum domo exirem, DEI signum me retraxit, neque cum huc ascenderem, neque in vlla meæ orationis parte. Cū Paulus Aemilius insignem de Persa Macedonum rege victoriam reportasset, eodem die in Italia bini adolescentes in equis cuidam Vatinio obuiam facti, hanc exercitus Romani victoriam ei nuntiarunt. Is quod audierat, mox ad senatum defert. Verū quia nullum certum istius nuntij auctorem proferre poterat, velut senatoriæ maiestatis contemptor in carcerem coniectus

Paulus Aemilius.

ctus

ctus est, donec ab Aemilio allatæ literæ essent, quibus idem significaretur. Creditum est igitur Castorem & Pollucē Vatinio apparuisse. Sic Valerius Maximus, Liuius, Lactantius, & plures alij. Plinius iunior libr. 7. epistolarum refert, suo tempore Athenodorum quendam Philosophum Athenis domum vilitate pretij illectum conduxisse. Nemo enim illas ædes propter spectrum quoddam isthîc apparere solitum, inhabitare audebat. Posteaquam verò in eam domum immigrasset, spectrum illud noctu ad ipsum lucubrâtem accessit, & catenam, quam gestabat, supra caput eius concussit, insuper & digito ipsum ad se inuitauit. Idque cum aliquantisper fecisset, eodem in loco semper euanescebat. Illîc igitur cum fodi Athenodorus iussisset, cadauer hominis simili catena vincti repertum est. Quo inde sublato, desijt hoc quicquid fuit terriculamenti in illis ædibus apparere. In eadem epistola narrat, ad puerum suum cubâtemper fenestras venisse quosdam in albis tunicis, eumque detondisse, ac deinde qua venerant recessisse. Hunc tonsum, sparsosque circa capillos dies ostendit. Atque prius quidem illud de Athenodoro affirmantibus se credere ait, hoc se alijs affirmare posse. Plutarchus libello de oraculorum defectu, ait Epither-

Lactant. li.  
2. cap. 16.  
Epistola  
ad Suram.

Magnus  
Pan.

se patre Aemiliani Rhetoris quondam in Italia nauigantē, quando iuxta Echinadas ventum esset malaciam ac tranquillitatem extitisse. Cumque vectorum plerique vigilarent, à Paxis insula delatā esse vocem, quæ Thamum gubernatorem Aegyptium nominatim euocaret, ei que negotium daret, ut cum ad Palodes venisset Pana mortuum clamaret. Omnibus rei nouitate attonitis, atque num parendum esset consultatibus, tandem decernit Thamus, si ventus vehemens nauem impelleret, præteruehi silentio: verum si tranquillum mare esset, imperata facere. Proinde cum venti ipsis ad eum locum delatis consulescerent, clamat, uti iussus erat, magnum Pana mortuum. Quam vocem continuò luctus & admiratio multorum subsecuta sunt, & toto pelago ab occultis auctoribus editi planctus exaudiebantur. Cùm autem Romam, qui ea naui vehebātur, venissent, Tiberium Cæsarem de tam inusitato prodigio certiores faciunt, qui literatos ad se accersens, quisnam ille Pan esset, ex ipsis sciscitatus est. Idem Plutarchus in vita M. Bruti scribit eidem lucubranti idolum apparuisse, quod cum Brutus quis esset percontaretur, responderit, ego sum malus tuus genius, Philippis iterum me videbis. Dioni Syracusano refert idem muliebris formæ imaginem noctu apparuisse.

paruisse, quæ pauimentum scopis verrebat.  
 Conradus Celtes libro 10. exegit eos Ger-  
 manicæ tradit esse quendam Noruegico ma-  
 ri circumseptum montem, *Hæfelberg* nomi-  
 ne, quem perpetuò vultures ac nigerrimi  
 corui horrendo clamore circunuolant. Ad-  
 dit præterea eiulatus in eo tantos audiri, vt  
 per vnum miliare clamor diffundatur.

Petrus Martyr Anglerius libr. 9. decadis  
 primæ oceanæ, dicit occidentalibus Indis  
 spiritus quosdam ea forma, qua apud nos le-  
 mures pinguntur, se conspiciendos præbere,  
 quos illi *Zemes* appellant, & tanquam sum-  
 mi *DEI* ministros colunt. Eorum quatuor  
 imagines ex gossampio confectas se vidisse  
 testatur. Alexander Neapolitanus lib. 5. ge-  
 nialium dierum capite 23. ait, suis in ædibus  
 nocturno tempore non semel hominis spe-  
 ciem, squalida facie, vultu minaci, nigro cor-  
 pore, aspectu formidabili, nomen suum ex-  
 primentem, & opem implorantem visam  
 esse. Ac Nicolaum Tubam virum multæ &  
 expertæ fidei cum nonnullis doctis iuueni-  
 bus ad se accessisse, vt num verè ita se res ha-  
 beret intueretur. Cùm verò hac de causa  
 noctem secum peruigilem ducerent, species  
 illa dira aduenit, ac omnia gemitu funesto  
 miscere cœpit. Cumque illi propius ad ip-  
 sam accederent, illa retrocedebat, & queru-

la voce lumē effugere videbatur. Idem cum alio tempore in lecto in somnis cubaret, eminus idolum illud appropinquare, & cubiculi fores pulsare sentit. Nec multò post introiisse per commissuras & rimas ostij, ex suo alumno è regione cubanti intellexit. Idque cum illi foribus occlusis fieri non posse videretur, simulacrum quod sub lecto iacebat, manum protendere, & candelam extinguere visum est. Cumque ad tumultum, quem in cubiculo Alexandri excitabat, socij accurrissent, ipse aperto manibus ostio foras effugit. Ac spiritus quosdam sub persona defunctorum omnibus seculis non solum in horridæ noctis tenebris, verum etiam in meridiana luce obtutibus humanis se præsentasse, tam multorum testimonijs probari potest, vt, qui id inficias ire haud veretur, non tam argumentis, quàm flagris indigeat.

FR. Picus Mirandula lib. 7. de prænotionibus cap. 4. fœminam quandam in Germania postquam multos menses defuncta fuisset, assumpto aëreo corpore apparuisse, & cum mille ferè testibus diuersis temporibus collocutam esse refert. Idque se ex ore tum Cæsaris Maximiliani, tum Mathei Longi eiusdem secretarij audiuisse commemorat: quī cum Episcopo quodam iussu Cæsaris ordinem rei gestæ, & testium responsa nota-

tauerat.



tauerat. Nostro æuo rusticus quidam ex pago occidentalis Frisie VVingeterp vsq; in Frisiam orientalem à quodam qui se hominis animam esse dictitabat, repentè translatus fuit. Is se diebus aliquot in ignota regione versatum esse, & multa inibi stupenda vidisse narrabat. Huius rustici sua visa narrantis fama exciti multi homines, vt certius rei veritatem explorarent, ad eum proficiscuntur, ex quibus vnus mihi se ex eius ore quicquid supradixi, & multò plura se accepisse confirmauit. Et nihil tota Frisia vulgatius, quàm rusticum illum à spiritu quodam in vicinam prouinciam transfuectum fuisse. Denique nulla regio, imò nulla vrbs, aut vicinia reperitur, quæ non singulis ætatibus aliquò spectri apparëtis ostento perturbetur. Multa quidem ex inani metu vulgus imperitum se videre fingit, quæ nulla sunt: atq; idcirco nò promiscuè omnes hoc genus narrationes in circulis iactatas recipere vir grauis debet, sed quia nonnulla phasmata longo tempore etiam ab hominibus non nimium credulis visa esse multis testibus probari potest, qui in tanta rerum euidetia adhuc assensum retinet, is non tam id, quod per se notissimū est, sua tergiuersatione obscurat, quàm insignem suam prodit impudētiam. Ad præsens *Demonas* caput etiam referri possunt spirituum illo- *incubi,*

216 DE PROVIDENTIA DEI  
rum subitæ apparitiones, qui scœminarum  
pudicitia insidiari dicuntur.

Cap. 25.

De quibus D. Augustinus lib. 15. de ciui-  
tate Dei hunc in modum scribit: Creberri-  
ma fama est, multiq̃ue se expertos, vel ab eis  
qui experti essent, de quorum fide dubitan-  
dum non est, audisse confirmant, Siluanos  
& Faunos, quos vulgo incubos vocant, im-  
probos sæpè extitisse mulieribus, & eorum  
appetisse ac peregisse concubitum. Et quos-  
dam dæmones, quos Dufios Galli nuncu-  
pant, hanc assiduè immunditiam & tentare  
& efficere, plures, talesq̃ue asseuerant, vt hoc  
negare impudentiæ videatur. Fuit, & Loua-  
nij, cum isthic agerem scœmina quædam à  
dæmone ad concubitum sollicitata, vt ex e-  
ius domesticis, quorum est apud me indu-  
bitata auctoritas, cognoui. Horum vnus mi-  
hi retulit, scœminę huic se præsentē a lapas tā-  
to impetu inflictas esse, vt plagæ strepitus à  
circumstantibus audiretur, nemine conspe-  
cto, qui illam infligeret. Item candelam cō-  
secratam, qua dæmonem se abigere posse  
sperabat, manu se tenuisse, eamq̃; in multas  
partes ab eo, qui non videbatur, comminu-  
tam fuisse. Ac multi vsque hodie supersunt,  
quos huius rei testes, cum erit opus produ-  
cere possum. Insuper auctores libri, qui Mal-  
leus maleficarum inscribitur, crebrò se tali-

um

um mulierum inquisitioni præfuisse affir-  
mât, quæ fatentes à spiritibus se compressas,  
propter id facinus viuæ crematæ sunt. Hinc  
etiam tot apud veteres semidei seu heroes Heroes  
vnde.  
extitere, qui altero parente Deo orti crede-  
bâtur, quod spiritus illi de quibus nunc agimus,  
eorum generationis ministri fuerant. Quod  
illis non esse difficile seminibus collectis, &  
assumpto aëreo corpore, theologi in enar-  
ratione secundi Sententiarum ostendunt.  
Huc etiam prodigiosi euentus pertinent,  
quos ethnici in præsagium alicuius futuri  
vana ominatione trahebant, cum nihil aliud  
quàm dæmonum præstigię fuerint. Primum  
haruspicina ex viscerum in hostijs diuerso  
habitu, bellorum successus prænuntiare co-  
nabatur. Quędam igitur occulta, & minimè  
naturalis in iecore, corde, pulmone, alijsque  
partibus mutatio, dum hostiæ non litarent  
acciderat, quandoquidem aliàs in sanis be-  
stijs eiusdem speciei nulla viscerum diuersi-  
tas inueniri potuerit. Quæ autem eæ notæ  
futurorum extiterint, non semper tacent  
historici. Itaque Cæsari paulò antequam in-  
terficeretur, sacrifici in extis opimi bouis  
cor defuisse memoratur. Marcellus circa tem-  
pus, quo cum Hannibale congressus occu-  
buit, hostiam cecidit, in cuius extis iecur de-  
siderabatur, sequenti deinde die in alia ge-  
minum

Cicero e.  
ius cōtem-  
poraneus  
i. de diui-  
na uoce,

minum repertum est. Defuit & Caio Mario  
 iecur, cum immolaret Vtica. Item C. Cali-  
 gulæ, cum iniret consulatum, quo anno in-  
 terfectus est. Hęc & plura alia Plinius lib. 11.  
 historię naturalis capite 36. quę non est opus  
 hęc recensere, quod passim in historijs talia  
 fibrarum portenta occurrant. Ad secundum  
 igitur caput narrationum nunc transeun-  
 dum est.

*Ex idolorum miraculis idem confirmari.*

### CAPVT X.



Oraculum  
 Delphicū.

t. de diui.  
 natione.

Dolis gentium pręfuisse quos-  
 dam genios primum nobis ar-  
 gumento sit, quod in multis e-  
 orum fanis oracula & respon-  
 sa de rebus occultis reddi sole-  
 bant. Ac Delphis quidem id factum esse, ip-  
 sius oraculi celebritas testatur. Nisi enim il-  
 lie vis quędam humana maior ex tripode  
 respondentem Pythiam, de occultis erudif-  
 set, nūquam ille locus à Gręcis, Romanis, &  
 barbaris adeò frequentatus fuisset, nūquam  
 tot regum & populorum donarijs cumu-  
 latus. Et rectè Cicero ratiocinatur, quia suo  
 tempore cum defecisset hoc oraculum, ce-  
 lebre esse desierat, olim cum in tanto pretio  
 erat, mirandis quibusdam prædictionibus  
 diuinitatis famam collegisse. Et quamuis ea  
 ratio

ratio abūde declaret, dæmonem quēdam illud χρηστήριον gubernāsse, vnum tamen exemplum ab Herodoto narratum, quod mirificè hanc rem illustrat, præterire non possum. Cræsus inquit Herodotus, vt fidem oraculi Delphici exploraret, legatos cō misit, quid Cræsus ageret, rogaturos. Cumque ex itineris ratione illos iam Delphis esse cōiectaret, testudinem vna cum agni carnibus in æreo lebete, cui & æreum operculum impositum erat, coquere cœpit. Sciscitantibus igitur legatis quid Cræsus ageret, Pythia respondit.

Ἰδὼν δ' ἐγὼ ψάμμεν τ' ἀριθμὸν καὶ μέτρα θαλάσσης

καὶ κώφῃ σωίημι καὶ οὐ φωνεῦντος ἀκούω.  
 Ὀδμή μ' ἐς φρενᾶς ἦλθε καταβροτοῖο χελώνης  
 ἐφοδῶνς ἐν χαλκῷ ἅμ' ἀρνείεσσι χρέεσσιν  
 καὶ χαλκὸς ἰδὼν ὑπέστρωται, χαλκὸν δὲ ἐπείεσται.

Hanc diabolica stantiam Sæcti Patres valde exagitant.

Id est, Noui ego arenæ numerum & mensuram pelagi, & surdum intelligo, & non loquētem audio. Odor verò testudinis politæ meæ menti occurrit, quæ in ære coquitur cum agninis carnibus. Et æs quidem subiacet, ac superimponitur. Huiusmodi fuere Apollinis Delphici responsa; quare nullum hîc locum habet suspicio, quæ nonnullos sollicitos habet, an videlicet fraude sacerdotum conficta fuerint. Quomodo

quæso sacerdotum figmenta fuere, quæ Pythia respōdebat, cum notissimum sit, illam simul atque tripodem conscendisset, mente excessisse, & bacchico furore correptā, etiā à semipimè intellecta effutijisse? Conati quidem sunt Philosophi causam huius rei naturalem afferre, vt ex libello de mundo ad Alexandrum perspicitur, verū nemo de sacrificiorum impostura mentionem fecit. Solus, quod sciam, Demosthenes questus est, suo tempore Pythiam *φιλίππιον*, verum si vnum aut alterum supposititium oraculum è tripode emanasse concedatur, ideōne tot milia, quibus nulla fraudis suspicio subesse potest, conficta dicemus? Quomodo fraus illa tot seculis deprehendi non potuit?

Adhęc apud Dodonam in Molossorum regione statua quædam Iouis, virgam manu tenens Icbetes æneos percutiendo diuinabat. Ibidem è querceto responsa de rebus ignotis reddebantur. Apud Branchidas octodecim stadijs à Mileto Dyndimæi apollinis oraculum fuit, vbi cum sacerdotes habitum ex aqua ascendentem ore captassent, vaticinari incipiebant. Argis quoque, Lebædiæ, Colophone olim celebria Dæmonum oracula fuerūt, de quibus inter veteres Pausanias, inter neotericos verò Alexander Neapolitanus libro 5. genalium dierum, accu-

ratissimè

Huius Apollinis etiam quædam de Chri-  
stō oracula  
circumfe-  
runtur.

ratissimè scripserunt. Porro de oraculo M O P S I, quod in oppido Ciliciæ cui nomen erat  $\mu\acute{o}\psi\iota\epsilon\iota\sigma\acute{\alpha}$ , fuisse dicitur, digna memoratæ historia in libello Plutarchi de oraculorum defectu legitur. Est autem huiusmodi. Epicureus quidam, oraculis fidem nõ habens, libertum suum ad Mopsi oraculum ablegat, scitatum quid acturus esset. Huic in eo loco dormienti, vbi responsa reddebantur, per quietem visus est quidam apparere, qui cum nigrum dixisset, mox discessit. Idque domum reuersus patrono suo nunciat. Tunc ille tabellam, quam secum Libertus attulerat resignans, ostendit in ea scriptam fuisse hanc quæstionem: Albúmne tibi an nigrum taurum immolabo? Cùm igitur Mopsum suæ quæstioni respondisse animaduertit, plus deinceps fidei oraculis tribuendum esse censuit. Adde his quæ de Api Plinius libr. 8. cap. 46. refert. Bos, inquit ille, in Aegypto numinis vice colitur, quem Apin vocant. Hic responsa dat è manu consulentium cibum capiendo. Germanici Cæsaris manum auersatus est, haud multò post extincti. Quum se prorupit grex puerorum comitatur carmen eius honori canentium, quod intelligere videtur, & adorari velle. Per dies septem quibus eius natalis celebratur, nemo à crocodilis attingitur. Hæc de api



232 DE PROVIDENTIA DEI  
Plinius. Fuit & celeberrimum Iouis Ammonis oraculū in deserto Libyæ, vbi statua ipsius in aurata naui à sacrorum antistite circumferebatur, ac postquam patrium, quoddam carmen ei cecinissent, non aliter atque si illis vocibus delinita esset, nutibus & subobscuris signis, quæ soli sacerdotes intelligerent, ad interrogata respōdebat. Talia enim de hoc oraculo Strabo, & Diodorus Siculus memoriæ prodiderunt. Non minus portentosum est, quòd de Apollinis statua in hierapoli Syriæ Lucianus ait se non ex alijs audisse, sed *Æuroῦσία* comperisse. Verba eius à nobis è Græco conuersa hæc sunt. Multa sunt apud Aegyptios & Græcos oracula. Sed ea neque sine sacerdotibus, neque sine vatibus loquūtur: Hic verò (de Apolline Hierapolitano loquitur) ipse mouetur, & prædictionem ipse per se exequitur. Modus autem eius talis. Cū oracula edere vult, primum in sede sua mouetur. Cū verò ipsum in humeros tollunt, ducit ipsos quaquaversum agitans, & ex vno in alterum insiliens. Tandem antistes occurrens de quibusvis ipsum interrogat. At is si quid fieri nolit, retrò recedit, si verò annuit, baiulos ad progrediendum impellit, ac eorum gressum velut auriga moderatur. Et sic quidem oracula concinnat, nec sacrum quicquam aut priuatū

Lucianus  
lib. de Deo  
Syriæ.



tum sine ipso aggrediuntur. Et paulò post. Dicam verò & aliud, quod ab illo me præ-  
 sente factum est. Sacerdotes ipsum attollen-  
 tes gestabant, ipse verò eos humi relin-  
 quens in aëre solus ferebatur. Haëtenus Lu-  
 cianus. Ibidem refert singulis annis caput  
 quoddam à ventis sine ullius hominis auxi-  
 lio Byblum phœnicie ciuitatem, rectà ex vi-  
 cino pelago deferri consueuisse, idque se  
 præsentem accidisse. Ne autem de solis oracu-  
 lis dicamus, nunc alia quædam idolorum  
 miracula recensenda. Eusebius libro 7.  
 historię ecclesiast. cap. 16. secundum Græci  
 exemplaris distinctionem, auctor est, apud  
 Paneadem, quæ alio nomine Cæsarea Phi-  
 lippi dicebatur, hostiam in quodam fonte  
 submersam, non amplius comparere soli-  
 tam. Asterium verò insignem Christi con- Asterius.  
 fessorem Deum orasse, vt ijs præstigijs sim-  
 plici vulgo non amplius illudi sineret, mox-  
 que erupisse hostiam, & se denuo conspici-  
 endam præbuisse. Lactantius libr. 2. diuina-  
 rum institutionum capite 8. tradit fortunæ  
 muliebris statuam Romæ his locutam esse;  
 & lunonis monetæ simulacrum, cum captis Iuno mo-  
 Veijs à militibus Romam transferendum necta.  
 esset, interrogatum num Romam ire vellet,  
 respondisse volo. Refert Herodianus libr. 1.  
 statuam matris Deum quæ Pelsinunte alla-

Idē mater ta erat, de cœlo lapsam fuisse, & ignota materia constituisse. Hæc est illa statua, quæ cum ex Pessinunte Romam veheretur, nauivado Tyberini fluminis adhærente, nulla inde vi dimoueri potuit, donec Claudia quædam Vestalis de impudicitia suspecta, cingulum suum nauigio alligans, Deam illam rogaret, vt, si casta esset, suum cingulum sequeretur, Leguntur & gentium idōla nonnunquam sudore manasse, nonnunquam ad locum vnde translata erant sua spontè remigrasse. Penates dij, qui ex Troiæ incendio seruati Lauinium venerant, cum inde Romam translati essent, postea Lauinium redierunt. Herculis simulacrum ex Tyro Phœnicia ad Erythræos spontè profectum esse Leonicus lib. i. de varia historia tradit. Olim Agrigenti in colle Vulcani ligna vitea super aram structa, etiamsi virerēt, per se ignem concepisse, idque signum propitij dæmonis fuisse, Solinus cap. ii. Polyhistoris narrat. Apud Diodorum in fine libri ii. miraculum fontis Paliciorum in Sicilia describitur. Dicit enim lites illic terminari consuetas iuramento ad fontem deposito, periuros autem euestigio pœnas dedisse. Fecit & Aristoteles huius fontis mentionem in libris de animalibus. His adiungi possunt & supplicia illorum, qui fana idolorum expilâ-

pilârunt, vel quacunque alia ratione genti-  
 um falsas religiones volârunt. Quo in gene-  
 re admodum mirandum est, quod de tribus  
 illis Phocesium ducibus Oenomao, Philo-  
 melo & Phayllo Diodorus in bibliotheca  
 historica refert, & Philo Iudæus non contē-  
 nendum diuinæ prouidentiae documentum  
 esse voluit. Fuere hi præcipui auctores istius  
 direptionis tēpli Delphici, quæ Philippi A-  
 myntę filij Macedonū regis tempore à Pho-  
 censibus perpetrata est. Cū verò leges  
 Græcorum in sacrilegos vel præcipitio, vel  
 submersione, vel igne animaduertēdum esse  
 decernerent, contigit vt inopinato quodam  
 euentu hoc triplici genere suppliciorum tres  
 illi sacrilegi interirent. Vnus enim de alta  
 rupe in præceps delapsus ceruices fregit, al-  
 ter ab equo indomito cui insidebat ad mare  
 abreptus, fluctuum superuenientium inun-  
 datione obrutus est, tertius itidem in quo-  
 dam templo concrematus fertur. Hæc cum  
 fortuitò accidisse nemo nisi contētiosus di-  
 cturus sit, dæmonibus igitur sui contemp-  
 tum vlcisci, volentibus assignari debent.  
 Maximè cum sceminæ, quæ id temporis pe-  
 pla & donaria veterum heroinarum eodem  
 è templo surripuerant, mala morte omnes  
 perijsse scribantur. Notissimum quoque est  
 ex Liuiō, & alijs rerum Romanarum scrip-  
 toribus,

Poenæ vio-  
 latarum  
 falsarum  
 religionū.

Philo de  
 prouidentia  
 citatus ab  
 Euseb. lib.  
 8. de præ-  
 paratione.

am specum ingressus, dæmones ad se vocavit, qui tam terribiles illi visi sunt, ut homo cruci inimicissimus, sui oblitus ad eius signi præsidium confugerit. Hæc de illo Nazianzenus orat. i. quam cōtra ipsum habuit. Ided autem plus fidei huic narrationi tribuendum est, quod notissimum sit ipsum Magicæ impensè deditum fuisse, aded ut in libro quem contra Christianos scriptum Cyrilus refutavit, dicat, quia suo tempore admodum rarè dii apparerent, ided artis Magicæ subsidio eos aduocandos esse. Refert Munsterus Fridericum Austriacum, qui Ludouici Bauari in Imperij petitione æmulus fuit, cum ab eodem Bauaro captus & carceri inclusus esset, à dæmone, qui ad ipsum viatoris specie veniebat, admonitū esse, ut si liberari vellet, se sequeretur. Frater enim Friderici Leopoldus magicis carminibus dæmonem sollicitauærat, ut fratrem è captiuitate eriperet. Sed noluit sequi Fridericus. Francisc. Picus lib. 7. de prænotionibus, Sacerdos quidam, inquit, & alius dæmonum familiaritate delectati sunt, quorum ille ab ipsis suffocatus & in fossam proiectus est, hic autem viuis paucos ante menses raptatus ad montem. Idem lib. 4. cap. 9. sic scribit: Allocutus sum plurimos, qui vana spe futurorum delusi, ab apparente sibi dæmone perinita

inita pacta vocato, adeò ad finem vexati sunt, vt optimè sibi actum putauerint, ne vitam amiserint. Alium audiui ab eiusdem socijs, qui viuunt adhuc, à dæmone so. fere ab hinc annis, viuum asportatum nusquam comparuisse. dum curioso cuidam & malè sano principi Troiæ oppugnationem representare, quasi in scena pollicitus esset, Achillemque & Hectorem inducere præliantes; & multis tamen id quærentibus irritum negotium euenit. Hæc Picus. Henricus Agrippa Magus nostri temporis dæmone in cane latente perpetuò comitatus incedebat; nisi fortè is dæmon fuerit canina specie. Nam circa obitum Agrippæ canis ille se Lugduni de ponte in flumen præcipitem deiecit, nec vsquam deinceps comparuit. Narrauit mihi quidam familiaris, de cuius fide nihil dubito, se Magum pædagogū habuisse, qui cum non ritè magicas adiurationes recitasset, tanto capitis ardore conflictatus fuit, vt caput in urnam aquæ mergere compulsus sit. Idque cum eius parentes rescuiissent, noluisse eum diutius in suis ædibus tolerare. Nec aliud quàm dæmonum aduocatio est illa, quæ à Græcis necromantia dicitur. Non enim existimari debet animas defunctorum ullis carminibus ad nos reuocari posse. Porro viguisse, & adhuc vigere inter homines

hoc

Henricus  
Agrippa.

Paulus Io-  
uius in Elo-  
gijs.

Necromā-  
tia.

hoc diuinationis genus, non solum ex eo colligitur, quòd mortuos consulere tam seuerè prohibeat vetustissima lex Iudæorum, quòdque Samuel in regnorum libris à Pythonissa ab inferis excitatus refertur, verum etiam quia Lactantius suarum Institutionum libr. 7. cap. 13. ait, eos, qui hoc negarent, ipsis rerum testimonijs refelli posse. Epicurus, inquit, Democritus, Dicæarchus, non auderēt de mortalitate animi mago aliquo præsente differere, qui sciret certis carminibus ciere animas ab inferis, vt adsint, & præbeant se humanis oculis videndas, & loquantur, & futura prædicant. Idem Iustinus martyr in secunda Apologia pro Christianis affirmat. Qui auctores quamuis in eo labantur, quod animas ab inferis euocari crediderunt, non tamen adeò confidenter id ausi fuissent asseuerare, nisi magi spiritus quosdam personam defunctorum referentes humanis obtutibus præsentarent. Denique celebris fama est, ante nostra tempora fuisse homines, qui in publicis scholis hanc artem ciendi animas certa condita mercede docerent. Nunc si quis præstigias & miranda magorum opera contempletur, sine dubio hæc ei maiora videbuntur, quam vt ab homine præstari queant. Quænam autem sint illa magorum portenta, ex subiectis exemplis perspi-

perspicietur. Primum grauissimas ægri-  
tudi-  
nes ijs, quibus infensi sunt, aliquando infli-  
gunt. Nam Antonius Beniuenius libro de  
abditis morborum causis, testatur mulie-  
rem quandam vomuisse æneous acus, capil-  
los, clauos recuruos, quæ cum nulla humana  
vi in eius viscera immiti potuerint, dæmo-  
num opera, id factum esse non dubitatur.  
Scotorum regem Duffum scribit, Hector  
Boëthius, olim lenta quadam tabe consum-  
ptum fuisse, quæ nullis remedijs curari po-  
terat. Cumque de ipsius salute ferme despe-  
ratum esset, rumor increbuit, regem malefi-  
cij appetitum esse à quibusdam mulieribus,  
quæ in Forres oppido Morauix degerent.  
Quidam igitur ad locum designatum, vt  
rei veritatem explorarent, ablegati, malefi-  
carum fores clausas inuenerunt; quibus ef-  
fractis, visa est vna earum cereum regis ima-  
ginem, ad ignem torrere, altera verò dum  
quidam carmen demurmuraret, oleo ipsam  
perfundere. Compræhensæ igitur & quæsti-  
onibus subiectæ, confessæ sunt, dum simula-  
crum igne excoqueretur Duffum regem in  
sudorem solui, carmine recitato vigilia tor-  
queri, & liquecente cera macie contabesce-  
re. Submota verò hac imagine, & veneficis  
supplicio affectis, propediem rex conualuit.

Duffus rex

II.

Rursum ægrotos nonnunquam morbis le-  
uant.

uant. Nam auctor est Ioannes Fernelius lib. 2. de abditis rerum causis, se vidisse, per char-  
tulam collo subnexam, icterum vna nocte  
toto corpore detergeri. Item febres verbis  
& ritibus quibusdam profligari, quæ tamen  
postea multò deteriores recurrerent. Addit  
vidisse se, qui sanguinem ex quacūque cor-  
poris parte fluentem, partis ipsius contactu,  
& verborum quorundam murmure siste-  
ret. Horum autem nihil vi naturali factum  
esse liquet. Visum effascinant, vt secundum  
illud Alcimæonis, cor cum oculorum aspe-  
ctu non consentiat. Apud Saxonem Gram-  
maticum libro 5. historiæ Danicæ, mulier  
quædam Craca nomine dapes opiparas in ef-  
figiem serpentum cōmutat. Apud eundem  
Finni ab hostibus victi, bis præstigijs in pa-  
catum euaserunt. Semel enim instante à  
tergo victore exercitu tribus in eum conio-  
ctis lapillis, trium montium phantasiā ipsi  
ingessere; quos cum se transcendere posse  
desperaret, finem persequendi fecit. Aliās  
fusi, fugatiq; , fluminis cuiusdam specie ho-  
stem vestigijs hæretem ludificati sunt. Cum  
enim ad eum vsque fugientes insecutus fu-  
isset, tanquam intercluso itinere, pedem re-  
ferre coactus est. De Simonis Magi præstigi-  
js multa stupenda referunt Ecclesiastici scri-  
ptores; quæ minimè conficta esse statua illa

III.

Q

testatur,



testatur, quæ ipsi Romæ posita est, cum hac inscriptione, SIMONI DEO SANCTO. Nisi enim fidem propemodum excessissent ea miracula, quæ is, ut famam sibi diuinitatis conciliaret, coram Romanis patrârat, nunquam tantus ei honos in illa ciuitate habitus fuisset. Hanc istius Magi consecrationem in Apologia sua Iustinus Philosophus & Martyr Romanis exprobat, nequaquam id facturum, nisi vera se criminatione uti cõpertum habuisset. Tempestates & grandines cient, ut eius libri, qui Malleus maleficarum inscribitur, auctores, multis allatis exemplis ostendunt, è quibus vnum huc ascribendum censui. In diœcesi Constantiensi, inquit, prope oppidum Kauenspûrg grâdo sæuissima excitata est, quæ per spacium miliaris circumquaque vineta & segetes adeò afflixit, ut triennij spatio vix vllus è vitibus fructus sperari posse videretur. Itaque cum per maleficium id accidisse vulgus suspicaretur, de sententia & consensu consulum, binas septimanas de veneficis illius libri auctores, inquirunt. Ac fama popularis duas fœminas notabat, Agnetem balneatricem, & Annam de Middelheim. E quibus balneatrix ante tormenta, sua spontè fatetur, se ultra 18. annos ab incubo dæmone stupratam fuisse, ac eius iussu & adminiculo istam

Iustinus  
martyr.

IIII.

tempe-

tempestatem, pauxillo aquæ in scrobem  
 misso & digitis circumagitato cõcitasse. Cõ-  
 sule secundæ partís illius operis cap. 15. Non  
 sum nescius quam iniquè de hisce in-  
 quisitoribus in libro de varietate rerum Hi-  
 eronymus Cardanus iudicârit (quod enim  
 contra Dominicanos in genere dixit, illud  
 in huius libri auctores dirigere videtur) ve-  
 rum ipse in libro suo de subtilitate ex epi-  
 stolis Erasmi non minus prodigiosa com-  
 memorat. Verba Erasmi ab ipso citata hæc  
 sunt: In oppido Schiltach dæmō qdā sibilō  
 signū dedit è quadā ediū parte. Caupo suspi-  
 cat esse furē ascēdit, neminē repit. Sed idē si-  
 gnū ex altiore cœnaculo redditū est. Et huc  
 conscendit caupo furem persequens. Cū  
 nec illic quisquam appareret, sibilus auditus  
 est è fastigio fumarij. Illicò tetigit cauponis  
 animum esse dæmoniacum quiddam: iubet  
 suos esse præsentī animo. Acciti sunt sacer-  
 dotes duo, adhibitus exorismus. Respondit  
 se esse dæmonem. Rogatus quid illic ageret,  
 ait se velle exurere oppidum. Minitantibus  
 sacrificis respondit, se pro nihilo eorum  
 minas ducere, quòd alter esset scortator, v-  
 terque fur. Aliquanto post mulierculā quī  
 cum habuerat consuetudinem annis quatu-  
 ordecim, cum interim illa quotannis confi-  
 teretur & Eucharistiā acciperet, sustulit in

Erasmus.

aërem, imposuitque fumarum fastigio, tradidit ollam, iussit ut inuerteret: inuertit, & intra horam totum oppidum exustum est. Mulier crimen suum confessa, & supplicio affecta est. Hæc Erasmus, homo non nimium credulus, ut ipse Cardanus fatetur. Eat igitur nunc Seneca, & rudem antiquitatem rideat, quod crediderit attrahi imbres tantibus & repelli, horumque nihil fieri posse tam palam esse dicat, ut huius rei causa nullius Philosophi schola sit adeunda. Ferro & igni se inuiolabiles præstant. Nam sacerdotes Apollinis in monte Soraacte, qui Romæ vicinus est, demonum prestigijs freti super carbones nudis pedibus ingrediebantur. Est è memorabilibus inclytum, & insigniter pomnium ora vulgatum, inquit Solinus, quod perpaucae familie sunt in agro Phaliscorum, quos Hirpos vocant. Hi sacrificium annuum ad montem Soraactem Apollini faciunt. Idque operantes gesticulationibus religiosis impunè exultant ardentibus lignorum struibus, in honorem diuinæ rei flammis parentibus. Sic Solinus. Alij hæc de Feroniæ deæ sacerdotibus narrant. Homines in quasuis species transformant. Nam Plinius lib. 8. hystoriæ capite 22. fatetur vulgo infixam esse famam, homines aliquando in lupos conuertere, & inde factum esse, ut in maledictis

Seneca lib.  
4. naturalium  
questionum.

V.

VI.

Homines  
in lupos  
conuersi.

versipeli-

versipelles habeant, sed totā hāc rem ad Græcorum fabulas vult esse reijciendam. Apud illos enim Euanthum quendam scribere, ex gente Antæi cuiusdam sorte electum ad stagnum quoddam eius regionis duci, vestituque in quercu suspenso tranare, atque abire in deserta, transfigurarique in lupum. Sed respondet D. Augustinus, si ea non esse credenda dixerimus, non deesse etiam nunc, qui eiusmodi quædam vel certissima audisse, vel etiam expertos se esse asseuerent. Nam & ad se cum esset in Italia, de quadam illius regione talia perlata esse, mulieres videlicet stabularias his malis artibus imbutas, illic in caseo dare solitas viatoribus, vnde in iumenta ilico verterentur, & necessaria quæque portarent. Idem postea modum, quo id fieri sit verisimile, subiungit. Nam pro vero lupo aut equo phantasticum quid à dæmonibus substitui potuisse, & ipsum hominem talē sibi ipsi videri (sicut talis sibi videri posset in somnis) & portare onera. Addit quædam Præstantium simile quid de suo patre narrasse, hūc nimirum, postquam venenum illud per caseum domi suæ sumpisset, iacuisse in lecto quasi dormiret, nec vllō modo excitari potuisse. Post aliquot verò dies ipsum euigilasse, & quasi somnia narrasse, quæ passus esset, caballū scilicet se factum anno-

Modus harum transmutationum quis.

nam inter alia iumenta portasse militibus. Ac quæ ille vt sua somnia narrabat, hæc verè gesta compertum fuisse. Posterioribus deinde seculis tam frequentes eiu smodi metamorphoses in historijs occurrunt, vt quod initio fidem excedere videbatur, nunc omnium probet assensus. Pecuniæ vel perditæ

- VII. recuperantur, vel non perditæ acquiruntur. Ac prioris illius tam illustria documéta suppetunt, vt nemo sit, quem ea fugere possint. Nam in singulis oppidis, imò vicis prope modum nonnulli reperiuntur, qui vulgo fatidici appellati demonum adiurationibus efficiunt aliquādo, vt fures seipso prodere cogantur. Posterioris insigne exemplum refert Gilbertus, cognatus in libello suo de historijs Tragicis. Ait is puerum quendam familiarem se habuisse, qui cum dissolutius viuendo pecuniam suam dilapidasset, ab ignoto homine chartulam accepit, in qua dæmones & obscena membra depicta erant, cum tali pollicitatione, vt quotiescunque chartulam hanc inter digitos teneret, toties quot vellet aureos acciperet. Ac se præsentem puerum huius rei periculum fecisse testatur, nec defuisse successum, donec à se persuasus, fidem nullam his præstigijs habendam esse censeret. Nam ex illo nihil pecuniæ sibi ea charta comparare potuit. Adjicerem hoc

Gilbertus  
cognatus.

loco

loco exempla quædam incantati genitalis membri, nisi pudor de ea re loqui prohiberet, ac talibus maleficijs impeti conjugatos etiam ex iure canonico notum esset. Quædam etiam de ijs dicerem, qui in aulis principum versantes magicis præstigijs eosdem oblectant, & nonnunquam in annulis phialis, alijsque rebus dæmones inclusos gestant, ac multa per eos miranda efficiunt. Adde-  
 rem ex Georgio Agricola, quam sæpè in fo- Georgius  
Agricola,  
 dinis negotium ijs facessant, qui metalla è  
 terræ visceribus eruūt, adeò, ut fodina quæ-  
 dam Annebergi omnino deserta sit, etiam si  
 argento diues esset, quia duodecim metalli-  
 ci in ea à dæmone necati sunt. Ex veterum  
 quoque scriptis insignes aliquot Magos, &  
 nominatim ex Philostrato Apolloniū Tya-  
 næum producerem, cuius tam fuit celebre  
 apud omnes nomen, ut eum vnum nostro  
 saluatori tanquam *ἑταῖρος* parem, Ethni-  
 ci opponere non sint veriti. Ostenderem e-  
 undem aliquando Romæ in prætorio subi-  
 tò disparuisse, & postero die post auroram  
 suo Damidi in Dicæarchio, item Demetrio  
 & cæteris familiaribus apparuisse. Verùm  
 ne modum in huiusmodi experimentis ac-  
 cumulandis excedam, pauca de arreptitijs De arrepti-  
tiji.  
 dicturus sum, & multa ab ijs fieri docebo,  
 quæ sine dæmone corpus eorum inhabitant.

te facere non possent. Primum igitur linguis hoc genus hominum loquitur, quas nunquam didicerunt, altantibus secreta vitia exprobrant, nunc in vna, nunc in alia corporis parte sue presentie dant significationem, excentes e corporibus vasa & utensilia domus commouent, adiurati in nomine Christi, aut signo crucis conspecto, vel aqua lustrali super ægrum sparsa, è suo diuersorio facessere compelluntur, denique ipsi per obsessorum ora, qui & quales sint confitentur. Horum omnium, ne quisquam à nobis conficta putet, testimonia afferemus. Cyprianus contra Demetrianum fidei nostræ hostem, de dæmonibus hunc in modum loquitur: O si audire eos velles & videre, quando à nobis adiurantur & torquentur spiritualibus flagris, & verborum tormentis de obsessis corporibus eiiciuntur, quando eiulantes voce humana, & potestate diuina, flagella & verbera sentientes, futurum iudicium confitentur. Et tractatu de idolorum vanitate, de iisdem sic scribit. Hi adiurati per Deum verum, nobis statim cedunt, & fatentur, & de obsessis corporibus exire coguntur. Videas eos nostra voce & oratione occultè flagellis cædi, igne torqueri, incremento pænæ propagantis extendi, eiulare, gemere, deprecari, vnde veniant, & quo discedant, ipsis etiam  
qui



qui colunt audientibus confiteri, & vel exiliunt statim vel euanescent gradatim, prout fides patientis adiuuat, aut gratia curantis aspirat. Et Lactantius libro 2. cap. 16. de iisdem verba faciens, iustos, inquit, cultores DEI metuunt, cuius nomine adiurati, de corporibus excedunt, quorum verbis tanquam flagris verberati, non modo demones se confitentur, sed etiam nomina sua edunt, illa quæ in templis adorantur. Eadem Iustinus Martyr in dialogo cum Tryphone, Tertullianus libr. de anima cap. penultimo. Arnobius libro 8. contra gentes, Athanasius contra idola & de incarnatione. Qui auctores qualescunque tandem fuerint, certè stolidi & mente capti non fuerunt, ut ea scriberent, quæ mendacij actutum redargui potuissent. HIERONYMVS in vita HILARIONIS auctor est Francum quendam Imperatoris familiarem cum à dæmone obsideretur, à D Hilarione curatum esse, ex cuius ore dæmon Syriaca lingua interrogatus. Syriacè respondebat, ac rursum Græcè quærenti Græca referebat, etiam si obsessus ille nullum idioma præter patrium & Latinum calleret. Ibidem paulò superius recitat exemplum cuiusdam ab integro dæmonum legione obsessi, qui vno ore simul diuersas voces edebat, ut tibi cœtum populi



alicuius vociferantis audire videreris. Ioannes Fernelius regis Gallorum medicus libr. 2. de abditis rerum causis quēdam, ad quem curandum accitus erat, Græcè, quod nunquam didicerat, locutum esse refert, idque eum fecisse, cum adhuc optimè sibi constaret, ac integris sensibus vteretur, imò deploraret, quod coactus eiusmodi voces protulisset. Quod diligēter notari velim. Addit eundem multa assidentium, maximeq; medicorum secreta detexisse, & risisse, quod eos morbi occultatione fefellisset. Patrem habebat equitem D. Michaelis, qui more equitum Gallorum torquem gestabat, vnde D. Michaelis imago propēdebat: hunc quoties eminus aduentantem conspiceret, vociferabatur, istum ingressu prohibete, aut torquem detrahite. Cæremonijs & execrationibus compulsus, qui in eo latebat dæmon, negabat se crimine damnatum, & spiritum nuncupabat. Hæc Fernelius non ab alijs audisse, verum se astante & inspectante, gesta

D. Martin' esse affirmat. De D. Martino Seuerus eius discipulus cap. 6. dialogi 3. hunc in modum scribit: Cū D. Martinus vt Basilicam adiret, cellam suam egressus esset, ἐπεγούμενοι, hoc est dæmoniaci, qui olim intra septum quoddam in Basilicis seruabātur, rugire incipiebant, cum adhuc duo millia passuum

ab ipsis abesset. Nec certiori indicio clerici Martinum aduentantem præsentire poterant, quàm energumenorum insolito tumultu. Vidi quendam (inquit Seuerus) appropi-  
ante Martino in aëra raptum manibus extensis in sublime suspendi, vt nequaquam solum pedibus attingeret. Si quando autem exorcizantium dæmonū Martinus operam cepisset, cæteros iubebat abscedere ac foribus obseratis, in medio Ecclesiæ cilicio circumtectus, cinere respersus, solo stratus orabat. Tum verò cerneret miseros diuerso exitu perurgeri. Hos sublati in sublime pedibus quasi de nube pendere, nec tamen vestes defluere super faciem, ne faceret verecundiam nudata pars corporum. At in parte alia videres sine interrogatione vexatos, & sua crimina confitentes. Nomina etiam nullo interrogante prodebant, ille se Iouem, iste Mercurium fatebatur. Postremo cunctos diaboli ministros cum ipso cerneret auctore cruciari. Ita Seuerus Patres Societatis IESV in epistolis Iapanicis, tradūt scēminam quandam nomen IESV & D. Michaëlis proferre nitentē, ore compresso vi prohibitā, mox in laudē idolorū Indicorum prorupisse, & clamasse ijs reiectis neminem superesse qui adorari debeat. Postridie eadē scēmina peracto Christiano sacrificio rogata vt valeret,

Dæmonis  
in D. Mi-  
chaëlem  
odium.

recte

rectè se valere respondit: Cùm verò iussa esset S. Michaelis nomen proferre, tum fremere dæmon & queri è veteri suo hospitio se pelli, & quòd me vertam dicere. Hoc animaduerso Christiani presentes ad preces còuersi sunt, inter quas dæmon obsessam deseruit. Nam rogata denuò, vt IESVM & MARIAM nominaret, tanta id fecit suauitate, vt angeli vocem audire astantes viderentur. Adhucne igitur quisquam tam præfractus erit, vt neget experimentis probari posse, quòd spiritus quidam præter eos qui cœlum mouent, in hoc sublunari mundo vagentur? Tantumne sibi sumet morticinæ carnis pellicula, vt contra tot non solum graues, sed etiam oculatos testes, ficta esse dicat, quæ hætenus dæmoniarum operationum exempla attulimus? Aut si hoc nimis illiberale & inuerecundum fore iudicat, causas illas duas Aristotelicas naturam & hominum volûtatem, ad effectus tam prodigiosos sufficere iudicabit? Incipiat igitur suas speculationes in medium afferre, & nisi mox omnium in se cachipnos prouocet, mendax haberi non recusò. Idque non tam confidenter asseuerare auderem, nisi mihi probè perspectum esset, quàm irritò labore se nonnulli Itali, quibus neque ingenium neque industria defuit, hac in re fatigârint. Horum v-

nus PETRVS POMPONATIVS, vi-  
 de quid non fingat, ne dæmones ad sub-  
 lunarem mundi partem admittere cogatur.  
 Primum (inquit) ea quæ Magi faciunt, pe-  
 occultas quarundam rerum vires clam ad  
 adhibitas fiunt, quas dum astantes non per-  
 ciipiunt, dæmonis auxilio res geri putatur.  
 Probabile autem hoc videtur, quia ipsi dæ-  
 monum assertores negant eis virtutem vl-  
 lam inesse, secundum formam retransmu-  
 tandi, nisi, quomodo medici in morborum  
 curatione faciunt, actiua passiuis adhibeant:  
 Itaque cum & homines agentia passiuis ap-  
 plicare non minus quàm dæmones possint  
 nulla hîc dæmones recipiendi necessitas esse,  
 videtur. Sed magorum opera secretis rerum  
 naturalium viribus tribui, prorsus intolera-  
 bile est. Nam si ita esset, non magis quàm cæ-  
 teræ artes liberales huius seculi legibus ma-  
 gia damnata fuisset, sed in eos solum, qui re-  
 per-se bona in aliorum perniciem abutun-  
 tur, pœnæ decretæ. Nunc verò legum distri-  
 ctissimo rigore omne eius exercitum inter-  
 dictū, & capitis pœna in veneficos & incan-  
 tatores statuta est. Præterea, si magia est res  
 naturalis, quorsum magi barbaras & à nemi-  
 ne intellectas voces obmurmurant? Quor-  
 sum ridiculos characteres & ligaturas &  
 multa alia, quæ tum nihil ad rem facerent  
 vsur-

Petrus Pomponatius sine dæmonibus supra dicta saluare conatur.

Refutatio

Magia legibus damnata.

vt turpat? Si dicas, vt fallât spectantes, ne si naturale sciatur quòd peragunt, in contemptum veniat ipsa magia: ergo solis impostoribus vires rerum naturales cognitæ erunt. Nullus enim vir bonus aliorum credulitate ad priuatam gloriam abuti vellet, sed si quis talis semel disceret, qua demum herba vel lapide mortuorum vmbra excitentur, utique pro suo candore id alijs patefaceret, aut saltem carminibus hoc se nequaquam facere cõminisceretur. Deniq; nec generalis est hæc causa ad omnia quæ supra enumerauimus. Quæ enim vires naturales faciunt, vt ipsi magi viui asportentur, aut vri incipiât? Et quid opus multis, cum notum sit magos spiritibus supplicare, & pacta cum illis inire? Atq; hoc ipsum multæ incantatrices, ante mortem coram se confessas esse, & magno animi dolore suum scelus deplâxisse, auctores malei maleficarum affirmât. Scribit etiam Porphyrius in epistola ad Anebuntem, quæ ab Augustino, de ciuitate Dei lib. 10. cap. 11. citatur, magos solitos minari spiritibus, se Hecates secreta prodituros, & cœlum diruturos, nisi ad nutum ipsorum præsto essent, atque eos his minis se terreri simulantes comparuisse. Quare Pomponatius animaduertens, non sufficere vires naturæ ad reddendam rationem tam admirabilium operum

rum: ad imaginationē hominis cōfugit, cā-  
q; tam potētē facit, vt nō solū corpus imagi-  
nātis immutare valeat, sed & alienis corpo-  
ribus nouas affectiones inducere. Itaq; eos, q;  
robusta vi imaginādi tēpestates in aēre ciēt,  
ijs q; vīm imaginationis nequaquam perpē-  
dunt, videri dæmonum auxilio vti. Hæc est  
Pomponatij Philosophia: in qua primum  
consideratione haud indignum, quod is, qui  
diuinæ potentiæ multò angustiores limites  
præscribit, aut saltem Aristotelem præscri-  
psisse contendit (nam tempore mihi nunc  
ab illa suspicione, quod eius hæc fuerit sēn-  
tentia) quam hominis imaginationi. Cū  
enim hanc formalem mutationem in terre-  
nam matériam sine alterius agentis admi-  
niculo progignere dicat, DEVM & intelli-  
gētias orbium motrices, nihil in hæc inferi-  
ora, nisi ccelorum interuentu, iuris habere  
decernit. Præterea nunquam visum aut com-  
pertum est, quenquam sua imaginatione  
quicquam mutationis in rebus imaginatio-  
ni subiectis efficere potuisse. Nam ad exem-  
plum, quod Pomponatius affert de mulieri-  
bus, quæ aspectu homines enecant, ipse Ari-  
stoteles libro de insomnijs capite 2. respon-  
det. Cū enim illic mulierum, quæ mensi-  
um tempore solo intuitu specula nitentia  
inficiunt, mentionem fecisset, non ab ima-  
ginati-

ginatione huius rei causam petijt, sed ex immundo sanguine, qui in oculorum venulis contentus, etiam vicinum aerem commaculat, ac proinde & speculum quod aer contingit. Nec dubium quin idem de illa oculorum fascinatione sentiendum sit, si modo vera sunt, quæ apud historicos de ijs referuntur. Itaque in hac ἀτιολογία magicorum operum, neque ipse Pomponatius acquieuit, sed tandem ad ipsa totius atheismi mysteria confugit. Ait igitur omnia prodigia miracula & ostenta ad intelligentias cœli motrices referri debere. Has enim cœlo tanquam instrumento inferiorem hunc mundum & cunctas res humanas administrare, religiones & sectas novas antiquatis veteribus inducere, regna & dominia trāsferre. Pro his enim vel stabiliēdis, vel euertendis præcipuè cœlū θαυματουργεῖν. Quin & Prophetas à cœlo fieri existimat, cuius rei exēplū ex Hali Abenragel profert. Is enim pueri cuiusdā recens nati geniturā inspiciens, eum puerilibus adhuc annis prophetaturū dixit: idque euentus verum esse comprobauit. Verū ea, quæ magi faciunt, quomodo cœlo & intelligentijs sine manifesta insania tribuentur, cum illorum ars sit turpium libidinum & aliorum flagitiorum ministra? Quod enim magicis ligaturjs & characteribus ad illicitam Venerem homi-

Alia Eua-  
sio.

Refutatio



homines incitetur, Hieronymus in vita D. Hilarionis insigni exemplo declarat. Illic enim narrat puellam quādam sanctimoniam, cum nullis primum blanditijs in amorem adolescentis, qui illam deperibat percelli potuisset, magos quibusdam characteribus in lamina æris Cyprij incis, & subter limen domus puellæ collocatis, effecisse: ut ea mox præ amoris vehementia iuuenem illum magna voce inclamaret. Atqui cœlum & stellas non solum per accidens, ut vinum ad libidinem inflammare, sed directè ad certi hominis flagitiosum amorem instigare, & motrices intelligentias ad eiusmodi ministeria uti corporibus cœlestibus, Pomponatij inuentum est, nec vnquam Aristoteli in mentem venit. Quin & hoc partus est cerebri ipsius, quod falsæ religiones, quibus per tot secula mundus eo depressus fuit, ut opera manuum suarum adoraret, à cœlo & intelligentijs originem ducant. Nam Aristoteli nulla res ex natura sua mala est, ut quod malum nil aliud, quàm boni naturalis absentiam esse dicit. Esset autem cœli natura pessima, & rebus humanis perniciosissima, si tam impias religiones portentis & prodigijs confirmaret. Insuper ipse Deus, quem primi cœli motorem statuit Aristoteles, & cui cæteras intelligentias succenturiatas vult esse,



se, primus idololatriæ & nefandorum sacro-  
rum auctor (proh nefas) habendus esset. Quæ  
omnia cum tam absurda & impia sint, vt ci-  
tra horrorem audiri non queant: non so-  
lum absque dæmonibus inter homines ver-  
santibus causas haud explicant eorum, quæ  
supra enumerauimus, verum etiam tantam  
vim veritatis ostendunt, vt ijsdem ipsis te-  
chnis & mendacijs, quibus eam nonnulli op-  
primere conantur, illustrior fiat. Quisquis  
enim eos, qui erroris patrocinium suscepe-  
runt, quanto maiori conatu eum fucare co-  
nantur, tantò magis eius deformitatem pro-  
dere animaduertit, is si antea adhuc suspeso  
gradu incedebat, deinceps sine hæsitazione  
veritatem amplectitur.

*Ex hisce spiritibus DEI providentiam de-  
monstrari.*

## CAPVT XII.



I.

II.

Accommodemus nunc ad no-  
strum institutum, quæ hæc-  
tenus de spiritibus cælo non af-  
fixis dicta fuerunt. Primum  
nunc intelligimus, esse quasdam  
incorporeas naturas, quæ magnitudinem nõ  
habēt, & proinde nec locum occupāt. Disci-  
cimus etiam quam parum suæ rationi ho-  
mo tribuere debeat, cum nondum natus sit,  
qui

qui commodam rationem excogitare poterit, qua ab his dæmonibus singularia intelliguntur. Nam vel ab ipsis rebus singulis hauriunt earum cognitionem, & hoc idè fieri non posse videtur, quòd tunc ab ijs aliqua mutatione eorum intellectus afficeretur. Quicquid enim dum præsens est solum cognoscitur, alias latiturum, id sui aliquam speciem facultati cognitiuæ imprimat necesse est. Etenim cur eius præsentia ad cognitionem requiratur, nisi quia præsens in vim cognitiuam agere potest, absens non item? Atqui species rerum corporearum corporeæ sunt; nec ab ijs quicquam perpeti potest corpore vacans intelligentia. Vel singularum rerum cognitio ipsis à natura inesse dicenda est, actum quia illæ infinitæ sunt, nõ dubium quin & ipsi dæmones infinita vi cognoscendi polleant, ac proinde DEO pares sint. Quocunque hic se vertat humana mens, semper in quosdam scopulos incurret, adeò vt hac ratione vel in primis nitantur, qui dæmones malignosi aëris incolas admittere nolunt. sed perperam & malè. Non enim rationem sensuum experimentis præferre debemus; vt non vno loco monet Aristoteles. Ad hæc multis indicijs se humani generis inimicos declarârunt hi spiritus, & potissimum ex eo quod hominum corpora subeuntes, nullum

III

non genus crudelitatis in miseros expromant. Quare si non Dei providentia certum illis modum exercendæ sævitiae determinaret, nihil impediret, quo minus totum genus nostrum brevi tempore extirparent. Quòd enim remedium, aut quæ defensio contra eiusmodi hostes valeret, qui nullius corporis obice repelli, nulla solertia, cum inuisibiles sint, euitari queunt: imò quibus ob naturæ mirabilem subtilitatem vsque in intima hominū viscera penetrare licet? Quòd igitur dæmones cum sint *μισανθρωπότατοι* tam raris incommodis humanum genus afficiant, imò quod pati cogantur se scriptis oppugnari, eorumque imposturas in lucem proferri, argumento est, ipsos imperio, homines verò tutelæ Dei subiectos esse. Præterea quærunt diuinos honores, & sacrificijs se velut numina coli affectant. Id autem non idcirco ab ipsis fieri verisimile est, quòd falsa hominum adulatione capiantur. Quis enim eo honore delectatur, quem sibi ex errore & ignoratione deferri animaduertit. Quòd si verò nihil ipsi voluptatis ex idololatria capiunt, quàm tot fraudibus & imposturis per multa secula aluerunt, quid aliud spectasse credendi sunt, quàm vt verò Deo suum honorem suffurarentur, & homines secum in eandem perniciem traherent? Hæ

autem

autem causæ nullæ erunt, si Deus res humanas curæ non habeat, atque idcirco nulla religione colendus sit. Insuper magica disciplina docet varijs modis dæmones hominibus obnoxios fieri, nam adiurationibus cogi, vt annulo aut alteri rei semper inclusi maneant, item minis adigi posse, vt hominibus ad nutum obsequantur, quod Porphyrius in epistola ad Anebuntem, cuius supra mentio facta est, scriptum reliquit. Sed minimè dubium est, quin simulata sit illa eorum necessitas. Cur autem quæso superbissimi pariter & hominum inimicissimi spiritus tam se ijs obsequentes præberent, nisi vt ipsos à vero Deo alienatos in quæuis flagitia darent præcipites? Denique nisi tum ipsi, tum homines diuinæ potestati subessent, nunquam precibus ad ipsum fufis è corporibus, quæ obsident, inuiti eijcerentur. Id autem crebrò accidere, supra multis veterum Ecclesiæ scriptorum testimonijs planum fecimus. Sed de demonibus & in totum de spiritibus, qui inter homines apparent, in præfenti ista sufficiunt.

▼

VI.

*Ex animæ origine liquere, quod inferior mundus non sit expers diuinæ prouidentie.*

CAPVT XIII.

R 3

POST



OST spirituum, qui à corpore prorsus absoluti sunt, contemplationem ad terrena propius descendentem, primum anima rationalis occurrit. Quare

si quid ex illa firmitatis diuinę providentię potest accedere, id opportunissimè hoc loco disquiretur. Ac primum quidem non sum nescius animę naturam valdè esse remotam à sensibus, quorum opera in philosophando pro statu præsentis vitę vti cogimur; quæ de causa non debent hic rationes tam firmę requiri, vt assensum ab omnibus, qui modò vim verborum assequuntur, extorqueant. Sed eas, vt in re longè occultissima, protulisse satis erit, quæ hominem æquum, & studio veritatis incensum facilè permouerint, vt in nostram sententiam pedibus eat. Sunt enim quædam dogmata, in quibus luce demonstracionum mathematicarum destituti, ideò tamē astipulatores habemus, quotquot ingenio modesto præditi sunt, quod illi sciunt negari quædā pertinaciter potius, quàm sapienter, temerariè quàm consultò, animosè quàm verecundè. Si enim ad mathematicę euidentię canones argumenta, quibus in Physica & prima Philosophia vti consueuimus examinarentur, vix scio an quicquam de totis illis disciplinis nobis reliquum maneret.

Non vbi-  
que quæ-  
renda cer-  
titudō ma-  
thematica

neret. Quis enim quæso generationem simplicem, & innumera alia quæ demonstrata esse creduntur ab Aristotele, & omnium ritè philosophantium calculis approbantur, ijs demonstrationibus statuere potest, quæ ingenijs quantumlibet contentiosis satisfaciant? Itaque si de eiusmodi epicherematibus agitur, fateor illa mihi in præsentī materia non suppetere, sed ea me allaturum esse confido, quæ omnibus equis rerum estimatoribus idoneæ videbuntur ad ostendendum à quodam cœlesti numine animas in corpora immitti. Velim igitur animæ opera hoc loco ad memoriam reuocari. Hæc enim tanta ac talia sunt, vt de ipsorum auctore nil nisi egregium, sublime, diuinum, cogitare sinant. Idque vt magis perspicuum fiat, considerandum initio, quicquid in rerum vniuersitate DEVM auctorem naturæ testatur, eius quandam in mentis operibus imitationem sedulò contemplāti apparere. Condedit Deus cœlorum orbes, & sideribus velut oculis exornauit, eorumque cursus & circuitiones mira æquabilitate sic distribuit, vt annis & temporibus numerandis sint accommodati. Sed non defuere & homines, qui organa excogitarunt, in quibus anni tempestates, menstrui Lunæ cursus, & omnium aliorum siderum periodi tanta soles.

Homines  
diuinorū  
operum  
simiæ

Claudianus

tia exprimerentur, vt hominis opificium cum diuino quadam ex parte certare videretur. Notissimum est, qd de Archimedis Syracusani Sphæra vitrea Claudianus, de Posidonij Cicero prima Tusculana. Tametsi forte huius rei laus non tam hisce auctoribus debetur, quàm Hipparcho & Ptolemæo, qui ignea & planè diuina ingenij viuacitate siderum obseruatis motibus, eorum inæqualitatem apparentem multiplicatis orbibus & cōuersionibus ad summam æqualitatem reuocare potuerunt, & eas confingere cœlestium corporum Hypotypes, ad quas omnia quæ sui admirationem rerum cœlestium studiosis excitabant, euidētissimè consequerentur. Quin insigni mentis acumine trium corporum mūdi, solis inquam, Lunæ & terreni globi interualla & magnitudinem non adhibita pertica (quomodo enim id, in tanta eorum magnitudine tamque vasta distantia fieri potuisset?) Sed rationis iudicio dimensi sunt. Atque ita dimensi, vt eorum asseuerationi pondus mathematicæ necessitatis adiunctum sit. Condidit DEVS hæc sublunaria, & animantium ac præcipuè humani generis vsui accommodauit. Quocūque te conuertis, miranda Dei opera insignem eius bonitatem, sapientiam, & potentiam non obscure testantia, ingeruntur.

tur. Sed & humanæ rationis inuenta in hoc In mundo inferiori mundo tot tamque illustria occur inferiori  
runt, vt hominem non quidem Deum, sed vbique oc-  
natura Deo cognata esse præditum, vocife- currunt a-  
rentur. Quæ si cuncta enumerare vellem, ci- nimæ no-  
tius mihi charta quàm verba deficerent. iudicia.

Quid enim si naturæ opera demas, superest in rebus humanis non humanæ rationis in-  
dustria inuentum? Respice corpustuum, & quam multa in eo præstatię mentis *δευμαλα*  
circunferas, animo attento considera. Respi-  
ce quam incolis domum, & quid in ea sit, quod rationis industriæ non debeatur in-  
quire. Respice ciuitatem, & quicquid ad ei-  
us statum conseruandum pertinet non *πα-  
τρηως* intueri, templa, forum, curiam, moe-  
nia, vallum, fossas, turres, propugnacula,  
portas, leges cupiditatum frænatrices, magi-  
stratum & omnem *ὑποτάξιαν*, & vide num  
quicquam horum ab alio profectum sit au-  
ctore, quàm ratione. Vbi res urbanas sat di-  
ligenter lustrasti, postea te rus confer, & per-  
inde atque in vrbe circumspecte, num quic-  
quam ibi quo humanæ mentis solertia de-  
claretur occurrat. Et illic tibi aratra, ligones,  
sarculi, rastra, & reliqua agriculturæ instru-  
menta, cum vniuersis curadæ sterilitatis tam  
agrorum quàm arborum remedijs ingeren-  
tur, ac perspecturus es, quacunque in re in-



genium intenditur ibi valere. Posset hoc loco tota congeries artium mechanicarum, posset Philosophia cum liberalibus disciplinis ad commendationem humanæ mentis in medium adferri, sed quia in tanta rerum mole satius est tacere, quàm pauca dicere, idcirco nunc ad originis humanæ causas manifestas nos cōuertamus, & num quicquam ibi sit, cui mentis procreatio tribui possit, etiam atque etiam consideremus. Sed omnibus summa diligentia excussis & peruestigatis nihil dignum inuenietur, à quo mentis originem repetamus, nihil erit vnde animam plenam consilij & rationis ortum ducere credi par est. Quid enim in officinam naturæ cogitatione ingressus non humile, sordidum, vile, imò non pudendum & abominabile deprehensus es? Quali origine cœpisse id, quod est inter omnia terrena longè nobilissimum, quomodo non est à ratione alienum? Anne tam stupidi erimus, vt cum Epicuro in sensibiles humanæ natiuitatis causas intenti, ratiocinemur hominis mentem non posse non rem abiectam, corpoream, & terrenā esse, vt quæ *ἐργον λαγνείης καὶ μιᾶρας γένεδος* existat: & nō potius diuinam eius præstantiam ex eius operibus colligentes, multò rectius inferemus, nō ex semine sed alijs secretioribus & diuinioribus causis ipsam  
 oriri?

oriri? Inferemus profectò. Nam altoqui respondeât mihi Epicurei, num ipsum semen simulatque genitum est mente præditum esse arbitrentur, an verò illam posterius deum accedere putet. Si iam inde ab initio mentis compos fuit, homo igitur erat, & homicidæ sunt quotquot cœlibem vitam ducunt, nec sinunt inchoatum illum hominem suam perfectione adipisci. Sequuntur & alia ex hac opinione incòmoda, quæ enumerareturpe esset. Si ergo, ut ea deuitet, fateatur semen posterius animari, mox à quo anime- tur interrogabo, an à matre an alia quadam insita virtute. Quod si matrem fingant animæ rationalis causam effectricem esse, contra omnium mortalium sensum & consensum primas ei partes in hominis generatione concedent. Sin aliquid in semine inesse dicant unde animetur, vel substantia vel accidens illud erit. Sed utrunque horum equè absurdum. Nam si accidens sit, sequetur formam substantialem, eamque non vulgarem, sed omnium sublunarium præstantissimam ab accidente progeneratam esse, & accidens longè ultra suam speciem egisse, quod est impossibile. Si substantia sit, haud dubium quin forma substantialis ipsius seminis existat. Atqui nec illa quicquam habet, cur possit mentis effectrix iure reputari, ne rursum necesse

Nihil ultra suam speciem agit.

fit

fit fateri, quicquam ultra suam speciem agere. Cum enim semen longissimè infra naturam intelligentia præditam subsideat, quo pacto non modum suæ speciei excederet, si naturam intelligentem progignere posset? Ne in præsentī dicam quam sit absurdum, formam quæ ex materia excedit, alterius cui locū præbet causam esse, & eo modo sibi ipsi interitum afferre. Et tamen vel aliquid horum de origine animæ constituendum erit, vel origo eius ab inuisibili principio repetenda. Vt cunque enim de formarum ortu variè disputetur à Philosophis, vtcunque alius aliam earum causam fingat, id certè fixum manere debet, non posse substantiam à non substantia, viuum à non viuo, & omnino melius à deteriore progigni, vt non in merito D. August. in collatione Epicuri cū Platone, ea etiā ex parte hūc velit Platoni cedere, q̃ res viuas à non viuis fieri posse, crediderit. Siue enim dicas ex nihilo quippiam oriri, siue id quod melius est à deteriori, verbis quidem diuersa videberis affirmare, & verò utrobique eadem erit. Nam postea quam nulla res alteri conferre potest, quod ipsa nō habet, si quod naturæ est abiectioris, quicquam se nobilius gignit, hoc ipsum qua parte suæ causæ nobilitatem superat, ex nihilo genitum videbitur. Atque hæc est prima ratio

Libro 8. de  
ciuit. ca. 5.

tio humanæ mentis originem haud esse terrenam demonstrans, vnde vltius consequitur aliquod numen huic mundo præsidere, vnde in corpus animæ infundantur.

*Eandem animæ originem aliter probari posse.*

## CAPVT XIII.

**S**ecundò idem alio modo sic ostenditur. Anima vel est compositum, vel compositionis expers forma. Nō compositum, quia tunc corpus esset, ac proinde aliud corpus, quod animatura est, per totum immeare non posset, eò quod natura corporum haud ferat, vt eundem locum simul plura occupent. Forma igitur est anima. Formarum verò quædam propriam habent subsistentiam, quædam in alio & per aliud subsistunt. Ac in primo genere humanam animam collocari debere testatur suprema eius operatio, quàm sine corporis adiumento exercet. Nam formas eas, quæ per aliud subsistunt, per se operari non posse, multis argumentis demonstrari potest. Primum enim si actio sit formæ, quæ materiæ inheret non autem totius hypostaseos, sequeretur, & quod actione foris producitur non esse totam hypostasim, & generationis siue simplicis siue *κατά τι* terminum non esse aliqd subsistens, sed ipsas duntaxat formas. Hoc

Rationes quibus docetur actionem esse nō formarum sed compositorum.

autem

autem concessio, mox ulterius sequitur omnia, quæ fiunt naturali mutatione ex nihilo fieri, quæque intereunt in nihilum occumbere. Si enim non compositum, sed formæ solæ producantur & pereunt, cum illarum nihil ante generationem extiterit, nec post interitum restet, necesse est illas & ex nihilo productas fateri, & rursus in nihilum recidere. Sed hoc incommodum effugiunt ij, qui totum compositum gigni dicunt. Tunc enim & genitum erit ipsa tota hypostasis, cuius cum altera pars, materia nimirum, sit toto antiquior, è nihilo ortum esse dici non potest. Ad hæc res sensibiles notionem sui concretam in sensus nostros imprimunt. Non enim colorem aut odorem primo & per se sensu percipimus, sed coloratum & odoratum; nec unquam homini in mentem venire potuisset colorem esse formam à re colorata diuersam, nisi ratiocinando vnum ab altero secreuisset. Non est autem dubitandum, quin haud aliter res agant, dum suam speciem generatione propagant, atque diu sui similitudinem in sensibus nostris producant. Insuper hæc tria se multò consequuntur, esse, posse, agere. Nam ex rei essentia potestas agendi manat, ex qua deinde actio prodire consuevit. Si igitur essentia sit non sola forma, sed compositum ex utroque, nec agendi

Videmus  
non colo-  
rem pro-  
priè, sed  
coloratū.

gendi potentia, neque ipsa actio soli formæ attribui debent. Atque ideò si qua forma per se operetur, ea hypostaseos quodammodo rationem habebit. Præterea quid fuit, cur Aristoteles motum grauium à generante prouenire dicat, cum manifestum sit proximam eius causam esse ipsum pondus, hoc autem à forma ipsis inesse minimè dubium sit, nisi quia videbat actionem omnem alicui toti & per se subsistenti tribuendam esse?

Cùm igitur graue seipsum non possit mouere, èd quod hoc non cōueniat, nisi ijs quæ in partem mouentem & motam distinguuntur, reliquum erat, vt à generante moueretur. Quæ cum ita sint, si modo probetur esse aliquam animæ functionem, quàm ipsa sola exercet, simul etiam probatum erit ipsam *αὐτοκίνητος* esse, seu per se subsistere. Id autem multis ijsque non leuibus argumentis, ab Aristotele in 3. de anima libro docetur; post quem plura ad eius rei confirmationem afferre haud necessarium foret, nisi tam grata esset homini suæ mentis diuinitas, vt nunquam superuacaneū videretur, quod illius stabiliendæ causâ adducitur. Itaque si quid in hoc genere dicendum occurrit ab Aristotele præteritum, eius rationibus cumuli loco adiiciemus. Cogitandum igitur hominis mentem nullâ rerum visibilibus assuetudi-

Cur Aristoteles putauit grauium à generante moueri.

Prima ratio probans intellectum esse vim incorporatam.

ne sic

ne sic astringi posse, vt non ei liberum maneat etiam illa amplecti, quæ regulis iudicandi per sensuum experimēta collectis, aduersantur. Quod si enim solos sensus in consilium adhiberemus, quibus nihil nisi ordinarium huius vitæ cursum conspeximus, quibus oriri & occumbere homines nō aliter quam bruta, quibus blasphemos & impios florescere, bonos obscuram & ignobilem vitā ducere, casibus multis inopinatis res humanas iactari, creaturarum eundem statum tot annos perseuerare cernimus; quid prohiberet quo minus Epicuri nobis disciplina probaretur? Iam verò sensuum & totius animalis hominis cogitationes supergressa mens, ac totum visibilem mūdum infra se relinquēs, esse aliquod inuisibile Dei regnum, plenum beatis mentibus, assentitur. Credit DEVM nullis loci temporis & perfectionis limitibus circumscriptum, & tamen omnis corporeæ magnitudinis omnino expertem; eius naturam equè in cum vnus milij grano totam existere, atque cum vniuerso orbe. Credit post breue tempus, mundum cum omnibus suis cupiditatibus trāsiturum, aduenturumque iustis regnum DEI, in quo resumptis corporibus, quæ partim in puluerem comminuuntur, partim in halitus aurasque diffugiunt, æternis seculis diuinam maiestatem contem-

contemplabuntur. Atque has tam sublimes de rebus supramundanis cogitationes, non solum apud rude vulgus inuenias, verum quantò quisque est sapientior ac iudicio sanior, tantò hæc lubētius amplectitur. Id quod nunquam facturum esset, si mens per corpus suum munus obiret. Quòd enim spontè sua cecitatis damnat seipsam, & se captiuam trahi in rerum tam incomprehensibilium assensum patitur, utique argumento est, habere ipsam apud se altioris sapientiæ rationes, quàm sit ea, quæ à sensuum experimentis dependet. Atque hæ rationes cum destruant & stultam ostendant animalem huius mundi sapientiam, ex seipsa mens eas depromat necesse est, & quatenus à corpore separata existit. Idem spondet ordo agētium. Nam elementorum & omnium inanimorum actio in extraneam materiam transiit: quæ verò his nobiliora sunt, in patiens minus remotum suam vim exerunt, ita ut secundum incrementa nobilitatis crescat etiam agentis & patientis coniunctio. Mox enim post elementa & mista, quæ in materiam à se penitus diuersam agunt, sequuntur plantæ & terræ nascentia, quæ nutrimentum quod primo cum ipsis minimè cohæret, postquam immutatum est, ad se rapiūt, ac suo corpori agglutinant. Minus adhuc sentientis animæ vis



in exteriora prodit. Vis enim sentiendi similitudinē eius, quod sentitur in eadem materia producit, in qua & ipsa existit. Verbi causa, in eodem oculo rerum visibilium formæ & ipsa facultas videndi inhærent.

Quoniam autem supra vires sentiendi proximo gradu ratio & mens collocata est, quid restat nisi ut hæc, si quemadmodum naturæ dignitate præstat, ita etiam in minus distantem materiam aget, suam intellectiōnem intra se recipiat. Porro cum intellectiō sit immanens actiō, si in sola mente recipitur, à sola etiam mente producat necesse est. His eum in modum constitutis, facile nunc erit probare hominis animam exparentum semine oriundam non esse. Omnis enim mutatio physica præsupponit subiectum in quo versetur, siquidem ea mutatio, quæ in materia nulla recipitur, est creatio, quàm naturalis Philosophia ignorat. Si ergo humana mens physica actione progignitur, in materia profectò hærebit. Atqui ante ostensum est, ipsam per se subsistere, nec à materia velut fulcro dependere. Non est igitur humanæ mentis origo Physica, ac proinde vel ἀγέννητος erit, vel si ortus sui aliquod initium habet, per creationem ex nihilo in esse prodijt. Prius horum falsum esse apud omnes in confesso est. Si enim antequam

corpus viuificare incipiat perfecta erat, magno suo incommodo in illud demitteretur, sin ex illa coniunctione tantum emolumentum capiat, vt omnino satius sit eam in corpus inferi, quam perpetuò separatim existere, ergo, nisi fortè ita vsuuenisset, vt alia quædam causa ipsi corpus tanquam organum perfectionis adipiscendæ suppeditaret, semper imperfecta maneret. Sed fieri non potest, vt cuius esse necessarium est, id bene esse fortunæ beneficio possideat. Proculdubio igitur eam ex nihilo creatam esse sequitur. Siue autem creator ipsorum omnes simul effectas paulatim in corpora dispertitur, siue tum primum singulas creat, tum in corpus immittit, semper ex hac animarum origine perspicitur, neque inferiorem mundum diuine gubernationis expertem esse.

*Idem alijs rationibus demonstrari.*

### CAPVT XV.



**D**Einceps vt omnibus quam testatissimū fiat, animas nostras humano satū genitas non esse, adhuc breues quasdam rationes ad præcedentia adiiciemus. Nulla in hoc sublunari mundo bona inueniuntur, quæ homo simulatque degustauit, non fastidiat. Non saturatur oculus visu ne-

que auris auditu, inquit Salomon. Et quisque in seipso experitur, nihil in rebus humanis diu placere posse, ac propterea vicissitudine quadam exercitationum opus esse, ut tedium, quo plena est hominum vita, utcumque leuemus. Quin neque voluptuarij homines diu ijsdem voluptatibus capiuntur; idque rerum suarum usu Xerxes edoctus, premium nouæ alicuius voluptatis inuentoribus proposuit. Quin neque fastidio tantum sunt homini degustatæ voluptates, sed & pudoris & tristitiæ aculeum post se relinquit. Sed quorsum hæc, si anima hominis ex hoc mundo inferiori instar brutorum ducit originem? Cur voluptates corporeas, si nil nisi corporum fœtura sit tantopere abominatur? Rursum, anima intelligit operum naturæ rationem, quam natura ignorat. Videt singula quomodo facta sunt, ita etiam fieri debuisse; sed natura omnis intelligentiæ expers est. Vnde non solum DEO naturæ parenti mens humana propinquior esse colligitur, quam natura, verum etiam fieri non posse, quin id quod pari sapientia rectè se habere intelligit, huius vniuersi fabricam, atque Deus illam machinatus est, non interuentu naturæ, quæ multò ignobilior est, in lucem sit editum, sed ab ipso omnis sapiëntiæ fonte Deo. Præterea nihil Deus post habere sapien-

sapientia diuinis, itaque inter Iouis prerogatiuas ob quas ei summum inter Deos imperium obtigisse Homerus fingit, vna est, quod etate & sapientia Neptunum & Plutonen antecelleret. Ζεὺς γὰρ εἰς πρότερος γενεῇν καὶ πλείονα ἤδαι, inquit Homerus. Is ergo qui & sapientiæ particeps, etiam quodammodo diuinitatis particeps est. Vnde autem ad homines partiuncula quædam diuinitatis prouenire potuit, nisi ab eo, qui totam diuinitatis plenitudinem possidet? Neque contemnenda est hac in re D. Gregorij Nazianzeni cōiectura, qui inde colligit, parentes tantum corpora, non verò & animas generare, quòd ij malè affectis filiorum corporibus gtauiter commoueantur, animæ autem morbos, quin & mortem etiam, rarò in suis liberis deplorent. Verba eius ex carmine de laude virginitatis hæc sunt.

οὐχ ὅλβιαν ἀνθρώποιο πατὴρ βροτῶς, ὥς ἐνέπυσιν  
 ἀλλ' ὅσσον σαρκός τε καὶ αἱμάτων, ἀμφοτέρων μὲν  
 οἰλυμένων, ψυχὴ δὲ θεῷ κρατέοντος ἄνιμα  
 ἐκτοδὸς ἐσπίνισσα χορὸς πλάσσει, ὅστις δ' ἐμὲ ζῶν  
 πῶς τὸ πρῶτον ἐπνευσε, καὶ εἰκόνα μῆζαλο γαίῃ  
 μάρτυς ἐμῶν ἐπέων καὶ σὸς πύθος, ἡμιτελὴς γὰρ  
 στέργων οὐ ψυχὰς τεκέων, τὰδε σώματα μῆνα  
 οἷς δάκνη μογέεσι, καὶ οἷς θαλίεθσι γέγηθας.  
 ὦν τεκέων λώβητιν ἔδν καταδάμναται ἥτορ,  
 ἢ μέγαλας ψυχῶν κακίαις καὶ χεῖροσι λώβαις.

Id est, Non est, vt aiunt, totius hominis pater homo, sed tantum carnis & sanguinis, quæ ambo intereunt. Anima verò Dei præpotētis flatus, extrinsecus illabens, dum corpus è terra formatur. Nouit miscens, quomodo animam flatu genuit, & suam imaginem terræ admiscuit. Testis meorum verborum etiam tuum desiderium (alloquitur virginitas coniugium) est enim semiperfectum, non diligens animas liberorum, sed corpora sola. Quorum te afflictiones mordent, & quorum te integritas exhilarat. Liberorum perniciæ magis cor succumbit, quam magnis animæ vitijs & morbis peioribus. Hactenus ille. Huc denique omnium, qui aliquid iudicio valuerunt, suffragia accedunt. Cicero ait, videri sibi illum mēte carere, q̄ nō videt mentem hominis diuina cura perfectam esse. Apud Xenophontem Socrates ait, non aliunde quàm à DEO mentem ad homines venire potuisse D. Paulus ex animæ diuina origine, tãquam certissima & ipsis infidelibus notissima, ostendit idola non esse Deos. Actor. 17. Si, inquit, nos homines Dei genus sumus, q̄ quidam vestrorum poetarum dixit, non debemus existimare ligno & lapidi diuinum numen simile esse. Aristoteles etiam rationem attulit, cur talis sit animarum credenda origo. Ideò enim docet mentem extrinse-

cus


A Cicero-  
ne citatus.  
Libr. 2. de  
natura de-  
orum.

Actor. 17.

eus accedere, quia cum eius operatione non communicat corpus. Vbi non vult eam corpore antiquiorem aut sine vlla origine sempiternam esse, vtpote qui in 12. primæ philosophiæ affirmat, nullam formam extitisse, antequam materiæ coniungeretur; sed à DEO creatam in corpus immitti. Alij suæ mentis admiratione plus quam par est defixi, eo prorupere audaciæ, vt eam ἀπόσπασμα διαβ, hoc est, interprete Cicerone decerptum ex mente diuina dicerent; Erupides verò omnibus ijs audacior etiam Deum. Male illi quidem. At intelligitur tamē ex hisce eorū encomijs, tantam esse humanæ mentis dignitatem, vt semper amplissima quæque sapientes de ipsa sint opinati: nedum adeò sit à quoquam depressa, vt eam è terra progenitam esse finxerit. Sed argumētorum quæ ex animæ origine sumuntur, hic finis esto.

# DE PROVIDENTIA DEI LIBER QVARTVS.

## PRÆFATIO.

uperiorum temporum scriptores, qui diuine providentia causam egerunt, ex mirabili brutorum, in suis operibus artificio, ac plena industrie organorum in uiuentibus efformatione non malè ratiocinati sunt, nihil animatum diuini regiminis expers esse: verum nemo, quod sciam, ex iisdem fundamentis singularium providentiam ex professo demonstrare conatus est. Nam isti rationi, quæ primum sumit, omnia in ignorum operibus magnum quoddam ingenij & solertie specimen apparet, si per se non sapiant, ab aliquo sapiente gubernari: ac deinde, quia constat bruta per se non sapere, infert à sapiente quodam rectore in propositum scopum ea dirigi, isti, inquam, rationi obuiam iri posset, dicendo cunctas res in prima mundi institutione semel ijs viribus instructas esse, quibus sua munia obire queant. Si igitur docere velimus, ad omnia animata etiam

etiam in presenti diuinam gubernationem extendi, probandum erit, mirabilem illam in animalorum regimine œconomiam, non esse tribuendam ulli virtuti, quæ partium naturæ compositionem sequatur. Haud enim dubitandum, quin si extrinsecus ipsis adueniat, à Deo omnium rerum potentissimo moderatore sumat originem. Id autē priusquam facimus, ingenuè cōfitemur, nō esse mox ad supranaturalem causam confugiendum cum effectus quispiam admiratione dignus occurrit, quemadmodum indoctum vulgus, omnia, quorum rationem non capit, diuino miraculo deputare solet. Nam ita cum D. Augustino cuncta diuino arbitrio dispensari arbitramur, ut tamen unamquamque naturam proprios motus agere sinat. Nec ignoramus à sapientissimo quodam viro dictum esse, Deum à fine usque ad finem attingere fortiter, ac disponere cuncta suauiter. Itaque non semper quid Deus omnipotenti sua virtute facere possit, sed quid rerum naturis conueniat, attendendum esse libenter agnoscimus: ac proinde maximè uniuscuiusque naturæ integritas postulare videatur, ut non alieno impulsu, sed ex insitis viribus suas functiones exequatur, minus probabile esse, quòd aliena directione bruta operentur. Attamen nihil horum me deterret, quo minus existimem, non posse tantum solertia in eorum, quæ ratione carent, operibus apparere, nisi diuino nutu regerentur. Ratio-

Sapient. 3.



*nes, quibus moueor indicabo, tu lector quanti ponderis sint indicabis.*

*Bruta facere quedam non minus ingeniosè, quàm si mente prædita essent.*

### CAPVT PRIMVM.



Brutorum animantium singularis prudentia tam multis rebus elucet, vt non minima pars historiæ naturalis in ea describenda cõsumatur. Verùm

hoc loco, vbi omnia commemorare longum esset, pauca quedam brutorum minimè brutalia opera exempli causa recensere decreuimus, initio ab astu, quem in quærendo victu declarant, sumto. Primum cancer, quia libenter conchis vescitur, cum propter duritiem testæ non possit vi ad eas deuorandas irrumperè, arte & industria se voti competentem facit. Tempus enim obseruans, quo propter cœli serenitatem illectæ conchæ testas diducunt, velut auram captaturæ, calculum in concharum hiatum inserit, ne bestia intus latens testarum compressu sese tueatur. Atque ita hostem in potestatem redactum securè deuorat. Sic Ambrosius & Basilius in hexaëmeris suis. Platalea auis, cum piscibus viuat, nec possit ipsa sese aquis ingurgitare, ad eas aues aduolat, quæ in mari

Victus.

mer-

mergunt, ac eorum, cum præda emergentium, tantisper capita præmit ac mordet, donec prædam è rostro dimittant. Atque hanc acceptam illa deuorat. Cicero 2. de natura deorum. Polypodes hunc in modum piscibus insidiatur. Petræ alicui insidentes in eius colorem se ita transformant, ut idem cum illa esse videantur. Interim pisces ad Polypodem tamquam ad petram securi adnatantes, ab illa capiuntur. Aelianus lib. 1. de varia historia: Textoriam artem & dona Erganes deæ, neque norunt Phalanges (genus hoc araneorum) neque nosse desiderant. Nam cui usus bestię vestis à se contexta foret? Sed veluti nassa est illa contextio ad ea, quæ inciderint, capienda. Ac ea de causa in medio retis, ad omnem occasionem intenta sedet, ut si qua forte in eam musca inuolet, pabulum fiat. Idem ibidem. Huc etiam referri debent, quæ libri primi 7. capite de Pinna & Squilla ex Cicerone retulimus. E quibus exemplis, quanta sit brutorum in quaerendo victu solertia, satis patere rati, deinceps quanto ingenio morbis suis bestię occurrant, ostendemus. Plinius lib. 8. naturalis Remedia  
brutorum  
contra  
morbos. historiæ integro cap. 27. remedia per censet, quibus se bruta curare solent. Dictamum herbam, inquit, extrahendis sagittis cerui monstrauere, percussi eo telo, pastuque eius herbæ eiecto. Idem percussi à Phalangio,

cancros edendo sibi medetur. Anguis hiberno situ membrana corporis obducta, foeniculi succo impedimentum illud exuit, niti-  
diusque vernat. Idem hiberna iatebra visu  
obscurato, marathro herbæ sese affricans, o-  
culos inungit ac refouet: si verò squamæ ob-  
torpuere, spinis iuniperi se scabit. Hæc aliaq;  
plura ibidē Plinius. Vrsus faucibus verbasceum  
plagæ imponit, quæ herba cum siccandi vim  
habeat, purulentia absterfa breui tempore  
cicatricem vulneri inducit. Basiliius 8. con-  
cione in opus sex dierum. Hippopotamus  
bestia in Nilo degens cum distenditur nimia  
satietate, arundineta recens cæsa percurrit,  
quoadusque stirpium acuta pedes vulneret,  
vt profluuiio sanguinis leuetur sagina. Pla-  
gam deinde cæno oblinat, vsque dum vul-  
nus cõducatur in cicatricem. Solinus. cap. 35.

Neque sues agrestes omnino rei medicæ  
imperiti. Cùm enim per imprudentiam hy-  
oscyamum comederunt, etsi tam inde debi-  
les fiant, vt ægrè posteriora trahendo rep-  
tent, mox tamen ad aquas se conferunt, ibi-  
que collectos cancos epulati pristinam va-  
letudinem recuperant. Aelianus lib. i. Nemo  
ignorat canes nimia ventris ingluuie graua-  
tos herbæ cuiusdam esu vomitum prouoca-  
re, eoque modo stomachi saburram depo-  
nere.

nere. Memorabile autem, quod Plinius ait, neminem quæ sit ea herba deprehendere Lib. 23. c. 8. posse. Eandem rem non mediocriter illustrant ea, quæ pro vitæ suæ tutela & conseruatione bestię machinantur. Quis enim non miretur torpedinem pisciculum hamo iam implicitum, occulta quadam vi piscatoris manum ita obstupescere vt calamum, cui hamatus funiculus adhæret, retinere non possit? Et tamen ita solere hoc animal piscatorum insidias euadere, auctor est Cicero libro 2. de natura deorum. Perdices item suos pullos inter fugiendum se occultare, & intergum resupinatos glebam tanto artificio sibi prætere docent, vt omnem quærentium industriam eludant. Sic enim de ipsis PLVTARCHVS in dialogo, qui Gryllus inscribitur. Mures ad subterranea sua antra diuersos exitus fodiunt, vt vno obfesso per alium vitæ suæ consulant. Lepores ambagibus & cursu in orbem facto canum impetus ludificantur. Quæ duo tam sunt nota omnibus, vt auctorum testimonijs ea confirmare non sit necesse. Perdices cum pullis suis ab ancupe metuunt, simulant pedum & alarum debilitatem, vt auceps spem concipiat ipsius matris præhendendę. Atque ita fit, vt pulli dimissi spatium fugiendi nanciscantur, & mater cum eos in tutum se recepisse

pisse animaduertit, vana spe illuso aucupe,  
 volatui se mandet. Solinus cap. 13. In Aegyp-  
 to est quoddam genus ranarum, quod ne à  
 varo quodam pisce deuorari possit, frustum  
 arundinis demordet, idque obliquum in o-  
 re gestat. Cùm enim vari rictus tam amplus  
 non sit, vt arundinem tam latè vtrinque ex-  
 tensam deglutire valeat, fit eo modo, vt ra-  
 nas incolumes dimittere cogatur. Aelianus  
 lib. 1. Sepia cum à piscatoribus se peti videt,  
 atramētum, quod ipsi pro sanguine est, post  
 se effundit, vt in aquis atro colore tinctis, cō-  
 spici nō possit. Cicero 2. de natura deorum.  
 Castor, cuius testiculi magno in pretio sunt,  
 cum venatores sibi imminere videt, non ig-  
 narus qua de causa ipsum insectentur, testes  
 sibi, morsu amputat, atque ita se ab interitu  
 defendit. Nam simulatque testibus venato-  
 res potiti sunt, deinceps illi animanti infesti  
 esse desinunt. Hoc Plinius lib. 32. cap. 3. Insu-  
 per, quod summopere mirandum, nouit v-  
 naquæque bestia telum, quod defensionis  
 causa accepit, nouit occasiones quibus opor-  
 tunè aduersariū inuadat, nouit hostiū par-  
 tes imbelles. Idque exemplo Delphini &  
 Crocodili, quod libro primo capite 7. reci-  
 tatur, doceri potest. Quin & diuinandi peri-  
 tiam, quanta eorum saluti necessaria, sunt a-  
 deptæ. Echinus animal marinum, tempesta-  
 tes

tes imminere sentiens ad scopulum se applicat, ne ex maris iactatione vlllo incommodo afficiatur. Auctor BASILIVS concione 8. in opus sex dierum. Terrestris verò Echinus antrum, cui bina spiracula sunt, vnū boreale, alterum meridionale, inhabitare solet: cumque boreas flaturus est, spiraculum, quod borealem plagam spectat; cum verò auster, quod australem, occludit. Basilii concione 9. eiusdem libri. Scribunt Aelianus & Plinius tantam in muribus esse diuinandi scientiam, vt, cum domus aliqua præsenio ruinam minatur, primi id sentiant, & pristinis suis cauernis relictis, fuga salutis suæ consulant. Addit Plinius & araneos cum telis imminentē ædium ruina cadere. Quæ si vera sunt, & superstitiosis Ethnicorum observationibus annumerari non debent, si ne peculiari DEI instinctu tale quicquam ab hisce bestiis præfagiri nō posse, manifestū est. Atque idem statuendum est de illo hirundinum genere, quod in Nili ripis excavatis indificare, ac si futurum est, vt eorum nidos auctus amnis attingat, multis diebus ante migrare Plinius refert. Nec aliter de araneis iudicandum, si, quod ille tradit, incremento amnium futuro, telas suas altius attollant. Item de Crocodilo, si ex eius nido auctus Nili quantitas præsciri potest, quia  
semper

Lib. 8. c. 23

Lib. 10.

cap. 33.

Lib. 8. c. 25.

Habitacu-  
la bestia-  
rum.

semper extra illum locum incubet, ad quem summo auctu eo anno Nilus egressurus est. Hæc enim maiora sunt, quàm vt à bestiis per insitam industriam præstari queant. Nō vulgaris etiam est ea prudentia, quam in nidis & latibulis suis construendis bestię declarant. Primum enim hirundo nidum fabricatura, festucas ore portat, lutum verò quod pedibus tollere non valet, summas alarum partes aqua madefaciendo, ac deinde intenuissimo puluere volutando conficit, eoq̃ue velut glutine festucas coniungens, nidum machinatur, in quo sobolem suam enutriat. Lanam quoque de ouium velleribus decidentem è pratis colligit, vt ovis & pullis suis molle stratum subijciat. Easdem scribit Plinius in Heracleotico Nili ostio nidorum talium continuatione molem euaganti Nilo inexpugnabilem stadij ferè vnus longitudine opponere. Quod sanè quomodo sine Dei nutu facere queant, intelligi non potest. Apes mirabili artificio mellis receptacula extruunt. Nam in tenuem membranam extensa cera, crebras & continua serie cohærentes constituunt cavitates, vt frequentia earum, quæ singulæ imbecillæ sunt, toti structuræ robur addat. Quælibet enim fistula alteri necitur, tenui septo illi coniuncta pariter & ab eadem secreta. Vna autem fauorum

rum contignatio alteri superincumbit: quia si vna esset, nullo diaphragmate intersepta concavitas, in quam mellis liquor infunderetur, ea tanto pōderi nequaquam par esset. Disce hic etiam quod inuenta Geometriæ parergum sint operis, quod sapientissima apis ductu naturę facit. Nam isopleura hexagona, quæ Geometra sine circino delineare non valet, ipsa accuratissimè etiam in tenebroso alueari citra omnis organi adminiculum elaborat, eaque non è directo sibi inuicem opponit, ne fundi nulla soliditate subnixi leni momento fathiscant: sed anguli inferiorum sexangulorum basis & sustentaculum superiorum existant.

Hanc apum solertiam oratione secunda de Theologia magnificè D. Gregorius Nazianzenus extollit. Vnde, inquit, apibus ars & industria, vt fauos concinnent per fistulas hexagonas, & sibi mutuò oppositas, & firmitate in ijs per septum intermedium, & permutatim sibi mutuo attextos cellularum angulos concilient, idque in aluearibus tam obiculis. & formatione tam procul à sensu remota? Hæc Nazianzenus. Sed neque locorum illæ mutationes tam necessariæ animantibus, hoc loco præteriri debent. Hę enim, si quicquam aliud. insignem eorum sagacitatem produnt. Pontici pisces ex Helle ponto

Migratio -  
nes auium  
& piscium

T

& alij



& alijs vicinis maribus in Pontum Euxinum gregatim commeare solent, cum tempus foeturæ ipsorum in propinquo est. Etenim illud mare dulciores aquas habet, propter exiguam solis, qui dulciores partes educit, in locis ad Boream deurgentibus efficaciam. Quocirca longè oportunius est, ad foetus piscium recentes educandos. Cùm verò id, cuius causa peregrinationem istam susceperant, ad exitum perduxerunt, retrò vnde venerant reuertuntur, partim quòd nulla causa sit, cur ibi diutius morentur; partim quòd hiberno tempore istius maris habitatio non esset periculo caritura. Cùm enim exiguæ sit profunditatis, hibernis tempestatibus aquæ ipsius turbidiores fiunt. Porro hanc piscium migrationem D. Basilius non solum fando se audisse, verumetiam suis oculis non sine ingēti stupore conspexisse testatur. Grues, ciconiæ, hirundines, sturni & multò plura avium genera, cum in vna regione diutius versari non possunt, quòd migrare & quas sedes quærere debeant, vt se à fame & frigore tueantur, probè cognitum habent. Nec potuit vsque in præsens quisquam mortalium, quod sit eorum asylum, cum à nobis recedunt, deprehendere. Affirmat Olaus Magnus in septentrionalium locorum descriptione inuētas in stagno demersas hirundi-

7. Concione hexæmeri.

rundines, quæ cathenę instar coherescebant,  
 sequentis rostro in præcedentis anum inser-  
 to, easque igni ad motas, sensum & vitam re-  
 cuperasse. Idem de ciconijs compertum esse  
 tempore Othonis quarti, scribit Baptista  
 Fulgosius in capite de miraculis. Verum an  
 omnes aues, quo tempore non comparent,  
 in aquis demersę iaceant, ignoratur. Ultimo  
 locum sciri velim bestias nonnullas in com-  
 mune consulere, & reipublicæ quãdam for-  
 mam habere. Primum enim de apibus vul-  
 gatissimum est, habere eas regem, eumque  
 loco honoratiorem in aluearibus occupare,  
 nec sine eius ductu tota examina iterfacere.  
 Ferunt & emeritas, ac eas quæ laboribus fra-  
 ctæ sibiipsis cõsulere nequeunt, aliena indu-  
 stria sustetari: alias verò, quę laboris patietes  
 otari, & nihilominus ex reliquorum sudo-  
 re partis opibus viuere cupiunt, ex alueari-  
 bus expelli. Hæc & plura alia non solum Vir-  
 gilius, quem licentia poetica fortasse non-  
 nulli metas veritatis excedere suspicabuntur,  
 sed & Plinius historiæ naturalis scriptor  
 commemorat. Degruibus hunc in modum  
 Solinus scribit. Non piguerit meminisse qua  
 tenus expeditiones suas dirigant. Sub quo-  
 dam militiæ eunt signo, & ne pergentibus  
 ad destinata vis flatuum renitatur, arenas  
 detorant, sublatisque lapillis ad moderatam

Respubli-  
 cę brutorū

Cap. 14.

grauitatem saburrantur. Volatus desidiam castigat voce, quæ cogit agmen. Ea ubi ob-raucata est, succedit alia. Excubias nocte diuidunt, vt exsomnia sit decima quæque. Vigiles ponduscula digitis amplectuntur, quæ si fortè exciderint, somnum coarguant. Est & inter formicas quædam reipublicę species. Nam hæc communiter cibum quærunt, integræ fessis, aut sub onere succumbentibus opitulantur. Vita defunctas reliquæ solenni pompa sepulturæ mandant. Hæc enim de ipsis Hieronymus in vita Malchi monachi memoriæ prodidit. Sed exemplorum, ex quibus brutorum admiranda solertia perspicitur, hic finis esto.

*Bruta nequaquam per innatas vires facere,  
quæ supra commemorauimus.*

## CAPVT II.



Ntequam ex animantium artificialibus operibus Dei providentiam demonstremus, docendum erit, non sufficere innatas ipsis vires ad reddendam eorum, quæ superiori capite recēsuimus, rationem. Id verò hunc in modum probari potest. Si brutis animantibus innata est quædam vis ad talia peragenda; ea vel erit ratio, vel natura. Sed neutrum horum dici potest.

Ac

Ac primum quidem non inesse brutis rationem, ex eo liquet, quod quæ ex propriæ rationis iudicio operantur, non eodem cuncta modo, sed pro suo quodque arbitratu agât; bruta verò eiusdem speciei similem magnitudinem ac formam, & cætera omnia quam similima suis operibus impertiant. Insuper quicquid propria cuiusquam ratio exculpit, id si magna consideratione opus habet, non sine aliqua meditatione & exercitatione perficitur, & progressu temporis melius addiscitur. Atqui bruta simulatque nata sunt, artes suas ad vnguem callent, nec magis scitè post multorum annorum exercitationem operantur, quàm dum primò inciperet. Adhæc si bruta suas actiones ex præscripto rationis moderâtur, non possent ea quæ populatim ad quærendas novas sedes emigrant, ad eiusmodi profectioes vnanimi consensu suscipiendas impelli, nisi aliquis publico edicto proposito diem itineris designaret. Nam vt casu in eundem diem omnium voluntates concurrant, prorsus incredibile est.

Præterea si apis & canis ratione præditi sunt, ergo non minus ab homine different, quàm à se inuicem, nec animal per rationale & irrationale in hominem & brutum distinguetur, sed cum ratio sit omnium animalium

um communis, alia quærenda est differentia, quæ hominem à reliquis secernat. Quæ omnia tam absurda sunt, vt bestia stupidior sit, qui ea possit in animum inducere. Quod verò neque à natura ijs tributum sit, tam artificiosa opera machinari, difficili⁹ quidem, sed probabitur tamen, Deo nostros conatus fortunante. Vt igitur hinc exordiamur, non est dubitandum, quin in brutis eius quod agunt quædam notitia præcedat, eo quod motus ille membrorum, quo vtuntur in suis operibus conficiendis non sit naturalis, cuiusmodi est grauium in sua loca descensus, sed animalis potius. Animalis verò motus cognitione à naturali discernitur. Habet igitur vnaquæque bestia operis sui quandam imaginem vi cognitiuæ impressam.

Quæ imago si ex natura ipsius sine causæ externæ adminiculo profluxit, multò brutorum natura perfectior, quàm hominis erit. Hominis enim mens omnesque aliæ vires cognitiuæ, similes tabulæ rasæ in qua nihil depictum est, ab Aristotele in lucem prodire dicuntur. Infans recens natus nil nisi plorare nouit, & nisi mammæ ei in os ingererentur, ipse per se eas nūquam quæsiturus esset. Integro quoque semestri non potest matrem suam à cæteris mulieribus distinguere. At verò bruta omnifarijs artibus & habi-

habitibus instructa nascuntur. Norunt expeditè omnium membrorum vsum, discernunt suam genitricem ab alijs bestijs eiusdem naturæ. Agni in maxima turba ouium, præteritis cæteris, quarum vbera maiori lactis copia distenduntur, solam matrem requirunt. Et quod magis admirabile, etiam gallinæ incubatione exclusi anates deserta putatitia matre ad aquas properant, ipsa nequicquam eas reuocante, & lamentis vsque ad ripam prosequente: adeò non ignorat vnaqueque bestia locum, cui incolendo destinata est. Sunt qui dicunt bruta suæ conseruationis quandam speciem à natura habere, & ideò scire quos musculos mouere debeant, cum incedendum aut quicquam aliud ad tutelam vitæ necessarium agendum. Verùm his ego hominem oppono, q, cum primum nascitur non habet eam rerum necessariarum notitiam, & tamen multò quàm illa nobiliorem naturam adeptus est. Quod si hominis natura, propter primorum parentum inobedientiam meruit, vt hac in parte brutis animantibus longè inferior sit, quod Christianorum theologi docent, profectò quemadmodum ipsa tanto bono spoliata, non à se illud habuisse tantum non exerta voce testatur, ita etiam nuditas illa, cum qua in mundum prodit, documèto est, quid bru-

Cardanus  
de subtili-  
tate.

tis longè ignobilioribus euenturum esset, si eorum natura sibi relinqueretur. Secundo, cum dicimus habere bruta quandam apud se ideam suorum operum, ac eius subsidio tantos artifices videri, non ea volumus in illam ideam cogitationem defigere, & ad illam velut exemplar suum opus elaborare; hoc enim si facerent, ratione vterètur. Quod enim maius rationis indicium esse potest, quàm finem velut principium agendi intueri, & ex eo media, quibus ad illum peruenitur, velut complexiones colligere? Sed què admodum is, qui habitum alicuius artis sibi comparauit, sine deliberatione, imò nonnùmquam aliud agens, nihilominus expeditè eam artem exercet, ita etiam bruta sine vlla totius operis, quod moliuntur apprehensione, & nihil de fine quo tendunt cogitantia, ad eum, duce quodam habitu, qui sit arti perfectè similis, progredi statuimus.

Vt autem habitus artis in ordine quodam specierum, quibus corporis & mēbro-  
rum legitimæ agitationes repræsentantur,  
constitutus est; ita minimè dubitandum, quin  
& bestię simulacra eorum motuum, quibus  
ad finem sibi propositum perducuntur, in  
interiori sensuum officina ordine quodam  
digesta circumferant. Aut explicetur, quo  
pacto vel sine omni cognitione operando à  
rebus



rebus inanimis distinguantur, vel sine ordinata cognitione tam mirabilis in eorum operibus ordo appareat. Si autem ordine certò in facultate eorum cognitiua species agendorum dispositæ sint, alius profectò erit huius ordinis auctor, quàm natura. Illa enim, quando adhuc nulla cuiusquam rei notitia imbuta est, quomodo tam solerter eas imagines digerere potest, cum maioris artificij sit ipsum habitum artis producere, quàm postquam genitus est, secundum ipsius præscriptum operari? In homine parens artium est ratio multò ipsis artibus præstantior, præcedunt frequentes meditationes, & tandem vix longo usu  $\xi\xi$  comparatur. Quid autem illud in brutis, quæ ratione carent, tam eximium esse potest, quod antequam vlla arte instructum est, tanto pollet ingenio, vt puncto temporis habitu se ad ritè obeunda sua munia confirmet? Præterea vt concedamus Arist. 2. de ani. cap. 4. non esse absurdum, quòd anima suo corpori certum quantitatis modum, & certam figuram ac lineamenta determinet, eo quod omnia quæ natura constant, certam magnitudinem deposcant, nec informe, aut qualicūque ratione figuratum corpus, idoneum sit animæ domicilium: nulla tamen ratio à brutorum natura peti potest, cur tanta & non maior sit operum quæ struunt magnitudo,



item cur hanc potius, quàm aliam ipsis figuram tribuant. Quam, quæso, rationem afferemus, cur apes fauorum cellulas non paulò vel minores vel maiores fabricètur, cur sexangulam & non aliam ipsis figuram indant? Quod si nulla huius rei causa ex apum natura reddi potest, sequitur eiusmodi cellulas struendi notitiam ad extraneam causam referri debere. Postremò si ex vi naturali tãto artificio exteriorem materiam bruta efformant, nullis rationibus doceri potest Deum mundi opificem sapere, aut intelligenti natura præditum esse. Vnica enim ad hoc probandum via est, ostendere mundi singulas partes ita vt par erat, constitutas esse. Quæ ratio nullum pondus habebit, si ex naturæ instinctu & sine vllò mentis iudicio bruta sic operentur, vt melius nõ possent, etiam si operum suorum rationem intelligerēt. Si enim in illis natura expers intelligentiæ tam miranda valet efficere, cur non & in huius mundi opifice valeat? Philosophi ergo qui Deum sapiētem esse statuunt, ne sine ratione id facere videantur, cauere debent, ne tantas vires naturæ tribuant, vt sine ductu mentis à qua regatur, ipsa per se artifex sit. Ne tamen quisquam hæc ijs aduersari exceptionis, istimet, quæ libri primi capite 6. dicta sunt, vbi probaturi Deum esse naturæ auctorem, assume-

Solutio o.  
jectionis.

assumebamus, impetum quo vnaquæque res in finem suum contendit à natura ipsi inesse; fatemur vnumquodq; animal naturali quadam vi ad suas functiones exequendas incitari: verùm negamus vllam esse facultatem naturæ, quæ sine externo subsidio animantia ad fines, quibus à natura destinata sunt, perducere valeat. Habent & homines à natura suæ perfectionis quædam extrema lineamenta, verùm non inde mox efficitur non indigere eos habitibus & alijs adiumentis naturæ superadditis, vt suam absolutionem consequantur. Atque hunc in modum ostenditur ea, quæ in primo libro attulimus, non pugnare cum ijs, quæ de aduentitia brutorum sagacitate in præsentì disputantur. Reliquum igitur nunc est, vt ratiocinationem, qua ex brutorum artificio Deus eorundem curator esse demonstratur, concludamus.

*Ex precedentibus sequi bruta animantia Deo cura esse.*

## CAPVT III.



VISquis argumentis superiori capite propositis cōmotus, existimat non inesse brutis omnium eorum, quæ mirabili industria machinantur, peritiam naturalem, is haud grauatè concedet, DEVM  
 ipsis

ipsis in prima origine artem quandam impertiri, qua deinceps per reliquum vitę tempus utantur. Quis enim alius præter summum totius orbis monarcham, tot mundi partibus vno eodemque tempore se præsentem sistere, & vilem brutorum naturam tanta sapiëntia expolire posset, ut homines quantumlibet artificiosos quædam bęstię præcul à tergo relinquunt? Dubitari à nonnullis video, qua Dei energia bestiis tantum sapientię accedat; nam Cardanus existimat diuinum intellectum cunctis rebus præsentem, sed propter corporis diuersam temperationem, vnam rem alia diuinę illuminationis capaciore esse, ac tanto vnumquodque sapientius euadere, quanto plus diuini influxus recipit; proinde plantas, quia intro ad eas, propter temperationis vitium, diuina mens penetrare non potest, prorsus stupidas relinqui. Alia ratione Platonici ad DEVM reuocant, quę bruta propter suę rationis inopiam per se facere non possent. Aiunt enim DEVM esse mundi totius animam, & eius quandam portionem à particulari qualibet natura possideri. Sic enim Virgilius 4. Georgicorum Platonis hac de re sententiam exponit.

quidam

*Esse apibus partem diuinę mentis & haustus  
Æthereos dixere, Deum namque ire per omnes*

*Ter-*

In libro  
de animi  
immortalitate.

*Terræq; tractusq; maris cœlumq; profundum,  
Hinc pecudes armenta viros genus omne ferarū,  
Quenque sibi tennes nascentem arcessere vitas.  
Scilicet huc reddi deinde ac resoluta referri  
Omnia, nec morti esse locum, sed viua volare  
Sideris in numerum atque alio succedere cœlo.*

Cùm igitur in eo conueniant omnes, quod, si quisquam bestias eorum quę acturę sunt peritia instruat, is non alius sit, quàm DEVS, omisissis absurdis, & ad indoctorum plausum captandum confictis nugis, simpliciter confiteamur, infundi bestiis quædam habituum adminicula, vt quia ipsa sibi illos adinstar hominum propria exercitatione parare non possunt, alia ratione ad suas functiones obeundas idoneæ fiant. Nec opus est longa disputatione refellere, quæ Plato & neoterici, vt aliq̃ sapientię brutorum rationem redderent, commentum sunt. Nam simplex veræ doctrinæ expositio, facilè omnes tam turpium errorum nebulas discutiet.

*An organa in viuentibus à natura, an ab extraneo plaste formentur.*

## CAPVT IIII.

**V**ENIMVS nunc ad disputationem longè intricatissimam, de vi schematistica in viuentium seminibus, quæ artificio tam admirabili ex rudi & im-  
polita

polita materia visendę elegantię instrumenta efformat, in qua etsi complurium doctissimorum hominum ingenia se exercuerint, adhuc tamē nodis plusquam Gordianis implicita manet. Quos cum me soluere posse desperem, vix operæpretium videretur ex organorum formatione Dei erga res sublunares providentiam confirmare, nisi omnes veteres, qui hanc materiam tractarunt, vel maximē hoc argumento niterentur. Exponam igitur quanta maxima plausibilitate hanc rationem, sed postea neque taciturus sum, cur mihi illa non omni ex parte satisfaciat. Primū igitur, si vis quædam insit in semine, quę singulis membris congruentem figuram impertit, quæro num ea sit tota in singulis eius partibus, an verò diuisim pars formatiux virtutis cum parte seminis coniungatur. Si tota ea virtus singulis partibus insit, incorporea, & immaterialis erit profectò, & proculdubio Deus. Nam formæ quæ materię inherēt, ipsius contagione diuiduę efficiūtur. Atq; idcirco in diuersis locis totæ nõ queūt existere. Si verò pars eius parti seminis dūtaxat cōiūgitur, tūc pereūte aliqua seminis portiuncula, aut à toto detracta, necesse esset foetum aliquo membro captum in lucem edi, cumque semen in geminorum aut trigeminorū materiam diuiditur, quod in canibus & suibus perpetuò vsuuenit, in

Virtus for  
matrix, an  
indiuia

quaque portione dimidiata duntaxat existeret. Vnde fieret, ut diuersi foetus vno partu nati, totam animalis figuram inter se partirentur. Atqui hoc nunquam evenit. Falsum est igitur virtutem formatricem per partes in semine latere. Modò autem demonstrabatur, si ubique tota esset, fieri non posse, ut in materia inhæreretur, spiritalis ergo & incorporea sit necesse est. Atque hic est vnus modus à vi formatiua argumentandi. Alter est eiusmodi. Semen licet actu sit *ὁμοιομερές*, potestate tamen partes diuersæ naturæ continet. Videmus enim ut lac in serum, caseum, & butyrum facessit, ita feminis aliud in os, aliud in neruum, aliud in aliam partem similem transmutari. Cùm verò in semine, priusquam coagulatum fuerit, omnes illæ particulæ inter se permixtæ sint, post coagulationem sibi inuicem interspersæ erunt. Quare ut animal figuretur, ac membra ad vsum habilia fiant, quamque ad sui generis partem coniūgi oportet; ac deinde per additionem & deductionem formari. Nam id quod primum rude est, quomodo figuram idoneam nancisci potest, nisi vna parte ipsi quippiam addatur, & alia rursum detrahatur? Hæc autem sine particularum ad omnem positionis diuersitatem transiectione fieri non queunt. Sed naturalia agentia in

tia in vnam partem determinata sunt: tanta igitur motionum varietas non naturam, sed altiore quendam causam significare videtur. Præterea, si vis formatrix in semine sita est, vel ergo accidens eius, vel substantia erit. Non accidens, quia rursus quæro, num separabile, an inseparabile. Separabile dici non potest, quia non solum in semine perpetuò inest, sed etiam in animali quoad viuit permanet. Videmus enim carnem amissam eadem forma, quam principio habebat instaurari, & quæ per incrementi tempus ei quod primo figuratum fuit adijciuntur, eadem lineamenta retinere. Si verò inseparabile statuatur, ex substantia ergo profluxerat, & præcipua formationis causa erit ipsa substantia seminis, quod ab aduersario concedi volebamus. Sed neque substantiam esse membrorum σχηματισμὸν fit verisimile. Vel enim semen animatum dicitur, & hoc, licet à magnis quibusdam auctoribus dictum sit, multis tamen de causis incredibile est. Primum enim ex equi cum asina congressu mula nascitur, quæ specie ab equo differt; atqui si semen equinum animatum erat, quæ μεταμορφώσει in locis maternis ex equo mula fieri potuit? Insuper si humanum semen antequam in utero coaguletur, anima præditum fuisse dicitur, quæ nam illa anima erat? An ratio-

Julius Scaliger.

rationalis? Homo igitur est humanum semen. Aut si hoc nimis absurdum, an sensitiva aliqua anima semini inest, quæ aduenturæ menti sedem & domicilium apparet? Sed quis credat sentientem animam posse corpus hominis accommodatè ad vsum rationalis animæ efformare? Denique nunquam Aristoteli in mentem venit, semen animatum ponere. Cùm enim quæsiuisset, num semen animam habeat, sic respondet: *Libr. 2. de generatio-  
ne animalium.*  
 δῆλον ὅτι καὶ ἔχει καὶ ἐστὶ δυνάμει. ἐγγυτέρω δὲ καὶ πόρρωτέρω αὐτὸ αὐτῷ ἐνδέχεται εἶναι, ὥσπερ ὁ καθεύδων γεωμετρικῆς τῆς ἐξηγορέως πόρρωτέρω, καὶ οὗτος τοῦ θεωροῦντος. Id est, certum est semen habere animam, quæ sit potentia. Nihil autem prohibet, quo minus idem sit seipso propinquius & remotius; quemadmodum geometra dormiens vigilante remotior, & hic eo qui cōtemplatur. Atque ex his verbis D. Thomas, Auicenna, & alij semper intellexerunt, non aliter quàm virtute semen animatum esse. Quod si tamen quisquam speraret se posse in alium sensum illa detorque-  
 re, is si paulò altius repetito principio lege-  
 re incipiat, adhuc manifestius semen anima-  
 tum esse negari videbit. *πυρομένης τῆς κινήσε-  
 ως, φησὶ, γίνεται ἑκάστον τῶν μορίων καὶ ἐμψυχον,*  
 id est, motu cessante (quo semen figuratur)  
 vnaquæque particula fit animata. Rursum



descendens paulò inferius. De modo quo anima est in conceptu & semine, & quo non est, iam determinauimus. Potestate enim habet animam, *ἐν σπέρματι* non habet. Adhæc si semen animatum, an toti, an verò subtiliori eius spiritui duntaxat anima inest? Si in toto semine inesse dicas, manifestè repugnabis Aristoteli. Is enim in spiritu solo vult naturam residere, quam corporis formatricem constituit; quæ si anima sit, (vt Scaliger contendit) solus ille spiritus animatus erit. Cum autem ex crassiori liquore membra formantur, cum illa statim à principio animam nō habuerint, necesse est, vt ea quæ in spiritu inerat, deserto veteri domicilio, ad membra se conferat. Atqui formas de subiecto in subiectum migrare impossibile est. Atque hæc argumenta sufficere existimo ad probandum, nō solū falsum esse, q̃ neoterici de anima in semine latente docent, sed neque Aristotelicum. Verū et si hoc illis concederemus, adhuc non apparet, quomodo anima sibi corpus fabricari posset. Multa enim in homine & brutis reperiuntur, quæ ad nulum vsum animæ facta esse liquet, vt viorum mammæ, surarum pulpæ & id genus alia plura, quæ non tam vsum præstant, quàm venustatem conciliant. Insuper anima illa, si qua esse fingatur, nec sapit, nec cogitat quicquam

quam; quare cum particularum figuratio opus sit admirabilis cuiusdam sapientiæ non debet illi animæ attribui. Summam, inquit Galenus, in fœtuū cōformatione & sapiētiā & potētiā video, neq; possum existimare eam, quæ est in fœtu animā quidē, sed naturam appellatam, ipsum fœtum conformare, ut quæ non modo sapiens non sit, sed omni ratione careat. Sic Galenus. Si ergo seminis substantia, quam ponit aduersarius organorum formatricem, non sit anima nascituri fœtus, ut ex præcedentibus perspicitur, restat ut alia quædam eius forma locum, figuram, numerum, & cætera, quæ ad salutem animantis requiruntur, unicuique parti conferre dicatur. Atqui neque illud minus absurdum est, quàm quod prius dictum fuit. Imò si tolerabile erat animam suo corpori idoneam figuram impertiri, quis ferat formam ab anima diuersam, corporis, è quo ipsa, cum perfectum erit, facessere cogetur, architectam dici? Sed ait Aristoteles rem se habere in animalium genitura, ut in automatis instrumentis. Ut enim in his exterior quispiam partem vnā mouet, & illa mota consequentem in actum perducit, ac eo modo fit, ut exterior ille mouere dicatur, non quia tangit instrumentum, sed quia tetigit, ita etiam is, qui facit sperma, dicitur forma-

Galenus li  
bro de con  
formatio  
ne fœtus.

Aristote-  
lis de virtu-  
te forma-  
trice sen-  
tentia.

tionis organorum esse causa, non quia nunc  
quicquam agit, sed quia egit. Non igitur se-  
minis ullam partem esse causam generatio-  
nis, eo quod nihil seipsum generare possit,  
sed id quod extrinsecus primo mouet. Idem  
non aliam vult in semine causam esse forma-  
tionis, quam motum, qui ipsi à generante im-  
pressus est, quomodo ædium causa est ipsa  
ædificatio. Sed hunc tamen motum inter-  
pretatur non esse ipsam passiuam seminis  
immutationem; facile enim animaduerte-  
bat fieri non posse, ut is motus permaneat,  
illo, qui principium ipsi dederat, recedente:  
sed motum hunc vult esse veluti speciem  
ideam quandam & corporis fabricandi,  
respondentem ideæ artis in mente artificis.  
ut enim illa virtute continet omnes motus,  
quibus materia perpolitur ut formam artis  
recipiat, ita quoque hæc futuri corporis spe-  
cies à parente semini impressa, omnes motus  
potestate continet, quibus semen accommo-  
datam figurationem adipiscitur. Neque e-  
nim aliter differre artem à natura, quam  
quod ars sit forma & species eius, quod sit in  
mente artificis, naturæ verò motus sit eadem  
rei efformandæ species, sed in ipsa quæ effor-  
mabitur materia delitescens. Summa autem  
omnium huc redit, in spiritu seminis reside-  
re formam, quæ sit animæ virtus, & veluti  
fabri.

fabricæ organorum idea, atque ideò mirum  
 non esse, si ipsa corpus animalis apte ad v-  
 sum animæ figurare queat. Subtilis est hæc  
 quidem & digna Aristotele auctore senten-  
 tia, sed tamen contra quam non pauca obijci  
 possunt. Primum enim si vna motio à pa-  
 rente profecta, qui actu existebat quod se-  
 men potentia, τὸ σπέρμα *imprimatur*, vnde  
 sexuum diuersitas? Idem certè Aristoteles,  
 cum diu in quarto de generatione hanc que-  
 stionem versasset, non potuit secundum po-  
 sitam à se formationis causam aliud quic-  
 quam afferre, quam nonnunquam ob debi-  
 litatem generatiue virtutis in patre, & abun-  
 dantiam materiæ quam mater suppeditat,  
 fieri, vt in fœtu virtus alimentum in se-  
 men mutandi deficiat, ac tum naturam, ne  
 frustra quippiam agat, non ea membra a-  
 nimali tribuere, quæ semen percoquant  
 & generandæ prolis sint instrumenta, sed  
 alia, quibus indigesta materia & in semen  
 transire non valens, contineatur. Verùm si  
 pro re nata mutatur corporum in animalibus  
 efformatio, proculdubio formator eor-  
 um non erit vllum naturale agens, sed ali-  
 quis mente præditus, qui pro diuersa rei sub-  
 iecte conditione, diuersa ei membra constru-  
 ere potest. Nec melius hunc modum Gale-  
 nus dissecare videtur, cum dicit fœminas

Causa di-  
 uersitatis  
 sexuum se-  
 cundum A-  
 ristotelem

gigni, quia ob debilitatem caloris membra genitalia, quæ primum introrsum conuersa erant, non possunt foras protrudi. Hic enim dicere cogitur, sexuum distinctionem esse *πάρεργον* naturæ, cum nihil in toto animali sit, quod magis studiosè factum esse conueniebat. Insuper vnde haufit Galenus hanc de genitalis membri intro conuersi protrusione sententiã? An ex eo, quod si fingamus masculorum pudendum introrsum verti, glans matricem referet, & cætera fœmineis membris respondebunt? An quia ex anatomia compertum est, non statim in embryo masculus sit an fœmina apparere; verum serò tandem ea membra, quæ sexum distinguunt, in lucem prodire? Sed hæc nil nisi fuitiles coniecturæ sunt, nec ad tantam rem demonstrandam satis roboris habent. Adde his, quod ea comparatio, qua suam de vi formatrice sententiam fucare vult Aristoteles, non satis aptè quadrare videatur.

Nam habitus artis in mente artificis non est simplex aliqua forma, sed è multis particularium motuum speciebus composita, quæ, quia inter se quodam ordine connectuntur, idcirco vnum habitum constituunt. Sed talis specierum congeries in semine statui non potest, sed quæcunque ea forma sit, quæ membra figurare dicitur, simplex sit necesse est.

est. Dicat etiam Aristoteles, quis parens sui speciem in ea semina imprimat, ex quibus *ἐντρομα* gignuntur. Quod si in ijs hic modus formandi locum non habet, neque in perfectis animalibus habebit. Cùm igitur inexplicabile sit, quomodo à naturali agente partes humani corporis congruēti figura expoliantur, multi non vulgares Philosophi crediderūt peculiare Dei op<sup>9</sup> esse, hāc organorum conformationem. Plato in Timæo do-  
cet, animas quidem à DEO effectas esse, sed corporum structuram inferioribus dijs commissam esse. Galenus tametsi dubitet alicubi, num Deus similiter atque illi, qui miracula moluntur, (hi cum motus initium dederint discedunt, machinæ verò aliquantisper artificiosè mouentur) stirpiū, animaliumque semina in quandam motuū continuationem idonea præpararit, ac postea nihil agat, in libris tamen de usu partium liberè profitetur mentem quandam animalium corpora fabricari. Quis non, inquit, cum hominis cutem inspexerit, mox cogitat mentem admirabili potestate præditam per terram ingredi, & in omnes eius partes extendi? D. Augustinus lib. 7. de genesi ad litteram D. Augustinus.  
cap. 22. de præsentī quæstione sic scribit. Isti  
(Epicureos notat) si viderent tantum ordinem quantum in membris carnis cuiuslibet

animãtis apparet, non dico medicis, qui hæc propter artis suę necessitatem diligenter patesfacta & dinumerata rimati sunt, sed cuilibet mediocris cordis & considerationis homini, nonne clamarent, ne puncto quidem temporis Deum, à quo est omnis mensurarum modus, omnis parilitas numerorum, omnis ordo ponderum, ab eius gubernatione cessare? Quid ergo absurdius, quid insulsius sentiri potest, quàm eam totam esse vacuum nutu & regimine providentiæ, cuius extrema & exigua videant tanta dispositione formari, vt aliquanto attentius cogitata ineffabilem incutiât admirationis horrorem? Et cum animæ natura corporis antecellat, quid est dementius, quam putare nullum esse diuinæ providentię iudicium de moribus hominum, cum in eorum carne tanta eius solertiæ clareant, & demonstrentur iudicia? Idem sensisse veteres theologos omnes quot quot hanc materiam tractarunt, facile doceri posset, nisi longum foret eorum testimonia recitare. Ex recentioribus verò Scotus & Gregorius de Arimino, ambo præcellentis ingenij Philosophi, eiusdem sententiæ fuerunt. Et haud scio, an Christianis per auctoritatem sacrę scripturę alud credere liceat, eo quod illæ passim Deum hominis in aluo materno placent indicēt. Manus tuæ, inquit, Iob,



Tob, fecerunt me & plasmauerunt me totum  
 in circuitu. Et paulò post. Nonne sicut lac Iob. 10.  
 mulsisse me, & sicut caseum me coagulasti?  
 Pelle & carne vestisti me, ossibus & nervis  
 compegisti me. Et ad Hieremiam prophe-  
 tam sic dominus loquitur; Priusquam te for-  
 marem in vtero noui te, & antequam exires  
 de vulua sanctificaui te. Hæc & plura alia o-  
 stendunt nullam virtutem formatiuam in  
 semine inhærere. Verum neque pro contra-  
 ria sententia desunt magni ponderis argu-  
 menta. Primum enim si DEVS corpora ho-  
 minum format, neque filij figura est à paren-  
 te deducta, vnde tanta liberorum ad parén-  
 tes similitudo? Deinde cum Deus nulla tem-  
 poris mora indigeat, vt materiam euincere,  
 & pro suo libitu immutare possit, mirum  
 esset, quare tam lentè procederet in humani  
 corporis ex semine structura. Tertiò, cum  
 DEO æquè facile sit ex lapidibus, quam se-  
 mine humanum genus propagare, cur non  
 nisi ex semine id facit? Cur tempus formati-  
 onis masculi semper æquè longum? Quare  
 idem ordo obseruatur in cuiusque partis ge-  
 neratione, cum Deo æquè promptum foret  
 ab hepate, quàm à corde incipere? Denique  
 nec sacræ literæ ab huiusmodi animalium  
 generatione abhorrere videntur. Nam sep-  
 tem illorum Maccabæorum mater suos fili-

Argumen-  
 ta in con-  
 trariâ par-  
 tem.



os ad perferendam pro iustitia mortem animata, nescio, inquit, qualiter in vtero meo apparuistis. Neque enim ego spiritum & animam donaui vobis & vitam, & singulorum membra non ego ipsa compegi: sed enim creator mundi, qui formauit hominis natiuitatem, quique omnium inuenit originem &c. En videtur hoc loco scriptura sacra, non aliter Deo membrorum figuratiorem tribuere, nisi quia formauit hominis natiuitatem. Eodem pertinet, quod Paulus in actis ait: DE VM ex vno formasse omne hominum genus. Hoc enim quomodo verum sit non facile intelligetur, nisi corpora saltem filiorum parentibus accepta ferantur. Cum igitur tam multis vtrinque nodis perplexa sit hæc quæstio, ne rem ex se manifestam minus firmis rationibus incertam efficiamus, haud consultum videtur, ex artificiosa corporis humani fabrica specialem prouidentiam corroborare: aut sanè ita cautè id faciendum, vt offendicula, quæ minus firmam videri hanc argumentationem faciunt, vel tollantur, vel euitentur. Euitari autem poterunt, si media quædam via inter duas priores multis scopulis impeditas aperiat. Ea porrò erit, neque prorsus negare Deum aliquid opis ad formationem foetus conferre, neque nullas parenti in eo officio.

ficio partes relinquere. In particulari verò suam cuique prouinciam assignare, & quid DEVS, quidue parentes faciant decernere, nec facile nec necessarium exiit. Sufficit enim in genere intelligi, non esse absurdum nec impossibile vtriusque communem esse hanc actionem, ac eo modo fieri, vt soboles non rarò parentem aliqua sui parte referat. Id autem sic declaratur. Qui solam naturam huic operi præficiunt, ij cum rogantur, quare cum natura specifica in omni semine eadem sit, non etiam omnium hominum eadem forma, eademque membrorum delineatio existat, nihil aliud respondere possunt, quam circumstantias quæ ad naturam communem adiunctæ, eam indiuiduam faciunt, non solum in causa esse, vt non cunctis sit eadem vultus & cæterarum partium habitudo, sed etiam efficere, vt filij sint parentibus similes. Si ergo illi huius rei non aliam possunt rationem reddere, quid mirum, si sub vno humani generis plaste Deo, propter particulares proximarum causarum circumstantias, maneat quædam parentum & filiorum similitudo? Posita etiam tali propin quarum causarum cooperatione, non amplius negotium facessent, quæ præterea obiecta fuerunt. Nam quia non pro sua potestate hic agit DEVS, sed ministerio pa-

rentum

rentum ad sobolis generationem vtitur, nõ requiri debet, quid ipse per se facere posset, sed quid naturæ, cui suas vires attemperare solet, conueniat. Atque hoc modo si ipsum corporis humani tam fabrè constructi opificem vsque in præsens manere dicamus, facile nos ab omnibus, quæ contra obijciuntur expediemus: id quod ij, qui prorsus contendunt sine Deo gigni animalia, nunquam facturum sunt. Quod cum probè sciret Auerrois naturæ vsque ad impietatem admirator, falsus est opus naturæ esse opus intelligentiæ non errantis. De cœli motore loquitur ille quidem; sed testor omnes veritatis studiosos, an non multò difficilius intellectu sit, quomodo per cœlum in orbem conuersum rude semen ad tantam elegantiam efformetur, quàm quomodo parens vim semini imprimat, qua se ipsum illi assimilet. Vt igitur semel finem huic argumento imponam, aio, cum prouidentissimè animalium corpora fabricari cernamus, vel eam prouidentiam in mente diuina residere, & obtinuimus singularia à Deo curari, vel in bruta & rationis experte natura, & hoc perinde absurdum est, atque si dicatur videndi sensum extra oculos subsistere.

*Abhuc alia quedam in se blunari mūdo cerni, ex*

*ni, ex quibus appareat DEI prouidentiam  
cœlo minimè terminari.*

## CAPVT V.

**A**Ntequam ad experimenta, quæ  
ex rebus humanis sumuntur  
transeamus, alia quædam diui-  
næ prouidentię in sublunari  
mundi parte documenta affer-  
re decreuimus. Diligēter autem cauebimus,  
vt notha à germanis discernamus, quòd mi-  
nimè committendum sit, vt in causa DEI,  
non aliter, atque si is mendacio nostro indi-  
geret, friuolis argumētis certemus. Primum  
igitur Chrysostomus homil. 10. ad populum Chrysost.  
Antiochenum argumentum diuinæ proui-  
dentię vult esse, quod terra, quæ aquas pon-  
dere vincit, ijsdem superemineat, ac veluti  
leuior innatet. Verùm quia certum non est  
terram in aquis natàre, imò quia probabili⁹  
videtur terram in medio & infimo totius  
mundi loco existere, aquas verò in eius ca-  
uernis velut receptaculis contineri, ac mul-  
to esse terra minorem; idcirco non magno-  
pere hoc vrgendum. Quemadmodum ne-  
que illud rectè ab ipso pro miraculo cele-  
bratur, quod radij solis, quos ignitos vult  
esse, descendunt, cum alias in superum lo-  
cum soleat ignis contendere.

Nam

Nam responderi posset, aliud ignem, aliud radium esse, & ignem quidem in superum locum ferri, radios verò cuiuscunque corporis lucidi tam deorsum, quàm sursum emitti. Alijs non leue providentiæ DEI ad omnia pertinentis argumentum videtur, quod Oceanus quem ipsi terra sublimiorem existimant, suis limitibus se cohibens in continentem non effundatur. Sed ij non satis firmis rationibus probant, aquas in medio oceano instar montis acervatas consistere. Nam quod S. Basilius de Sesostris affert, voluisse ipsum ex rubro ad Aegyptium mare fossam perducere, & coactum esse incepto desistere, quod intelligeret Aegyptum esse rubro mari depressiorem, atque ideo non potuisse illi absque periculo accessum ad eam patefieri, nihil aliud ostendit, quàm littora esse mediterraneis illius regionis locis editiora; cuius rei Aristoteles rationem vult esse, quòd Aegypti magna pars sit Nili ipsam interluentis opus. Cumque prius loca à continente remotiora fluminis aggestione siccata essent, etiam quicquid in medio relinquebatur à pelago seclusum, paulatim arefactum esse quidem, sed littorum altitudinem minimè æquasse. Malim igitur & hoc argumentum velut incertum relinqui, maximè cum in lunæ defectu umbra terræ semper

Lib. 1. meteorolog.  
ca. ultimo

A terræ supra aquas  
eminentia

semper rotunda appareat, id quod fieri non posset, si aqua in medio mari contra naturalem suam gravitatem suspensa penderet. Plus momenti habet, quod ijs locis, quæ ab animantibus incoluntur, terra aquarum elemento superemineat. Cùm enim si vtrunq; elementum suæ naturæ permitteretur, terra, pro sua ad infimum locum propensione, nõ posset vna sui parte quàm alia longius à centro abesse; id quia non fit, quàm aliam hic causam tanti miraculi fingemus, quàm Deum? Nec dici potest semel ita in mundi primordio terram DEI imperio extra aquas protuberasse, deinceps verò sine speciali eius cura in tali statu permanere. Nam ut concedatur globum terræ ad tempus eiusmodi figuram posse citra DEI opem retinere, quia tamen ea naturali ipsius ponderi aduersatur, sine vi maiore perpetua esse nequit. Vel igitur aliquando infra aquas terra subsidebit, ac viuentia cuncta suffocari necesse erit, vel si id Philosophus admittere nolit, utpote mundum statuens immortalem, DEI prouidentia illam sustentari dicat necesse est. Præterea quod elementa quum Ab alcio:  
per anni tempus maximè infesta esse debe- ncis dieb.  
rent, vnius animalculi causa deposita feritate mitescant, eidemque copiam suos pullos sine vilo negotio educandi præstent; dubio  
procul

320 DE PROVIDENTIA DEI  
 procul clarissimum est diuinæ providentiæ  
 argumentum. Est autem hoc animal auicula  
 quam Græci alcyonem vocant. Hanc enim  
 doctissimi naturalis historiæ scriptores tra-  
 dunt sub ipsum brumæ tempus oua sua in  
 littore ponere, ac post septem dierum incu-  
 bationem pullos excludere, alijsq; totidem  
 diebus illos educare. Per totos verò illos  
 quatuordecim dies mare tranquillum esse,  
 eaque de causa hos dies à nautis alcyonios  
 vocari. Testis huius rei præter alios pluri-  
 mos est etiam Aristoteles, nam eius libr. 5. de  
 historia animalium hæc sunt verba. Alcyon  
 parit circa solstitium hibernum. Quare cum  
 serenum est solstitium, septem qui præce-  
 dunt, & septem qui sequuntur dies alcyonij  
 vocantur, quemadmodum & Simonides ce-  
 cinnit sic inquit:

λαυθάνε-  
 μον ὦραν

*Quando hiberno mense Iupiter tranquillat dies  
 quatuordecim,*

*Ventilatum hoc tempus appel- lant, terrestres,  
 Sacrum, nutritium, versicoloris Alcyonis.*

A vultu-  
 um diuer-  
 sitate.

Et paulò post. Circa hæc igitur loca non  
 semper alcyonij dies contingunt solstitij  
 tempore. In Siculo verò mari propemodum  
 semper. Hæc Aristoteles. In miraculis etiam  
 veteres computarunt vultuum in tanta ho-  
 minum copia diuersitatem, atque idcirco  
 non leue momentum ad stabiliendam singu-  
 lari-



lariūm prouidentiam in eo positum esse arbitrati sunt. πὼς ἐσχηκότα τὰ εἶδη καὶ τοῖς χαρακτῆρσι διεσχηκότα; ὧν τοσούτον ὄντων αἱ ιδιότητες ἀνεφικλοῖ; inquit Gregorius Nazianzenus oratione 2. de theologia. Id est, quomodo stabiles formę & characteribus differunt, cumque tanta sit earum multitudo, proprietates innumerabiles existunt? Et alius; Quis, inquit, videns formas in tot milibus hominum discrepantes, & nusquam per omnia conuenientes, non hoc opus admiretur? Et causam secum reputans, comperiet prouidentię imputandum, quod tanta formarum in hominibus diuersitas sit. Considera enim, si eundem perpetuò characterem seruarent, quanta omnium rerum confusio sequeretur; quanta ignorantia homines occuparet, dum neque domesticum, neque alienum cognoscerent, neque hostem & malum ab amico & bono discernerent. Haud dubium, quin, vt Anaxagoras dicebat, omnia in vnum permista essent. Si enim ita res haberet, nihil obstaret, quo minus quis sororibus aut matribus consuesceret, aut prædaretur, aut in propatulo iniuriam irrogaret, si tātum in præsens effugeret. Etenim postea conspectus non agnosceretur. Sic ille. Non ausim tamen hanc rationem inter palmarías reponere. Nam pertinacior quispi-

Nemesius  
libr. de ho-  
mine.



am hîc negaret quicquam miraculi esse, verum idcirco tantam vultuum in hominibus diuersitatem inueniri, quod causæ particulares & circumstantiæ in singulis diuersæ reperiantur. Magis ad rem facit, quod multorum annorum experimentis compertum est eos, qui morte violenta consumpti sunt, etiam si aliquot ab eorum cæde dies præterierint, imò si aquis suffocati sint, ad præsentiam vel cognatorum vel homicidæ sanguinem profundere. Huius enim, quæ naturalis ratio reddetur? An, quod nonnullos dixisse video, existimabimus aliquem cadaueribus inesse sensum, quo suæ cædis auctores ab alijs hominibus discernant? Atqui hoc nemo dicturus est, nisi ipsis cadaueribus stupidior sit. Restat igitur, vt occulta DEI potestate res à legibus naturæ tam aliena fieri dicatur, partim vt quâti sanguinis vinculû sit faciendum intelligamus, partim vt homicidij auctores hoc modo prodantur. Iam enim aliquoties tali miraculo deprehensum esse constat, num ij, quos fama publica notabat homicidij rei essent. His non immerito illud quis adiecerit, quod capilli, quos resectos perpetuò repululare videmus, si crescere permittantur, non nisi ad certam longitudinem perueniant. Huius enim rei ratio non potest esse materiæ defectus, nam alioqui renascentibus

Ab eo q̃  
interfecti  
ad præsen-  
tiam ho-  
miciidæ  
sanguinẽ  
emittunt.

Leuinus  
Lemnius.

Acapillo-  
rum certa  
longitu-  
dine.

tibus quoq; tandem materia deficeret. Nec dici potest ab anima certam illis magnitudinem præscribi, prout ipsa reliquo corpori certum augmenti modum determinat, nam capilli animati non sunt. Ac Galenus profecto quem de quantumlibet obscuris quaestionibus semper videas aliquid dicere, hic tamen ingenuè suam ignorantiam confitetur. Id ergo cuius nulla ratio naturalis afferri potest, non malè fortassis inter diuina miracula numerabitur. Semper etiam admirabile mihi visum fuit, quod stomachus cibos, matrix foetum firmissime retinet, quoad hic maturuit, ille concoctus est. Nisi enim vel intellectus præditæ sint eæ partes, vel singulari quadam Dei prouidentia regantur, qui fieri potest, ut temporibus tam oportunis stringantur & laxentur; ut gallinæ uterus, qui aliàs tam angustum introitum habet, ut vix acus in eam inseri possit, tempore partus tam latè pandatur, ut tantæ magnitudinis ouum sine difficultate transmittat. Ita qui non dubitarem hanc rem inter diuinæ prouidentiae argumenta referre, si per Physicos liceret. Hi enim contendunt eadem naturæ facultate hæc vasa vim habere, id quod primum in ea inciderit, vndique amplectendi ac fibris & nervis suis cōstringendi, atque idem cum eo immutatum est, ut ipsis oneri futurum

Li. 18. c. 27.

esset laxatis ijsdem eijsciendi. Plura etiã alia commemorarem, quæ magni auctores providentiæ ad sublunarem mundum pertinentis indicia esse voluerunt, & in primis quod vlmī, tiliæ, populi albæ, solstitij tempore sic vertuntur, vt alia parte cœlum respiciant, quam pridie; quod rem vt stupendum providentiæ naturæ erga homines documētum tragicis vociferationibus Plinius prosequitur, nisi q̃ vnus p̃ miraculo ducit, aliud naturæ acceptum ferre malit. His ergo omīssis ad ea experimenta transibimus, quæ nulla tergiversatione eludi possunt.

*Humanum genus occulto quodam instinctu ad quasdam res gerendas incitari, idque primum rationibus probari posse.*

## CAPVT VI.



ANTEQVam ad experimenta historica veniamus, quæ hominem diuino instinctu subinde incitari testantur: non possum dissimulare, quid sentiam de vulgatissimo illo argumento, quo nonnulli existimāt se dēmonstrasse, primum actum voluntatis ab externo agente prouenire. Si enim aliquid virium hanc eorum probationem habere putemus, ideò negligi nō debet, quod magno adiuuamēto ad providentiam

tiam illustrandam futura sit. Si verò eā nullius ponderis esse arbitremur; quàm iusta ratione ita sentiamus docendum erit, ne sine causa ab alijs dissentire videamur. Sic ergo nonnulli argumentantur. Primus actus voluntatis est amor finis; ex hoc enim eorum, quæ ad finem conducunt, amor progignitur. Is autem neque est ab ipsa voluntate, neque ab obiecto; ab alia igitur extranea causa proficiscetur. Non esse à voluntate ex eo perspicitur, quod tunc in hominis potestate situs esset. Nam actus quos voluntas ipsa in se producit, quomodo non erunt voluntarij? Sed amor finis seu boni in genere, non potest à voluntate respui, non est ergo in arbitrio voluntatis situs. Sed neque ab obiecto, quod cogitatio voluntati amandum offert, ea voluntatis actio existit. Nam si hoc obiectum sui amorem in voluntate necessario producere valet, etiam quælibet alia valebunt, ac nulla eo modo libertas voluntati relinquetur. Quod si nec ipsa voluntas sit huius primi actus, effectrix, nec obiectum, sequitur aliud externum agens, ad eam efficiendam requiri. Illud autem proculdubio erit ipse Deus. Is enim solus in incorpoream hominis mentē ipse incorporeus illabi, eāq; ad boni amorem incitare valet. Præterea nulla res seipsam de potentia ad actum per-

Ratio ostendens primum actum voluntatis ab externa causa proficisci.

326 DE PROVIDENTIA DEI  
ducere potest, sed hoc ab eo quod in actu  
iam erat fieri necesse esse, quàm plurimis lo-  
cis tradit Aristoteles. Sed voluntas in poten-  
tia solum est ad primum actum suum, ergo  
ab eo quod actu erat à potestate ad energiam  
traduci debet, Deo videlicet. Quin & Ari-  
stoteles hoc idem sentire videtur. Is enim  
cum lib. 8. Ethicorum Eudemiorum, de pri-  
mo voluntatis motore quæstionem propo-  
suisset, sic illam dissoluit. τὸδε ζητούμενον τοῦ-  
τ' ἐστὶ τίς ἡ τῆς κινήσεως ἀρχὴ ἐν τῇ ψυχῇ. δῆλον δὲ  
ὡσπερ ἐν τῷ ὅλῳ θεὸς τὸ πᾶν κινεῖ, οὕτω πως καὶ  
πάντα τὸ ἐν ἡμῖν θεῖον. λόγος δὲ ἀρχὴ οὐ λόγος,  
ἀλλὰ τί χρῆττον. τί δὲ ἐν χρῆττον καὶ ἐπιστήμη  
ἐκείνῃς πλὴν θεοῦ. Id est: Quod verò queritur  
hoc est, quodnam sit motus in anima princi-  
pium. Perspicuum sanè quemadmodum cū-  
cta in vniuerso DEVS mouet, sic & omnia  
mouere, quod est in nobis diuinum. Ratio-  
nis verò principium non ratio, sed præstan-  
tius quid. Quid verò aliud scientia præstan-  
tius esse dicat quisquam, nisi Deum? Hac te-  
nus Aristoteles. Præterea omnes Philosophi  
saniores fatentur hoc vniuersum non esse  
cogentem naturarum quomodolibet cohæ-  
rentium, sed quæ vno cōmuni vinculo con-  
nectuntur, ordine videlicet ad vnum pri-  
mum motorem, quare iidem, si defendere  
velint

velint hominem suprema sua facultate in partibus vniuersi numerandum esse, nec velut ἐξ επιμέτρως & extra ordinē illi adhærere, eandē quoque à primo omnis motus principio gubernari cōcedāt, necesse est. Cū verò mentis humanę motus non queāt ad primum vniuersi rectorem interuentu vlliū corporis reuocari, eo quod virtus corporea tam subtilem attingere non valeat, restat vt spiritualement naturam ipse spiritus per se moderetur. Ad hęc quisquis considerat, quam mirabili ordine res corporeę inter se coniunctę sint, quodque omnes eorū motus ad vniustorporis, supremi videlicet cœli rapidissimam vertiginem, reuocentur, etiam si fortē Deum prorsus ignoraret ex illo visibiliū ordine aliquid esse colligeret, à quo mentis humanę, quę sub aspectum non cadit, motus & cogitationes regerentur. Multò minus is, qui supra cœlos etiam Deum totius visibilis mundi choragum agnoscit, dubitare debet, an hominis voluntas, quę ipsi similior est, quàm quicquam cæterorum, eiusdem regimini subiecta sit. Nec eludere Pōponati possunt has rationes, qui mentem per phantasiā, quę cœlorum influxui subiacet, ad DEVM reducere conantur: nam phantasia non aliter in mentem hominis agit, quàm id quod intelligi & optari debet præsentiando,

quod genus *ἐργείας*, nonnulli specificatio-  
nem actus appellant. Sed in tali actione à cœ-  
lo phantasia non dependet, verum siue cœ-  
lum in orbem gyretur siue quiescat, quan-  
do phantasma vllum facultati intellectiue  
offertur, ipsa illud apprehendere potest. At-  
qui dependere debebat, si in eo totius vni-  
uersi vnitas sita est, quòd in omnia primi  
motoris, si non immediatè, saltem alterius  
interuentu, efficacia dimanet, quemadmo-  
dum ad exercitus vnitatem pertinet, vt ad  
vnius ducis mandatum, quod per tribunos  
& centuriones ad quemque gregarium mi-  
litem peruenit, vél moueatur, vel quiescat.  
Hæc est eorum ratio nonnullis additamen-  
tis à me locupletata, quam vt fateor non esse  
contemnendâ, ita vereor ne quisquam dicat  
Aristotelem in illo Ethicorum Eudemio-  
rum loco, nō aliter Deum facere nostræ vo-  
luntatis primum instigatorem, quàm quia is  
animarum nostrarum effector est, ac vim ei-  
dem impressit, obiecti præsentis notionem  
& amorem intra se concipiendi. Hæc est e-  
nim peculiaris eius philosophandi ratio, q̃  
quæ alij per insitas vires fieri dicunt, hæc ille  
generanti attribuat. Attamen non solum de  
generali illa mouendi ratione locutum esse  
Aristotelem, indicio est, quòd tunc nihil ad  
propositam quæstionem respondisset. Quæ-  
reba-



rebatur enim, quæ esset ratio, cur vnus altero fortunatior esset, ac multis interpositis tandem concludit, primos animorum motus à Deo esse. Quo si nihil aliud significare velit, quàm DEVM humanæ menti facultatem eligendi indidisse, nihil ad Dionysum faceret hæc responsio. In sequentibus deinde, etsi textus sit valdè mutilus, facile tamè apparet, de illis instinctibus ipsum loqui, per quos fit, vt ij, qui rationem non sequuntur, sed ἐξ ἀλόγου ὁρμῆς ad agendum incitantur, crebro feliciter rem gerant. Horum autem nihil ad generalem voluntatis motionem accommodari potest. Itaque planè existimo, quicquid alibi dicat Aristoteles, hoc loco specialem prouidentiam à eo agnosci. Sed nunc dimisso Aristotele ad historias veniamus.

*Ex historijs idem liquere.*

CAPVT VII.

**F**ORTVItum id solemus appellare, quod inexpectatò & improuisò hominibus prosperè cadit, ac fortunatos, qui etiam quæ temerè & inconsultò aggressi sunt, felici exitu terminare solent: infortunatos verò, qui post quantamcunque industriam à se adhibitam, nihil tamen ex animi sententia perficere possunt. Porro quæ-



litum fuit à multis, num vlla certa causa existat, quæ hunc fortunatum, illum infortunatum efficiat, an verò nulla certa regula fortunæ munera dispensentur. Ac primum ipsum nomen fortunæ efflagitare videtur, vt sine ratione ac certa causa vnus *οὐριόδρομῆν*, alter aduerso amne & vento nauigare videatur. Contra tamen, quisquis reuoluit casus magnorum virorum, & repentinas quorundam exaltationes & inopinatas vicissim deiectiones, ortus quoque & occasus imperiorum considerat, cogitur confiteri id, quod vulgus fortuitum appellat, ab occultæ alicuius causæ destinatione, non rarò euenire. Iulius Cæsar summa temeritate res maximas aggressus, semper felicem successum habuit. Vnde factum est, vt opinione de perpetua Cæsaris felicitate in omnium animis oborta, nihil deinceps frustra ab illo tentatum iri crederetur. Quòd cum ipse haud ignoraret, existimauit se nauclero, qui ipsum periculosissimo anni tempore Brundisium è Macedonia vecturus erat, ob fluctuum vehementiam attonito, nulla re magis animum additurum, quàm si se fortunatum illum Cæsarem esse aperiret. Ignoto enim habitu, & clam hostibus Brundisium petere statuerat. Notum est illud veni vidi vici. Notum quòd cum in traiectione Hellesponti

parua

parua scapha vectus, à Cassio facilè opprimi posset, solo nominis sui terrore hostem multis nauibus instructum in fugam vertèrit. Notum quòd Labienus, qui sub Cæsarem in Gallijs strenui ducis officio functus erat, postquam ad Pompeiũ defecisset, semper infelicitè pugnàrit. Nec minus admirandis successibus Alexander Magnus vsus fuisse refertur. Nam cum in pugna ad Granicum Rosaces Persaetiferum illi ictum altissimè sublato ense intentaret, in ipso ferendi conatu à Clito Macedone exceptus obtruncatur. Cumque Memnon Rhodius regis Persarum stipendiarius, aliquot insulas ab Alexandro occupatas ad Darij imperium retraxisset, & in eo res esset, vt is, qui alieno imperio inhiabat, de ipsa Macedonia periclitaretur, ecce inopinato Memnon à rebus gerendis morbo auocatus, nec ita multò post mortuus fuit. Ac nescio, quæ Nemesis ita omni iudicio Persas orbabat, vt claustra Ciliciæ angusta, cum id nullo negotio facere potuissent, non tuerètur, ac tali in loco cum Alexandro confligerent, vbi propter angustias multitudo, qua longè superiores erant, nulli ipsis vsui esset. Vidit nostra ætas Carolum quintum cum veteribus monarchis rara quãdam felicitate comparandum, vt eo nomine etiam Turcis ipsis formidabilis fuisse

332 DE PROVIDENTIA DEI  
iſſe dicatur. Pleraque iſ bella alieno ductu  
abſens confecit, ac propterea nonnulli forte  
ſuſpicabuntur, virtuti militum eius tribuen-  
das eſſe victorias, quæ ipſi obtulerunt. Ve-  
rum hanc ſuſpicionem diluit, quòd eoſdem  
milites, qui ſub Carolo ſtipendia merentes  
inuiſtos ſe præſtiterant, ſcribat Iouius à re-  
ge Galliæ poſtea conductos, vna cum prin-  
cipe etiam fortunam mutâſſe. Rurſum alij  
in hiſtoria tam cæci & amentes proponun-  
tur, vt manifeſtè appareat eos fatalibus qui-  
buſdam cauſis in interitum trahi. Quot in-  
dicijs fuit Dario Beſſi perfidia patefacta,  
quot modis, vt ſibi ab illo caueret, admoni-  
tus eſt? Sed omnia fruſtra. Itaque Curtius,  
poſtquam Darij tantam ἀνάμνησιν narrâſ-  
ſet, ſubiungit ſe credere, æterna conſtitutio-  
ne, nexuq; cauſarum quemque ſuum ordi-  
nem immutabili lege tranſcurrere.

Rurſum tanta Candaulæ dementia fuit,  
vt non ante conqueſcere potuerit, quàm v-  
xorem ſuam nudam famulo ſuo Gygi re-  
luſtanti, & multis rationibus hoc diſſuadeti  
oſtendiſſet. Quæ res Herodotum commo-  
uit, vt cum tantam ipſius ἀβελίαν com-  
memoraturus eſſet, præſatus fuerit χρῆν γὰρ και-  
δάμνη γενέσθαι κακῶς. Præterea tot in hiſtori-  
js occurrūt exempla eorum, qui repente vſ-  
q; ad cœlos elati, ſubito rurſum ad ima præ-  
cipi.

cipites deciderunt, vt inde nata sit opinio in-  
 ter homines, nimiam prosperitatem esse rui-  
 næ prænunciam. Quocirca veteres, si quando  
 inusitato aliquo successu vterentur, sollici-  
 tudo eorum animos subibat, num fortè in-  
 flexu eorum res essent. Theramenes, cum  
 domus è qua prodierat, post eius egressum  
 corruisset, alijs ei de tanta felicitate gratu-  
 lantibus, ipse aiebat, ὦ ζεῦ τίς τίνα μὲ καὶ ῥόν Aelianus  
 φύλακῆς, id est, ô Iupiter, in quod me tem- libro 9.  
 pus reſeruas. Nec multò post à triginta ty-  
 rannis cicutam bibere coactus est. Polycra-  
 tes Sami tyrannus, cùm diuturna felicitate  
 vsus, aliquid mali sibi per illam protendi cõ-  
 iiceret, annulum suũ in mare abiecit, sperans  
 eo modo se imminenti incommodo posse  
 defungi. Sed eundem annulum coquus eius  
 in pisce, quem in foro emerat inuẽtum, do-  
 mino suo restituit. Scilicet grauior casus Po-  
 lycratem manebat, vt euentus postea decla-  
 rauit. Nam ab Oronte Darij præfecto, in ex-  
 cellissimò Mycales montis vertice cruci af-  
 fixus est. Hanc historiam apud Valerium li-  
 bro 6. inuenturus es. Cùm Philippo Mace-  
 doniæ regi, vno atque eodem die multa læta  
 nunciarentur, ô fortuna, inquit, exiguum a-  
 liquod malum, his tot bonis oppone, non  
 dubitans, quin post tantam prosperitatem  
 aliquid aduersi consecuturum esset. Auctor

Plutarchus in apophthegmatibus. Omnium  
verò clarissimè ex imperiorum ortu & oc-  
casu perspicitur, minimè fortuita esse, quæ  
fortunę tribui solent, sed excelsum in regno  
hominum dominari, & cuicumque voluerit  
dare illud. Nam ut de Assyriorum monar-  
chia taceam, eò quod pauca de eius exortu  
scribantur, Cyrus quem primum monar-  
cham celebrant historiæ, breuissimo tem-  
pore sibi totum orientem subiëcit, nequic-  
quam conspirantibus contra eum potentis-  
simis Babylonis & Lydiæ regibus. At vicis-  
sim quanta celeritate idem imperium in su-  
is primordijs caput extulerat, tanta per Ma-  
cedonas depressum fuit. Nam hi vno ppetuò  
victoriæ cursu, primum occupata minori  
Asia, deinde Palæstina, Syria, & Aegypto in  
potestatem reductis, ad postremum ipsa re-  
gia persarum debellata, nullum vestigium  
Persici imperij reliquere. Post hos Roma-  
ni, licet non tam brevi tempore maximum  
illud ab omni hominum memoria imperi-  
um fundarint, multi tamen admirandi eo-  
rum successus indicant, ipsos non fortunę te-  
meritate, sed occultioribus causis adiutos,  
illud sibi peperisse. Primum consideratione  
dignum est, quod cum multi essent, qui Ro-  
manorum incremento inuidebant, nun-  
quam tamen ijs in mentem venerit, ut illos  
iunctis

functis viribus oppugnarent. Bello Macedonico quieuit Antiochus, qui si vires cum Philippo coniunxisset, in graue discrimen, res Romana adducta fuisset. Antiocho confecto Mithridates se contra Romanos extulit, Tigrane spectante & exitum rei præstolante, quasi fatale esset Romanis, cum vno tantum rege decertare. Adde huc tot mirabiles victorias de hostibus partas, cum nec numero nec viribus cum ijs conferri possent.

Lucullus cum exercitu 10. milium hominum contra Tigranem, qui innumerabili multitudine pugnantium formidabilis erat, occurrere ausus fuit. Quem cum tam angustè metatum ex edito loco Tigranes conspexisset, si, inquit, legationem obituri veniunt hi Romani, iusto maior est eorum numerus: si verò acie decertari, nimis exiguus: addens tam paucos non suffecturos eanibus, quos in castris habebat. Sed paulò post, cum paucos illos leonina audacia in se infestos tendere vidit, adeò ipse cum toto exercitu suo perculsus est, vt vultum Lucullianorum intueri vix sustinuerit. Atque hanc tam memorabilem victoriam Antiochus Philosophus in libro de dijs immortalibus, haud dubium, quin vt Dei prouidentiam ex illa stabiliret, auctore Plutarcho retulit. Scio nonnullos dicturos Romanorum virtuti & hostium

In vita  
Luculli.

hostium ignauia tales victorias imputandas esse, verum hos rogare velim, quæ Romano-  
rum virtus & Carthaginensium ignauia Rem-  
pub. seruauit, cum toto robore militum inter-  
fecto, Hannibal nullo negotio ipsum caput  
imperij occupare potuisset? Quis, quando  
exercitum vrbi admouens, etsi nocte cum  
tribus satellitibus, quid in vrbe gereretur  
speculatus, animaduertisset nullum exerci-  
tum ad vrbis defensionem præsto esse, om-  
niaque tumultu & pauore plena, non aliter  
tamē, quàm si non Hannibal, sed alius quis-  
piam nullius pretij dux fuisset, nullo memo-  
rabili edito facinore discessit? Sed frustra e-  
go, quoties occulto quodam fato Roma ser-  
uata sit ostendere conor, cum proprio libel-  
lo hoc argumentum Plutarchus tractarit.  
Illud ex posterioribus historiæ Romanæ  
scriptoribus admonuisse satius erit, quanta  
felicitate hoc imperium primò creuit, tanta  
infelicitate post expletā fatalem periodum  
denuo pessum iuisse. Vt enim antea non nisi  
vicissim ab hostibus suis Romani oppugna-  
batur, sic ecōtra vergēte ad exitū imperio,  
vno tempore Gothi, Franci, Sueui, Hunni,  
Vandali, Quadi, Burgundiones, Thuringi  
in prouincias Romanas tanto impetu effun-  
debantur, vt tot simul locis defendendis nul-  
la militum copia par esset. Huc accedebant  
crebrę



crebre ducum & præfectorum, quorum tu-  
 tele commissa erat Respub. defectiones. Et si De Aëtio  
hæc intel-  
ligenda.  
 qua imperij columnina supererant, hos im-  
 matura mors velut inuidēs reflorescētī im-  
 perio de medio auferebat. Porro quicquid  
 de Romano imperio huc vsque diximus, id  
 in aliorum regnorum initijs & fine accidisse  
 ex historijs liquet. Quàm breui tempore  
 Sarraceni non modo totum orientem, sed Sarraceni.  
 & Africam vniuersam, vna cum Hispania  
 vsque ad Pyrenæos alpes suæ ditionis fece-  
 runt. Quàm obscura & ignobilis Tartaro- Tartari.  
 rum origo? Et tamen iidem illi repente ex  
 pastoribus milites facti, rege Indorū Pres-  
 bytero, Ioanne, cui antè seruiebant, in acie  
 occiso, eiūs subditos tributa sibi pendere co-  
 egerunt. Hinc in varia agmina diuisi, ex vl-  
 timo oriente vsque ad Poloniam & Hunga-  
 riam ferro & cædibus grassati sunt. Ac tam  
 latè sui nominis terrore omnia compleue-  
 runt, vt homines aduentum eorum non ausi Matthæus  
michou.  
 præstolari, desertis oppidis ad syluas & mō-  
 tes, quo se ab eorum violentia tuerentur,  
 confugerent. Omitto nunc, quàm mirabili  
 felicitate Hellespontum transgressi Turcæ Turcæ.  
 Constantinopolitanum imperium & vicina  
 regna, vsq; ad Germaniam & Poloniam, de-  
 uictis tot bellicosissimis gentibus, occupâ-  
 rint. Non commemoro, quod Aeneas Syl-



Lusitani  
& Castellani.

uius scribit, viginti annorum spatio, plusquam centum vrbes christianas Turcarum imperio subiectas esse. Taceo Selymum Amurathis filium paucis mensibus Mameluchorum potentissimam tyrannidem dissoluisse. Verum quid ductu regum castellæ & Lusitanie in vtraq; India nostra penè memoria actum sit, considerari velim. Non dubito enim, quin is, qui libera mente heroica Lusitanorum Pacieci & Albuquerqueij in oriente, Francisci verò Cortesij Castellani in occidente perpenderit, lubenter agniturus sit, vi maiore quàm humana Indiarum recentia imperia fundata esse. Quis enim credat humanis viribus fieri potuisse, vt Albuquerqueius exercitu mille & quingentorum Lusitanorum & Indorum trecentorum intra sex horas Goam urbem maximam, armis & tormentis, fortiumque militum præsidij, ac hominum multitudine refertam expugnaret? Maximè cum Goenses tanta pertinacia resisterent, vt in vestigio mori maluerint, quàm vitam ab hoste dono accipere. Quis existimet Paciecum humano præsidio cum septuaginta Lusitanis & mille Indis, exercitum quinquaginta & septem milium hominum sustinere, imò & in fugam conijcere potuisse? Quis arte humana factum esse arbitretur, vt tela innumera, ea-

que

que tanta vi nonnunquam contorta, vt scuta & moles obiectas facillimè dissiparent, neminem Lusitanorum leserint? Aequè etiam incredibile est, Cortesium sine secreta occultioris causæ cooperatione cum paucissimis Hispanis è Temistitan vrbe, quæ in magno lacu instar Venetiarum sita est, vijs omnibus ab infinita Indorum multitudine infests, per vim erumpere quiuisse. Patet ergo ex imperatorum mirandis successibus, ex quorundam repentina elatione & consequente mox depressione, denique ex regnorum & imperiorum minimè vulgaribus initijs & occalibus, non esse fortunam bonorum & malorum hominibus dispensatricem, eò quod fortuita omnia incerta vicissitudine alternent, nec diu in vnam partem stabiliter propendeant, homines verò & republicæ humanæ subinde multorum annorum felicitate stupenda fruuntur, subinde verò aduersis casibus assiduò vexentur. Insuper quædam communis animi conceptio est, nonnullos homines fortunatos, nonnullos verò infortunatos existere, non solum si præteritos eorum successus, sed etiam si futuros respiciamus. Itaque Cicero cum in oratione pro lege Manilia, quæ in summo belli duce requireretur enumeraret, præter scientiam rei militaris, virtutem & auctorita-

Cicero requirit in Imperatore felicitatem,

Ex præce-  
dentibus  
infertur  
Deum cu-  
rare res hu-  
manas.

tem, etiam felicitatem in eo considerandam esse statuit. Verùm si nulla certa sit humane *διουχίας* causa, sed inter prospera & aduersa semper incertus fluctuat, nunquam ex præterita fortuna sic quisquam fortunatus dici posset, vt etiam de futura eius felicitate spes conciperetur. Quibus eum in modum constitutis, inquirendum nunc porrò quid sit, quod homines fortunatos vel infortunatos efficiat, an occulta numinis prouidentia, an alia quædam naturalis causa. Ac non esse huius rei vllam naturalem causam vt ostendatur, intelligamus oportet, ad absolutam felicitatem tria requiri; primum est electio eius quod in rem futurum est, alterum dexteritas quædam & promptitudo eius, quod eligendo probatum est, in opus conferendi, tertium, non solum nullis infortunijs extranverso incurrentibus à scopo suo retardari, sed potius casu oblatis adiumentis ad eius consecutionem prouehi. Ac primum quidem horum non ausim inficiari, à natura cuiquam insitum esse posse. Nihil enim prohibere videtur, quominus naturalem quis facultatem adeptus sit, sine diuturna deliberatione id, quod in re qualibet optimum factu sit, peruidendi. Sed neque secundum tale est, vt causam supranaturalem considerare videatur. Potest enim corp⁹ hominis

nis innata quadam dexteritate præditum esse, ad mentis cogitata exequenda. Videas nō nullos ad musicam, alios ad rem militarem, alios ad fabrilem artem, alios ad alia exercenda veluti natos. De poetis vulgatissimum est, eos non tam studio fieri, quàm à natura progigni. Et D. Augustinus cum libro quarto de doctrina christiana diceret, eloquentiam aut cito disci, aut nunquam, haud obscure indicauit, plus in ea arte discenda naturam posse, quàm studium. Siue igitur ab astris, quod Astrologi contendunt, siue à corporis temperatione, siue aliunde hæc duo suam trahant originem, id certè negandum non est, vtrunque stabiliter inherentem habitum posse existere. Verùm propter hæc nemo fortunatus dici debet; siquidem fortuna ijs in rebus locum habet, quæ præter opinionem & insperatò eueniunt. Ac sunt, quibus neque acumen optima consilia celerrimè excogitandi deest, neque manuum promptitudo ad ea, quæ animo conceperunt peragenda; & tamen inopinato aliquo infortunio à cursu quem tenebant, excutiuntur. Alij vicissim neque recta consilia capere valentes, neque capta in rem conferre, dum, quod ad ipsorum prudentiam attinet, in nō dubium properant interitum, aliquo inexpectato casu interueniente, plerunque inco-

Homines  
ad quoddā  
artes à natura facti  
sunt.

lumes euadunt. Hoc modo fortunati Romanij, quos cum Terentij Varronis consulis inconsulta temeritas, quantum in ipso erat pessunderat, Hannibalis, victoria vti nescientis, ἀβελία crexit. Atque hoc tertium illud erat, quod requiri dicebam, vt quispiam fortunatus habeatur. Id verò nemo sobrius existimabit eiusmodi esse, vt inter naturales dotes referri, aut ab vlllo naturali agente originem sumere possit. Naturalia enim ad vnum quidpiam tendunt; at verò vt Varrone malè pugnante Hannibal nesciat vti victoria, duo sunt euēta diuersa, nullam connexionem, aut vnitatem inter se habentia; quare vni causæ naturaliter agenti, vtrūque acceptum referri non debet. Verùm si non vnum alterius σύμπτωμα existit, ab intelligente natura inter se coniuncta sunt. Id quod & Hannibal ipse alioquin homo, cum in militia magis, quàm Philosophia detritus, non ignorauit. Cùm enim postea vrbi exercitum admoueret, & Romani cum ipso pugnam inire non defugerent, ac bis à conferendis manibus pluuiā ingruente prohibiti essent, fassus est diuinum numen, ROMANIS propitium esse. Quocirca abducto ab vrbe exercitu questus est Romæ capiendæ aliquando sibi voluntatem deesse, aliquando facultatem. Ac vulgus ethnico-

rum

rum quando fortunam pro Dea colebat, ac bonorum & malorum promam condam arbitrabatur, nihil aliud profectò volebat, quàm Dei nutu fieri, vt homines vel fortunati sint, vel infortunati. Animaduerto etiam Demosthenem in oratione pro Ctesiphonte, cū ait sibi nō idcirco esse calamitates Græciæ imputādas, quòd bellum, cuius ipse sua for & instigator fuerat, infelicem exitum habuisset, nunc quidem dicere boni ciuis esse optimis consilijs rempub. iuuare, euentum verò in fortunæ potestate relinquere, alias verò idem repetere pro fortuna DEI nomen substituendo. τὸ πέρας, φησὶ, ἧς ἀνδράσιμων βεληδὴ πάντων οὕτω γίνεται. Id est, cuiusque rei talis exitus, qualem DEVS vult. Et paulò post. οὐ τῆς τύχης κύριος ἦν, ἀλλὰ ἐκείνη ἀπάντων, id est, non erat respub. fortunæ domina, sed illa omnium. Vnde intelligitur, cunctos mortales tacito quodam naturæ instinctu impelli, ad credendum fortuitos euentus à Deo temperari, vsque adeò vt & Plinius diuinæ prouidentiae irrisor, commotus rerum illarum præstantia & utilitate, quæ casu ab hominibus inuentæ videntur; casum & DEVM pro ijsdem acceperit. Atque hoc aliud argumentum est, quo & ipse clarissimè conuinci existimo, hominis menti aliquando salutares impetus

Demosthenes, pro eodem accipit Deum & fortunam,

a D E O immitti, cuius explicationem melius erit in sequens caput reijcere.

*Idem ex rerum ad vitam, utilium in-  
uentione demonstrari,*

### CAPVT VIII.



T planum fiat, nō omnia, quæ ad vitæ ornamentum ac tutelam pertinent, sine Deo monstratore ab hominibus inueniri potuisse, pauca quædam ex multis admirabilium inuentorum exempla hoc loco proponam. Primum in agriculturę disciplina, quis credat sterilitatis agrorum medicationes, & quicquid in hortorum & arborum cura rusticana obseruat industria, solius ingenij humani, eiusque agrestis & inculti inuenta esse? Ipsa illa, quæ usu quotidiano cunctis notissima sunt, caseus, ceruisia, & sal factitium, tali modo conficiuntur, qui nisi Deo suggerente nemini in mentem venire potuisse videatur. Quis enim per se cogitasset, hordeum, vnde ceruisia coquenda est, primū aquis macerari debere, ac deinde postquam siccatum fuerit, molæ tradi. Quis peruidisset lupulum tam esse accommodatum ceruisiæ condimentum? Ac talium exemplorum tam plena est hominum vita, vt in singulis ferè artificum officinis aliquod  
soler.

Ceruisia.



solertię humanę plusquam inuentũ occur-  
 rat. Apud coriarios videre est, querno cor. *Corium.*  
 tice minutatim confraeto, & commolito  
 conditum corium tale fieri, vt neque ficci-  
 tate dureſcat, neque humore laxetur. Apud *Ollæ ficti-*  
 figulos ollæ fictiles primũ argilloſa aqua *les.*  
 madafactæ, deinde plũbo in puluerẽ cõmi-  
 nuto cõſpergũtur, vnde fit, vt quãdo in for-  
 nace coquũtur, liquefacto illo puluere, cru-  
 ſta quadam leni & nitida integantur, quæ  
 non ſolum decus & venuſtatem illis concil-  
 liet, verũ & liquorum, quibus imbuũtur,  
 minus bibulas præſtet. Apud lignarios fa- *FabrL*  
 bros inuenitur genus quoddam bituminis,  
 ex ea materia confectum, quam coriarij à  
 pellibus abradunt, tantæ in conglutinando  
 potentiæ, vt quæ trabalibus clauis ſibi mu-  
 tuo affiguntur, non firmitus cohæreant,  
 quàm quæ illo glutine coniunguntur. Apud *Nautæ*  
 nautas ſpectabilis eſt acus ferrea, ex attri-  
 tu ad magnetem hanc vim adepta, vt quan-  
 do ſuper alterius ferramenti acumine libra-  
 tur, vna ſui extremitate (illa nimirum, quæ  
 magnetem attigit) ſeptentrionem reſpiciat,  
 altera meridiem. Cuius rei inuentio tam  
 præclara eſt, vt nunquam ſatis pro dignitate  
 laudari poſſit. Huius enim præſidio nouus  
 orbis ab Hiſpanis detectus. Huius beneficio  
 tam cõmodè nunc cœlo nubilo & denſiſſi-



346 inis noctis tenebris nauigatur, quam olim in  
fulgentissima siderum luce. Itaque nunc fre-  
quentiora & securiora sunt extremis Sina-  
rum incolis, cum Europæis cōmercia, quam  
veterum ætate Hispanorum cum Britannis,  
qui tractu maris non ita longo ab inuicem  
disiunguntur. Apud argentarios fabros cer-  
nere est aurum, alijs metallis admirabili arte  
circūduci. Est autem talis. Aurum liquefa-  
ctum argento viuo permixtum illinunt rei  
quam inaurare volunt: hinc tantisper illam  
foculo adhibent, donec argento viuo per ig-  
nem euaporante solum aurum relinquatur.  
Apud Pharmacopolas videas omnia mor-  
borum remedia, quæ ex sinu suo terra pro-  
fundit in ordinem digesta, & venum expo-  
sita esse. Et quod maiori dignum admirati-  
one, animaduertere licet oportuno tempo-  
re, hoc est cum ipsis morbis, ea, quibus cūra-  
rentur, medicamenta apparuisse. Cū ante  
annos aliquot infamis illa Gallica lues vete-  
ribus medicis ignota primum conspiceretur,  
non multò post in India inuentum anti-  
dotum, quod præsentissima vi huius morbi  
depellendi præditum est, lignum scilicet  
Guaiacum, omnibus in pharmacopolijs no-  
stro tempore venale. Nunc quoniam exem-  
plorum sat multum recitauimus, etiam at-  
que etiam expendi velim, num hæc & plura  
hoc

hoc genus talia sint, vt à solo homine citra occultam Dei opem inueniri potuerint. Et si quidem sua solius opera tam variam rerum vtilissimarum suppellectilem in lucem protulisse dicatur, quæro num de industria quærendo eam inuenerit, an aliud agenti casu oblata sit. Hic quicquid responderis, semper tibi aqua hærebit. Nam si casu & aliud agentibus tot morborum remedia, totque alia humanæ vitæ adiumenta innotuerunt, multò deterior esset hominum, quàm bestiarum hac in parte conditio. Quicquid enim bestiis ad vitæ subsidium & tutelam necessarium, id certa naturæ prouidentia adipiscuntur. Norunt iam inde à primo ortu suorum morborum remedia, norunt quæ tanquam perniciosa declinare oporteat. Atqui, si tu vera dicis, homo nisi inopinato casu discat, quibus remedijs labantem valetudinem confirmare, alijsque difficultatibus occurrere debeat, in maxima rerum necessariarum egestate versabitur, nec ulli vsui erūt, quæ ipsi tam diuiti vbertate natura profundit. Quæ sanè vt à quopiam Epicuri discipulo admitti æquo animo feramus, eo quod suis principijs consentanea dicat, quis tamen eos, qui vnum mundi conditorem Deum, & certam causarum seriem confitentur, talia docere non indignetur? Si verò ais, homines  
dum

dum ad quærēdum necessitas extimularet, singula explorantes, tandem ad id peruenisse, quod ipsis remedio futurum erat, non inficiabor equidem astu humani ingenij multa, cum duris in rebus egestas vrgeret, excogitari potuisse, sed nonnulla hominum inuenta eiusmodi sunt, vt manifestè appareat, illa inquirendo minimè deprehensa esse. Industriæ humanæ eorum inuentio tribuatur, quorum vtilitas qualicunque ratiocinatione perspicui potuit, vt calida medicamenta contra morbos frigidos valere: at incredibile est, quærentibus contra serpentum ictus remedia, sine diuino instinctu in mentem venisse, quod caro bestię, quæ morbum genuit, eundem depellere possit. Ac si fortè quispiam Philosophus, & arcanorum naturæ haud ignarus, pro ingenij sui præstantia tam secretas rerum vires odoratus esse concedatur, quid de mulierculis & imbecillis iudicij hominibus dicemus, qui eruditos nõ raro inueniendi felicitate excellūt; Cùm aliquando Louanij tabulatum frumentarium collegij Vigliani, in quo degens hūc librum composui, vermiculis abundaret, qui frumentum fœdè depopulabantur, muliercula quædam aquam nobis medicatam obtulit, qua si tabulatum aspergeretur, aiebat fore, vt omnis illa vermiculorum turba inde faccesseret.

Vulgus felicius in inueniendo, quàm docti.

tefferet. Nec fefellit suam vatem euentus. Nam postquam illo remedio vsi essemus, deinceps ab illa vermiculorum infestatione tuti fuimus. Notatum quoque est à nonnullis, nouam illam stellam, quæ superioribus annis apparuit, pri<sup>9</sup> ab indocto vulgo, quàm ab Astronomis animaduersam fuisse. Nul- lum igitur hic locū habet ea suspicio, quod homines acuti talia naturæ secreta ratioci- nando inuestigarint, sed fatendum, à DEO afflictis mortalium rebus consulente, illa o- stensa esse. Non quòd oraculo aliquo cœlesti talium adminiculorum inuentores admo- nitos esse arbitrandum sit, verū fieri po- tuit, vt occulto DE I afflatu excitati sint ad eius rei facultatem explorandam, quæ con- tra id malum, cuius quærebatur remedium profutura erat. Vel alio modo pro immensa sua sapientia DEVS efficere potuit, vt sine manifesta reuelatione huiusmodi inuentis hominum vita locupletaretur. Sed vtcun- que ea res se habeat, prorsus agnoscendum est, sine DEI ope tam admirabiles quarun- dam rerum vsus non innotuisse, quando- quidem & Plinius, quem constat initio na- turalis historiæ DEVM è mundo relegasse, cum ad hanc de rerum inuentione materi- am ventum esset, nimio veritatis fulgore cæ- cos ipsius oculos feriente, priorem sententi-  
am

Plinius p-  
vidētiam  
Dei confi-  
tetur.

am retractavit & providentiam Dei aperte confessus est. Verba eius in præmio libri 27. hæc sunt. Nec dubiè superata posset videri etiam rerum naturæ ipsius munificentia, si humani operis esset herbarum inuentio. Nunc verò Deorum fuisse eam apparet, aut certè diuinam etiam cum homo inueniret, eandemque omnium parentem & genuisse hæc & ostendisse, nullo vitæ maiori miraculo, si verum fateri velimus. Et sequenti capite: Si quis illa forte ab homine excogitari potuisse credat, ingratè Deorum munera intelligit. Et initio tertij capitis: Hic ergo casus, hic est ille, qui plurima in vita inuenit DEVS. Hoc habet nomen, per quem intelligitur eadem & parens rerum omnium & magistra natura. Hæc Plinius. Vbi tandem ad suam priorem de natura sine Deo cuncta gignente imaginationem relabitur; sed non sine nota pertinaciæ id, quod semel effutuerat, defendēdi. Quis enim non videat, priora eius verba, simpliciter diuinam providentiam sonare, postea verò ipsum factum sui memorem, id quod prius benè dixerat peruertisse? Si enim per casum hoc intelligit, quod vulgò solemus, quid duritæ cohæret, quàm hæc tria, casus, DEVS & natura, cum Dei nomine rem summa præditam sapientia intelligamus, casus autem sit res plena te-

na te-

na temeritatis & insipientiæ? Nonne æquè appositè dixeris lucem esse tenebras, & nigrum album? Insuper quænam hæc quæso natura est, quæ homini ostendit, quod ipse ratiocinando excogitare non potuisset? An hominis? Atqui tunc omnibus æquè promptum esset, eiusmodi occultas rerum facultates pernoscere. Adhæc nemo in se hanc naturalem cognitionem experitur, sed quisquis tale quippiam inuenit, vel casu id factū arbitratur, vel diuina prouidentia. An alterius cuiusquam rei natura. Sed nulla res præter Deum & spirituales naturas Deo subiectas tam potens est, vt humanæ menti illabi, ei que agenda dictare queat. Patet igitur hūc hominem, dum tantæ luci tenebras suæ impietatis admiscere voluit, inextricabilibus se laqueis implicuisse. Deinde sunt etiam exempla quædam memorię prodita, in quibus non tectè, sed palam Deus quædam morborum antidota demonstrasse refertur. Nam vt idem Plinius lib. 25. cap. 2. ait, suo tempore cuiusdam militantis in prætorio mater per quietem admonita fuit, vt radicem siluestris rosæ, quam cynorrhodon vocant, blanditam sibi primo aspectu in frutectis, mitteret filio bibendam. Is enim in Lacetania à rabido cane morsuserat. Casuque accidit, vt cum miles, vti fit, aquas pauere inciperet

ret superueniret epistola orantis, vt pareret, religioni. Paruit, & seruatus est, ac deinceps & cæteri, qui hoc remedio vsi fuerunt. Sed quid adhæc Plinius? Scilicet ingenuè hoc inuentum non casui, sed Deo, quem hîc à casu distinguit, tribuendum esse confitetur. Nam antequam hanc historiam narrare incipiat, In repertis, inquit, herbis alias casus, alias vt verè dixerim DEVS inuenit. Quin & Hippocrates libro de somnijs testatur, sibi nonnulla remedia in somnis ab imagine quadam apparente ostensa esse, & Galenus narrat, se cum diu sollicitus fuisset, quopactò quendam ex splene laborātem curaret, somniasse quod secaret venam, quæ est inter digitum auricularem & annularem. Quo remedio postea vsus, ægrum sanitati restituit. Nec dubito, quin omnes magni artifices, omnes magnarū sodalitatū institutores, quas in Christiana religione ordines appellare solemus, diuino afflatu instincti heroica sua cœpta perficere potuerint. Sed neque sc̃ctæ, & schismata tam latè breuis imo temporis spatio diffunderētur, nisi quibusdam malorum dæmonum furijs primi falsarum religionum satores Deo id permittente agitati, mirabili quadam verborum potentia hominum imaginationem velut excantarent. De Mahumete Arabes dicunt, tanta eum Arabicę



rabicæ linguæ facundia polluisse, vt neque angeli elegantiorẽ librum, quàm est eorum Alcoranus componere possent. Quid de Lutheri spiritu, quẽ ipse nonnullos ex suis scriptis hausisse iactabat, sentiendum sit, si Lutherani à me audire non sustinent, ex Erasmi saltem Roterodami hyperaspiste discere ne grauentur. Anabaptistæ verò Monasterienses, quomodo tam firmiter in animum inducere potuissent, vilissimum illum sartorem Ioannem Leydensẽ à Deo missum, vt regnum Israel instauraret, Amsterodamenses, quopacto combustis vestibus, tam fœminæ, quàm mares per plateas contra naturalem pudorem nudi discurrissent, nisi fanático spiritu in omne nefas præcipites acti fuissent? Auctor est Gilbertus cognatus in libello de historijs tragicis, Anabaptistam quendam deserta legitima cõiuge è Saxonia aufugisse Argentinam, ibiq; aliam priore viuente duxisse. Sèquentẽ verò vxore & maritum suum repetente Saxoni illi à magistratu Argentinensi optionem delatam, malletne vxorem pristinam pro coniuge agnoscere, an tanquam adulter in Rheno submergi; actum illum obstinato animo renuisse priorem coniugem, & mori satius duxisse, quàm cum illa in gratiam redire. Anne verò credibile est hominem il-

Nicolaus  
de cusa in  
cribratio-  
ne Alcora-  
ni.



lum tam vāsanam pertinaciam induere potuisse, nisi à cacodæmone instigatus fuisset? Minimè verò. Ac tam latè pater hæc specialis humanarum cogitationum prouidentia, vt ex priuata sua vita quisque eius exempla proferre possit, vsq; adeò, vt neque mihi futura essent luculèta singularis erga me Dei curæ testimoniā, nisi vèrerer, ne eorum cōmemoratio quibusdam ambitione haud carere videretur. Itaque illis, quæ mihi acciderunt omīssis, ex Possidonio de vita Augustini insigne documētum specialis erga priuatum hominem prouidentiae recitabo. Verba Possidonij hæc sunt. Scio, inquit, non solum ipse Possidonius præsul, qui hanc vitam conscripsi, verumetiam alij fratres & conferui, qui nobiscū tunc intra Ecclesiam Hipponensem, cum eodem sancto viro vivebant, nobis pariter ad mensam constitutis eum dixisse: Aduertistis hodie in Ecclesia meum sermonem, eiusque initium & finem cōtra meam consuetudinem processisse, quoniam non eam rem terminatam explicuerim, quam proposueram, sed pendentem reliquerim. Cui respondimus: ita nos in tempore miratos fuisse scimus, & cognoscimus. At ille: credo, ait, quòd fortè aliquem errantem in populo, dominus per nostrum errorem, & obliuionem curari,

& docere-

Exemplū  
declarans.  
quod cō-  
ditionatoris  
lingua à  
Deo rega-  
tur.

& doceri voluerit, in cuius manu sunt & nos, & sermones nostri. Et post hæc, nisi fallor, ecce alia die, vel post biduum venit quidam Firmus nomine negociator, & intra monasterium sedente sancto Augustino coram nobis, ad pedes eius genibus prouolutus sese iactauit, lacrimas fundens & rogans; ut pro eius delictis sacerdos cum suis dominum deprecaretur, confitens, quod Manichæorum sectam secutus fuisset, & in ea, quam plurimis annis vixisset, & propterea pecuniam multam ipsis Manichæis, vel eis quos dicunt electos in cassum erogasset: ac se in Ecclesia per Dei misericordiam fuisse eius tractatibus nuper correctum, atque catholicum factum. Quod & ipse venerabilis Augustinus, & nos, qui tunc aderamus, ab eodem diligenter inquirentes, ex qua re potissimum in illo tractatu sibi fuerit satisfactum, & referente eo, nobisq; omnibus sermonis seriem cognoscentibus, profundum consilium Dei pro salute animarum admirantes & stupentes, glorificauimus sanctum eius nomen, & benediximus, qui cum voluerit, & vnde voluerit, & quomodo voluerit, & per scientes, & per nescientes animarum operatur salutem. Hactenus Possidonius, cuius etiam verbis huic capiti ac insuper toti libro præsentem finem imponimus.

# DE PROVIDENTIA DEI LIBER QUINTVS.

## PRÆFATIO.

**I**N fine præcedentis libri historica documenta adhibuimus; quibus cum & in sequenti libro usuri simus, perperam à nobis factum esse, videri posset, quòd non omnia id genus argumenta in unum volumen coniecimus. Itaque ne quis & methodias temere nos insimulet, consilij nostri in hac similium argumentorum ab invicem diuisione, cum rationem afferimus, quòd historie, quibus humanas voluntates diuino nutu gubernari ostenditur, cum ea disputatione cohereant, qua idem paulò ante philosophicis rationibus demonstratum fuit, ut necesse fuerit vel omnia, quæ sequentur experimenta historica præcedenti libro complecti, id quòd salua librorum inter se proportionem fieri non posset. Vel si alicubi hanc separationem facere necesse sit, nusquam perinde còmodè atque hoc loco fieri posse videbatur. Hac lectorẽ admonuisse contẽri, ad sequẽtia pergemus.

Deum.

*Deum sepe vindicando impiorum scelera  
sua prouidentia significationem dedisse.*

## CAPVT PRIMVM.



**H**OC argumentum quia latissimè patet, nec vnius hominis diligentia ad omnia hoc genus exempla colligenda sufficeret; rationem duntaxat hoc loco traditurus sum, qua illud in infinitum locupletari posset, pauculis exemplis, quæ ingenij & memoriæ nostræ mediocritas suppeditare quiuit adiectis, vt secundum præscriptam à nobis methodum, alij in historiarum lectione magis versati & ætate prouectiores, aut etiam plures regiones peruagati, cætera quæ ipsi vel legerint, vel viderint, vel audierint, sibi ipsis subiiciât. Primò igitur loco collocanda erunt exempla eorum, qui postquam vitam multis sceleribus infamem duxissent, infelicem exitum sortiti sunt, non dissimulantibus illud historiarum scriptoribus. Tale est quod Pompeio vsuuenisse, notauit Orosius. Hic enim cum antea semper euētu prospero bella gef-

Exempla  
primi ge-  
neris.

Pompeius

Dux parti-  
um Vitel-  
lianarum.

Vespasiani stirpem malè perijisse, quia is Vitellianum quendam ducem, qui multos annos in antro subterraneo delituerat, proditum interfecit, quamuis vxor eiusdem appositis ad genua Vespasiani liberis, quos in latebra viro genuerat, tanta affectus vehementia pro marito supplicaret, vt ipsi etiam Vespasiano lacrimas excuteret. Eodem pertinet, quòd auctor supplementi Chroniconum Burgundiæ ducem Carolum audacem vna cum stirpe interiisse obseruat, quia sæuus extiterat, & crudeliter victorias exercuerat. Quòd item PAVLVS Iouius Alexandrum Medicem Florentiæ ducem idcirco miserabiliter à cognato suo Laurentio in somnis interfectum esse ait, quia pro nihilo ducebat, virgines sacras nefario concubitu polluere. Eiusdem farinae est illa poetæ obseruatio, quòd

*Ad generũ Cereris sine cade & sanguine pauci  
Descendant, reges, & sicca morte tyranni.*

Sed quia non rarò impij postquam longa felicitate floruerint, morte naturali defunguntur, prouidentiae hostes totidem contraria exempla opposcentes, dicerent non eos diuinitus propter sua scelera violenta morte absumptos fuisse, sed homines à quibus interfecti vel depressi sunt, priuatis odijs ad oppugnationem & cædem eorum pertractos

tractos esse; quòd autem felicem successum habuerint consilia de ipsorum internecone suscepta, partim hostium prudentiæ & robori, partim fortunæ tribuendum esse Itaq; vt fortius diuinæ prouidentię hostes vrgeamus, secundo loco exempla colligenda, quibus non simpliciter solum impius quispiam malè periisse narratur, verùm adduntur etiam nonnulla indicia, è quibus colligatur iustam illi talionem à DEO, repensam fuisse.

Quo in genere primum occurrit, quod de Theramene Atheniensi memoriæ proditum est. Hunc videlicet, cum cicutam nihil commeritus bibere cogeretur aduersario, & præcipuo suę necis auctori Critię pulchro

Exempla quę paulò magis illustrant Dei prouidentiam.

illud propinasse. Nec effectum caruisse illam imprecationem: Nam haud ita multò post & Critias interfectum esse. Hic mors, quàm

Theramenes.

Theramenes inimico suo imprecatus erat, tã breui secuta, argumento est, Deum voluisse in fontis Theramenis necem vlcisci. Auctor huius historiæ Valerius lib. 3. cap. 2. & Xenophon rerum Græcarum lib. 2. Plutarchus in libello de sera numinis vindicta scribit legatos ciuitatis Spartanz, cum Leuctris Bœotiz apud quendam Scedasum hospitarentur, filias eius virgines primum stuprasse, ac deinde interfectas in puteum deiecisse. Patre verò Scedaso de tam atroci iniuria apud

Spartani.

Aristobolus.

Ephoros querente, non fuisse auditam eius querimoniam, itaque cum aliter se vlcisci non posset, diras reipub. Spartane imprecatum esse. Post multos demum annos Cleombrotum regem Sparte, eodem loco, quo illud facinus designatum erat, cum Thebanis paucissimis acie decertantem cecidisse, ac tanta clade affectos Lacedemonios, ut ex illo nunquam vires recuperare potuerint. Iosephus de Aristobolo hyrcani filio fratricida eiusmodi historiam narrat. Aristobolus post matrem fame enectam, fratres in vincula coniectos, Antigonum ex omnibus unum tantum habebat. Cum vero & hunc a calumniatoribus instigatus interfecisset, paulo post corruptis visceribus sanguinem vomere cepit. Quadam igitur vice contigit, ut dum quidam ministrorum sanguinem, qui vomitu redditus erat, pelui exceptum foras efferret, eodem in loco, ubi ANTIGONVS caesus erat, extantibus adhuc cadis eius maculis, cum pelui laberetur. Quod cum domestici viderent, ploratum tam ingentem ediderunt, ut ab Aristobolo intus audiri possent. Tum ille sciscitatus est, quid sibi clamor ille voluisset. Famuli & domestici, quamquam libenter id, quod actum erat, mussitassent, urgente tamen domino, rem omnem aperiunt. Tunc Aristobolus intelligens



ligens diuino natu effectum, vt quo loco  
 fratris sanguinem fuderat, ibidem & sanguis  
 eius effunderetur, in hæc verba prorupit: οὐκ  
 ἀρὰ λήσεν ἐμελλον τὸν θεὸν ἐπ' ἄσεβέσιν οὕτω  
 τολμήμασι, id est, non ergo DEVM latitura  
 erant, tam impia mea facinora. Suetonius  
 auctor est omnes Iulij Cæsaris interfectores  
 malè perijisse, imò nonnullos eodem pugio-  
 ne, quo illum necauerant sibi ipsis mortem  
 consciuisse. Adrianus Imperator Xiphilino  
 & Zonara testibus, Seuerianum quendam  
 occidit, nullius criminis obtentu, sed quia  
 ægrè tulerat Lucium Commodum ab ipso  
 Cæsarem creatum esse. Hic antequam mo-  
 reretur ignem postulauit, & suffitum faciēs,  
 vos, inquit, dii scitis me nihil com meritum.  
 Precor autem, vt Adrianus optet mori, nec  
 possit. Hanc imprecationem nō multò post  
 Adriani grauissimus morbus secutus, in quo  
 tantis doloribus conflictatus fuit, vt non so-  
 lum extingui optaret, verum etiam seipsum  
 interficere vellet. Clearchi primi Heraclien-  
 sium tyranni fratrem Satyrum ait Mem-  
 non historicus tam horribili morbo interi-  
 ysse, vt cunctis appareret ipsum suæ crudeli-  
 tatis pœnas dare. Nam carcinoma in iguine  
 ipsius suppullulârat, sanie intolerabilis fœ-  
 toris vbertim manans; vt neque ministri, ne-  
 que medici putredinis graueolentiam ferre

Adrianus  
Impera-  
tor.

Satyrus  
Heraclæ  
ponti ty-  
rannis.



362 DE PROVIDENTIA DEI  
possent. Non dissimili mortis genere Herodes magnus alter Phalaris, si Iosepho credimus, interijt. LEO Imperator Constantini Copronymi filius, cum auream coronam, quam Mauritius in Ecclesia sanctæ sophiæ Deo sacrauerat, inde ablatam suo capiti imponeret, mox in febrem letiferam incidit. Atque vt constaret mortem illam non fuisse naturalem, sed ultione cœlesti inflictam, simul etiam vlcus in eius corpore erupit, cui carbūculo nomen erat, quo nomine & gemmæ, quibus diadema illud insignitum erat, appellatę fuere. Huius historię auctores Zonaras & Paulus diaconus. Sed quoniam omnia id genus exempla hoc libro recensere longum esset; tertio loco nunc aliquot sceleratorum punitiones sine dubio miraculosas proferemus. Quæ, quo facilius memoriæ mandari possint, in ordinem præceptorum decalogi sic digeremus, vt vnicuique præcepto quædam ultionis diuinę experimenta adiungantur.

*Exempla manifesta ultionis diuinę secundum ordinem decalogi digesta.*

CAPVT II.

Exempla  
ad primū  
præceptū  
pertinēti.

PRIMUM qui turrim Babel, velut propugnaculum contra Dei omnipotentiam ædificare conati sunt, linguarum confusione

sione puniti fuerunt. Dicit fortè quispiam, id Christianorum literis contineri, quibus ij cōtra quos hæc suscepta disputatio, fidem habere nolunt. Sed huic respondemus non velle nos cuiquam infideli in hac disputati-  
 one ex auctoritate nostrarum literarū tan-  
 quam diuina præscribere, verum flagitamus dūtaxat, vt hæc saltem eo loco habeantur, quo ceteræ humanæ historiæ. Id quod facile ab ijs obtinebimus, qui animum non prorsus odio cecum ad earum lectionem afferunt, quique sciunt, nullas his antiquiores vsquam terra-  
 rum literas extare, easque summa cura & re-  
 ligione semper à Iudæis seruatas, & tandem iussu Ptolomæi Philadelphi in Græcum conuersas, ac in eius bibliotheca pro magno thesauro repositas esse. Atque hæc dico per-  
 inde ac si neque ethnicorum monumentis hæc linguarum confusio prodita esset; cum longè secus res habeat. Nam Alexander polyhistor à Cyrillo libro i. contra Iulianum citatus, ait idem à Sibylla quoque traditum fuisse. Verba Sibyllæ ab ipso citata hæc sunt; Cum omnes mortales vna lingua vterentur, quidam ex his altissimam turrim ædifica-  
 runt, cælum per eam scandere cupientes. Dij verò turbines mittentes euertēre turrim, & diuersam vnicuique tribuēre linguam. Ha-  
 tēnus Sibylla. Ob contemptum diuinum im-  
 perium

Ethnici non possunt eam fidem scripturæ denegare, quam alij tribuunt historiis.

vxor Loth perium, vxor LOTH in statuam salis versa  
 est, quam non solum Iosephus, sed & alij plu-  
 rimi sui interitus loco se defixam vidisse te-  
 stantur. Et nominatim Benjamin Iudæus cu-  
 ius itinerarium nuper ex Hebraico conuer-  
 sum Arias Montanus euulgauit, ante 400.  
 annos se huius miraculi *αυτόπλω* fuisse dicit,  
 addens quod licet ab ouibus lambendo di-  
 minuatur, semper tamen ad pristinam in-  
 crescat molem. Rursum circa annum huma-  
 næ salutis 1525. Bartholomæus Saligniacus  
 Gallus, in suæ peregrinationis historia, eam  
 se vidisse asseuerat. Herodes Iacobi occisor,  
 cum sibi à populo acclamari pateretur, DEI  
 voces & non hominis, nec tam sacrilegam  
 & summæ maiestati iniuriam adulationem  
 reprimeret, paulò post bubonem mali im-  
 minentis nuntium supra caput suum intui-  
 tus est, ac statim cordis dolore cruciari cœ-  
 pit, ventris item morbo tentari. Quibus ma-  
 lis pressus ipse non dissimulauit se pœnas  
 dare superbix suæ. Nam populum his verbis  
 allocutus est. En ego vester Deus vitæ finem  
 impono. Deinde in regiam delatus quinque  
 solum diebus, idque in maximis cruciatibus  
 superuixit. Hæc Iosephus ab Eusebio cita-  
 tus, & Lucas in actis Apostolorum, qui eti-  
 am addit fuisse eum à vermibus consump-  
 tum. Periurij autem reos, quod crimen se-  
 cund

tundo decalogi præcepto prohibetur, ali-  
quando *παρὰ νόμον*, quod dici solet suum sce-  
lus fuisse, æquè mirabilibus exemplis doceri  
potest. Nam in veteri testamento legitur fa-  
mes in Iudæa exorta, quòd Saul Gabaoni-  
tarum nonnullos, contra vetera gentis Iuda-  
icæ pacta cum illis inita & iurè iurando fir-  
mata, necasset. Nec ante hæc plaga irati nu-  
minis cessauit, quam septem Saulis filij au-  
ctore facinoris iam diu mortuo, suspendio  
vitam finirent. Rursum, apud Ezechielem  
17. capite Zedechias in Babylonem adducen-  
dus, ibique moriturus prædicitur, quòd iu-  
ramentum, quo regi Babylonis obstrictus  
erat, violasset. Quam prædictionem, cum  
postea euentum fortitam esse ex Hieremiæ  
51. capite intelligi possit, neque infidelibus  
dubium esse queat, hanc calamitatem Zede-  
chiæ diuinitus accidisse. D. Augustinus epi-  
stola 237. ait nosse se Mediolani apud me-  
morias martyrum vbi terribiliter dæmones  
confitentur, furem quendam, qui ad eum  
locum venerat, vt falsum iurando deciperet,  
compulsum fuisse confiteri furtum, & quod  
abstulerat reddere.

Quin & tertij præcepti, quo dies festi san- 3. præcepti  
ctificari, & sacræ res omnes religiosè coli iu- exempla.  
bentur, violatores, sæpissimè in hac vita pœ-  
nas dederunt. Idque licet multis scriptura-  
rum te-

rum testimonijs confirmari posset, illis tamen quoniam ad manum sunt prætermis-  
 siss, solum si quid tale humana historia suppedi-  
 tare potest, in medium afferemus. Primum  
 Victor libro 1. de persecutione Vandalica  
 Proculum quendam in rabiem versum fru-  
 stillatim sibi linguam comedisse ait, quia de  
 pallis altaris sibi camisas & scemoralia fe-  
 cisset. Gregorius Turonensis libro de glo-  
 ria plurimorum confessorum cap. 63. testis  
 est, quosdam in alpibus disrupta sub pedi-  
 bus terra viuos ac horrendum in modum  
 vociferantes in tartarum descendisse, eo quod  
 calicem aureum à Leone Imperatore Eccle-  
 siæ Lugdunensi dono missum adulterare,  
 auri parte detracta, & argento in eius locum  
 substituto, conaretur. Vincentius Belluacē-  
 sis in speculo historiali, Albertus Krantzius  
 libro 4. de Saxon. cap. 34. alijque plures refe-  
 runt Imperatore Henrico 2. in Colbeke vil-  
 la Halberstadeni, viros & sceminas in ce-  
 miterio S. Magni saltasse, & choreas duxisse,  
 nec à sacerdote, qui in templo sacrificabat,  
 vt modestius se gererent admonitos, desiste-  
 re voluisse: illumque tanta pertinacia irrita-  
 tum dira imprecatione effecisse, vt per inte-  
 grum annum sine cibo & potu velut chore-  
 am plaudentes circuirent. De parentum ho-  
 nore neglecto, quem quartum decalogi præ-  
 ceptum

Miranda  
 historia.

4. præcepti  
 exempla.

reptum requirit, perquam memorabile est, quod Diuus Augustinus libr. 22. de ciuitate DEI cap. 8. narrat. Est autem huiusmodi. Cēsareę Cappadōcię mulier quędam vidua à decem suis filijs iniuria affecta, vt se vleisceretur, eosdem diris deuouit. Nec irritum fuit hoc votum maternum: nam ex illo tempore membra eorum inusitato tremore cōcuti cōpere. Hi suorum ciuium cōspectum in tam scēda specie reueriti, alius aliò dilapsi per orbem vagabantur, Ac duos ex illis Hipponem delatos, & supplicia sua non tam lingua, quàm ipsa rerum euidentia euulgantes, eosdemque paulò post, sanitate ad memoriam S. Stephani Martyris restitutos D. Augustinus vidit. Apud Ethnicos Plato ii. libr. de legibus multis exemplis declarat, parentum execrationes pertimescendas esse. οἰδὶπὺς φησὶν, ἀτιμαδείς ἐπέυξαίλο τῆς αὐτῆς τέκνοις ἀδὴ καὶ πᾶς ὑμῶν τελέα καὶ ἐπήκοα γενέσθαι πατρὰ θεῶν. ἀμύντορά τε φερίκει τῷ ἑαυτῆς πατρὶ ἐπαρᾶσθαι θυμωθέντα, καὶ ἰππολύτῳ θησέα καὶ ἑτέρους ἄλλους μυρίους μυρίους, ὧν γεγόνεσα φέρεται ἐπὶ κούρας εἶναι γόνευσαι πρὸς τέχνα θεοῦ. Id est, Oedipus contēptus à liberis suis imprecatus est illis, quę omnes decātant à dijs cōpleta, & exaudita esse. Amyntorem quoque iratum Phœnicem filium suum execratum esse, & Thesea Hippolytum, & alios parentes innumeros filijs

3 præcepti  
exempla.

ros filijs malè precatos esse constat, quorum preces contra liberos dii exaudiuerunt. Ex his verbis intelligitur omnibus seculis parentum execrationem liberis exitialem fuisse. Sed de parentum honore hæctenus. Homicidij verò diuinitus vlti primum exemplum tale esto. Hatto episcopus Moguntinus famis tempore pauperes in horreum congregatos succenso horreo combussit, nihil eos à muribus differre dictitans, quandoquidem vt illi panem comederent, ac nulli præterea vsui essent. Sed non impunè tãtam crudelitatem abstulit. Nam mures vndique confluêtes eum tanta rabie inuasērunt, vt etiam in medio Rheno domicilium habentem, flumine traiecto aggressi sint, ac deuorârint. Monumentum huius rei perpetuum est turris illa, qua se protegere conabatur, adhuc in medio Rheno iuxta oppidū Bingenium sita, ac etiam nū vulgo murium turris dicta. Vide hac de re Munsteri cosmographiam, quo loco Rhenēsem tractum describit. Simili vindicta percussum Poloniae regem Pompilium ob patruos necatos, omnes Polonicarum rerum scriptores testantur. Estque in hac narratione peculiariter notandum, quod mures ex intersectorū tumultis erumpentes regem adorti sint, nec ignibus circumquaque factis ab eodem infestando pro-



prohiberi potuerint; ut tandem ipse à suis desertus, & diuina ultione se feriri confitès, à bestiis illis laniatus sit. Milo quidam, ob Pyrrhi regis filiam interfectam, in insaniam versus, 12. die extinctus est. Iustinus Trogi abbreviator lib. 28. Apud Aelianum Macareus Mitylenensis Bacchi sacerdos hospitem qui depositum reposcebat, in templum seducens occidit, ibidemque humauit. Exactis paucis diebus patre in templo sacrificante, filij volentes eius immolationem imitari, alter alterum mactauit. Idque cum mater rescuisset, arrepto torrefilium, qui adhuc reliquus erat, interfecit. His ad Macarea allatis, & ipse iracundia fremens, domum aduolauit, ac uxorem interemit. Propter hoc scelus comprehensus, & quæstionibus subiectus, quid in templo egerat, confessus est. Antequam verò publico supplicio afficeretur, in tormentis animam exhalauit. Huc pertinet, quod Stoicos ad statuendam diuinationem crebrò cōmemorasse, auctor est Cicero libro priori de diuinatione. Duos nimirum Arcades familiares Megaram venisse, quorum alter ad Cauponem, alter ad hospitem diuerterit. His postquam cœnatum esset quiescentibus, concubia nocte visum esse ei, qui in hospitio erat, illum alterum orare ut subueniret, quòd sibi à Cau-

Aelianus  
libro 13.



pone interitus pararetur. Eum primò perterritum somnio surrexisse, deinde cum se collegisset, idque visum pro nihilo habendum esse duceret, recubuisse. Tum ei dormienti eundem illum visum esse rogare, vt quoniam sibi viuo non subuenisset, mortem suam ne inultam esse pateretur, se interfectum in plaustrum à caupone esse coniectum, & supra sterco iniectum, petere vt mane ad portam adesset, priusquam plaustrum ex oppido exiret. Hoc verò cum somnio commotum mane bubulco ad portam præsto fuisse, quæsisse ex eo, quid esset in plaustro, illum perterritū fugisse, mortuum erutum esse, cauponem ré patefacta, pœnas dedisse. Hic minimè dubitandum, quin illud somnium sit à Deo immissum, vt homicidij reus proderetur. Sed neque adulterij, neque aliarum nefandarum libidinum diuina castigatione punitarum exemplis deficimur. Vt enim à Sodomitis exordiamur, horum ciuitatē ob Veneris vsum, haud naturalem, cum incolis cœlesti incēdio confla-  
 grassen non solum Moses scribit, verum & vsque in hodiernum diem eius rei vestigia apparent. Nam arbores mari mortuo vicinæ fructus proferunt, qui cum foris grata specie blandiatur, intus cinere & fauilla pleni sunt. Itaque nec Tacitus, Plinius, Solinus, quam-  
 uis

6. præcepti  
 exempla.

ois Ethnici fuerint, dubitant hæc loca cœlesti igne conflagraſſe. Longè ab Hieroſolimis, triftis ſinus panditur, quem de cœlo tactum teſtatur, humus nigra & in cinerem ſoluta. Duo ibi oppida Sodòmum alterum, alterum Gomorrum, apud quæ pomum gignitur, quod habeat ſpeciem quidem maturitatis licet, mandi tamen non poteſt. Nam fuliginem intrinſecus ſauillaceam ambitio tantum extimæ cutis cohibet, quæ vel leui tactu preſſa fumum exhalat, & ſathiſcit in vagum puluèrem. Hæc ille. Heraclius Imperator ob inceſtaſcum ſua conſanguinea nuptias tali vindicta percuffus fuit, vt vrinam quam reddebat in faciem eius inſiliret. Itaque cum veſicam exoneraturus erat, ligneam tabulam inter exilientem vrinam & faciem eius interponi, neceſſe fuit Sic Muſterus in cosmographia. Nõnulli quoque graues auctores luem illam Veneream, quæ, quia veteribus incognita erat, nouo nomine ſcabies Gallica vulgò dicitur, plagam Dei eſſe exiſtimant. Quorum ſententiam admodum probabile facit, quòd nunquam ille morbus quẽquam niſi vagæ veneri deditum, aut qui illorum contagione ſcœdantur, inuadat. Atqui ſi vllæ iſtius morbi in natura cauſæ extarent, ſiue eæ ſint intraneæ ſiue extraneæ, hanc luem aliquando in alijs hominibus in-

tem. Quæ mala dum prioribus pro eo, atque precati erant euenirent, tertius sibi metuens pœnitentia sui sceleris ductus est, illudque tam iugibus lacrumis defleuit, vt cæcus fieret. Atque hunc in modum & eius imprecatio euentum sortita est. Huc referri potest comitis Hollandiæ admirabilis ille partus ab omnibus historiarum scriptoribus celebratus, quo tot liberos, quot sunt in anno dies, enixa esse dicitur. Nam & illa quãdam pauperulam falso in adulterij suspicionem quod tam numerosam prolem haberet vocauerat: atque ideò DEVS, vt huius innocentiam declararet, illius verò maledicentiam vlcisceretur, illam tam prodigioso partu infamem effecit. Huius rei præter tantum consensum historicorum etiam picturam in Hollandia, in quodam virginum sanctimonialium monasterio inter Leidam & Hagam comitis inueniri audio, vt de eius veritate nihil dubitari queat. Attamen Albertus Crantzius in hist. Vādalię, & annales Brūsuicēsiū ad annū 1313. idē de Margaretha comitis Holsteiniј vxore commemorāt. An verò alteros fecellerint, Hollandiæ & Holsteiniј comitatuū nomina primā syllabā eādē habētia, an verò duobus diuersis locis eādē res acciderit, nō laboro, dum ne historiā ipsam verissimam esse dubitemus. Reliqua

sunt duo vltima præcepta, quibus vt cor laceris purum sit exigitur; verùm quia peccata quæ contra hæc præcepta committuntur, in animi latebris recondita manent, & proinde non possit eorum punitio DEI prouidentiam illustriorem reddere, exempla, quæ huc pertinerent, nulla potui reperire. Nunc porro, ne quenquam moueat, tam pauca in historijs diuinæ vltionis exempla extare, quædam experimenta hoc loco admodum opportunè inferemus, vnde planum fiat, eos, qui præsentis vitæ supplicia euadunt, terribilibus geennæ tormentis reseruari.

*Experimenta aliquot pœnarum futuri seculi.*

### CAPVT III.



**S**ED SI multa in historijs occurrant pœnarum futuri seculi documenta, quia tamen non æquali omnia auctoritatis pondere confirmata sunt, & facillime ab impijs contemni soleant, quæ à viris Ecclesiasticis memoriæ prodita sunt, idcirco pauca, eaquæ notissima hoc loco commemorabo. Primum verò illud esto, quod Carthusianorum sodalitati instituendæ occasionem præbuit. Hoc enim si contemtores iudiciorum Dei permouere non poterit, necio quid permouebit. Homo ille, cum sepeli-

liri de-

liri debebat, se iusto Dei iudicio condemnatum esse, horribili voce intonuit. Res in meridiana luce, multisque presentibus gesta est. Ordo Chartusiensium non solum verbis eam ubique terrarum prædicat, nec tantum in suis *σπουδαίως* fingit & pingit; verum etiam ipse instituti Carthusiensis rigor mihi, istius facti memoriam renouare videtur. Nisi enim timore iudiciorum Dei nequaquam, vulgari perculsi fuisset primi istius disciplinae fundatores, quid fuit, cur se omnium huius mundi voluptatum usu abdicarint, & ad tantum victus & vestitus asperitatem voto astrinxerint? Adde quod tam vetusta sit hæc historia, quàm ipsa Carthusianorum religio, non igitur, si commētitia extitisset, adhuc recenti rei memoria, tam latè spargi potuisset, neque Carthusiani id, quod omnes falsum esse norant, confingere ausi fuissent. Insuper quæ causa totam illam sodalitatem impulisse fingi potest, vt per vniuersam Europam se tali origine cœpisse ex composito mentirentur? Secundum pœnarum futuri seculi experimentum est, quod Vdoni archiepiscopo Magdeburgensi accidisse refertur. Is nocte in summa æde à quodam illic pernoctante visus est diuino iudicio sisti, & propter stupra & libidines ad mortem temporalem & æternam mox inde sequuturam

Historia  
de Vdone  
archiepiscopo  
Magdeburgensi.

Historia  
de Vdone  
archiepif-  
copo Mag-  
deburgēsi.

condemnari, & post sententiam latam verè  
caput amittere, & ceruice abscissa informis  
truncus iacere, peractoq̃ue supplicio cœtus  
ille, à quo neci adiudicatus erat, ex oculis e-  
uanuit. Ac ne quis spectrum euanidum, cui  
nihil veritatis subesset hanc visionem exi-  
stimaret, maculæ quædam sanguinis inelui-  
biles in pauimento, vbi obtruncari videba-  
tur relictæ sunt, ipseque mane in lecto mor-  
tuus inuentus est. Cumque aliàs hæc pau-  
menti pars aulæo tegatur, semper in noui e-  
piscopi inauguratione retegitur, vt is tam  
inuilitatæ animaduersionis monumentum  
inspiciens, admonetur, Dei timorem & pi-  
etatem non impunè contemni. Hanc histo-  
riam post annales Magdeburgenses & alios  
quamplurimos auctores nouissimè nunc e-  
tiam Magdeburgensium centuriarum rha-  
podi suo testimonio cōfirmarunt, qui cum  
oppidi Magdeburgensis incolæ fuerint, rei  
huius veritatem certissimè exploratam ha-  
buisse credendi sunt. His adiiciam, quod li-  
bro 6. genialium dierum cap. 21. Alexander  
Neapolitanus refert. In Pelignis, inquit, op-  
pidum vetustum est, cuius nomen prætereo  
libens. In eo dominus, qui vrbi præerat su-  
perbè auareq̃ue ciuibus imperabat. Fortè  
autem quum homo quispiam bonus, sed in-  
ops, ipsius domini venaticum canem cu-  
ius

Centuriæ  
Magdebur-  
genses.

ius magno desiderio tenebatur, ita verberasset, ut ob id perijsse putaretur, dominus id resciscens vehementer offensus, eum in pessimum coniecit carcerem. ibique cum vinctus teneretur, post aliquot dies hi, quibus diligens eius cura madata erat, ad illum ut solebant accedentes, in eodem intus carcere nusquam inuenere: qui diu conquisitus cum non appareret, rem ad dominum detulere. Quod cum credi vix posset, ipseque mirum in modum obstupesceret, post tres ferme dies, iisdem foribus pessulo firmatis idē captiuus denuō in carcere apparuit, custodesque ut cibum afferrent aduocauit. Qui cum propius accessissent, eum vultu tetro, & horribili facie, luxatisque vestibus conspexere. Interrogatus verō vnde elapsus, & rursum in carcerem intrusus fuisset, nihil respondens ad dominum admitti postulauit, habere se quod illi nunciaret, magnum nec differendum. Cumque ad eum admissus esset, se ab inferis remissum ait. Siquidem cum diutius squalorem carceris ferre nequiret, se malum dæmonem, ut ē captiuitate eriperet, inuocasse. Nec multō post dæmonem fædo aspectu & terribili facie in eodem intus carcere aspexisse, & secum pactum fuisse, ab eodemque ferreis claustris non sine graui pressura extrusum in loca deinde inferna & pro-

Stupenda  
historia de  
infernali.  
bus sup-  
plicijs.



fundas vultitates ac fundum telluris intimæ.  
actum præcipitem, singulaque lustrasse, im-  
piorumque supplicia æternasque tenebras,  
& ærumnas vidisse. Ibique agnouisse quen-  
dam suum familiarem, & ab eo probè agni-  
tum esse, ac rogatum quid rerum ageretur,  
& quid reliqui spei sibi foret. Cumque re-  
spondisset se crudeli dominatu premi, illum  
mandasse, vt domino nunciaret, caueret ne  
quid tale ageret in posterum; namque illi  
vacuam sedem, quam prope cernebat, præ-  
stitutam esse dicebat. Et vt haud dubius p-  
missi foret, meminisse, inquit, illum debe-  
re secreti concilij & mutuæ pactionis, quam  
dum vna militarēt, & in castris agerent clam  
iniuissent, quorum nemo particeps aut con-  
scius vnquam fuit. Quodd consilium, cum il-  
le memoriter recitasset, & non solum con-  
uenta, sed & singula verba, sponsionesque  
quibus vterque astrictus erat, recensuisset,  
ipsum dominum ordine hæc audiētem, mi-  
rum in modum obstupuisse, quonam mo-  
do quæ soli sibi credita, nec vlli vnquam e-  
nunciata fuerant, homo ille hebes & tardus  
ingenio explorata haberet. Adijciunt eun-  
dem interrogasse illum, cum quo tunc ser-  
mo erat apud inferos, qui nitido cultu vesti-  
tuque apparato videbatur, num aliquo cru-  
ciatu affligerentur, qui insigni veste & au-  
ro con-

ro conspicui forent. Illumque respondisse, perenni incendio usque torqueri, idque totum quod auro & purpura fulgeret, ignem atque incendium esse. Et cum ipse id experiri volens, propius manum purpure admo- uisset, admonitum ab eo fuisse ne tangeret. & tamen efficere nequiuisset, ut non ex calo- ris afflatu palmam sibi manus, quam tunc o- stendebat, incendio & ipsi purpuræ admo- tam, combureret. Erat enim pustulis liuēti- bus & tetrīs hūlceribus, veluti labe & igni sacro fere consumpta. Referunt præterea, qui illum adiuuere eum postquam ab inferis emer- sit, semper cogitabundum in rarum prodijse sermonem, vixque sæpius interro- gatum, colloquenti respondisse. Vultu verò tam tetro, & aspectu tam deformi reuertif- se, ut qui dudum à coniuge & liberis probè agnitus foret, is postquam remeauit ab infe- ris tam diro vultu esset, ut vix eundem illum esse crederent; sæpiusque obortis lacrumis ob speciem hominis fœdissimè mutatam, notos affinesq; ipsum alloquutos esse; ægrè- que ut ante obitum, qui mox consequutus est, res suas dispensaret, ac liberis ac posteri- tati consuleret, vitæ spatium habuisse. Hæc Alexander ait, se tam fama celebri de illo homine, quàm multorum testimonio, qui rem gestam didicere, non fictis sermonibus, sed

Miraculū  
quod Lo-  
uanij con-  
tigit, anno  
1579.

sed certissimis experimētis comperisse. De-  
nique eodem quo hæc scribebam anno Lo-  
uanij Deus terribili documento quam sint  
occulta eius iudicia patefecit. Erat ibi puel-  
la quædam in corporis cultu vltra modum  
suæ conditionis profusa, vnde fiebat, vt eti-  
am parū pudica haberetur. Hæc postquam  
vita defuncta esset, libitine cadauer eius strami-  
ni de more imposuerunt, atque ad pedes  
eius cereum consecratum collocarunt, ac  
deinde in inferiorem domicilij partem des-  
cenderunt. Vbi dum versantur, strepitus su-  
perne exaudiri cœpit, quo vna illarum ex-  
citata denū ascendit, quid rei ageretur ex-  
ploratura. Inuenit hæc cereum extinctum  
esse, & cadauer vndique flammis collucere,  
nec tamen stramina, quibus impositum erat  
comburi, cubiculum verò teterissimo foeto-  
re repletum. Ac primum quidem ex tam  
horribili ostento attonita vix apud se erat,  
tandem verò se colligens candelam extin-  
ctam flammæ illi, quæ cadauer allambebat,  
admouens reaccendit. Ea accensa flammæ il-  
la species euauit. Hæc ne quisquam pro cō-  
mentitia fabella reiiciat, sciri velim hanc  
rem tota ciuitate Louaniensi tam notam es-  
se, vt paroeciæ D. Petri pastor pro concione  
ex tam memorabili diuinorum iudiciorum  
exemplo occasionem sumpserit, fœminas

nin

*Etiā ex premijs in hac vita quorundam  
pietati repensis DEI providentiam demon-  
strari.*

**Q**uemadmodum poenis παραυ-  
τά τὰ πράγματα infligis nō ra-  
rò se Deus generis humani cu-  
ratorē declarauit, ita & premijs  
in præsenti vita reddendis, ac  
vōtis piorum exaudiendis, idem planum fe-  
cit. Idquē ex paucis ijs, quæ hic commemo-  
rabuntur exemplis, promptum erit perspi-  
cere. Omisissis verò quæ dubiam habent in-  
terpretationem, illa duntaxat beneficia enu-  
merabimus. quæ palam est non naturaliter,  
sed diuino munere pijs hominibus obue-  
nisse. Primum Gregorius Nazianzenus au-  
ctor in primis grauis in oratione de laude  
D. Basilij, refert eiusdem diui progenitores  
ob metum persecutionis, quæ Diocletiano  
impe-

imperante Christianam Ecclesiam atrociter premebat, in vna Ponticarum siluarum delituisse, ibique septem integros annos varijs ærumnis, & præcipuè victus indigentia confictatos. Itaque Deum rogasse, vt quemadmodum Israelitas olim in deserto cœlesti manna pauisset, ita & ipsorum siluestrem diætam paulò lætiori pabulo commutaret. Flexum his precibus numen ingentem ferarum copiam ad ipsos adduxisse, quæ deposita feritate se illis contrectandas præberent. Idem Nazianzenus in oratione de laudibus Gorgoniæ sororis suæ, eandem everso curru per saxa & præcipitia raptatam, & luxatis omnibus membris semianimem relictam esse narrat. Fœmineo verò pudore viros medicos admittere noluisse, sed ad solum Deum pro remedio confugisse, nec spe sua frustratam repente sine medicorum opera conualuisse, ac pristinum robur recepisse. Ad dit multos hoc miraculo in fide providentiæ Dei confirmatos fuisse. Theodosius senior prælium cum Eugenio Tyranno idolorum cultore initurus, noctem insomnem precum continuatione transegit. Postridie spe bona plenus arma corripuit, ac in pugnam cum exercitu descendit. Tunc repente turbo coortus, in hostium ora ruit. Ferebatur per æreim spicula exercitus Theodosiani, nec

Gorgonia

Theodosius

ni, nec vsquam propemodum cadere, nisi impingerent, sinebantur. Hostium verò tela quæ ipsi vehementer intorserant, excepta ventis ac retrorsum acta, ipsos infelicitè cõfigebant. Nec diu impetum illum sustinere potuerunt, sed conscientie pauore icti, victori Theodosio supplices facti sunt. Huic rei testimonium perhibet Paganus, peruicacissimus Claudianus poeta hisce versibus:

*Oninium dilecte D E O cui militat ether,  
Et coniurati veniunt, ad classica veni.*

Hæc Orosius, & post illum D Augustinus lib. 5. de ciuitate Dei cap. 26. Huc etiam referri debet insigne illud miraculum, quod suo tempore Vercellæ accidisse, D. Hieronymus affirmat. Sic autem res gesta est. Vercellæ oppido Liguriæ mulierem quandam infontem à suo marito adulterij accusatam, iudex cum adolescente adultero quæstionibus subiicit. Adulescens tormentis victus, crimen fatetur, muliere constanter id inficiante. Vtèrque demum capitis supplicio ad iudicatur. Ac adolescenti quidem facile vino ictu caput amputatū, muliere verò quater frustra percussa, coactus est carnifex, manu mucronem premente gulam abscindere. Sed neque sic infontis corpus violari potuit. quin potius gladius ad capulum vsque reflexus, & velut dominum suum intuens, confusus

Mulier falso adulterij accusata.

384 DE PROVIDENTIA DEI  
 fessus est, se ferire nō posse. Apponitur dein-  
 de alius percussor, bis denuo frustra percu-  
 sa, tertio vulnerata, prosternitur. Adsunt  
 clerici, qui eam pro mortua vt sepulturæ  
 mandent, auferunt. Inter horum manus ca-  
 dauer reuixit, & Euagrio quodam interce-  
 dente mulier ab Imperatore absoluta est. Vi-  
 des hic quantopere innocentes DEO curæ  
 sint. Krantzius lib. 4. historiæ Danicæ capite  
 36. auctor est Suenonem episcopū Roschil-  
 densem templum, quod prædecessor eius in-  
 choatum reliquerat perficere voluisse, dū-  
 que in illo opere versaretur, visum illi ad  
 structuræ commoditatem requiri, vt tumba  
 seu locus, in quo prædecessor eius condi-  
 tus erat, alio transferretur. Id postquam fe-  
 cisset, quidam episcopali amictu ædituo in  
 sacrario pernoctanti apparens, his eum ver-  
 bis affatus est. Adito episcopum Suenonem  
 ac dicito, nisi ipsum inculpata vita defen-  
 disse, non bene ei cessuram fuisse alieni se-  
 pulchri violationem: nunc verò ab ipso in  
 templum, quòd extruebat, huius facti ultio-  
 nem desectendam. Disparuit spectrum, &  
 mox templi, incolumi tamen ædituo, ruina  
 secuta est. Aedituus mane inter murorum  
 ruinas insperatò saluus euētus, cum id quod  
 iussus erat Suenoni episcopo referret, vera  
 dicere, creditus est. Gregorius magnus vir  
 non

Sueno e-  
 piscopus.



non minori vitæ sanctimonia, quàm doctrina; dialogorum cap. 32. memorat Afris quibusdam Episcopis dum eis ab Arriano rege silentium imponeretur, & tamen tacere nolent, ne alij Christiani illorum taciturnitatem consensum in dogma Arrij interpretarentur, linguam radicitus abscissam esse; sed eos ne sic quidem à profitenda veritate prohiberi petuisse. Et quò certior sit huius rei fides, ait Gregorius se Constantinopoli semem quendam episcopum conuenisse, qui eos Constantinopolim profectos, sine lingua loquentes & aperto ore clamantes audierat: Videte quod linguas non habemus, & loquimur. Eosdem & Iustinianus in authenticis de officio præfecti prætorio se Constantinopoli vidisse testatur. Idem cõfirmat Procopius rerum à Iustiniano gestarum scriptor. Idem Marcellinus Comes Isidorus & Beda in Chronicis narrant. Sed & Aeneas Platonicus in libro de animi immortalitate eosdem se vidisse affirmat. Quorum testimonia cui non sufficiunt, nescio equidem, quæ alia sufficere queant. Verùm mirabitur fortè quispiam, cur non tam crebrò nunc Ethnicos scriptores, quàm in superioris argumenti tractatione allegem. Sed quisquis hoc obiicit, considerare debebat me nunc de præmijs virtutum agere, quæ ymbratiles

Elingues  
qui locuti

Citatur à  
Nicepho.  
ro.

Simoni-  
des.

duntaxat extra Christianismum reperiuntur. Vnde autem queso Christianorum euentus, nisi ex Christianis auctoribus repetemus. Non tamen hac in parte Ethnicis exemplis prorsus destituimur. Nam Simonides Ceus, cum aliquando hominis cadauer in litore inuentum humasset, nocte sequenti in somnis à quodam quem ex lineamentorum similitudine indicabat esse eum quem sepeliuerat, admonitus est, ne postridie nauigaret. Huic admonitioni magno suo bono Simonides obtemperauit. Nam quotquot illo die conscenderant, naufragio perierunt. Auctor Cicero libro 1. de diuinatione. Ad hæc Aristoteles aut quisquis illius libelli de mundo auctor est, scribit Aetne quondam erumpente incendio & torrentis instar in terram effuso, Deum honorasse piorum genus, cum parentibus in humeros sublati, vndique flammis circundarentur. Igneum namque illud flumen, cum ad illos peruenisset, dissestum esse atque ad latera hinc & inde recessisse, illosque vna cum parentibus illæsos transmississe.

*Ex prodigijs & ostentis DEI providentiam demonstrari.*

CAPVT V.

VETVS



ET V S opinio est magnorum casuum quædam prælagia humano generi plerumque ostendi. φιλέει κως inquit Herodotus, προσημαίνεν έυτ' αν μέλλη Erato. μεγάλη κακά ή πόλει ή έθνει έσειδαι, id est, Signis quibusdam indicari solet, quando vel civitati vel genti alicui ingentia mala imminuent. Eadem est Liviij Plutarchi Dionis, ac cæterorum historiographorum sententia: Quæ res num ita se habeat, hoc loco inquirendum.

Primum igitur vel omnis in vniuersum eiusmodi signorum observatio, tanquam vana & superstitiosa rejicitur, vel nonnulli vt minimum futuri euentus quibusdam indicijs præsignificantur. Nulla omnino futurorum indicia agnoscere, nisi quæ observatione discuntur, qualia sunt nautarum & agricolarum, hominis est inuerecundi, ne dicam insani. Vel enim ipsi dicendum conficta esse, quæ in historijs prodigia narrantur, vel errore quodam factum esse, vt visa vel audita putarentur, quæ nulla erant, vel nil aliud, quam σύμπτωματα sequentium euentuum esse, quæ vulgò prodigia dicuntur, nec ullam futuri significationem habere. Mendacij redarguere tot homines, qui prodigia se vidisse affirmant, nimis illiberale esset. A

timidis verò quædam præsumpta potius quàm verè conperta esse facile assentior: at non omnia esse talia, ipsa prodigiorum exempla, quæ mox referemus ostendent.

Sed neque symptomatum rationem habere, quæ vulgò in prodigijs numerantur verisimile est. Quædam enim ostenta tam aperte præ se ferunt rei, mox subsequæntis significationem, vt nihil agat quisquis se id inficiando obscurare posse, existimet. Quid enim certius, quam armatas acies per aërem discurrentes belli imminentis indicium esse? Atqui tale prodigium vix vlli seculo defuisse ex historijs liquet. Nam & secundo Maccabæorum antequam Antiochus Epiphanes Hierosolyma occuparet visæ scribuntur, & Plinius libro 2. naturalis historiæ multa huius rei exempla commemorat. Armorum, inquit, crepitus & tubæ sonitus auditos è cœlo Cimbricis bellis accepimus, crebroque & prius & postea. Tertio verò consulatu Marij ab Amerinis & Tudertibus spectata arma cœlestia ab ortu, occasuque inter se cōcurrentia, pulsus q̄ ab occasu erat. Similiter ante aduentum Longobardorum in Italiam igneas & cruentas pugnatorum cohortes in aëre apparuisse in vita Caroli magni Robertus Gaguinus commemorat. Præterea vtcunque ambiguum sit num plu-

Armatæ a.  
cies in aë-  
re.

Cap. 5.

Cap. 59.

viz la-

viæ lactis, carnis, sanguinis, lapidum, ac lanæ  
 aliquam futuri significationem habeant,  
 quis tamen voces à bestia, vel incerto aucto-  
 re prolatas, quibus aliquid prosperi vel ad-  
 uersi prædiceretur futurorum indicia fuisse  
 neget? Tales autem sæpenumero ab ho-  
 minibus exauditæ sunt. Nam Iosephus ante  
 excidium Hierosolymorum ait in templo  
 à sacerdotibus vocem perceptam quæ dice-  
 ret, Eamus hinc. Rursum, Domitiano Im-  
 peratore interfecto coruus Romæ auditus  
 est, publicè clamitās *ἔσται πάντα καλῶς*, id est,  
 omnia benè succedent. Quomodo etiam du-  
 bium esse potest, quin alicuius magni mali  
 præsagia sint ea spectra, quæ cunctis intuen-  
 tibus horrorem incutiunt, cuiusmodi fuit  
 ille cometa, qui anno 27. in Germania appa-  
 ruit, magnitudine inusitata & specie brachij  
 quod ensẽ gestaret, in cuius mucrone tres  
 stellæ apparebant: in lateribus verò radij san-  
 guinei, inter quos interpositæ erant humanæ  
 facies comis barbisque hispida. Insuper fre-  
 quentissimè temporibus Christianis cruces  
 in cœlo & in vestibis apparuisse leguntur.  
 Constantinus Magnus crucem in aëre vidit,  
 cum hac inscriptione, In hoc signo vinces,  
 idque se ex ore Constantini, etiam interpo-  
 sito iureiurando ita rem se habere affirman-  
 tis, aliquoties se audisse scribit Eusebius in

De hoc co-  
 meta vide  
 lyco sthe-  
 nem & Gil-  
 bertũ Co-  
 gnatũ de  
 historijs  
 tragicis.

vitæ eiusdem, libr. 1. cap. 22. Imperante Iulia-  
 no apostata crux splendida in monte Oliueti  
 apparuit, de qua Gregorius Nazianzenus o-  
 rat. 2. in Iulianum, & Theodoretus lib. 3. hi-  
 storix ecclesiast. cap. 17. Idem Nazianzenus  
 eadem oratione dicit Iudæorum, qui tem-  
 plum suum apostatæ hortatu instaurare vole-  
 bant vestes crucis notis impressas fuisse, quas  
 tum adhuc retinerent. Maximiliani Cæsaris  
 tempore in Germania non solum crucis, sed  
 & clauorum & lanceæ typi in hominum  
 vestibus apparuerunt. Hoc Nauclerus gene-  
 ratione 51. Faber in oratione funebri de o-  
 bitu Maximiliani, hoc denique Frânciscus Pi-  
 cus testatur carmine quodam ea de re com-  
 posito, in cuius ad Maximilianum Cæsa-  
 rem præfatione, ait sibi apud eundem agenti  
 in Germania demonstrata esse corpora cœ-  
 lesti quadam nec visibili pluvia, eiusmodi  
 figuris variegata. Franciscus Aluares sue A-  
 ethiopicæ peregrinationi adiunxit epistolam  
 regis Aethiopum ad Emanuelem Portugal-  
 liæ regem, in qua scribitur Lusitanos, qui ad  
 salutandum Aethiopiæ regem missi erant,  
 cum nullum portum illius regni inuenire  
 possent, tandem cruce in aëre conspecta ver-  
 sus illam direxisse proras, & in optatum  
 portum feliciter inuectos esse. Antequam  
 Fridericus Imperator, cum Alexandro pon-

Fulgosius.

tifice

tifice ad bellum descenderet, clara in glo-  
 lunæ crux conspecta est. Quis autem dubi-  
 tet, quin crux insigne Christianissimi vel  
 boni quicquam vel mali Christiano nomi-  
 ni portendat?

Denique nonnulla prodigia in ortu & oc-  
 cubitu magnorum virorum apparuerunt,  
 quæ sine dubio *συμπέματα* non fuerunt.  
 Prodigium illud infantium Iacobi & Esau *Iacob & Esau,*  
 in utero matris confligentium, non solum  
 quia sacræ literæ pro signo euentus futuri  
 habent, ab omnibus pijs tale habendum est,  
 sed etiam, quia facile conijcitur, tam inusi-  
 tatam collisionem inimicitias futuras præsi-  
 gnare. Quod mater Aeneæ Siluij cum ipsum  
 gestaret, visa est sibi mithratum infantem pa-  
 rere, quid aliud, quàm futuri Pontificis Ma-  
 ximi præsagium fuit? Quod S. Nicolaus ad-  
 huc infans quarta & sexta feria à sugendis  
 vberibus maternis abstineret, quis non vi-  
 deat futuram viri istius sanctitatem osten-  
 disse? Atqui talibus exemplis omnes histo-  
 riæ refertæ; quorum si aliqua duntaxat pro  
 futuræ alicuius rei ostento habeantur, obti-  
 nuimus Dei prouidentia mundum admini-  
 strari. Quod idcirco adiicimus, quia in Eth-  
 nicorum libris multa prodigiorum nomi-  
 ne recitantur, quæ reuera nihil minus fue-  
 runt, vt Cicero eorum vanitate fretus, ausus



fit 2. de diuinatione hoc genus obseruationes in totum reijcere. In quibusdam tamen videas ipsum habitare, nec tribus suis effugijs, casu, inani persuatione, & hominum mentiendi licentia, in tutum euadere posse. Sed argumentatur etiam ille contra futurorum, per eiusmodi prodigia significationem. Primum, inquit, vel certò futura sunt, quæ hisce signis portenduntur, vel aliquod impedimentum frustrari potest eorum significationem; si certò futura sunt, nulla utilitas ex eorum prædictione, imò satius esset ea ignorari, ne homines imminētis mali expectatione torqueantur. Si incertū an euentus sequetur, ergo DEVS falli posset.

Paulo aliter hoc Cicero proponit.

Solutio.

Sed ad hæc facilis responsio est. Existimo enim nonnulla immutabilis decreti indicia esse, quædam verò non nisi in modum cōminationis significare, quæ distinctio in vaticinijs quoque prophetarum locum habet. Vtraque verò præfagiri & hominibus utile, & Dei maiestate non indignum. Nam eorum quæ certò euentura sunt, præsignificatio si nil aliud, hoc certè commodi affert, vt intelligant homines, nihil ipsis accidere, quod non multò ante à DEO prouisum sit. Admonentur etiam vitam ac mores corrigere, vt si non huius saltem futuri seculi æterna supplicia euadant. Similiter incerta, quibus,

quibus, ne ad grauiora progredi sit necesse, cōminatur tantum, non solum magno cum fructu humano generi præsignantur, sed etiam sine vlla diuinæ maiestatis iactura. Quę enim diuinę maiestatis imminutio metui potest, cum euentus signo non respondet, si intelligant homines aliquādo minari Deum, vt ipsis se ad meliorem frugem recipientibus, flagellis non sit opus? Obijcit deinde, idcirco non videri prodigia tanquam signa futurorum à Deo mortalibus ostendi, quod nonnullorum significatio tam sit ambigua, vt quisque ea pro se interpretari possit, quorundam adeò obscura, vt alia ad eorum intelligentiam diuinationo necessaria esse videatur. Id adiectis quibusdam exemplis confirmat, sed vanis & superstitiosis. Ita. *Obiectio.*

que respondemus in eo peccasse Ethnicos, quod nimis facile quicquid prælum intuitus occurrebat, futuri euentus significationem habere crediderint: ac eiusmodi ficta prodigia fictis quoque interpretationibus ad suę causę successum accommodârint. Sed iniquū esset ex falsorum prodigiorum obscuritate, veris fidem detrahere velle. Quod si tamen vllum verum prodigium obscuram intelligentiam habuisse ostenditur, id certè minimè dubium fuit, ipsum boni aut mali quippiam humano generi portendisse. *Solutio.*

Disputati-  
o: nū pro-  
digia fiant  
naturaliter.

ac proinde quantum in ipſo fuit, homines  
ad precandum Deum, vt ſigna conſpecta in  
bonum conuerteret, extimulaſſe. Obijcit al-  
lia quædam, ſed indigna quibus refellendis  
lectorem detineamus. Itaq; hoc fixum eſto  
Deum ad teſtificationem ſuæ providentiæ  
erga humanum genus, quædam futura ido-  
neis ſignis præſagire. Verùm nondum liquet  
an cauſarum ſeries in prima mundi inſtituti-  
one ſic diſpoſita ſit, vt naturali conſecutio-  
ne euentus pariter & ſigna è ſuis cauſis pau-  
latim euoluantur, an verò DE VS ſingula  
prodigia ſingulatim exhibeat. Id quod ta-  
men niſi quo modo ſe habeat explicetur,  
incertum manebit an ex prodigijs nil aliud  
quàm mundum à DEO conditum eſſe de-  
monſtretur, an verò quod etiam vſque in  
præſens eius gubernacula tractet. Aio igitur  
huius diſiunctionis prius membrum nul-  
lo modo veriſimile eſſe. Primum enim ple-  
raque prodigia ad naturales cauſas reuocari  
non poſſunt. Et ſi maximè concedamus ſig-  
norum quædam ſemina in mundi primor-  
dio iacta eſſe, de euentibus tamen id cōcedi  
nec debet, nec poteſt. Nam iſ ſæpè cōtingens  
& in arbitrio hominum poſitus eſt: quod  
genus rerum non habet vllam certam cum  
ſuis cauſis connexionem. Nec talis cauſarum  
ſeries inſtitui potuit, è qua Iulij Cæſaris am-  
bitio

btio ineuitabili necessitate emergeret, vt propter illam Romani proceres in eius necem coniurarent, & prodigia, quibus eam præsignatam historici affirmant, vana non essent. Ac si instituta esset, nō tam ipsi, quā DEO optimo maximo Cæsaris ambitio imputanda esset. Id verò falsum & absurdum esse neque Plato ignorauit: nam secundo libro πολιτικῶν vult ea de causa poetas è rep. benè instituta pellendos esse, quod ij Deum non solum miseriæ sed & malitiæ humanæ causam constituent. Nominatim verò Aeschylum taxat, cuius est illud:

Plato negat Deum auctorem humanæ malitiæ.

Δεὸς αἰτίαν φύει βροτοῖς

ὅταν κακῶσαι παμπῆδ' ἄν' δόμον θείῃ.

Id est, Deus causam affert mortalibus, quādo famulam quampiam omnino affligere vult. Sed quid si dicamus euentus tantum præuisos à DEO, non verò prouisos (sinant quæso Ciceroniani me hæc duo cum theologorum schola doctrinæ causa distinguere) signorum verò quædam semina in prima mundi creatione sparsa esse, & causas eorum ita dispositas, vt quando euentus in propinquo est, appareant? Minus absurda est hæc sententia, ac propterea non desunt, qui siderum defectus, quorum causas in prima rerum creatione institutas esse minimè dubium, cum in modum futurarum calamita-

Alia imaginatio,

tum

tum ostenta esse defendunt: sed tamen falsa, ut multis argumentis demonstrari posset, nisi superuacaneum esset, cum ijs contendere, qui etiam futura cōtingentia à Deo praevideri fatentur. Hoc enim concessio de speciali eius erga humanum genus providentia quæstionem mouere, demētia esset. Cū igitur omnibus modis DEI erga homines providentiam è prodigijs elucere patefactum sit, ad aliud argumentum nobis transcendendum.

*Nulla seculo defuisse prophetas.*

CAPUT V.



per vaticinia seu prædictiones DEI providentia demonstratur, primo sciendum nullis non seculis in humano genere aliquos esse inuentos, qui futura multò ante præsentirent. Iacob patriarcha morti propinquus quid filiis suis eorumque posteris euenturum esset prædixit, quæ impleta esse omnes norunt. Nam Iudæ progenies sceptris potita est, cuius rei tunc temporis nulla dum indicia extabant. Esaias Cyri Persarum regis nondum nati, non solum res gestas, sed & nomen prædixit. Daniel Persarum regnum à Græcis evertēdum & belli huius ducem Alexandrum haud diu rerum

Esai. cap. 45

Daniel. 2.

rerum potiturum, ac deinde quatuor alios reges potentia inferiores eius loco exoriturus, hosque & omnes alios mundi reges potestati Romanorum subiiciendos, tanta perspicuitate prædixit, ut Iudæi Alexandro Magno hoc vaticinium ostendentes, eum sibi Iosephus. magnopere deuinxerint. Tales denique cæteri Hebræorum prophetæ extiterunt, qui Christi domini nostri natalem locum, tempus nascendi, vitam, mores, afflictiones & mortem, Iudaicæ gentis excacationem, atque inde secuturam regionis ipsorum vastitatem, gentium ad DEVM Abraham conuersionem tam perspicuè descripserunt, ut quisquis eorum vaticinia inter se confert, dubitare non possit, quin de nostro saluatore IESV verba fecerint. Posterioribus verò seculis Iustinus Martyr in ecclesiasticæ historiæ lib. 4. cap. 18. ab Eusebio citatus, ait suis temporibus donum prophetiæ in Ecclesia viguisse. Idem Irenæus lib. 2. contra Hæreses cap. 58. affirmat. Basilii libro de spiritu sancto cap. 19. auctor est Gregorium Neocæsariensem adeò hoc diuino charismate polluisse, ut ipsius prædictiones μηδὲν τῶν ἄλλων ἀποδεῖν προφητῶν nullo pacto aliorum prophetarum vaticinijs cedant. S. Antonium prophetam fuisse, & præter alia multa etiam tempestatem illam quæ Ecclesiam Catholicam

Athanasius

tholicam Arriana hæresis concussit prædixisse Athanasius in vita eius scribit. Quin & ipse Athanasius se huius doni haud expertem fuisse, multis argumentis ostendit. Nam cum gentiles ei tanquam auguria Ethnico more observati insultare volentes, rogarent quid sibi coruus ille vellet, quem fortè crocitatē audiebant, sciscitarētur, respōditis, nō à coruo edoctus, sed procul dubio à spiritu sancto: Coruus ille cras ingemnat, q̃ Latinis sonat diem proxime sequentem. Is enim vobis tristis & iniucūdus accidet. Prædictionem illam non fuisse vanam, mox euentus docuit. Nam postridie ab Imperatore Legati missi, ethnicorum fana claudi, & idolorum sacrificia omitti iusserunt. Sozomenus lib. 5. historiæ tripartitæ cap. 27. Antiochiæ quidam ludimagister Christianus à Libanio Sophista rogatus, quid fabri filius ageret (Christum dominum blasphemus ille intelligebat) respondit creator omnium, ô Sophista, quem tu fabri filium nominasti, loculum Imperatori Iuliano concinnat. Ac post dies non ita multos affertur Iulianum in Perside occisum, loculoque inclusum ad uschî. Theodoretus lib. 6. hist. tripart. ca. 44. S. Martinus Turonēsis cum vacationē à militia flagitaret, in animo habēs deserta seculi militia totum se DEI obsequio dedicare, quod

Libanius  
Sophista.D. Marti-  
nus.



quod petebat ab Imperatore Iuliano non potuit impetrare. Aiebat enim nō religionis causa militiam ab eo detrectari, sed ignauia & timori id imputandum esse. Cui Martinus. Si hoc ignauie asseribitur non fidei, crastino die ante aciem inermis astabo, & signo crucis non clypeo protectus aut galea hostium cuneos penetrabo securus. Retrudi igitur in carcerem iussus est, facturus fidem dictis. Postera die hostes legatos de pace miserunt se suaque omnia dedentes cum tamen, quando Martinus ista diceret, nulla spes pacis affulgeret Sulpitius capite, de vita Diui Martini. S. Ambrosius cuidam Macedonio aditu pratorij ipsum prohibenti, prædixit fore, vt ad Ecclesiam confugeret, nec eius ingressu potiri posset. Id paulò post, vti prædictum erat, euenit. Paulinus in vita eius. Notissimum quoque Ioannem Anachoretam Aegyptium prophetiæ gratia claruisse. Futura, inquit Zozomenus libro 8. historiæ tripartitæ cap. 1. de hoc Ioanne loquens, huic non minus, quàm antiquis prophetis reuelabatur. Quod cum non lateret Theodosium Imperatorem, nūtijs ad eum misit, de euentu pugnae quam contra Eugenium tyrannum commissurus erat, quæsituros. Quibus ille respondit Imperatorem prælio superiore m futurum, tyrannum perempturum, & post

D. Ambrosius.

Ioannes Anachoreta

D. Benedi-  
ctus.

Ethnica  
exempla.

riam in Italia moriturum. Omnia hæc eo ordine quo prædicta erant, acciderunt. D. Benedictus, cum omnium sermone tãquam propheta celebraretur, Totilas Gothorum rex vt exploraret, num ita se res haberet, Riggonem spatarium suum regio cultu & magno comitatu ad eum præmisit, mandans ei, vt se Totilam esse simularet. Quem Benedictus eminus conspiciens, pone, clamat, fili id quod portas, nam tuum non est. Fraude igitur deprehensa Totilas ipse per se virum DEI accessit, ac de rebus suis eum consulens tale responsum retulit. Romam ingressurus es, mare transiturus, nouem annos regnans decimo moriturus. Quæ eum in modum accidisse ex rerum Gothicarum scriptoribus liquet. Porro ne solum domestica consuetudine videar, ostendendum & inter gentiles futurorum præscientiam viguisse. Primum igitur habuere illi Sibyllarum carmina, habuere diuinationem per somnia, & quasdam alias futurorum significationes, multis erroribus ac superstitionibus contaminatas illas quidem, sed tamen, in quibus adhuc quædam extrema lineamenta diuinæ prouidentię apparerent. Herodianus libro 2. suæ historiæ scribit Seuerum Imperatorem somnij, quod ipsi imperium portendebat, æream imaginem Romæ in publico statuisset, eamque

amque adhuc suo tempore superfuisse. Suetonius refert vxorem Cæsaris pridie quam is occideretur, in somnis vidisse illum vulneribus confossum, in gremio suo iacere. Galeni & Hippocratis admiranda somnia ex libri præcedentis cap. 8. repeti possunt. Narrat & Cicero sua quædam somnia lib. 1. de diuinatione, quibus ad amussim euentus respondit. Ac tot tamque illustribus experimentis commotus Nemæsius ait errorem quo Deus singularia curare negatur, neque consentaneum esse ijs, quæ videntur singulis fermè diebus. Nec mirum hæc à Nemæsi dici Christiano scriptore, cum & Auerrois aliàs diuinæ prouidentia hostis acerrimus, nimia rei euidentia cōuictus concedat somnia, quæ futurorum præagia contineant, diuinitus aliquando hominibus immitti. Eadem fuit Auicennæ peripatetici non inerediti sententia.

*Ex futurorum præsentione DEI prouidentiam confirmari.*

## CAPVT VI.

**P**OSTquam demonstratum est aliquam inter homines diuinationē versari, deinceps nullo negotio res humanas DEO curæ esse doceri potest. Vel e-

nim casu prædictio cum euentu consentit,  
 vel certa ratione illud contingit. Casu ad  
 scopum prophetas, quorum supra mentio  
 facta collineasse, nullo modo verisimile est,  
 propter mirabilem vaticiniorum, cum ipsis  
 rebus cōsensum. Quòd si quis tamen id per-  
 tinaciter contenderet, hunc rogare velim,  
 cur hi per totam vitam in coniiciendo tam  
 felices fuere præ alijs hominibus, vt magis  
 quàm illi prophetarū loco sint habiti? Quo-  
 modo fieri posset, vt è duobus sagittandi æ-  
 què imperitis, vnus præ altero tam sæpè sco-  
 pum attingeret, vt famam periti sagittarij  
 sibi compararet? Si verò hos duos, arte & in-  
 ertia distingui oportet, etiam prophetas à  
 non prophetis certo aliquo charismate dis-  
 cerni necesse est. Quodnam autem illud e-  
 rit? An vis quædam homini à natiuitate in-  
 ferta, an verò cœlestis afflatus? Ac non posse  
 esse homini naturalem diuinandi peritiam,  
 multis argumentis ostendi posset, verum  
 nobis in præsentī vnum suffecerit. Si igitur  
 naturalis esset vlla diuinatio, inesset huma-  
 næ menti futurorum contingentium noti-  
 tia à naturā, & qua ratione aliquorum, ea-  
 dem & omnium. Infinita ergo, cum sint ea  
 contingentia, infinitam quoque hominis  
 mentem qua ea comprehendere possit, esse  
 necesse. Atqui finita est mens humana, non  
 habet

Nulla di-  
 uinatio na-  
 turalis.

habet igitur infinitorum contingentium ex natura sua notitiam, & proinde nullam omnino. Si verò cœlesti afflatu peritiam diuinandi cōsequitur, ea vel erit dispositio quædam ipsius, quam vbi adepta fuerit, p se vaticinari queat, vel ab extraneo agente futurorum ei notitia infunditur. Prius horum Aristoteles in libello de diuinatione per somnium amplecti videtur. Illic enim somniorū, quibus pōst euentus respōdet, causam statuit melancholiam. Hi enim cum varijs spectris feriantur in illa somnia incidunt subinde, quæ ab euentu non discrepant, sicut qui totum diem iaciunt, interdum in album incidere solent. Sed vt fatear corporis dispositionem non omnino nihil ad rem facere, eo quod prophetæ veteres sono cytharæ exhilarati, spiritum diuinandi concepisse legantur; aliud tamen quàm vagam & fortuitam coniectionem quam melancholici humoris commotio gignat, fuisse sanctorum prophetarum supra memorata oracula, manifestum est. Quomodo enim integri libri vaticiniorum tam accuratè perscribi potuissent ab ijs, quibus melācholicus humor varias imagines suggerebat. Ad hæc Baruch scriba Hieremiæ à Iudæis rogatus, quomodo ex ore eius dictatas prædictiones excepisset, Ex ore suo, inquit, loquebatur quasi legens omnes

Aristotelis  
opinio de  
diuinatione.

Confutatio.

Cap. 36 Hi  
eremiæ.

sermone istos, & ego scribebam in volumine atramento. Non igitur in raptu & extasi, vel per melancholici humoris commotionem Hieremias vaticinabatur, sed animo sedato in diuino quodam lumine futura conspiciebat. Animaduertit & Cicero posteriori de diuinatione libro, Sibyllas tranquilla mente futura prædixisse, quòd eorum carmina per ἀρχαῖα ἰδὲα procedant. Id enim est magis attentum animi quam furentis. Fateor quidem in animum cōmotum ingētem volitantium cogitationum turbam incurrere, & propterea qui alias elingues erant, cum vel ebrij sunt, vel affectu aliquo perturbati, disertos fieri. Vidi enim ego ipse hominem cum inter milites Gallos periclitaretur, promptissimè ad omnia respondentem, qui alias vix tria verba Gallica sine hæsitatione proferre potuisset. Et Plato auctor est Tynnichum poetam entusiasmo correptum hymnum in laudem Apollinis doctissimum composuisse, cum eius alia poemata frigerent. Verùm nihil hæc ad propheticas prædictiones. Nam talibus, quæ incitant species, commota mente quam sedata facilius occurrerūt, prophetæ verò de rebus futuris, & prorsus ignotis verba faciunt. Ad hæc Aristoteles ipse fatetur, melancholicos de negotijs suis & amicorum aliquando vera somniare;

niare posse; de rebus verò extraneis somniantes si scopum attingant, id totum fortuitum vult esse: atqui prophetæ de negotijs à vitæ suæ consuetudine remotissimis, & super quibus à nemine consulti erāt loquentes, verissima vaticinati sunt. Derique, vt ingenuè dicam, id quod sentio, non capio quomodo hic diuinandi modus aliud sit, quam temeraria eius quod euenturum est coniectio, nisi talium diuinatorum mentem vi naturali futura prouidendi prædictam esse dicamus, quæ humorum commotione excitetur. Rursum enim queretur, cur inter tam multos furentes & mente alienatos quidam diuinent, quidam nullo modo? Quare etiam qui mente constant, dum varie ipsis, vt fieri solet, imagines occurrunt, minus aliquando ad scopum iaculari possent, quam motæ mentis homines? Si possent, cur non æquè horum atque illorum motus diuinationis causa obseruarentur. Itaque satius erit, simpliciter confiteri futurorum cognitionem non proficisci ab vlla intranea corporis dispositione, sed extrinsecus hominibus aduenire. At verò si quænam eius extranea causa esse queat dispiciamus, non facile alia occurret, præter immortalem DEVM, vt qui solus infinita mētis perspicacitate res ex se incertas, certò cognoscere possit. Si verò



DEI munere ad homines peruenit futuro-  
rum cognitio, haud dubiè sequitur huma-  
num genus ab ipso curæ haberi; id quod de-  
monstrandum erat.

*Ex miraculis creaturarum facultatem su-  
perantibus idem liquere.*

### CAPVT VII.



Eterum philosophorum non-  
nulli, quoniam in solam natu-  
ram & consuetum rerum or-  
dinem intenti erant, cum nul-  
lam in eo mutationem suo quo-  
animaduertissent, nec quicquam in mundo  
gigni, cuius non aliquid simile prioribus se-  
culis visum fuisset, Deum nihil noui agere  
concluserunt, sed conseruare duntaxat ea  
quæ semel constituta essent. Postea quò plau-  
sibilis hoc dogma videretur, additæ etiam  
rationes, cur nec posset nec deberet quic-  
quam noui ab ipso fieri. Quæ cum multos  
ingeniosos homines diu torserint, est cur  
maximas DEO gratias agamus, quod is no-  
stra ætate omnia philosophorum epichere-  
mata, quibus DEVM sine sui mutatione ni-  
hil noui agere posse demonstratum esse ia-  
ctitant, sensibili experimento telis aranea-  
rum nihilo firmiora esse declararit. Cùm e-  
nim cœli substantiam ex natura sua incor-  
ruptibi-

ruptibilem & ingenerabilem esse, & sensus nullam tot seculis mutationem in ea percipientes testentur, & ratio postulet id, à quo cetera fouentur & conseruantur, ipsum fotu & conseruatione propter suam ἀφθαρσίαν non indigere: vidimus nihilominus anno 1572. nouam stellam in cœlo emergere, & paulatim rursus euanescere. Cùm igitur naturæ legibus talis in cœlesti corpore mutatio non sit consentanea, miraculum illud fuit, ex quo intelligi possit, non esse Dei vires naturarum institutione sic exhaustas, vt nō multa noua quando honor eius hoc requirit, fabricari queat, multò minus sua immutabilitate ipsum impediri, vt curam de moribus hominum gerere non possit.

Noua stella.

Sed roget quispiam vnde sciatur, stellam hanc in æthereâ regione collocatam fuisse. Cui respondendum multis ijsque firmissimis argumentis illud deprehensum esse. Primum enim luminis claritas in ea maior, quàm in cometis erat. Adhæc instar fixorum siderum scintillabat, quod neque planetis accidit, nedum ijs, quæ in elementari regione cōstituta sunt, eueniat. Deinde locum in Zodiaco non mutabat, nam perpetuò latitudo eius fuit, 53. partium 55. scrupulorum, longitudo verò 6. part. 51. scrup. Tauri: at cometæ mutant longitudinem simul & latitudi-

Rationes, quibus ostenditur nouā stellam in cœlo fuisse.

nem. Motus huius stellę fuit regularis, & per omnia qualis inerrantium: sed cometę irregulari & inæquabili celeritate mouentur. Apparere cępit hec stella anno 1572. sub finem octobris & integrum annum durauit: atqui cometę non nisi paucos menses in aëre conspiciuntur. Denique, quod omnium firmissimum, sidus hoc nullam habuit parallaxin, seu, vt vulgò appellant, diuersitatem aspectus, at luna & quicquid illa inferius, habent. Est autem parallaxis interstitium loci veri & apparentis, quorum non est notabilis differentia, nisi cum radius ab oculo ad stellam productus, cum linea quę à centro ad eandem protracta fingitur, angulum facit, qui propter nimiam laterum extensionem insensibilis fiat. Vnde intelligitur ea, quę parallaxin non habent, longiori intervallo à nobis distare, quàm quorum nulla est aspectus diuersitas; ac ideò cum lunę alius sit locus apparens à verò, noui autem sideris non item, supra lunę globum hoc sidus consistere. Nihil ergo certius, quàm in cœlesti corpore hoc portentum visum esse, & philosophiã, quę diuinę potestati certos limites prefigit vanam & fallacem esse. Possemus huc adijcere miracula, quibus in sublunari mundo Deus suam omnipotentiam testatam fecit, ceu sunt mortuorum suscitatio, cæcorum

rum illuminatio, & quæ alia in sacris literis plurima enumerantur, sed quia ad impios Philosophos reuincendos abundè sufficit noua stella, quàm integro anno cuncti mortales spectarunt, cæteris omissis in præsens hoc vno contenti erimus.

*Omnium sapientum consensu DEI prouidentiam confirmari.*

## CAPVT VIII.



Actenus rationibus rem gessimus, nunc ad auctoritatē transcendendum. Inter argumēta verò quæ ab auctoritate sumuntur, non postremæ firmitatis est, quod à sapientum consensu sumitur. Nam si apud vltos homines veritas quærenda, vbi nam magis opportunè, quàm apud sapientes quæretur? Deinde eam ob causam natura hominum conditiones discreuit, ac vnum præ altero ingenij dotibus cumulauit, ut dum nonnulli sibi suæ imperitiæ conscij ex sapientiorum præscripto vitam componūt, ac vicissim hi à rudioribus & ferendo corporis labori magis idoneis aluntur, firmiori inter se charitatis nexu deuinciantur. Qui igitur sapientes audire detrectat ordini à natura instituto aduersatur; & reuera, secundum Hesiodi admonitionem, extra classes Hesiod.

laudatorum ad eos, qui planè sunt inutiles hominum vitæ reiiciendi sunt. Ne quis tamen de nomine sapientis mihi litem moveat, sapientem hoc loco eum appello, qui ob ingenij non vulgaria dona in se animaduversa reliquo hominum vulgo maior, dum viueret, habitus est, quales fuere apud barbaros sacerdotes, apud Græcos Poetæ Philosophi & Oratores. Quem in modum descripto sapiente, aio sapientes omnes, licet alijs de rebus inter se dissideant, in providentiæ tamen dogmate tuendo, paucis exceptis concordēs esse. Cuius rei testimonia cum diligentissimè Augustinus Steuchus collegerit, hoc loco ea repetere superuacaneum esset. Quare ijs omisissis hoc tantum inuestigabimus, an Aristoteles, qui inter huius mundi sapientes omnium iudicio principatum tenet, integrè DEI providentiam agnouerit. Non quod eius auctoritas tam magnum in vtranque partem momentum habeat, vt contra tot rationes & experimenta, contraque omnium aliorum, qui sapientiæ opinione floruerunt, tantum consensum, ipse solus debeat audiri, verùm quia opere pretium est scire, quid de tam celebri quæstione tantus Philosophus senserit. Primum igitur sublu-  
narem hunc mundum Aristoteli diuinæ p-  
uidentiæ expertem esse, omnes ferme veteres  
theo-

De sapien-  
tibus hic  
in genere  
loquimur,  
siue reuera  
tales sint,  
siue ab ho-  
minibus  
existimen-  
tur.

theologi affirmant. Idem ei Platonis sectator Atticus apud Eusebium lib. 15. præparationis Evangelicæ exprobrat. Ac licet nusquam exertè in libris, qui nunc extant tale quicquam profiteatur, non desunt tamen argumenta, quibus hac eum mente fuisse, colligitur. Nam in 8. physicorum negat Deum futurum immutabilem, si quicquam agere incipiat, quòd non perpetuò egit, nulla præcedente in eo, quod patitur mutatione. Unde sequitur non pro libitu ipsum quod vult de inferiori mundo statuere posse, sed eadem manente rerum sublunarium constitutione, semper idem efficere. Quòd si verum est, magis naturæ suæ, quàm diuino arbitrio commissus erit. Deinde eodem in libro expressè affirmat, nihil à DEO, nisi interuentu cælorum agi, eo quod simplex cum sit, nil nisi simplicem & uniformem primi cæli motum queat efficere. Ibidem paulò inferior Deum supremo cælo affigit, quod profectò si verum esse concedamus, simul etiam ultra cælos non pertinere eius providentiam, cōcedendum erit. Regens enim simul cum eo quod regitur existat necesse est, atqui si essentia DEI cælo terminatur, non potest simul cum inferiori mūdo esse. Quatò, in 12. trāsnaturaliū cōtendit, eūdem nihil præter suam essentiā intelligere, ne aliarū re-

Argumēta quibus docetur Aristotelem negare providētiā inferioris mundi. Vide finē capit. sexti lib. 8. physicorum.

Cap. vltimo lib. 3.

rum

rum cognitione ipsius intellectus viléscat; non posset autem inferiorem mundum sua cura complecti, si, quæ ibi geruntur, eius scientiam fugiunt. Denique in libro secundo de interpretatione existimat, futura contingentia nō habere determinatam veritatem, eò quod certa cōtingentium veritas ruinam libertatis arbitrij, & omnium rerum absolutam necessitatem secum afferat. Atqui si Deus providentiam habet contingentium, certam quoque eorum præcognitionem habeat, oportet. Quibus omnibus cōsideratis, apparet admodū probabiliter ex eius principijs inferri, Deum nihil cum terris negotij habere. Adde, quod calumniatores non fuere sancti patres, vt sine probabili causā tantæ impietatis Aristotelem insimularent; nec Auerrois lector eius diligentissimus hanc sententiam ex eo hausisset, si nihil in eo occurreret, vnde prima fronte consequi videretur Dei providentiam, vsque ad sublunarem mundum, haud pertingere. Nec de nihilo fuit, quod dum adhuc in viuis esset, in impietatis suspicionem ab Atheniensibus vocatus, in voluntarium exilium profectus esse dicitur. Non levis quoque præiudicij vim habet contra Aristotelem vulgatissimum illud prouerbum, Platonis philosophiam superstitiosos efficere, Aristotelis impios.



implos. Atque men neque pauca in contrari-  
am partem afferri possunt. Primum enim  
libro 10. Ethicorum cap. 8. si, inquit, Deus  
curat res humanas ut videtur, probabile est  
maximè ipsum viros bonos amare. In poli-  
ticiis deinde inter reipub. necessaria post ali-  
mētum, artes, arma, pecuniam, subiicit quin-  
tum & primum esse religionem. Sed quæ  
potest esse hominum religio, nisi ipsis Deo  
res humanas curæ esse persuasum sit? Quod  
si quis hæc eum non ex animi sententia, sed  
Areopagi metu dixisse arbitretur, is ex con-  
stanti Philosopho leuiculum adulatorem  
& veritatis proditorem facit. Præter autem  
hæc aperta testimonia, quædam eius libris  
dogmata inspersa sunt, quæ sine singulari-  
um prouidentia cōsistere non possunt. Nam  
secundo de generatione animalium docet  
hominis mentem non gigni ex semine, sed  
extrinsecus accedere. Fieri, inquit, non po-  
test, ut omnes animæ sint, corporibus prio-  
res. Nam quarum operatio corporca, ex sine  
corpore non queunt subsistere, quemadmo-  
dum nec incessus sine pedibus. Quare extrin-  
secus ingredi non possunt. Semen enim ven-  
tris excrementum est. Restat ergo solam  
mentem extrinsecus ingredi, & solam diui-  
nam esse. Neque enim ipsius operationi ad-  
miscet se corporis operatio: Hæc mentis in  
corpus

Argumēta  
in contra-  
riam par-  
tem.

corpus immigratio non ita accipienda est, quasi mensalicubi ante corpus extiterit, hoc enim expressè negat in 12. primæ philosophiæ cap. 3. Verba eius hæc sunt: τὰ μὲν οὖν κίνησιν αἰτία ὥς προγεγενημένα ὄντα, τὰ δὲ ὥς ὁ λόγος, ἀμα ὅτε γὰρ ὑγιαίνει ὁ ἄνθρωπος, τότε καὶ ἡ ὑγεία ἐστὶ, id est: causæ quidem motrices, ut prius natæ existunt, quæ verò ut ratio, simul. Cùm enim sanus est homo, tūc sanitas existit. Nihil aliud ergo sibi vult ijs verbis Aristoteles, quàm ab extraneo agente Deo recens creatas animas in corpus immit- ti, vnde vltterius consequitur etiam infra lunam collocata singularia eius providentiæ subiecta esse. Præterea primus actus voluntatis Aristoteli est à Deo, vnde, quomodocunque id intelligamus, semper efficietur sublunarem mundum Deo curæ esse. Nam si idcirco id verum est, quia anima hominis, cum à Deo crearetur, facultatem nacta est ab otio ad actum se transferendi, singularem rursus animarum Deus opifex constituetur. Sin quosque primos voluntatis motus in hominum voluntate producit, neque sic dubium erit singularem ab ipso humani generis curam geri. Posteriores deinde peripatetici sic Aristotelem interpretati sunt, ut Dei curam etiam ad res singulas extendi voluerit. Auctor libelli de mundo ad Alexan-

drum,

drum, qui, si non Aristoteles, certè peripateticus fuit, adèd non negauit specialem prouidentiam, vt etiam cuique pro meritis à DEO præmia reddi eorum exemplo confirmet, qui dum ex Aethnæ incendio parentes suos in humeris efferrent, flamma se diducente incolumes euaserunt. Eadem SIMPLICII, AMMONII, Syriani & aliorum veterum Peripateticorum sententia fuit. Sed neque Auerrois sibi in im-  
pia sua opinione constitit. Nam in 10. Ethicorū scribens, perinde ac Aristoteles fatetur bonos viros esse Deo charos, & primum librum de cœlo enarrans, ait se diu intelligentiam cuiusdā dicti Aristotelici inquisiuisse, ac tandem à DEO inductum esse in veritatem, quo nihil ineptius dici potuit, nisi in particulari hominum studia à diuino nutu pendeant. Quid igitur in tanta in vtranque partem argumentorum probabilitate Aristotelem sensisse putabimus? An, quod nonnullos dixisse video, hoc ipsum egisse, vt nunc in hanc, nunc in aliam suspensionem trahendo lectorem, suam sententiam teget? At virum de humano genere tam præclarè meritum sine graui causa tantæ hypocriseos insimulare, mihi religio esset. An parum memorem eorum, quæ vno loco dixisset, alijs contrarium decreuisse? Facile vt id. crede-

Auerrois  
sibi non  
constat.

crederem adduci possem, si de hoc solo dogmate tam diuersa scripisset. Nunc verò cum æquè difficile sit eius doctrinam de animæ immortalitate, & mundi effectione, quorum vtrunque nonnunquam apertissimè confitetur, cum alijs quibusdam eius decretis conciliare, non obliuione, sed studio secum ipse pugnare censendus est. Haud enim verisimile tantum virum adeò infideli fuisse memoria, vt quid prius de rebus maximi ponderis statuisset, tam crebrò obliuisceretur. Denique facilius est, falsas Aristotelicæ repugnantiae causas refutare, quàm veras in earum locum substituere. Si quid tamen conijcere possum, videtur mihi Aristoteles maximè in eam de prouidentia, animæ immortalitate, mundi ex nihilo creatione sententiam propensus fuisse, quàm Ecclesia ex sacris literis edocta, amplectitur. Multò enim illustriora sunt eius in illam partem, quàm in contrariam testimonia. Quia tamè videbat ex hisce dogmatibus, multa consequi humano captu longè superiora, & suis principijs haud consentanea, maximè verò quia gentium religiones vanas & superstitiosas esse cernebat, admodum parcè de ijs locutus est, & aliquando etiam nonnulla dixit, vnde non immeritò se de impietate suspectum fecit. Nihilominus quod eo tempore  
quo

quo in sola Iudæa notus erat DEVS, gentes autem cæcæ noctis tenebris circumfusæ homo animalis, & à sensuum iudicio pendens hac quantulacunque rerum diuinarum cognitione imbutus fuit, argumento est, ijs, qui posteaquam solis meridiani fulgentissima luce omnium oculi feriuntur, videre nolunt, nihil cæcius, nihil deploratius, nihil peruicacius inueniri posse. Post Aristotelem verò de alijs minutioribus philosophis verba facere non est operepretium. Si enim ille probabile existimat res singulas à Deo curari, quis moueatur Epicuri id asseuerantissimè negantis auctoritate? Ne tamen ij, quibus vir ille haud satis cognitus est, putet me tam contemtum de Epicuro loqui, vt causæ quam defendendam suscepi inseruiam, non ab re fuerit gustum quandam Epicuræ subtilitatis lectori præbere. Primum fingit mirabilis hic, si dijs placet, philosophus spatium inane infinitum, in quo innumeri mundi ex atomorum corpusculorum cohæsiōe & dissolatione vicissim oriantur, & intereant. Epicuro igitur corpora ex punctis indiuiduis componuntur, ac rursum in ea dissoluuntur, ac idèò falsum est, quicquid de linearum quarundam ad inuicem asymmetria Geometræ docent, falsa erit ipsa puncti definitio, ac plurima alia in-

commoda sequuntur, quæ hoc loco enumerare longum esset. Ait præterea sensus nunquam falli, ac proinde solem, quia nobis haud maior videtur, bipedalem esse. Dialecticam velut prorsus inutilem à Philosophia refecat: virtutem facit voluptatum ancillam. Multa alia sunt huius hominis deliramenta, quæ ipsum talem ostendunt, ut magis idcirco probanda sit DEI providentia, eiusmodi portento displicuit. Quod si sectæ principi omnem fidem insignis eius stupor & vecordia detrahunt, multò magis Lucretij, Plinij, & aliorum qui talis magistri se discipulos & mancipia professi sunt, auctoritas contemnenda est. Ut igitur finem huic capiti imponamus, quia omnium poetarum, oratorum, philosophorum, & eorum qui apud Barbaros sapientiæ nomine clari fuerunt, vna vox est, DEI providentia hunc mundum, & præcipuè res humanas, administrari, paucis Epicuri de grege porcis reclamantibus, nemo deinceps providentiam in dubium vocabit, nisi qui tantum virorum sapientum consensum, nihil ad veritatis dijudicationem momenti habere arbitratur.

*Ex omnium gentium consensu colligi aliquod numerum mundo presidere.*

CA

## CAPVT IX.



NON solum verò sapientum  
sententia est DEO res homi-  
num curæ esse, sed cuncti mor-  
tales tacito quodam naturæ  
sensu idem decernunt. Idque  
vt eo modo se habere intelligamus, scien-  
dum est nullam vnquam gentem, nullum  
populum toto orbe terrarum repertum,  
qui non existimaret esse aliquem Deum co-  
lendum. Ac si aliquando ea de re dubitari  
potuit, nunc certè, cum totus orbis perlu-  
stratus est, omnium gentium ritus ac mores  
in literas relatæ, res hæc notior est, quàm vt  
ambigere de ea quisquam debeat. Inuenti in  
nouis insulis homines ἀπόλιδες, ἀνέσιοι, &  
plusquam γυμνόποδες χαμέννοι, ferino ritu  
vitam propagantes, literarum omnium ru-  
des, qui tamen qualescunque cætera fuerint,  
aliquod numen sibi colendum censuerunt.  
Multas barbaras gentes Romani patefecere,  
sed nullam quæ religione careret. Itaque  
Cicero audacter libro primo de natura De-  
orum, in omnium, inquit, animis Deorum  
notionem impressit ipsa natura. Quæ est e-  
nim gens, aut quod genus hominum, quod  
non habeat sine doctrina anticipationem  
quandam Deorum? Non loquitur ille qui-



dem de religione. quia Cottæ Epicurei personam sustinet, sed reuera nunquam in vlla gente quicquam pro DEO habitum, quod non & coli debere putaretur. Quibus eum in modum constitutis, quæro num sit à natura homini studium religionis insitum, an *αὐδαίμων* & sponte susceptum. Si à natura sit illud colendi numinis desiderium, non potest non veritate subnixum esse. Est enim natura hominis in veritatem propensa, & errorem tanquam rem naturæ contrariam auersatur, adeò vt neque qui alios fallere student, sibi verba dari, æquo animo ferant. Si verò minimè naturalis est ea de cultu numinis persuasio, præter naturam homo diuini metus iugo præmitur. Atqui incredibile sine impulsu naturæ homines libertatis amantissimos diuum formidine tot milibus annorum humiliari potuisse. Quæro deinde num ipse sibi eam colendi DEI necessitatem fingat, an verò principum & legum metu in illa seruitute continèatur. Ipsum sibi religionis necessitatem propter inopiam iudicij fingere aliquam probabilitatem haberet, si de solo vulgo sermo fieret; nam haud possum diffiteri, quin propter iudicij inopiam se multis superstitionibus imperita multitudo astringat; verum qui inter cæteros paulò meliori sunt iudicio, non patiuntur sibi

misc.

miserū illud seruitutis genus imponi. Quis enim mediocris cordis homo nō ridet dierum in faustos & infastos distinctionem? At religioni tantō quisque addictior est, quantō sapientior. Ad hæc non ideò credere gentes numina, quæ sibi confinxerant, esse colenda, quod rebus humanis magnæ vel noxæ, vel vtilitati esse possent, nec in eorum falsis dijs si per se cōsiderentur, quicquam occurreret, vnde videri potuerit eos diuinis honoribus afficiendos esse. Sed quia natura hominis ad religionem inuitabat, nec quis DEVS qua religione coli vellet, propriæ mentis acumine quisquam perspicere poterat, idcirco ibi numen suspicati sunt, vbi nullum esset, & cum maximè contra pericula & terrores protectorem Deum natura requirat, id vnde aliquod in rebus dubijs subsidium sperabant, diuinitatis quipiam habere arbitrati sunt. Ita intelligendum, quod Symmachus gentilis ait, vtilitatem homini maximè Deos adseruisse. Nisi enim quædam anticipata notio in animis præcessisset, de alicuius numinis cultu & obseruantia, quæ consecutionis necessitas fuisset, ideò quicquam pro Deo habendum esse, quia vel admodum vtile rebus humanis, vel magna vi nocendi præditum esset? Omnis igitur animi per falsas religiones deiectio.

Epistola  
ad Theodorum.

mento, ut tu ais, subnixam, tempus edax rerum nihil iuris habuit? Atque tam vniuersalis, ac diuturna hac in re, concordia etiam argumēto est, neque principiū auctoritate, aut cuiusquam hominis suasu religiones deorum in hominum vitam inuectas esse. Ut tamen omnibus modis hæc res manifesta fiat, alijs hoc idem rationibus ostendemus. Constat igitur principes, vtcunque externam simulationem legibus à populo extorquere posse concedantur, non tamen animis hominum dominari: religio verò non solum in lingua hominibus sita est, verum in eorum cordibus etiam firmissimas radices egit. Vanissimum igitur hoc commentum est quod principes religionis onus tanquam *μορμολύκειον* suæ plebi, ut eam in officio continerent, minis ac terrore imposuerint, etsi Statius id probasse videatur, cum inquit: Primus in orbe deos fecit timor. Nihilò verius est, quod apud Euripidem Syssiphus ait, fuisse videlicet quoddam tempus, quo sine ordine viuebant homines, hanc verò perturbationem legibus sublatam esse. Cùm verò lex apertas iniurias tantum prohiberet, clam autem multi alios læderent, sapientem quendam persuasisse hominibus, esse numen quod immortalem vitam duceret, omniaque audiret ac videret. Hæc in-

inquam nihilo verior est de religionis ortu  
sententia. Vt enim donemus rudi vulgò,  
quod facile in errorem impellitur, tale quic-  
quam persuaderi potuisse, quis tamen cre-  
dat viros graues & sapientes vllius imposto-  
ris suasu adduci potuisse, vt omnium sua-  
rum cogitationum inspectorem & arbitrum  
ceruicibus suis imminere crederent? Præte-  
rea si ita se res haberet, vtique hoc ab histo-  
riarum scriptoribus memorię proditum es-  
set, atqui nulla huius rei vestigia in vlllo pro-  
bato auctore deprehendi possunt. Roma-  
norum sacra à Numa Pompilio instituta es-  
se, vulgatissimum est. Græcorum orgia se-  
cum è Thracia aduexit Orpheus. Nullane  
verò ante hos in orbe religio erat, nihilne à  
populis & gentibus colebatur? Absit vt to-  
tus mundus tanta DEI ignorantia laborasse  
dicatur. Multò enim ante hos falsarum re-  
ligionum architectos, vera pietas erga v-  
num DEVM in Iudaica gente viguerat. Et  
longè antiquissima est idololatria, qua Soli  
& Lunæ quam reginæ cœli nomine Phœni-  
ces colebant, diuini honores attributi sunt.  
Quocirca Iob ipso Mose antiquior, ad inno-  
centiæ suæ testificationem etiam hoc affert,  
quod Soli & Lunæ cultum non exhibuerit.  
Si, inquit, vidi solem cum fulgeret, & lu-  
nam incedentem clarè, & lætatum est in ab-  
sccondito

Origo reli-  
gionum.

Iob. 31.

sccondito cor meum, & osculatus sum manum meam ore meo; quæ est iniquitas maxima, & negatio contra DEVM altissimum. Huc pertinet quod in Hesiodi Theogonia cœlo antiquissima diuinitas tribuitur: & Plato in Cratylo auctor est primos Græcorum illa, quæ etiam Barbari, pro dijs habuisse, Solem, Lunam, terram, astra, & cœlum. Hæc enim cum semper curriculo in orbem ire cernebant, à currendo, quod Græci θεῖν appellant, θεός id est, DEOS appellasse. Ad statuas igitur vel mortuorum hominum ἀποθεώσεως, aut certum aliquem ritum sacrificandi referendum est, quod certi homines apud quasdam gentes primi religionum institutores fuisse dicuntur. Tametsi neque statuarum vsus tam recens est, ut Orpheo vel Numæ attribui possit. Hunc enim mox à Bello, qui NINI pater fuit, non solum profanæ, sed & sacræ literæ incepisse testantur. Nam Plinius lib. 6. Naturalis historiæ capite 26. de Babylonia sic loquitur: Durat adhuc ibi Iouis Beli templum; inuentor hic fuit sideralis scientiæ. Eusebius in chronico- rum principio Assyrios Belum pro numine coluisse affirmat. In sacris literis verò tam celebris est huius Beli cultus, ut omne idolum Beli nomine, aut Syriacè Baali, vocetur. Quæ de causa dominus per Oseam dicit fu-

Origo idolorum.

Oseæ 2. ca.

D d s

turum,

turum. vt verus Israel non amplius DEVM  
 יְיָ sed יְיָ אֱלֹהֵינוּ appellet. Quoniam enim  
 hebraico idiomate vxor virum יְיָ, id est  
 dominus meus appellet, quia tamen eadem  
 vox idolum sonat, idcirco non vult DEVS  
 vel nomen cum falsis dijs commune habere,  
 sed יְיָ אֱלֹהֵינוּ, id est vir meus à fideli populo sa-  
 lutari cupit. Ante Ninum verò Epiphanius,  
 & post eum Suidas, Serug diuersas imagines  
 elaborasse scribunt, easque diuino honore  
 colendas persuasisse. Lactantius verò admo-  
 dum probabiliter coniicit primum Prome-  
 theum statuas pro numine colendas erexisse,  
 ac inde natam fabulam ex luto ipsum pri-  
 mos homines efformasse. Fulgentius in my-  
 thologia Syrophanem quendam in Aegyp-  
 to primum idololatriæ auctorem statuit.  
 Cap. 14. Hunc enim, quod in libro sapientiæ dicitur,  
 filio suo defuncto statuam poluisse, famili-  
 am verò eius, vt domino gratificarentur,  
 flores illi simulacro obtulisse, ac odores in-  
 cendisse, reos deinde ad ipsum cōfugientes,  
 veniam consecutos esse. Hinc credi cœptum  
 aliquid diuini idolis inesse. De idololatriæ  
 igitur origine in auctoribus classicis multa  
 inueniuntur, de religionis verò in vniuer-  
 sum primo ortu altissimum in historijs si-  
 lentium. Atque haud scio, an vllus mortali-  
 um queat firmiter in animum inducere nul-  
 lum

lum esse numē, quod ab hominibū colī de-  
beat. Protagoras tātū dubitauit: librū enim Nemo cer-  
ob quem Atheniēsi vrbe puls⁹ est, sic incho. tō statuere  
auerat: De dijs existant ne an non existant, potest nō  
certum non habeo. Quin neque Plinius pro. esse Deū.  
nuntiare audet, nullum esse Deum. Si quis  
est, inquit, totus est sensus, totus animi, totus  
sui. Lucianus quanquam in Ioue tragœdo  
rideat DE I prouidentiam, in Philopseude  
tamen is, qui sapientis personam sustinet  
(quales auctoris sententiam in dialogis ex-  
plicare solent) cum ipsi impingeretur, quod  
deos negaret, respondit se quidem credere  
Deos esse, sed superstitionem damnare. A-  
uerroim ex eodem ore calidum & frigidum  
efflare, supra demonstratum est. Quod si ta-  
men nonnulli existerent, quibus certō per-  
suasum esset, non curare DEVM res huma-  
nas, ac nulla idcirco religione colendum,  
quia illi minima quedam totius humani ge-  
neris particula existunt, nihilominus in cul-  
tum ac prouidentiam DE I totum orbem  
consentire dicendum esset. Consensus au-  
tem generis humani quid aliud est, quā  
vox ipsa naturæ? Quod maius indicium ve-  
ritatis, quā tot tam diuersi status, conditi-  
onis, sexus, ætatis, in vnum dogma conspira-  
tio? Aristoteles magnum quid se afferre pu-  
tat, cum probaturus cœlum esse deorum in-



Cap. 3. li. 1.  
de celo.

corruptibile domicilium, tam Græcis, quàm Barbaris id ab antiquo p̄suasum fuisse dicit. At nulla opinio antiquior, magisq; in omnium gentium mores inoleuit, quàm Dei providentia res humanas administrari; vt si aliud nihil, ipsa profectò humanæ naturæ reuerentia nos cōmouere posset ad hanc sententiam amplectendam. Qui enim totum genus nostrum erroris redarguit, quid aliud quàm naturam, cuius ipse particeps est, contumelia afficit? Quanto satius esset, cum Terentiano Chremete, homines cum simus, humani nihil à nobis alienum putare, quam omnium hominum contempto iudicio non tam ipsos excellere, quàm ad brutorum classem referēdi esse videri? Præsertim cum nulla re æquè homo à bruto, quàm religione & DEI cognitione discernatur.

*Quid respondendum sit ijs, qui existimant, vel negandum esse rerum singularum providentiam, vel liberum arbitrium tollendum.*

## CAPVT X.

**P**OST demonstratam Dei providentiam tempus nunc esset argumenta, quæ contrà obijci possent diluendi. Sed quia in eo munere, quam plurimi viri docti

docti magna cum laude versati sunt: & maxime quia tempus nundinarum à typographo huius operis editioni præstitutum in propinquo est, duas præcipuas, & omnibus notissimas duntaxat obiectiones depulsurus sum, quarum prior ab humana libertate, reliqua verò à casu & fortuna sumitur. Sic igitur à quibusdam DEI prouidentia oppugnatur. Si DEVS res singulas curat, etiam eas cognoscat necesse est, non solum quando existunt, verum etiam æternis seculis antequam fiant. Nam si quicquam prius ignoratum, postea nosce inciperet, mutationem subiret ipsius intellectus. Sed DEI natura prorsus immutabilis. Si autem singula priusquam fiunt, à Deo sciuntur, quæro an certam, an verò dubiam eorum præcognitionem habeat? Si dubiam, neque, cum existet, salua immutabilitate sua, certò illa nouerit. Si certam, actum erit de arbitrij libertate & contingentia, prorsusque fatali cuncta necessitate euenient. Nam fieri non potest, vt de rebus incertis & instabilibus certa cognitio habeatur. Posito enim, quod res aliter se habere possit, etiam DEI præscientiam falli posse statuendum erit, ac proinde DEVM non esse Deum. Quis enim pro DEO illum habeat, in quem error & deceptio cadere possunt? Dicit fortè quispiam, nunquam erratu-

Argumen-  
tū à liber-  
tate cōtra  
præscienti-  
am & pro-  
uidētiam.

occurritur  
solutio.

raturum DEVM, sed potuisse non præsciri, quod futurum prævidet, atque ita nullam ex eius certa προϋΰσι necessitatem in rebus subiectis consequi. Aliquid ad rem faceret ea responsio, si DEI præscientia à rebus quæ cognitioni diuinæ subiaceret, vlllo modo penderet. Sed hoc perquam absurdum esse videtur. Nam quicquid in DEO est æternum ac necessarium existit, nec in immutabili & simplicissima natura vllus est locus cōtingentiae. Rursum, si Dei cognitio vlla ex parte à rebus cognitis penderet, ab iisdem quoque perfectionem sui intellectus consequeretur. Atqui Dei maiestate indignum est, à creaturis ei quicquam perfectionis accedere. Sed, vt hoc omittamus, quomodo quæso possent res futuræ nec in seipsis existentes, nec statam & firmam cum suis causis connexionem habentes, diuinum intellectum ad sui comprehensionem excitare? Quanto melius D. Augustinus, cum scientiam futurorum DEO tribuere vellet, censuit eam non à rebus cognitis effici, sed earundem effectricem esse? Hic est ille nodus, qui tot præclara ingenia torfit, nec vsque in præsens, vt verum fatear, à quoquam ita solutus est, vt nullus super sit scrupulus. Quid igitur hoc loco facturum sum? An post tot doctissimorum hominum inanem laborem me vnum tam perplexæ diffi-

difficultatis enodationem puidisse dicam?  
 Atqui ea minimè ferenda arrogantia esset.  
 An tacitus hanc obiectionem præteribo? Sed  
 tunc causa inferior videbor. Vt igitur ex  
 tam scopuloso loco saluus in tutum eua-  
 dam, primum lubens fateor, postquam me  
 diu, multumq; ea cura libertatem cum præ-  
 scientia conciliandi exercuisset, ac multos  
 auctores ea de causa euoluisssem, nunquam  
 tamen vel ipsum me quicquam inuenire po-  
 tuisse, vel ab alijs inuentum deprehendere,  
 quod animo meo omni ex parte satisfaceret.  
 Itaque hic meam ignorantiam nō grauatim  
 confiteor. Neque tamen idcirco à fide pro-  
 uidentię diuinę desciscendum, aut eam  
 vlla ratione in dubium vocandam esse, Epi-  
 cureis concedo. Quid enim stultius, quàm  
 per id, quod ignotius, aut certè non magis  
 notum, dogma vllū euertere? At minus, aut  
 saltem non magis illustris est humanę vo-  
 luntatis libertas, quàm DEI cuncta dispen-  
 santis prouidentia. Porro non esse liberta-  
 tem prouidentia notio-  
 rem, multis modis o-  
 stendi potest. Primum enim si de rationibus  
 agatur, ex ad prouidentię confirmationem  
 tam multę ac validę allatę sunt, vt pro liber-  
 tate nec plures, nec validiores adferri pos-  
 sint. Si verò de experimentis sermo fiat, ne-  
 que ea nobis in causa prouidentię defuisse,

Libertatē  
 non esse  
 prouiden-  
 tia notio-  
 rem.

ex præcedentibus liquet. Dices fortè, illa ex historijs petita, libertatis verò suæ quæque singulis momentis periculum facere posse. Imò verò quisquis antea acta vitæ suæ tempora ad memoriam reuocet, huic facile quædam diuinæ curæ erga se documenta occurrerent. Sed non tam illustria, quàm libertatis, fortè dicturus es. Imò vix scio, an euidentiora. Non enim assentior ijs, qui tam exploratam esse cuique suam libertatem existimant, quam ignem esse calidum, niuem albam, idè oque non posse eam demonstrari, sed velut principium p se cognitum supponi debere: nam si adeò illustris esset eius notitia, non tam multi fatalis necessitatis patròni inuenirentur. Experimur quidem non cogi voluntatem nostram, sed tamen quàm sæpè vsum venire persentimus, vt contra mentis meliora probantis iudicium deteriora sequamur? Id autem cum fit, non solum non periclitamur vllam voluntatis libertatem, sed còtra etiam suspicio nobis seruitutis ingeritur. Quod si autem affectuum animi *ἀντιξυσίους* per experientiam nota non sit, neque membrorum vsum in nostra potestate situm esse, illo modo notum erit. Prius enim suam electionem voluntas in potestate habeat necesse est, quam corporis membra, quibus id, quod elegit exequatur. At dicet quispiam

quispiam, experiri nos quod consulemus; consilium verò non est, nisi τὸ εὐδεχόμενον, id est, quæ fieri aut non fieri possunt, vnde efficitur, etiam nos libertatem nostram experimento discere. Sed facilis ad hæc responsio. Nam ad consultationem sufficit, vt id, de quo instituitur deliberatio, cum volumus, possimus, quandoquidem de eo quod etiam si cuperemus, non possemus tamen efficere, ceu sunt volare, cælum digito attingere & similia, nemo sobrius deliberat. An autem voluntas efficiendi sit τὸ ἐφ' ἡμῖν, ex consultatione non ita perspicuum est, quam ignem calere. Diceret enim quispiam sati patronus consilio ita in vnâ partem determinari hominis voluntatem, vt in aliam se flectere non queat. Insuper multi insignes Theologi docent primam voluntatis mutationem, qua homo impius ad DEVM conuertitur, non esse in ipsius impij potestate. Sic enim D. Augustini doctrinam de gratia operante & cooperante intelligunt. Attamen impius non experitur, alio modo se conuerti ab impietate ad iustitiam, q̃ quo in politicis studio vnus rei deserto, aliud nouo quodam desiderio illectus, tractare incipit. Atqui id fieri oportebat, si libertatem suam in politicis experientia cognitam haberet: contrariorum enim idem iudicium, & qui

calorem percipit, etiam frigus percipiat, necesse est. Quare qui nonnunquam se libera uti voluntate persentiscit, idem quādo non liberè quippiam aggreditur, id haud dubiè perciperet. Infero igitur ex his omnibus arbitrij libertatem rationibus inuictis fultam esse, sed experimentis probabilibus duntaxat.

Si verò ab auctoritate sumta argumenta inter se comparentur, ea multò firmiora in causa prouidentie, quàm libertatis inuenturus es. Nam inter sapiētes non solum Stoici fatalem necessitatem defenderunt, sed & Plato voluntatem diuinam, ita omnium rerum causam constituit, ut fati patronus à nonnullis existimetur. Poetæ vetustissimi adeò huic opinioni addicti fuere, ut mortem idcirco *μοῖρα*, id est, fatum appellarint, quia unicuique fatalis moriendi hora praeſtituta sit. Historici gentiles & nominatim Herodotus, Diodorus, Curtius, Plutarchus, certa lege res humanas gubernari contendunt. Similiter & vulgus hominum Ethnicis temporibus ineuitabili cuncta necessitate fieri existimauit, & post euangelij prædicationem Manichæi, VVicleffistæ, Lutherani & nouissimè Caluinistæ libertatem arbitrij negant. Prouidentiam verò numinis horum nemo in dubium vocat. Cum igitur

Iulius Sirenus.

Lege Diodorum de obitu Alexandri.



igitur si non notius, saltem æquè notum sit  
 diuina cura mundum regi, quam hominem  
 libera voluntate præditum esse; si prorsus  
 inter se hæc duo conciliari nequeant, nulla  
 erit causa, cur potius per libertatem homi-  
 nis prouidentia, quam ecōtrario per hanc li-  
 bertas arbitrij oppugnetur. Quin audeo di-  
 cere, quòd, si quis deinde alia argūmenta  
 consideret, quæ contra libertatem ab inge-  
 niosis hominibus afferuntur, is facile assen-  
 surus sit, multò notiozem esse pronœam,  
 quàm libertatem humanam. Nam libr. pri-  
 mo planum fecimus idem argumētum, quo  
 Aristoteles DEO liberam voluntatem adi-  
 mere conatus est, etiam contra nostri ar-  
 bitrij libertatem valere. Prouidentia ve-  
 rò nihil insolubile obijcitur, quam *τὸ αὐ-  
 τεξοῦσθαι*. Quod tamen non magis ad eam,  
 quàm viceuersa hanc ad illud euertendum  
 accommodari debere, ostensum est. At liber-  
 tas præterquam quod ægrè cum DEI pro-  
 uidentia conciliari possit, etiam alio argu-  
 mento tam nodoso oppugnatur, vt quando  
 illud contra libertatem Dei affertur, à Phi-  
 losophis insolubile putetur. Hæc non idcir-  
 co à me dicuntur, quòd libertati humanæ  
 quicquam detractum velim (hanc enim æ-  
 πείη retinendam esse non dubito) sed proui-  
 dendum existimo, ne ij, qui omnis pietatis &

Cap. II. in  
 principio.

religionis fundamentum, quod planissimum & nullis perplexitatibus inuolutum esse conuenit, inquirunt, in subtilem illam de concordia præscientiæ & libertatis disputationem pertrahantur. Ait D. Augustinus in confessionibus se ex eo, quod crederet humanum genus DEO curæ esse, adductum ut crederet sacram scripturam esse veram. Verba eius sunt. Persuasisti mihi non qui crederent libris tuis, quos tanta in omnibus fere gentibus auctoritate fundasti, sed qui non crederent esse culpandos nec audientes esse, si qui fortè mihi dicerent: Vnde scis illos libros vni<sup>9</sup> veri & veracissimi Dei spiritu esse humano generi ministratos? Idipsum enim maxime credendum erat, quoniã nulla pugnacitas calumniosarum questionum per tam multa, quæ legeram inter se confligentium philosophorum extorquere mihi potuit, ut aliquando non crederem te esse, quicquid esses, quod ego nescirem, aut administrationem rerum humanarum ad te minimè pertinere. Sed id credebam aliquando robustius, aliquando exilius, semper tamen credidi & esse te, & curam nostri gerere, etiam si ignorabam, vel quid sentiendum esset de substantia tua, vel quæ via duceret, aut reduceret ad te. Ideoque si essemus infirmi ad inueniendam liquida ratione veritatem,

& ob

Lib. 6. c. 5.

Ex prouidentia pendet fides scripturarum.

& ob hoc nobis opus esset auctoritate sanctarum literarum, iam credere inceperam nullo modo te fuisse tributurum tam excellentem illi scripturæ per omnes iam terras auctoritatem, nisi & per ipsam tibi credi, & per ipsam te quæri voluisses. Hæc AVGVSTINVS. Sed infirmo admodum fundamento suam fidem Diuus AVGVSTINVS superstruxisset, si non magis evidens ipsi fuisset res humanas à Deo curari, quàm earundem 'procuracionem libero arbitrio non aduersari.

*Adhuc alio modo evitari posse obiectionem,  
qua à libertate sumitur.*

## CAPVT XI.

**A**ntegresso capite, diximus non esse necessarium ad tuendam rerum omnium providentiam, intricatissimam illam de concordia libertatis & præscientiæ disputationem ingredi, eò quòd magis notum sit Dei providentia cuncta administrari, quàm hominem libero arbitrio præditum esse. Nunc, ut magis elucescat, quàm nihil hoc argumento moveri debeamus, ostendendum easdem difficultates, ob quas providentia neganda esse videri posset, remansuras, etiam si illa de medio sublata

Ecce

esse

esse fingatur. Sciamus igitur oportet, facile explicari posse quomodo libertas arbitrij non repugnet Dei præscientiæ & providentiæ, si cogitemus rerum naturas non solum à Deo effectas esse, verumetiam cunctas earum actiones & motiones ab eius nutu pendere, ita, ut si is influxum suæ cooperationis ijsdem subtraheret, omnia inertī quodam otio lāguere necesse esset. In hac autem cooperatione ita ipsum se viribus creaturarum attemperare, ut suam unicuique naturam relinquat, ijs quæ necessario agunt, necessitatem, quæ liberè libertatem. Nec video sanè, cur intelligi non possit, eum, qui voluntatē liberam cōdidit, tam suaviter ipsam mouere & flectere posse, ut nihil eius libertatē imminuat. Quo cōstituto, non erit difficile intelligere, quomodo salva libertate omnium humanarum actionum **DEVS** præsciū existat. Quia enim cūcti motus humane voluntatis ex eius pendent arbitrio, ac voluntate, nihil autem vult, nisi & cognoscat; sequitur omnia, quæ in latebris animi sui quisque cogitat **DEO** perspecta & cognita esse. Quæres forte, num voluntas libera **DEI** motionem frustrari valeat, & si posse negemus, rursū contendes libertatem auferri, & causam omnium scelerum esse Deum, sin aliquando frustra habe-

Hunc modum præcognitionis ponit D. Augustinus 3. de ciuitate.

ri diuinam operationem confiteamur, nondum certæ Dei præcognitionis causa inuenta videbitur. Sed respondeo, vnicuique rei scopum à creatore DE O præfixum esse, ac propensionem ab eodem qua in eum feratur accepisse, sed quia illa per se non potest rem ad destinatum finem perducere, idcirco nunquam non à Deo, vt in eum tendat, incitari. Sed tamen quia non pro magnitudine potentia suæ, sed pro qualitate & conditione rei subiectæ, vnumquodque impellitur, idcirco non semper eo peruenit, quo secundum naturæ suæ primam institutionem debebat. Verbi causa, vult Deus semen ad perfecti animalis formam perducere, ac naturalem procliuitatem, qua in eam propendet, sua cooperatione efficacem reddit, verum quia calor seminalis vel ex se debilis est, vel materiæ inhabilitatem superare nequit, pro animali omnibus suis numeris absoluto exit monstrum. Pari modo vult Iudæ voluntatem ad amorem supremi boni incitare, sed quia in ratione eiusdem est defectus considerationis, quid bonum incommutabile perituro prestat, cōtra verò totus est in meditatione boni fluxi & caduci, diuitiarum videlicet, fit, vt eius voluntas magis in tale bonum inclinet. Talem igitur inueniens voluntatis in Iuda constitutionem,

dum eam vult ad summi boni amorem excitare, ipsa propter inhærentem defectum, in pecuniam velut vltimū finem, deflectit. Fatemur igitur voluntatem liberam, eatenus Dei influxum frustrari posse, vt non id bonum assequatur, in quod ab ipso directa erat, sed vilius & inferius. Cū verò postea infertur hinc sequi, nondum esse rationem inuentam, qua motus voluntatis à Deo cognoscatur, eò quòd nesciat, an sua cooperatio efficax futura sit nec ne, haud est obscurum, quid respondendum sit. Non enim ponimus Dei actionem posse omnino irritam & inefficacem reddi: sed tantum ob inhærentem in volūtate dispositionem fieri, vt non eò perueniat, quò illam DEVS, si prima institutio, & lex humano generi præscripta, consideretur, prouectam cuperet. Sed hīc iam quæstio emergit, si Deus non absolute decreuit voluntatem in particulari ad hoc, vel aliud bonum eligendum inflectere, sed in genere ad summi boni amorem, qui ex diuersa cuiusque hominis affectione modificetur, vnde illarum affectionum diuersitas originem sumserit. Ac si quidem à Deo, adhuc is peccati auctor videbitur, ne dicam libertatem arbitrij nullam relinqui. Nam si Dei motio pro varia hominum affectione ad hoc vel illud eligendum instigat, & rursum

Obiectio.

ea διαφέρειας diuersitas ab eodem Deo proficiscitur, quid restat, nisi vt is tota humanæ electionis quantumlibet vitiosæ, causa existat? At verò si ex sola hominum voluntate varietas illa internæ affectionis prouenit, quopacto Deus euentum suæ motionis præscire val- bit, cum ille ab eo cuius ipse non est auctor pendeat? Hic lubens fateor meam Solutio.  
 ignoratiā, sed tamē habeo, vnde declarem hoc argumentum esse sophisticum. Etenim si voluntatem fingamus à seipsa regi, nec esse diuinæ prouidentiae subiectam, adhuc aliquid sit oportet, cur ipsa hoc potius, quàm diuersum eligat. Nam vt 6. ethicorum dixit Aristoteles, qualis quisque est, talis ei & finis videtur. Præterea peccatum non potest à bono oriri quatenus bonum, sed quatenus iam aliquis in eo defectus præcessit, siquidem bonum, qua ex parte bonum est, nil nisi sui simile potest producere. Antequam igitur electio sit vitiosa, aliqua mentis humanæ affectio antegressa in causa est, vt malum præ bono eligatur. Vnde igitur illa erit? An à voluntate? Atqui tunc rursus quæretur, vnde potuerit defectus ille in voluntatem ex natura sua bonam obrepere, idque in infinitum. Si verò vt hoc euites, aliunde quàm à voluntate illum defectum promanare statuis, quo durante non potest non esse vitiosa.



ola electio, ergo voluntati non erit impun-  
dum quod peccet, verum alteri alicui rei  
quæ voluntatem illo defectu vitiauit. Cum  
igitur in eiusdem difficultatis solutione de-  
sudandum esset, etiam si DE I providentia  
negetur, si, cum ex alijs causis nequitur, tanti  
non esse videtur, ut propter eam arbitrij li-  
bertas neganda sit, quare cum ex providen-  
tia Dei consurgit, eius causa Deum res no-  
stras curare negabimus? Huc vsque perueni-  
re potui in obscurissimæ huius quæstionis in-  
telligentia, quæ deinceps sequuntur inexpli-  
cabilis mihi abyssus videntur. Quare ijs  
præteritis ad alterius obiectionis enodatio-  
nem progredior.

*Quod providentia specialis non repugnet  
contingentia casui & fortuna.*

### CAPVT XII.

Obiectio.

**P**riorem obiectionem violentè,  
quia aliud non poteramus,  
abrupimus: sed eam quæ restat  
plenè nos dissoluturos spera-  
mus. Obijciunt ergo nonnulli,  
vtcunque simplex præscientia secum fata-  
lem necessitatem non afferat, saltem provi-  
dētiam omnium rerum in particulari, quam  
potissimum hoc opere defendimus, adeò  
cum casu, fortuna, contingentia & libertate  
pugna-

pugnare vt magis non possit. Quomodo enim quod prouisum est, fortuitum, quodque ab aliena destinatione pendet, liberum existeret? Sed respondendum ipsis, specialem Solutio. prouidentiam duplicem esse. Vnam que vires cuique rei in prima eius creatione inditas ad operandum p illarum modo & particularium circumstantiarum varietate, excitat. Hęc autem licet reuera omnium naturarum communis sit, ideò tamen specialis dici potest, quod non, quemadmodum Auerrois imaginatus est, vis quædam à cœlesti corpore ad res omnes dimanans, sed influxus qui in vnamquamque naturam peculiaris à DEO proficiscitur, existat. Porro, quia hoc prouidentię genere non simpliciter humanam voluntatem ad hoc vel aliud eligendum determinat, sed tantum eò perducit, quò pro constitutione præsentis ipsa per se propēdebat, non rectè ex illo fatalis necessitas infertur. Est alia prouidentię ratio multò specialior, qua insitæ suę propēsi ni rerū naturæ haud permittuntur, sed ex diuinæ voluntatis decreto sic earum impetus temperantur, vt non nisi quod ipsi visum fuerit, queant efficere. Eiusmodi prouidentię opera sunt, quæ libro 4. cap. 7. & 8. recensuimus. Ac fatemur ea, quæ eiusmodi sunt, fortuita dici non posse, nec principibus illis qui oc-  
cultra

culta DEI destinatione perierunt, liberum erat sua consilia eum in modum instituere, vt nihil ipsis aduersi accideret: aut si libertatem retinebant, ne illa vterentur, à DEO prouisum fuit. Verùm nego omnia quæ vel hominibus, vel rebus alijs eueniunt, ex tali Dei destinatione euenire. Sed in multis sine DEI determinatione id accidere aio, quod fert rerum ipsarum naturalis propensio.

Quis enim credat ex definito consilio DEI fieri, quicquid pulices, glires, & mures faciunt? Quis tam impius, vt parricidia adulteria & alia scelera ex diuinæ voluntatis decreto patrari dicat? Præterea superuacuum esset omnis hominū industria, si consiliorum humanorum euentus à Dei voluntate penderet. Diceret fortè quispiam, has esse humanas rationes, sed cupere se auctoritate sacræ scripturæ ostendi, nonnulla casu & fortuita temeritate in hoc sublunari mundo geri. Extra institutum me vocat quisquis hoc flagitat; non enim cum hæreticis mihi hoc in hoc opere res est, sed cum pseudophilosophis, qui DEI prouidentiam ad res singulas omnino pertingere negant. Attamen ne quisquam me calumniatur, tanquam qui philosophorum sordibus puritatem fidei conspurcem, etiam ex sacris literis idem demonstrepo.

1. Corint. 9 monstrabo. Primum ait D. Paulus non esse  
DEO

DEO curam de bobus, hoc autem non idē dictum intelligi potest, quōd bruta diuinæ procurationi in totum exempta sint, verū quia non tam singularem eorum curam gerit, quā hominum. At quomodo hoc verum erit, si in brutorum iuxta ac hominum vita nullus est locus casui & temeritati? Ad hæc Salomon prouerbiorum 19. domus, inquit, & diuitiæ dantur à parentibus, à Domino autem propriè vxor prudens. Falsum est igitur, quæ hominibus eueniunt, æquē speciali & propria destinatione Dei cuncta euenire, sed diuitiæ ijs, qui parentes diuites nacti sunt, non nisi generali illa ratione obtingunt, quōd homines ab ipso mētem adepti sunt, qua intelligant quicquid parentes thesaurizarūt, hoc ijs defunctis filiorum esse. Præterea cum iusti sunt in societate eorum in quos diuina vindicta vel peste, vel bello, vel fame, vel quacunque alia castigatione propter intolerabilem ipsorum malitiam, defæuitura est, semperne putas admonēbuntur, vt se de medio eorum proripiant, quem admodum Loth, vt è Zedomis aufugeret admonitus est? Aut per miraculum futurum, vt omnibus afflictis ipsi nihil patiātur? At nihil horum verisimile. Si verò vnacum alijs & ipsi plagarum cōmunium participēs fiant, non ex diuina destinatione id accide-

re di-

eri dicendum est. Non enim ipsorum causa  
eæ plagæ diuinitus infliguntur, sed mali &  
improbi suis sceleribus eas commeruerunt:  
illos verò quia versantur in medio eorum,  
quos Deus vlcisci decreuit, ex consequenti,  
& non ex proposito diuino affligi contin-  
git. Nec refert quod etiam ipsi leuibus qui-  
busdam delictis contaminati sint, & maxi-  
mè quod humanam offensionem metuen-  
tes non satis acriter sceleratos corripuerint;  
licet enim hinc ostendatur non posse eos de  
iniustitia DEI queri, cum neque ipsi pror-  
sus infantes sint, adhuc tamen relinquitur  
non fuisse ipsos si extra malorum societa-  
tem extitissent, tam grauiter puniendos. In-  
super infantes baptizati & propterea ab om-  
ni peccato immunes, qua re tam grauiter  
Deum offenderunt, vt etiam illi tota aliqua  
ciuitate pereunte iisdem plagis inuoluatur?  
Quid de his aliud dici potest, quàm non hoc  
ex destinato egisse Deum, vt illi quicquam  
paterentur, verùm quia in medio pereuntia-  
um inueniebantur, vi naturali vna cum illis  
internecioni datos esse? Idem iudicium de  
beneficijs, quæ malis hominibus, vt Laban,  
Putipheri & similibus, propter societatem  
iustorum obuenerunt. His accedit ipsius  
Dei per Hieremiam prophetam oraculum,  
quo apertissimè negat se immutabili decre-  
to qua

to quæ hominibus eueniunt, constituere. Repentè, inquit loquar, aduersum gentem & aduersum regnum, vt eradicem & destruam & disperdam illud. Si pœnitentiam egerit gens illa à malo suo quod locutus sum aduersus eam, agam & ego pœnitentiam super malo quod cogitavi, vt facerem ei. Quid apertius dici potuit ad indicandum, quod sententia diuina ab hominum moribus quodammodo pendeat, nec ita in vnam partem determinata sit, vt si illi vitam corrigere velint, ipse plagas quas minatus erat, nihilominus sit inflicurus. Pluribus etiam in locis sacræ literæ indicant hominum flagitia non esse à Deo prædestinata. Nemo, inquit Iacobus, cum tentatur dicat, quoniam à DEO tentatur; DEVS enim *ὁ θεὸς ὁ πειρασὸς καὶ ὁ πειρασμὸς*, id est non sollicitans ad malum. Sequitur enim: Ipse autem neminem tentat.

Hieremias  
18. capite.

Iacob. 1.

Et vix est quicquam veterum theologorum, qui non hunc errorem magno studio oppugnârit, vt superuacaneum videatur, plura testimonia coaceruare, quibus non à Deo provenire hominum malitiam ostendatur. Hæc autem omittere non potui, ne dum cuncta diuino nutu fieri dico, quicquam inde erroris occasionem sumat. Vt igitur finem propositæ objectionis solutioni imponam, regnorum & imperiorum à gente

calorem percipit, etiam frigus percipiat, necesse est. Quare qui nonnunquam se libera uti voluntate persentiscit, idem quādo non liberè quippiam aggreditur, id haud dubiè perciperet. Infero igitur ex his omnibus arbitrij libertatem rationibus inuictis fultam esse, sed experimentis probabilibus duntaxat.

Si verò ab auctoritate sumta argumenta inter se comparentur, ea multò firmiora in causa prouidentie, quàm libertatis inuenturus es. Nam inter sapiētes non solum Stoici fatalem necessitatem defenderunt, sed & Plato voluntatem diuinam, ita omnium rerum causam constituit, ut fati patronus à nonnullis existimetur. Poetæ vetustissimi ad eò huic opinioni addicti fuere, ut mortem idcirco *μοῖρα*, id est, fatum appellarint, quia unicuique fatalis moriendi hora præstituta sit. Historici gentiles & nominatim Herodotus, Diodorus, Curtius, Plutarchus, certa lege res humanas gubernari contendunt. Similiter & vulgus hominum Ethnicis temporibus ineuitabili cuncta necessitate fieri existimauit, & post euangelij prædicationem Manichæi, VVicleffistæ, Lutherani & nouissimè Calvinistæ libertatem arbitrij negant. Prouidentiam verò numinis horum nemo in dubium vocat. Cum igitur

Iulius Sirenus.

Lege Diodorum de obitu Alexandri.



igitur si non notius, saltem æquè notum sit  
 diuina cura mundum regi, quam hominem  
 libera voluntate præditum esse; si prorsus  
 inter se hæc duo conciliari nequeant, nulla  
 erit causa, cur potius per libertatem homi-  
 nis prouidentia, quam ecôtrario per hanc li-  
 bertas arbitrij oppugnetur. Quin audeo di-  
 cere, quòd, si quis deinde alia argumenta  
 consideret, quæ contra libertatem ab inge-  
 niosis hominibus afferuntur, is facile assen-  
 surus sit, multò notiozem esse pronoeam,  
 quàm libertatem humanam. Nam libr. pri-  
 mo planum fecimus idem argumētum, quò  
 Aristoteles DEO liberam voluntatem adi-  
 mere conatus est, etiam contra nostri ar-  
 bitrij libertatem valere. Prouidentia ve-  
 rò nihil insolubile obijcitur, quam τὸ ἀν-  
 τεζούριον. Quòd tamen non magis ad eam,  
 quàm viceuersa hanc ad illud euertendum  
 accommodari debere, ostensum est. At liber-  
 tas præterquam quòd ægrè cum DEI pro-  
 uidentia conciliari possit, etiam alio argu-  
 mento tam nodoso oppugnatur, vt quando  
 illud contra libertatem Dei affertur, à Phi-  
 losophis insolubile putetur. Hæc non idcir-  
 co à me dicuntur, quòd libertati humanæ  
 quicquam detractum velim (hanc enim æ-  
 πείη retinendam esse non dubito) sed proui-  
 dendum existimo, ne ij, qui omnis pietatis &

Lib. 6. c. 5.

Ex proui-  
dētia pen-  
det fides  
scriptura-  
rum.

religionis fundamentum, quod planissi-  
mum & nullis perplexitatibus inuolutum  
esse conuenit, inquirunt, in subtilem illam  
de concordia præscientiæ & libertatis dis-  
putationem pertrahantur. Ait D. Augusti-  
nus in confelsionibus se ex eo, quod crede-  
ret humanum genus DEO curæ esse, addu-  
ctum vt crederet sacram scripturam esse ve-  
ram. Verba eius sunt. Persuasisti mihi non  
qui crederent libris tuis, quos tanta in omni-  
bus fere gentibus auctoritate fundasti, sed q  
non crederent esse culpandos nec audien-  
dos esse, si qui fortè mihi dicerent: Vnde scis  
illos libros vni⁹ veri & veracissimi Dei spi-  
ritu esse humano generi ministratos? Idip-  
sum enim maximè credendum erat, quoniā  
nulla pugnacitas calumniosarū quæstionum  
per tam multa, quæ legeram inter se confi-  
gentium philosophorum extorquere mihi  
potuit, vt aliquando non crederem te esse,  
quicquid esses, quod ego nescirem, aut ad-  
ministrationem rerum humanarum ad te  
minimè pertinere. Sed id credebam aliquan-  
do robustius, aliquando exilius, semper ta-  
men credidi & esse te, & curam nostri gere-  
re, etiam si ignorabam, vel quid sentiendum  
esset de substantia tua, vel q̄ via duceret, aut  
reduceret ad te. Ideoque si essemus infirmi  
ad inueniendam liquida ratione veritatem,

&amp; ob

& ob hoc nobis opus esset auctoritate sanctarum literarum, iam credere inceperam nullo modo te fuisse tributurum tam excellentem illi scripturæ per omnes iam terras auctoritatem, nisi & per ipsam tibi credi, & per ipsam te quæri voluisses. Hæc AVGVSTINVS. Sed infirmo admodum fundamento suam fidem Diuus AVGVSTINVS superstruxisset, si non magis euidens ipsi fuisset res humanas à Deo curari, quàm earundem procuracionem libero arbitrio non aduersari.

*Adhuc alio modo evitari posse obiectionem, qua à libertate sumitur.*

## CAPVT XI.

**A**ntegresso capite, diximus non esse necessarium ad tuendam rerum omnium prouidentiam, intricatissimam illam de concordia libertatis & præscientiæ disputationem ingredi, eò quòd magis notum sit Dei prouidentia cuncta administrari, quàm hominem libero arbitrio præditum esse. Nunc, vt magis elucescat, quàm nihil hoc argumento moueri debeamus, ostendendum easdem difficultates, ob quas prouidentia neganda esse videri posset, remansuras, etiam si illa de medio sublata

Ecce

esse

esse fingatur. Sciamus igitur oportet, facile  
 explicari posse quomodo libertas arbitrij  
 non repugnet Dei præscientiæ & providen-  
 tiæ, si cogitemus rerum naturas non solum  
 à Deo effectas esse, verumetiam cunctas ear-  
 um actiones & motiones ab eius nutu pen-  
 dere, ita, vt si is influxum suæ cooperatio-  
 nis ijsdem subtraheret, omnia inertī quo-  
 dam otio lāguere necesse esset. In hac autem  
 cooperatione ita ipsum se viribus creatura-  
 rum attemperare, vt suam vnique natu-  
 ram relinquat, ijs quæ necessario agunt, ne-  
 cessitatem, quæ liberè libertatem. Nec video  
 sanè, cur intelligi non possit, eum, qui vo-  
 luntatē liberam cōdidit, tam suauiter ipsam  
 mouere & flectere posse, vt nihil eius liber-  
 tatē imminuat. Quo cōstituto, non erit dif-  
 ficile intelligere, quomodo salua libertate  
 omnium humanarum actionum **DEVS**  
 præscius existat. Quia enim cūcti motus hu-  
 mane voluntatis ex eius pendent arbitrio, ac  
 voluntate, nihil autem vult, nisi & cognos-  
 cat; sequitur omnia, quæ in latebris ani-  
 mi sui quisque cogitat **DEO** perspecta  
 & cognita esse. Quæres forte, num volun-  
 tas libera **DEI** motionem frustrari valeat,  
 & si posse negemus, rursus contendes li-  
 bertatem auferri, & causam omnium scele-  
 rum esse Deum, sin aliquando frustra habe-

ri diu-

Hunc mo-  
 dum præ-  
 cognitio-  
 nis ponit  
 D. Augu-  
 stinus s. de  
 ciuitate.

ri diuinam operationem confiteamur, nondum certæ Dei præcognitionis causa inuenta videbitur. Sed respondeo, vnicuique rei scopum à creatore DE O præfixum esse, ac propensionem ab eodem qua in eum feratur accepisse, sed quia illa per se non potest rem ad destinatum finem perducere, idcirco nunquam non à Deo, vt in eum tendat, incitari. Sed tamen quia non pro magnitudine potentia suæ, sed pro qualitate & conditione rei subiectæ, vnumquodque impellitur, idcirco non semper eo peruenit, quo secundum naturæ suæ primam institutionem debebat. Verbi causa, vult Deus semen ad perfecti animalis formam perducere, ac naturalem procliuitatem, qua in eam propendet, sua cooperatione efficacem reddit, verum quia calor seminalis vel ex se debilis est, vel materiæ inhabilitatem superare nequit, pro animali omnibus suis numeris absoluto exit monstrum. Pari modo vult Iudæ voluntatem ad amorem supremi boni incitare, sed quia in ratione eiusdem est defectus considerationis, quid bonum incommutabile perituro prestat, cōtra verò totus est in meditatione boni fluxi & caduci, diuitiarum videlicet, fit, vt eius voluntas magis in tale bonum inclinet. Talem igitur inueniens voluntatis in Iuda constitutionem,

ea διαφέρειας diuersitas ab eodem Deo proficiscitur, quid restat, nisi vt is tota humanæ electionis quantumlibet vitiosæ, causa existat? At verò si ex sola hominum voluntate varietas illa internæ affectionis prouenit, quopacto Deus euentum suæ motionis præscire valeret, cum ille ab eo cuius ipse non est auctor pendeat? Hic lubens fateor meam *Solutio.* ignorantiā, sed tamē habeo, vnde declarem hoc argumentum esse sophisticum. Etenim si voluntatem fingamus à seipsa regi, nec esse diuinæ prouidentię subiectam, adhuc aliquid sit oportet, cur ipsa hoc potius, quàm diuersum eligat. Nam vt 6. ethicorum dixit Aristoteles, qualis quisque est, talis ei & finis videtur. Præterea peccatum non potest à bono oriri quatenus bonum, sed quatenus iam aliquis in eo defectus præcessit, siquidem bonum, qua ex parte bonum est, nil nisi sui simile potest producere. Antequam igitur electio sit vitiosa, aliqua mentis humanæ affectio antegressa in causa est, vt malum præ bono eligatur. Vnde igitur illa erit? An à voluntate? Atqui tunc rursus quæretur, vnde potuerit defectus ille in voluntatem ex natura sua bonam obrepere, idque in infinitum. Si verò vt hoc euites, aliunde quàm à voluntate illum defectum promanare statuis, quo durante non potest non esse vitiosa.

ola electio, ergo voluntati non erit impurandum quod peccet, verum alteri alicui rei quæ voluntatem illo defectu vitiauit. Cum igitur in eiusdem difficultatis solutione sudandum esset, etiamsi DE I prouidentia negetur, si, cum ex alijs causis nequitur, tantum non esse videtur, ut propter eam arbitrij libertas neganda sit, quare cum ex prouidentia Dei consurgit, eius causa Deum res nostras curare negabimus? Huc vsque peruenire potui in obscurissimæ huius quæstionis intelligentia, quæ deinceps sequuntur inexpl. cabilis mihi abyssus videntur. Quare ijs præteritis ad alterius obiectionis enodationem progredior.

*Quod prouidentia specialis non repugnet  
contingentia casui & fortuna.*

## CAPVT XII.

Obiectio.

**P**riorem obiectionem violentè, quia aliud non poteramus, abruptimus: sed eam quæ restat plenè nos dissoluturos speramus. Obijciunt ergo nonnulli, utcumque simplex præscientia secum fatalem necessitatem non afferat, saltem prouidentiam omnium rerum in particulari, quam potissimum hoc opere defendimus, adeò cum casu, fortuna, contingentia & libertate pugna-



pugnare vt magis non possit. Quomodo enim quod prouisum est, fortuitum, quodque ab aliena destinatione pendet, liberum existeret? Sed respondendum ipsis, specialem Solutio. prouidentiam duplicem esse. Vnam que vires cuique rei in prima eius creatione inditas ad operandum, p illarum modo & particularium circumstantiarum varietate, excitat. Hęc autem licet reuera omnium naturarum communis sit, idcō tamen specialis dici potest, quod non, quemadmodum Auerrois imaginatus est, vis quædam à cœlesti corpore ad res omnes dimanans, sed influxus qui in vnamquamque naturam peculiaris à DEO proficiscitur, existat. Porro, quia hoc prouidentię genere non simpliciter humanam voluntatem ad hoc vel aliud eligendum determinat, sed tantum eō perducit, quò pro constitutione præsentis ipsa per se propēdebat, non rectē ex illo fatalis necessitas infertur. Est alia prouidentię ratio multò specialior, qua in sita sue propēsiōni rerū naturæ haud permittuntur, sed ex diuinæ voluntatis decreto sic earum impetus temperantur, vt non nisi quod ipsi visum fuerit, queant efficere. Eiusmodi prouidentię opera sunt, quæ libro 4. cap. 7. & 8. recensuimus. Ac fatemur ea, quæ eiusmodi sunt, fortuita dici non posse, nec principibus illis qui oc-  
culti

444 DE PROVIDENTIA DEI  
culti DEI destinatione perierunt, liberum  
erat sua consilia eum in modum instituere,  
vt nihil ipsis aduersi accideret: aut si liber-  
tatem retinebant, ne illa vterentur, à DEO  
prouisum fuit. Verùm nego omnia quæ vel  
hominibus, vel rebus alijs eueniunt, ex tali

Quod om-  
nia fiât ex  
destinatio-  
ne diuina.

DEI destinatione euenire. Sed in multis sine  
DEI determinatione id accidere aio, quod  
fert rerum ipsarum naturalis propensio.  
Quis enim credat ex definito consilio DEI  
fieri, quicquid pulices, glîres, & mures faci-  
unt? Quis tam impius, vt parricidia adulte-  
ria & alia scelera ex diuinæ voluntatis de-  
creto patrari dicat? Præterea superuacane-  
um esset omnis hominû industria, si consili-  
orum humanorum euentus à Dei voluntate  
penderet. Diceret fortè quispiam, has esse hu-  
manas rationes, sed cupere se auctoritate sa-  
cræ scripturæ ostendi, nonnulla casu & for-  
tuita temeritate in hoc sublunari mundo  
geri. Extra institutum me vocat quisquis  
hoc flagitat; non enim cum hæreticis mihi  
hoc in hoc opere res est, sed cum pseudophi-  
losophis, qui DEI prouidentiam ad res sin-  
gulas omnino pertingere negant. Attamen  
ne quisquam me calumniatur, tanquam qui  
philosophorum sordibus puritatem fidei  
conspurcem, etiam ex sacris literis idem de-

1. Corint. 9 monstrabo. Primum ait D. Paulus non esse  
DEO

DEO curam de bobus, hoc autem non ideo dictum intelligi potest, quod bruta diuinæ procurationi in totum exempta sint, verum quia non tam singularem eorum curam gerit, quàm hominum. At quomodo hoc verum erit, si in brutorum iuxta ac hominum vita nullus est locus casui & temeritati? Ad hæc Salomon prouerbiorum 19. domus, inquit, & diuitiæ dantur à parentibus, à Domino autem propriè vxor prudens. Falsum est igitur, quæ hominibus eueniunt, æquè speciali & propria destinatione Dei cuncta euenire, sed diuitiæ ijs, qui parentes diuites nati sunt, non nisi generali illa ratione obtingunt, quod homines ab ipso mætrem adepti sunt, qua intelligant quicquid parentes thesaurizarunt, hoc ijs defunctis filiorum esse. Præterea cum iusti sunt in societate eorum in quos diuina vindicta vel peste, vel bello, vel fame, vel quacunque alia castigatione propter intolerabilem ipsorum malitiam, defauitura est, semperne putas admonebuntur, vt se de medio eorum proripiant, quem admodum Loth, vt è Zedomis aufugeret admonitus est? Aut per miraculum futurum, vt omnibus afflictis ipsi nihil patiâtur? At nihil horum verisimile. Si verò vnacum alijs & ipsi plagarum cõmunium participes fiant, non ex diuina destinatione id accide-

re dia.

eri dicendum est. Non enim ipsorum causa  
 eae plagae diuinitus infliguntur, sed mali &  
 improbi suis sceleribus eas commeruerunt:  
 illos verò quia versantur in medio eorum,  
 quos Deus vlcisci decreuit, ex consequenti,  
 & non ex proposito diuino affligi contin-  
 git. Nec refert quod etiam ipsi leuibus qui-  
 busdam delictis contaminati sint, & maxi-  
 me quod humanam offensionem metuen-  
 tes non satis acriter sceleratos corripuerint;  
 licet enim hinc ostendatur non posse eos de  
 iniustitia DEI queri, cum neque ipsi pror-  
 sus insontes sint, adhuc tamen relinquitur  
 non fuisse ipsos si extra malorum societa-  
 tem extitissent, tam grauius puniendos. In-  
 super infantes baptizati & propterea ab om-  
 ni peccato immunes, qua re tam grauius  
 Deum offenderunt, vt etiam illi tota aliqua  
 ciuitate pereunte iisdem plagis inuoluatur?  
 Quid de his aliud dici potest, quam non hoc  
 ex destinato egisse Deum, vt illi quicquam  
 paterentur, verum quia in medio pereuntia-  
 um inueniebantur, vi naturali vna cum illis  
 interneconi datos esse? Idem iudicium de  
 beneficijs, quae malis hominibus, vt Laban,  
 Putipheri & similibus, propter societatem  
 iustorum obuenerunt. His accedit ipsius  
 Dei per Hieremiam prophetam oraculum,  
 quo apertissime negat se immutabili decre-  
 to qua

to quæ hominibus eueniunt, constituere. Repentè, inquit loquar, aduersum gentem & aduersus regnum, vt eradicem & destruiam & disperdam illud. Si pœnitentiam egerit gens illa à malo suo quod locutus sum aduersus eam, agam & ego pœnitentiam super malo quod cogitavi, vt facerem ei. Quid apertius dici potuit ad indicandum, quod sentètia diuina ab hominum moribus quodammodo pendeat, nec ita in vnâ partem determinata sit, vt si illi vitam corrigere velint, ipse plagas quas minatus erat, nihilo minus sit inflicurus. Pluribus etiam in locis sacræ literæ indicant hominum flâgitia non esse à Deo prædestinata. Nemo, inquit Iacobus, cum tentatur dicat, quoniam à DEO tentatur; DEVS enim ἀνίστατος καὶ ὢν, id est non sollicitans ad malum. Sequitur enim: Ipse autem neminem tentat.

Hieremias  
18. capite.

Iacob. i.

Et vix est quicquam veterum theologorum, qui non hunc errorem magno studio oppugnârit, vt superuacaneum videatur, plura testimonia coaceruare, quibus non à Deo provenire hominum malitiam ostendatur. Hæc autem omittere non potui, ne dum cuncta diuino nutu fieri dico, quicquam inde erroris occasionem sumat. Vt igitur finem propositæ obiectionis solutioni imponam, regnorum & imperiorum à gente

gente in gentem translationes diuinæ prouidentia assignandas esse non dubito: quia

Daniel. 4. apud Danielelem lego excelsum dominari in regno hominum & cuicumque voluerit, dare illud. Bellorum successus diuino arbitrio ut plurimum temperari non illibenter ag-

Prouer. 21. nolsco, quia Salomonis dictum est, æquum parari in diem belli, dominum verò tribuere salutem. Regibus & principibus sæpè mentem tum suo, tum subditorum merito eripi non eo inficias, quia in Esaia inuenio, stultos factos principes Thaneos, emarcuisse principes Mempheos, decepisse Aegyptum, angulum populorum eius: Dominum miscuisse

Esaie ca. 19. in medio eorum spiritum vertiginis, & ideò in errorem induxisse Aegyptios, sicut errat ebrius, & vomens. Haud negò priuatis hominibus multa per Dei occultam dispensationem accidere, quia Iosephi in Aegyptum venditionem non casu accidisse, sed diuino consilio prouisam esse, Moses auctor omni exceptione maior testatur. Sed omnia quæ à brutis quomodocunque fiunt, semper speciali Dei procuratori, nunquam insitis sporum viribus, vniuersa quoque bona & mala, quæ hominibus contingunt, diuinæ destinationi, nihil verò propriæ eorum vel industriæ, vel negligentia dandum esse, quia scripturæ credi non postulant, nec rationi

con-

consentaneum est, Calvinistis fatalis necessitatis patronis relinquatur. Super sunt adhuc aliæ quædam obiectiones, verum solutu faciles. Nam quòd omnia pariter eueniunt iusto & impio, sacrificanti & sacrificia contemnenti, quòd non contra malos sententiâ mox profertur, quòd stulti in dignitate conspiciantur & diuites deorsum se deant, quòd omnia querelis & lacrumis innocentum sint plena, & Deus sæpè inuocatus opem non ferat, & vt vno verbo dicam, maxima sit rerum humanarum in hac vita confusio, non solum nihil officere Dei prouidentia, sed etiam illustrare eandem, libro huius operis secundo tam multis ostendimus, vt hic iterum eadem de re verba facere non sit necesse.



# PER ORATIO TOTI VS OPERIS.

B

**H**AEC habui beneuo-  
lè lector, quæ de prou-  
dentia Dei scriberem.  
In quibus si quid bene-  
dictum repereris, hoc  
ipsum Deo Opt. Max.  
cuius hic causam egi,  
acceptum ferto. Sin oc-  
currant nonnulla, quæ non satis argumenti  
maiestati respondere videantur, hæc non re-  
cuso quo minus mihi imputentur. Ingenue  
enim fateor materiam hanc grandiore[m] es-  
se, quàm vt perfectæ eius tractationi meum  
ingeniolum par sit. Quia tamen in magnis  
ipsum voluisse sua laude non caret, idcirco  
meas de tam sublimi re commentationes æ-  
quis lectoribus non ingratas fore sperans,  
publico eas committere non dubitavi. Exi-  
stimabam etiam nonnullos meo exemplo  
extimulatum iri ad plenius & absolutius  
hanc quæstionem explicandam, hisque no-  
strum hoc scriptum πρὸς ὁδὸν futurum esse si  
non ad aliud, saltem vt quæ ego moui dūta-  
xat, ipsi sibi diligentius enodanda esse ad-  
moneantur.

95P  
rit, conuiuere; præsertim cum quæ maximè  
castigatione indigebant. ad calcem libri no-  
tata reueaturus es.

# ELENCHVS CAPI- TVM QVÆ VNOQVOQVE libro continentur.

## LIBRI PRIMI HÆC SVNT Capita.

Ut ex mundi opificio prouidentia elucet, ita vi- I.  
ciscim ex prouidentia sequi Deum esse mun-  
di opifcem. pag. 1.

Quod ex figura partium mundi vnus eius colli- II.  
gatur opifex. 8.

Idem de magnitudine partium mundi probari III.  
posse. 13.

Idem ex numero corporum, ex quibus mundus II II I.  
componitur demonstrari posse. 19.

Quod ex situ earundem partium doceri possit V.  
Deus esse mundi conditor. 22.

Quod ex accidentibus, quæ in operibus naturæ VI.  
cernuntur idem demonstratur. 26.

Quod ex mutua conseruatione partium vniuer- VII.  
si vnus earum opifex demonstratur. 37.

Quod rerum naturæ non solum inter se, ve- VIII.  
rumetiam ad totum vniuersum ordinem  
habe.

habeant, atque ex eo probentur à DEO effe-  
cta. 51.

I X. Idem posse multis ex prima philosophia penitus  
rationibus demonstrari. 59.

X. Solutio argumentorum ex quibus contrarium  
effici videtur. 68.

XI. Quod ex eo sequatur mundum diuina providen-  
tia regi, quia & à Deo effectus est. 74.

XII. Quod libera voluntate DEVS mundum pro-  
duxerit. 91.

## LIBRI SECVNDI CAPITA

sunt ista.

I. Naturalem hominis rationem dictare virtutum  
officia ob nullos dolores, imò ne ob mortem  
quidem deserenda esse. 112.

II. Quod ex illo natura dictamine probetur Deum  
esse virtutis remuneratorem. 119.

III. Non esse virtutem sibi ipsi mercedem. 122.

IIII. Naturam in necessarijs defecisse si res humane  
DEO cura non sint. 130.

V. Naturam non providisse sat firma humane so-  
cietatis vincula, si DEI providentia mundus  
non regitur. 135.

VI. Quid respondendum sit ijs, qui docent fidei reli-  
gione populum in officio continendum. 140.

VII. Naturalem esse notionem, quod bonis beata, ma-  
lis misera vita debeatur. 145.

## P R A E F A T I O.

etiam facere debeant. Verum ut hisce in rebus studium & industriam meam nonnullam æquus lector deprehensus est, ita econtrario stilius fortè quibusdam in locis aridior, quàm pro rei subiectæ maiestate videbitur: quædam pressius tractata putabuntur, quàm materiæ vbertas postulabat. Adde quod subinde errata orthographica, imò & solocismi hic occurrant.

Ne igitur vitia mihi fraudi sint, quæ velut ex alta specula in hoc libro viros doctos offensura esse prospicio, de impedimentis quæ mihi obstitere quominus omni ex parte absolutus hic liber in lucem prædeat, tertio nunc pauca dicenda. Primum stili incultioris veniam nullam requiro, quia cum logodædalum me non profitear, iniquus sit qui præter perspicuitatem, ullam à me orationis virtutem flagitet. Perspicuè verò & planè omnia à me quatenus fert rerum quæ tractantur obscuritas, tradita esse confido. Videas tamen dictionis faciem quibusdam locis paulò venustiore, quibusdam verò magis illaboratam & incomptam esse. De cuius ἀνομαλίας causa sic habetò. Cùm ante paucos annos hoc opus Louanij elaboraré, parum de editione sollicitus, nullam stili rationem habuerim: postea verò ad eius editionem tentandam quorundam instigatione

\* \*

ne per-

# P R A E F A T I O.


ne permotus, vidi mihi, si honorî meo consultum vellem, totum opus recoquendum esse. In eo labore dum versor, typographus, qui iam aliquot folia excuderat, quotidie à me diurnum pensum magna importunitate exigit, & velut sedula obstetrix meum partum intétus obseruat. Ita factum est, vt, cum aliquando firmior, aliquando imbecillior mea valetudo esset, nōnūquā voluptati, nōnūquā fastidio mihi scribendi labor fuerit. Cū verò animus fastidio lāguēs ad scribēdum accedit, etiam oratio, quæ velut imago quædam est mentis, langueat necesse est. Eadem festinatio in causa fuit, vt lituris aliquādo confusa & perturbata essent, quæ mei *εργασίας* simulatq; scripta viderent, ad prælum abripiebant: in tanta igitur liturarum confusione accidere necesse fuit, vt operæ nonnunquam inducta reliquerint, & vicissim relicta induxerint. Sanauimus hæc vulnera quidem eatenus, vt lectorem remoratura non sint: verum fieri non potuit, quin in tanta eorum multitudine, quædam nostram diligentiam effugerint. Intellexisti causas, beneuole lector, ob quas non tam limatum hoc opus in lucem prodeat, quam cupiuissem; tuę nunc æquitatis erit hac satisfactione accepta ad nāuos, quos non tam incitiam nostra, quàm typographi acceleratio pepe-

ERRATA, QVAE PAR-  
TİM OBSCVRIORIS MANV-  
SCRIPTI EXEMPLARIS CVLPA,  
partim operarum negligentia irreple-  
ferunt, sic restitue.

Pagina prima, linea quarta, lege confirmari-  
dam. 2. 4. Aristotelicos. 5. 5. nullum. 8. 16.  
nullus. 10. 18. acciderit. 13. 3. vindicandi. 15.  
16. dicat. 33. 7. pretij. ibidem 11. in ceperunt.  
36. 22. dele quod. 46. 13. somno. 78. 15. pro re-  
bus lege ijs. ibidem 24 post que adde insuper  
83. 9. quam. 112. in margine 93. 115. 1. confessus.  
126. 5. addictus. 140. in margine lib. 2. 147. 7.  
briginem. 149. 2. dele ipsi. 150. 21. Rhadaman-  
thus. 151. 9. ἀσπον. ibidem 10. ὕσπυς. 155. 26.  
questurum. 169. 6. euoluerit. 172. 22. iuste.  
175. 7. confectentur. ibidem 23. quam. 179. 36.  
statuatur. 183. 6. enim. 188. 5. sciscitari. 189.  
3. siccitatis. 191. 27. dia. 192. 5. mente. ibid.  
7. profficiente. 195. adde in margine, αὐτοχθών.  
ibidem 18. somno. 196. 14. inuentas. 201. 27. ip-  
se. 204. 4. obtineat. ibidem 9. adde, quo elen-  
torū. 215. ult. ego. 220. 4. ante hūc appone, atq.  
24. 12. ipsum. 225. 10. dele se. 230. 9. sacrificorū.  
232. in marg. Dea. 240. 5. eneus. ibid. 19. certā  
displicet in hac narratione modi mutatio, &  
quoties alibi idem factum. 241. 12. Alcmaonis.

248. 2. homines loquuntur. ibidem 4. post ex-  
 probrant adde daemones in ijs latentes. 253. 23.  
 exercitium. 254. 1. usurpant. 255. 9. dele qui.  
 264. 5. post Tusculana adde, scribit. 267. 5.  
 putent. ibidem. 11. deusent, fateantur. 272. 22.  
 dele in. 275. 13. ipsarum. 276. 10. dele Quin.  
 277. 7. dele &. ibidem 9. portiuncula. 281. 22.  
 post proinde adde, cum. 285. 27.prehendende.  
 289. 13. leui. 291. 9. loco. ibidem 13. locum. 342.  
 19. dele cum. 345. 1. solertia plusquam humana.  
 356. 25. videretur. 359. 18. Critiam. 362. 20.  
 post sic adde, eas. 371. 3. ante tristis adde, inquit  
 Solinus. 372. 1. esset. 375. 10. fuissent. ibid. 13.  
 tantam. ibidem 23. mentiretur. 380. 29. post  
 foeminas adde, a. 384. 23. extruit. 385. 3. Ari-  
 ano. 409. 13. petuntur. 418. 10. ante eiusmodi  
 pone, quia. 426. 20. gratificaretur. 429. 13. nos-  
 se. 431. 7. illa.

Ad calcem additurus eram censuram in-  
 quisitoris, sed quia is, dum hic liber excuderetur  
 è viciis excessit, quod reliquum est, profiteor me  
 nihil hic voluisse dicere, quod fidei S. Romanae  
 ecclesiae aduersetur. Quòd si tamē mihi per  
 imprudentiam tale quicquam exci-  
 derit, pro non dicto haberi  
 velim.









*Idem ex rerum ad vitam utilium inuentione VIII.  
demonstrari. 344.*

## LIBRI QVINTI CAPITA

*DEVM saepe vindicando impiorum scelera sua I.  
providentiae significationem dedisse. pag. 357.*

*Exempla manifesta ultionis divinae secundum II.  
ordinem praeceptorum decalogi. 362.*

*Experimenta aliquot poenarum futuri seculi. 374. III.*

*Ex premiis in hac vita redditus DEI providentiam declarari. 381. IIII.*

*Ex prodigijs & ostentis eandem demonstrari. 386. V.*

*Nullo seculo defuisse prophetas 396. VI.*

*Ex futurorum praesensione DEI providentiam VII.  
confirmari. 401.*

*Ex miraculis creaturarum facultatem superan- VIII.  
tibus idem liquere. 406.*

*Omnium sapientium consensu Dei providentiam IX.  
am stabiliri. 409.*

*Ex omnium gentium consensu colligi aliquod X.  
numen mundo praesidere. 418.*

*Quid respondendum iis, qui existimant rerum sin- XI.  
gularum providentiam cum libertate arbitrij  
pugnare. 428.*

*Adhuc alio modo evitari posse objectionem, quae XII.  
a libertate sumitur. 437.*

*Quod providentia specialis non repugnet con- XIII.  
tingentia casui & fortuna. 442.*

1877

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

The South

Ex hoc naturali iudicio Deum humani generis **VIII.**  
curatorem demonstrari. 147.

Idem ex terroribus quibus mens sibi malè con- **IX.**  
scia percellitur, doceri. 149.

Idem liquere ex fiducia quam bona conscientia **X.**  
gignit. 154.

Quod sublata diuina providentia nemo impro- **XI.**  
bus esse aut peccare dicendus sit. 156.

Quod impotentia hominis ad beatitudinem con- **XII.**  
sequendam argumento sit esse aliquid homine  
maius quod humani generis curā gerat. 162.

Quod visibilis mundi pulchritudo testetur ho- **XIII.**  
minum vitam DEO curā esse. 167.

## LIBRI TERTII CAPITA.

Unum quendam esse totius uniuersi finem. 174. **I.**

Ex hac totius uniuersi in commune bonum pro- **II.**  
pensione Dei providentiam confirmari. 178.

Deum non solum mediante cælo, sed immediate **III.**  
quoque mundum regere. 180.

Fuisse quoddam uniuersale diluuium & ex eo **IIII.**  
elucere, quod inferior mundus ἀπρόνοητος non  
sit. 192.

Quod mens quæ mundi providentiam gerit, sit **V.**  
ipse DEVS. 200.

Cælum non ab interno principio moueri, sed à **VI.**  
mente extrinsecus assistente. 203.

Cælum non moueri ab anima, sed ab intelligen- **VII.**  
tia quæ à cælo absoluta sit. 210.

- VIII. Quod ex precedentibus inferatur cælum diuina gubernatio: et subiacere. 216.
- IX. Esse quosdam alios spiritus, qui cælo non adherent sed inter homines versantur. 218.
- X. Ex idolorum miraculis idem confirmari. 228.
- XI. Nonnunquam homines quadam facere, quæ sine demonum opæ fieri nequeunt. 236.
- XII. Ex hisce spiritibus Dei puidēciā demonstrari. 258.
- XIII. Ex anime origine liquere, quod inferior mundus non sit expers diuina prouidentie. 261.
- XIII. Eandē anime originem aliter probari posse. 269.
- XV. Idem alijs rationibus demonstrari. 278.

## LIBRI QVARTI CAPITA.

- I. Bruta quadam facere non minus ingeniosè, quàm si mente prædita essent. 282.
- II. Bruta nequaquam per innatas vires facere, quæ supra cōmemorauimus. 292.
- III. Ex precedentibus sequi bruta animantia DEO curæ esse. 299.
- IIII. An organa in uiuentibus à natura, an ab extraneo plaste formentur. 301.
- V. Adhuc alia quadam in sublunari mundo cerni unde appareat Dei prouidentiam cælo minime terminari. 317.
- VI. Humanum genus occulto instinctu ad quasdam res gerendas incitari, idquæ primum rationibus probari. 324.
- VII. Ex historys idem liquere. 329.
- Idem

FINE  
R

*Coll. S. Blasi e Condi*

A. PANDIMIGLIO  
RESTAURO  
DI  
LIBRI - ROMA



